

АЛЕКСАНДР
ЛЫСОВ

АТТӢ
ТІЯНЛЫ



Коми
книжной
издательство
1991

Александр Лыуров

АТТЬÖ ТІЯНЛЫ

ПОВЕСТЬ
ВИСЬТЪЯС



Сыктывкар
Коми книжной издательство
1991

84 Ко-4
Л 88

ISBN 5-7555-0326-5

© А. А. Льюров, 1991.

КОДЛЫ ВОЙНА, А КОДЛЫ И...

ПОВЕСТЬ

1942 вося май — июнь

Военкомат дорсянь вoсьлалісны мужикъяс, зонъяс. Ётияс — плака пасьта москияс вывтi, мoдъяс — шылялыштoм чoраса туй кузя. Нoпъяссo карса пристаньo лeччoдасны телегаясoн. Пасьтасьoмaoсь oмoлика, медым coмын вoны запаснoй полкoдз. Бoр гортас татшoм кышантo кодi ытас, а кодi и шыбитас: мыйла транспортсo вeсьшoрo тыртны, нoкыс сылы война дырйиыд и сiдз тырмo. Но том йoз пoвстын тыдалісны и мича паськoмаяс. Co, oти зон пасьталoма кoричневoй вoротника гoна тужурка, юр вылас пoлoстыштoма сэтшoм жo рoма кубанка, виль сапoга. Злобин сійoс районнoй центрысь эз аддзывлы, тыдалo, ылыс сиктысь. А вoт зонлoн соскo шашаритчoм бордoвoй шляпаа да визяорда куысь вурoм жакета нывсo тшoкыда паныдавліс райoтделo вoсьлалігoн. Татчoс. Уджалo семеннoй лабораторияын. Злобинлы лoис интереснo, вештыштiс oшиньсьыс занавeссo, матoджык ляскысис рама бердас да мoдiс видзoдны немoй киноын моз вeжласьысь серпасъяс вылo. Зонмыс абу шыбитана, нылыс мича и. Кoнi бара тoдмасьoмaoсь? И Артемий Ефремович дыр колльoдiс найoс видзoдласнас, кытчoдз эз саявны универмагдорса чукыльo. А co и том нывбаба колльoдo асьыс да семьяыслысь дoнаторсo. Таян абу кутчысьoмaoсь: син водзад оз кoсйыны петкoдлыны асьыныс сьoлoм пeсьoмсo. Но и сiдзи ставыс гoгoрвoана: гoзъялoн, колoкo, куим ныла-пия, а налысь вердысь-удысьсo co лoo колльoдны юр усян туйo.

Кымынысь нин война заводитчoм бoрас сулавліс тадзи Злобин oшинь дoрас, кымын мужичoй да зон

пройдитіс татшом колоннаяснас. А мужикуловыс бара на өкмөма пөшти пароход тыр. Но и йөз районын, быттьө помасьлытөм.

Артемий Ефремович лөсьөдыштис чуңьяснас паськыд тасмаува гимнастерка чуқыръяссө, вөчис некымын воськов кабинет кузяыс да лэдзчысис письменной пызансайса креслөө, малыштис водзө чургөдыштөм гөссялөм кынөмсө. Некымын во сайын на, кор уджаліс участкөвөйын, вөлі том пожөм кодь статя, а мыйөн вуджөдісны райотделса начальникөс вежысьөн, кынөмыс мөдіс быдмыны, лоис плакат вылө серпасалөм буржуйлөн кодь. Радейтө пукавны креслөын: сиктъясын да посөлокъясын гурйысьысыяс отделас и сытөг тырмөны, а сійө пыр пызан сайын гижис, некор чөскыд сөян-юанысь эз бөрынтчыв. А мыйла? Лавкаясын бөръя воясө, майбыр, лоис ставыс, мый лолыдлы колө. А вот спорт да физкультура эновтис. Кыдзкө абу и лөсьыд котравны: райотделса начальникөс вежысь. Мөд делө, кор вөлі сиктын — гираяснад быттьө мачасьліс, а өні найө кум пельөсын бус эшкынөн шебрасьөмаөсь.

Шуөны: отделса начальник пө быд асыв котралө, көть эськө нелямын сайө нин. Сылы мый, кокныд — лишной яйтор ни гостор, быттьө строевой мерин. А Злобинлы йөз син водзад пыркөдны рушкусө абу окота, нөшта серам туйө воас. Вот кор лоас отделса начальникөн — мөд делө, сэки позяс и подчинённойяслы пример петкөдлыны. А кор на ещө тайө көсийөмыс збыльмыс? Но век жө ичөтик надея эм: отделса начальник некымынысь сетліс рапорт вылысджык начальстволы, медым ыстисны фронт вылө, да өнөдз сөмын көсийсьөны. А друг делөыс бергөдчас, сэки и... Но та йылысь водз на мөвпавны, сөмын весьшөрө дзерөдны асьыд ловтө.

Патриотической гы кыпөдліс и Злобинөс. Война заводитчөм бөрас шыөдчыліс жө начальство дорө татшөм корөмнас, да «Тані — фронт жө» резолюциясь кындзи, немтор эз вермы шедөдны. Сы бөрын оліс чөв. Торйөн нин сэки, кор воис юөр, мый паспортной столса вөвлөм начальник Юрков, коді ас вөлясьыс жө мырдөн вөзйысис фронт вылө, усьөма Ленинград дорын. А быттьө өд төрыт на колльөдіс сійөс Злобин, вом дорсьыс, кажитчө, өні на кылө торйөдчигөн юөм вина көрыс. А со, вөлі морт — и абу. Гөтырыскөд паныдасигъяслөн весиг абу лөсь-

ыд: быттё мыжа таысь, ёнөдз дзоньвидза да. Тайё войнаыд абу гражданскöй кодъ: кор ёнiя Сыктывкартö вöвлөм Усть-Сысоьльсктö, босьтлөмаöсь комын белогвардеец... Со и лөнис Артемий Ефремович, нукö-уджалö шоныд да югыд жырьын. А коритны некод эз лысьт. Рапорт сетлис? Сетлис. Мед эз öткажитны дай. Не кө найö, ёни вермис Юрков другыс местаын лоны — братскöй гуын. Немтор он вöч: тани фронт жö, кызди шуö начальство, тылын Злобин кодъ боецъясыс ёна жö колöны.

Дерт, татчöдз ылын, фашистъяс оз вермыны шыбитны диверсантъясöс, но... быдсяма йöзыс на öд эмöсь. Век колö кутны вежöрад вождьлысь индöдсö, мый кымын водзö ми мунам, классöвöй тышыс сымын чорзё да ёсьмö. Миян ёни кулакыд абу, но öткымынъяс бöрся ёна на лöв видзöдны. Со неважөн Ыбса колхозын ён, бур вöв джагалöма дом йылас. Кызди гөгöрвоны тайöс? Ёни öд быд вöвлөн доныс зарниысь вылынджык. А миян начальник прöститис конюксö, абу пö мыжа. Мöд колхозын кукаянсягас мöскыс кулöма. Кöни нö вöли скöтничаяс, кытчö видзöдис ветфельдшер? Бара прöститны али мый? Тадзтö фронтыдлы оз вичмы вый ни яй, нянь ни ва-леги. Мырийöрымын пö баляяссö крысаяс сёйöны. А эсийö бабöйс? Думайтöма, зонмö, колхоз гөрб вылын овны: му вывсьыс шепъяс чукöртö да гырьын масьтö. Кос мудзтöдтөг ни пöсь кисьттөг небыд көвдум сёйö. А миян начальник чунь пырыс видзöдö татшöмторъяс вылас. А öд пöчöсö веськыда киöдыс кутим. Ещö и бöрдö: вердысь-удысь öтка пиёй пö юрсö пунктис война вылö, а менам пенсия ни пособие на абу, кызкö пö öд колö овны, кынöмтö тувъяд пö он öшöд. Быдөн кө тадзи мöдасны вöчны? Чорыд кабырö колö босьтны найöс, мед эз лысьтны никöстнысö, медым быд грамм нянь, быд яй тор, быд килограмм вурун да баля ку вичмис фронтлы. А кызкö-мыйкö тани йöзыслы овнысö позяс, көть, начальство шуём серти, и тылын фронт жö. Колö казьтыштны та йылысь начальстволы, а то вывти нин кодсюрö либеральничайтöны. Колö аслыс Злобинлы тшöкыджыка петавны командировкаясö, сэки и тöлкыс лоасджык, зуыс мöдас чорыджыка вуштыны кыти колö, бурджыка весавны ковтöм чульсö да ёгсö. Кад нин босьтчыны та бердö. Артемий Ефремович кузь да сук смоль съод юрсисö кинас шылькнитöм бöрын стрöга

кӱрис паськыд синкымъяссӱ, неуна векуштіс вӱсни вом доръяссӱ, весиг зывӱка вежыньтчыштіс паськыд бордъяса нейджыд нырыс, быттьӱ сы водзӱ сувтӱдісны мыжмӱм мортӱс. Сійӱ чорыда шамыртіс телефон трубка. Кад дейтвуйтны, тырмас участкӱвӱйяслы чусавны, колӱ, медым наысь резіс чишкалысь би.

* * *

Катерина котӱртіс Вичкошор шуйга берег пӱлӱн. Кокъясыс асьныс нуисны сійӱс фермалань лӱччысь ордымӱд. Найӱ тӱдісны татысь быд чукуль, гуран да мыльктор: кымынысь ӱд прӱйдитӱма бӱрӱ-водзӱ вит во чӱж скӱт картаад ноксигӱн.

Кыр горулын сӱд мусӱ пыкис кодзула енӱж улын югзыштӱм паськыд ота Эжва. Сӱтчӱ, ферма дорас, и усис Вичкошор. А Эжва катчӱсыс, кӱні дебаркадер пыдди сулавліс киссьӱм баржа, берег дорын дурисны некымын том зон да ныв. Гырысьджыкъяссӱ война куртіс нин. Том йӱз, тыдалӱ, виччысисны жӱ: талун ӱд кывтас Сыктывкарсянь первой пароход.

Нывбаба эз пыр картаын дежуритысь войся скӱтнича дорӱ, эз матыстчы и том йӱз дорӱ, а сувтіс Эжвалӱн крут берег вылӱ. Сійӱ тӱдіс: оз тыдав пристаньдорса ныв-зонлы. А мый кӱть и тыдалӱ, шуам. Кодлы кутшӱм мог? Сійӱ ӱд МТФ-са зав, локтіс видзӱдлыны тайтӱяссӱ, войся скӱтничалысь ноксьӱмсӱ. Но век жӱ бурджык сайӱдчыштны йӱз син водзысь.

Уль руӱн ӱвтысь паськыд ю дорын ыркыд. Катерина лӱсьӱдыштіс шальсӱ, ӱнджыка шымыртіс шевкнитчӱм пась пӱлаяссӱ. «Ок, эськӱ ӱні кӱ топӱдлыны сійӱс ыпъялысь морӱс бердас, чӱскыда гычӱдны мусукуыслысь нюдз тушасӱ гаж бырӱм да зумыд, но кор колӱ юсь гӱн кодъ небыд сойяснас. Лемасис эськӱ мусаыс нывбабалӱн гажтӱмтчӱм телӱ бердӱ, шӱпнитіс эськӱ шоныд лов шынас: «Но и пач тӱ, Катюша...» Тайӱ серпасысь нывбаба веськыда сыркмунлі, ӱвкнитіс сӱлӱмыс...

Сикт катыдын тыдовтчисны бияс, а сӱсся пельӱдз воис кӱлесаяслӱн ваын тӱдса буткӱдчӱм. Пароход. Биясыс ӱтарӱ матысмисны, ярмисны, ворсӱдчисны вералысь ваын. Со нин ясыда тӱдчӱ мыгӱрыс. Палуба вылын корсюрӱ ломавлісны биторъяс, быттьӱ посныдик чусалысь ӱгыръяс, тыдалӱ, куритчисны мужичӱйяс. Со нин пароходыс орччаасис прис-

таньод, но эз сувт сэтчө. «Кылөдө транзитөн рекрутьясөс Котласөдз»,— мөвпыштіс нывбаба.

Сьөлөмыс Катериналөн видзчысьөмысла да зэвтчөмысла мөдіс веськыда ыркъявны: «Кывтө али оз? Көсийс өд сетны төд...» И сэки палуба вылын ыпнитіс истөг тув.

— Öти...— гора шөпнитсис Катериналөн.— А гашкө, кодкө öзтіс чигаркасө, гашкө, сэсся оз нин ыпнит биыс? Мөд...— нывбабалөн топавліс сьөлөмыс, кор мөдысь аддзис пароходлөн пемыд палуба вылысь югыд дзоридз кодь биторсө. И эз вермы кутчысьны рикөстөмысь коймөд истөг тув öзйылөм бөрын. Но сылөн шоглысь ортсө ылькнитөм горсө вевтисны нывзонлөн гөлөсьяс.:

— О-о-о-о!.. А-а-а!.. И-и-и-и!..

Тыр горөн отсасис и няжгысь хромка. Зыкыс лөнис сөмын сэк, кор пароход мөдіс бергөдчыны Ваньөпиян грездувса чукыльө.

Сьөкыд висьтавны, мый вөчсис Катерина морөсын, но сійө кутчысис, сөмын васөд да руассьөм синъяснас колльөдіс кывтысь бияссө.

— Господьöй, көнкө кө тэ эм!— зэв збыльысь, энъкаыс моз жө, кайтыштіс нывбаба, сьөдовлөз небесаын дзирдыштлысь-вералысь кодзувъяслань видзөдлассө веськөдөм бөрын.— Видз сійөс, эн сет прөпадитны, вөч сідз ыджыд милөстьнад, медым бөрвоис гортас... Оз жө өд ставсө виавны сэні? Со тай, Курьядорысь воөма Исө Кольө, сөмын пө син пөлаа... Но өд ловъя! Ловъя!

Гашкө, нывбаба и водзө на кевмысис, но сэки друг сійөс шөгөдіс, сэтшөма дількмуніс сьөлөмыс, өдва эз восөд. Шузьөмсө да шоммылөмсө эз сөйлы, талун пөшти немтор на вомас эз босьтлы, не сэтчөдз... А мыйысь нө шөгөдө, мыйысь? Висьмис али мый нин?

Катерина мытшасьліг да джөмдаліг восьлаліс төдса ордымөд гортланьыс, шлөнгис-муніс нем мөвпавтөг, ас пытшкөсас кывзысиг. Недыр мысти шөгөдөмыс прөйдитіс, лоис кокньыдджык. Но кытчө вайөдісны сійөс ас вөляысь шавкйысь кокъясыс? Нывбаба видзөдліс гөгөр: гортдінса пелысь пу пыдди сулалісны коръястөм на гырысь льөм пуяс, кодьяс бытьөкө кияссө кыпөдөмөн кевмысьöны, медым өдйөджык шондөдіс да найө вермисны вөччыны веж платтьöөн. Асас воөм Катерина гөгөрвоис, мый сулалө

вөвлөм дякөн керкадорса садйын. Гырысь вежөсь-
яса тайö көрөминаас öнi колхоз правлениелөн кон-
тора да челядълөн ясли-сад. Со, вөлөмкө, кытчө вай-
өдөмаөсь сылөн кокъясыс, төдөны, небось, көнi муса-
ыскөд торйөдчытөдзис колльөдiс медбөръя здукъяс-
сө. Лов вылас лонс нөшта сьөкыдджык, да нывбаба
котөрөн сорөн уськөдчис кыр паныд.

Гортас вөли биа. Төвъянладорса öшиньясыс юг-
зисны, гожъян горничаясас эз на петны. А гашкө,
төвъянас и оласны, кык мортыдлы нө уна-ө места
колө? Эм и паччөр, и гөбөч выв, шоныд да паськыд
пөлать. Дай идрасьнысө да пелькөдчынысө öти ве-
жөсад кокныдджык, кадыс этшаджык колө.

Энькаыс — Парась тьöt, кызди сийөс ыдждөдлiс-
ны сиктсаяс — мелiа видзөдлiс монь вылас да ваялiс
кывтысь мыйсюрө нуръясыштны. Катериналөн, дерт,
сьөлөмыс эз вөв местаын, кутшөм нин сөйөм, но эз
көсийы öбидитны мам моз төдждысьысь энькасө да
пуксис пызан сайө. Но мыйөн матыстiс рыська йөла
паньсө вом дорас, мыйкө пытшкөсас бара дiлькмунли,
комөкөн кайис горшас, өдва кутчысис восөдөмысь,
чужөмыс кельдөдiс быдөн. Энькалөн рудов сюсь синъ-
ясысь нинөм, небось, он дзев. Лөсьөдыштiс кось-
мыштөм вөсныдик чуњьяснас сьөд чышьян увсьыс
дзор юрсисө (ötка пныслөн финскöй кампания дырйи
усьөм бөрын эз нин пөрччыв сьөд паськөмсө) да шу-
ыштiс:

— Висьмөмыд тай, ныланöй, чужөмад вирпасыс
абу... Часлыв, уразнöй турун пузьөдышта, кос öми-
дза тшай пузьөдла, аски сола чернысь нянь пөжыш-
та...

— Оз ков немтор: двoryн пажнайтiм да, тыдалө,
мыйкө... — өдва вермис вочавидзны Катерина да ыт-
көбөн петiс сарайө.

«Видз, енмöй, миянөс, грешнöйясөс, став лөксьыс
да шогсьыс, — кайтыштiс Парасковья моньыс петөм
бөрын, сувтiс ен ув пельөсө öшөдөм сьөдасьөм öбраз
водзө, чөвтiс пернапас, коскөдзис копыртчылiс да
нуөдiс водзө: — Пресвятая мати-богородица, видз
ассьыд синтө моз öтка моньөс, кодкөд нө сэсся мө-
да овны, лоас кө мыйкө ськөд... Пиөс тай, öтка вер-
дысьөс да надөжаөс, господьöй, босьтiн кадсьыс водз
ас дiнад-а... Пресвятая мати-богородица, сет убнен-
нöй Степан-воинлы мөдар югыдiн да шоныдiн».

Парасковья тьötкалысь кевмысьөмсө торкис кер-

као пырысь моньыс. Сійо мыссис кодзыд ваон да, коксьыс сапогсо шыбитом борын, нюждочис полатювса пу кроватю, гон вольпась выло, вевттьысис эшкынон. Энькаыс, недыр тапикасьыштот да стенлань чужомон куйлысь Катерина выло синсо човтлом борын, кусодис лампысь бисо да, кыло, кайис гобоч выло.

Но сылон эз узьсы, одолитисны монь йывсьыс, пи йывсьыс думьяс. Степаныс готырсо лелькуйтлис: лэдзисны ко бать-мамыс, пуксьодис эсько и ен джаджю. Вочасон налон радейтомыс вуджис и Парасковьялы, а веросыс — Кирю йылысь немтор и сёрнитны — кувтодзыс видзодис Катерина выло акань выло моз, эз уболитлы кесюдлыны. Но авья да йоз диню сибагысь моньыс влома зев зиль, киподтуя, ачыс аддзо уджто, ставсо бергодо горт гогор; эз кольчыв и колхозной удж вылын, покостю нуодо пошти мужичюй пасьято, и гор юрид оз летьяв да шыбласся отаромодарю, и вольд бороздасыд оз пет. Индисны сесся сиюс скотничая, кыподисны фермаса заводз. И некод оз элясь: ладмо моньыс йозкод. Гортаныс гогор дзимдзурк, скот идралома, ошинь ув чышкома... Кыяс моньыслон быттьо ворсо: голь семьяд абу велалома весь овны. Сяммис и гажодчыны — сывны коть йоктыны. Киподтуйыс пыр жо петкодчис: стенин модисны ошавны вышивайтом кузьчышкодьяс, ошиньын еждодисны прошви занавесьяс, пизаньяс вылын — кыом дораяс. И ачыс, чурки-буди, мед оз вомдзась-а, шовкуг кодь, мича да авья. Кыдз но сесся он радейт татшом моньто? Сонын тай мыйко, тыдалю, эз ладмы томьяслон: луньяс, вежоньяс, толысьяс лэбисны, а Кирю да Парасковья век на вольны внуктомось. Степан эз радейт гозья кост оломо бать-мамлысь ныр суюом, та вюсна Кирю готыр эз смелмодчыв сёрнитны пиыскод да моньыскод. Мукодыс тай дас во олом борын челядьяслоны: ен сетас — внук лоас. А сесся писо нунисны финской компания выло, сэки и воштис юрсо. Со и оло бабон шысьтог Парасковья. А сылон веросыс Степан пиыс усьом борас дырсо эз ов, отка пи вюсна съод шогыс косьтис, а сесся и винис Кирюос. Вот и видзис моньсо энькаыс асьыс нывсо моз. А талун со моньыс воис скотной дворсьыс быгалом чужома, сейны ни юны оз вермы. Мый бара лоома, асылодзыс ко оз лэдз, ковмас фельдшерос чукостлыны, быд лун тай ошинь увтис ветлодло.

А моньыслөн сөмын жө дөрөмыс узис. Восөдөм бөрас кокньөдіс, ставыс инасис ас местаас. Но Катерина эз нин кыпөдчы. мед не пальөдны энькасө, мед нин узьыштас, сьөлөмсө шогсьыс личөдас. Колө шуны, мый уна челядя гөль семьяын Катеринаөс меліалөм пыдди сөмын кесйөдлісны: прамөй сөйөм ни юөм. Но гажа оласнога ныв велаліс быдтор дорө, вермис уджавны вөрын и ваын, ыбьяс и видзьяс вылын. Кор Степукыс вайөдіс сійөс гортас гөтыр пыдди, первойсө вежавидзис да полыштіс. Но сэсся лоис ас мортөн, а кор аддзис, мый айка-энькаыс видзөны сійөс ныв пыдди, Катерина дзикөдз сыліс, став сьөлөмнас мөдіс кыссьыны энька-айкаланьыс, быттө катшасин шонділань. Эз мешайт весиг сійө, кор казяліс — Стөпукыс сылөн абу тыр-бур мужик, көдзыд да вынтөм ас кежын. Статя и вежөра, бөръя кадас бригадираліс весиг. А вот гозья кост олөмыс өтарө лаймаліс, радейтөмыс Катериналөн мөдіс кысны, вевттьысьны пөймөн көдзалысь пачын өгыр моз. Но та вылө видзөдтөг, весиг өні пөшти быд лун казтьыліс поконик верөссө; эз кө усь, колөкө и ладмис делөыс, гашкө. кутшөмкө нөрпалөм вөлі сылөн, позис на өд бурдөдчыны. А сэсся век жө нывбаба казяліс: тайө абу нин муслун, а прөстө жалитөм.

Но сы пытшкын радейтөмыс ыпнитіс яр биөн өні. Кутшөм шудаөсь вөліны луньясыс, кор сы олөмө өн төв нырөн ырөбтыліс-пыравліс сійө, кодөс төрыт ва ньылыд кылөдіс пароход. (Катерина весиг мөвпнас эз казтьывлы сылысь нимсө, поліс: вермас гөгөрвоны энькаыс). Донъявны мусасө Катериналысь — збыльысь оз сюрны кывьяс, тайөс вермас гөгөрвоны сөмын сійө, коді ас вывтис кыліс да чувствуйтліс став телөнас, сьөлөмнас да ловнас донаыслысь радейтөмсө, матыслунсө, пөсылунсө. Кымын вунөдны позьтөм гуся рыт колльөдөма... Дерт, тайө здукьясыс вичмывлісны эз нин сэтшөм тшөкыда: ковмис дзебсясьны йөзысь, мудеравны энька водзын. Но ставсьыс таысь Катерина оз каитчы, кыпид да долыд лов вылас, шуда нывбаба нимкодя видзөдө аскиа лунас: быдөн өд сэні оз жө усьны, дай войнаыс сылысь өтиөс босьтіс нин. Сөмын тай мыйкө тарыт лонс ськөд, некутшөм выть абу, шогөдө и.

И сэки Катериналөн юрас быттө югзьыштіс, воис мөвп, а сэсся и стөча гөгөрвоис: сьөктөма, бөръя рытьясас, медся чөскыд сутшьясас. Эз төд, мый

вöчны — шогсьыны али нимкодясьны, серавны али бöрдны. И сэки жö невöляысь петіс нюмыс, кор казьтыштіс, кутшöм тöлктöм да сямтöм вöлöма мусаыс, быттö синтöм кутю, кöть зурöдöмөн велöд. Дзик жö тшыг кычан кодь горш, но öдйö пöтысь. Катерина весиг шытöг серöктіс. Нимкодь синваöн ырсмуніс-унмовснс.

А тасянь уна верстыяс сайын райцентрса öти керкаын чöскыда узис и кубанкаа да коричневöй воротника тужуркаа зонмöс армияö кольöдысь ныв Клава, кодөн нимкодясис аслас кабинет öшиньсяньыс милиция райотделса начальникöс вежысь Злобин ёрт. Моднöй пемыдгöрд шляпаыс да визяорда куысь вурöм дона жакетыс öшалісны кухняын.

Кык во чöж радейтчисны том ныв да зон. А сэсся бöрря кадас кор сйö муніс райцентрысь гортас, адзысьлісны шоча, но век жö лоисны матыссаясөн. И со талун Клава колльöдіс мусасö, янсöдчисны код төдас мый дыра кежлö. Но сйö виччысяс, кöть мед мый, да виччысяс бөр воёмсö. Тадзи и шуис карса пристаньын торйöдчигөн. А кор призывникъясöс пыртісны нин торйöдөм пöv потшöс сайö, Клава ещö на кавшасьліс забор вылас да горöдіс став йöз дырйныс:

— Виччыся, кöть кызь вит во!

И тасянь морöсас ыпнитіс смеллуна би: «А мый? Ковмас кö другыслы отсöг, вермас и мунны война вылö». Тövнас Клава помаліс медсестраяслысь курсьяс. Ранитасны кö мусасö, сяммас бурдöдны сылысь дойяссö.

Карысь гортас, райцентрö, воём бöрын Клава кежаліс чайнöйö нурьясьыштны. Мудзис, веськыда лигышмуніс. Сэки паныдасис Злобинкöд, ыджыд тушаа, паськыд чужöма милиционеркöд. Тешкодьөн нывлы кажитчис, мый Злобин здоровайтчигас весиг мыччыліс зыр пасьта лапасö да юаліс, кызди сйöс нимтöны. Лоис висьтавны.

— Буртор вöчин, Клава ёрт,— кужтöг шмонитыштіс Злобин,— колльöдін фронт вылö...

«Кымынысь паныдасьлісны, да кыв ни джын, а талун на тэнад!— мövпаліс Клава.— Киасьöмөн здоровайтчö, сёрнитöдö? Мый эськö татчö шуан? Кутшöм мог тайö милиционерыслы, кодöс да кытчö коді колльöдö? Тешкодь? Да, тешкодь!»

Но Клава немтор эз шу, сөмын чуймөм сингъясөн колльодіс лөсавтөм гыр кодь тайё мужиксө. Век жё милиционер.

* * *

Кык друг — Геня да Лёша — пукалісны фанера ящик вылын. Геня, открыткасө пидзөс вылас пуктөмөн, гижис гортсаясыслы: «...Тані Кировской обласьын, быттьо и орчөнөсь, но төдчымөн шоньдджык. Сыктивкарын пуясыс кортөмөсь на, а тані вежось. Луннас поэьо нин ветлыны өтпөлөсөн...»

Лёша поездөн мунігөн нимкодясис воча төвзысь вөр-ваён да гусьон кыйкнитльвліс ёртыслөн гижөдө: мый нин татшөм зілясө стрөчитө Геня.

— Писатель дай сөмын! Кык сутки на коліс гортысь петөм бөрын, а кымын открытка нин мөдөдін, быд сувтлігөн котралан вокзалө. Быдөн кө мөдасны тэ моз вөчны, ок сьөкыд лоө почтаса уджалысьяслөн сумкаыс! — сералө друг вылас Лёша.

— Вот бырасны открыткаысыс да сэки и дугда гижны, — воча серөктіс Геня, но открыткасө век жё дзебис.

А Лёша паметьö Киров кар коліс эз вежөдөм газонгъясөн, кустгъясөн да пуясөн, эз. Дыр мөдас помнитны сійөн, мый тасянь заводитчис тшыгъялөм. И эз өтнаслөн, а тшөтш и Генялөн. Поезд виччысигөн Кировын кык друг ветлісны гуляйтны. Лёшалысь нопсө, көні вөлі и сукар, и быдсяма чөсмаянторйыс — шаньгаяс, черинянь, пуөм кольк да мукөдтор, — колісны көлуй чукөрө. А воисны бөр — сөмын местаыс. А Генялөн эз вөв немтор. Нянь тупөсьыс бырліс нин. Сійө өд абу Вежтыдор сиктысь, эз бать-мам дінсьыс туйө пет. Со и пользуйтчисны кык друг өти нопса сёянторйөн. Воши Лёшалөн нопйыс — со и тшыгъялөны ёртгъяс. Бур, мый табак көшельясыс колісны. Шпуткісны лөзөдтөдзыс да быд сувтлігөн котралісны станциясө да паровоз дорө вала. Позис эськө накөд фронт вылө мунысь мужикгъяслысь корны сукар, но том йөз яндысисны.

Поездыс сувтіс, да ёртгъяс петісны асланыс вагон-теплушкаысь осьса платформа вылө. Сэні кокныбджык: оз аддзыны мужикгъяслысь дугдывтөг сёйөм-юөмсө. «Мөсгъяс, — нимтіс найөс Геня, — дугдывтөг рөмидзтөны, картіасьөны да. Зывөк весиг».

— А тѳдан, мый?— индїс Лѳшалѳн кубанка вылѳ другыс.— Вай вузалам тайѳс... Тѳ ѳд абу кубанскѳй казак. Фронт вылад тайѳн оз удайтчы тшапитчыны. Сѳні сетасны шынель, пилотка... Сїдз жѳ ковмас шыбитны, а кодкѳ кѳть вѳччас-красуйтчас тѳнад мича кубанкаѳн... Миян нянь сетасны сы вылѳ... Вузалам?

Час джын мысти найѳ — шапкатѳмѳсь, но нянь тупѳсяѳсь, жаритѳм трескааѳсь да йѳв сулеяаѳсь — бѳр кавшасисны асланыс теплушка-вагонѳ. Геня вашъяліс:

— Иналам кѳ ещѳ коричневѳй воротника мича тужуркатѳ, сѳк эськѳ тѳа-меалы смела позис мунны буржуйяс моз Владивостокѳдз! А тѳ со джентльмен, кѳть рушкуад и гуръялѳ.

— Кысь нин койгортсаяслы лоны джентльменьясѳн,— водзѳссѳ чуткис Лѳша,— налы, старьевщикьяслы, сѳмын эськѳ мед йѳз кѳлуйѳн вузасыны...

Кыкнанныс гир-гир серѳктїсны. Налы, сѳян судзѳдыштїсны да, ѳні вѳлі долыд. Найѳ ныр на ныр пуксисны ящикьяс вылѳ да сатшкысисны рудзѳг няньѳ, ѳн пиньяснас нетшкисны косьмѳм треска да кылѳдлісны сѳянсѳ йѳлѳн.

Кѳть кутшѳма другьяс эз виччысьны эшелонын Вѳлѳгда, а сѳні и пѳсь сѳян, поезд мыськовтїс-мунїс сѳтї сувтлытѳг. Теплушкаяссиянь дзоргысь зоньяс да мужикьяс син водзтї сѳмын тѳвзыштїс-колис бѳрѳ вокзаллѳн еджыд стрѳйбаыс. А стрелкаяс вылын да рельспом костьясын кѳлесаяс быттьѳ нарошнѳ дѳзмѳдчисны:

— Ме-ным не-кор, му-нам во-дзѳ... Ме-ным не-кор, тѳв-зям водзѳ...

Эшелон кежис лунвыввлань да мѳдїс кырссыны Москвалань нуѳдысь кѳлеятї.

Кыдзи жѳ лоисны другьясѳн Геня да Лѳша? ѳд налѳн чужан сиктьяс костаныс кыксѳ верст. А ставыс артмис зѳв прѳстѳ. Райцентрын ветфельдшерьяслысь школа помалѳм бѳрын Алексей уджалїс чужан сиктас — Вежтыдорын. Кѳльѳм гожѳм налѳн ветамбулаторияѳ пырис ягвивса рыжик кодь статя, сѳстѳм чужѳма тѳдтѳм зон. Тшѳтшья кымын. Видзасис, нюжѳдїс ѳн чуньяса кабырсѳ:

— Фельдшерско-акушерскѳй пунктса выль зав Геннадий Расов! Техникум бѳрын...

«Интереснѳ, мыйла веськаліс татчѳ, ветамбулато-

рияс,— мөвпыштис Алексей,— өд лечитоны тані пемөсьясөс?»

Алексей видзчысьөмөн да кытшлалөмөн казтыштіс та йылысь.

— Кывлі, тиян аптекаыд озыр,— нюмдіс Расов.— Локті удждысьны: бырис камфорөвөй вуй, а кор на ваясны. Кори эськө районысь да. Но и, дерт, төдмасьны окота, лоам бур суседъясөн, чайта?

Та бөрын унаысь мездывліс Расовөс Алексей, сетавліс, мый лишалө. Вочасөн и матысмисны өта-мөдныс дорө. И частө өтлаын нывъяскөд колльөдчывлісны. Öти гоҗся лунө друг җрыма-җрамакылыштісны пос тшупөдъяс, зымакылыштісны посводз плакаяс, гурйыв воссис өдзөс: Алексей водзө сувтіс кельдөдөм чужөма Геня Расов, ышкө-пошкө, быттьө сийөсысь мынөм вөв. Қыв шутөг босьтіс другө халатөдыс да мөдіс кыскыны. Налөн амбулаториясыс вөліны керка кост ылнаөсь.

— Локтіс мужик пинь кыскыны,— оръясян гөлөсөн висьтавліс Расов.— Шуө: висян пинь кыскы, но здоровөс нетшыштан — борд вечиктө кусынъта... Ачыс повзьөдчысь кодь, быттьө вөрысь петөм гундыр... Санитаркаөс чукөсті — кытчөкө уйкнитөма. Тэ и лоан ассистент да свидетель пыдди, а то татшөмыд вермас и збылысь ки-коктө быдманінсяныс нетшыштаны...

Мыйся полөкалө воөма другыс дорө, Алексей некыз эз вермы гөгөрвоны. Татшөмыс Вежтыдорын өдвакө эм. Ставыс лои гөгөрвоана, кор пырисны амбулаторияө да Алексей адзис орчча җрездысь воөм Кастусь Мишкалысь кузь тушасө да пожөм туган кодь пашкыр юрсө. Дерт, вермис сийө повзьөдны том мортөс. Тайө мужикыслөн өбликыс сэтшөм, көть збылысьсө эськө гутөс оз вөрзьөд да.

Кастусь Мишка сюркняліс-кыскыштіс ас улас пөшти порог дорөдз нюжөдөм шыран модаөн кресталөм кокъяссө да лөсьыдджыка пуксис креслоас. Чужөмыс сылөн вежыньтчыштөма, быттьө чуман, полөмысла ли, пинь висьөмысла ли, Алексейлөн друг петіс нюмыс. Расовөдз недыр фельдшераліс нывбаба. Öти висьысьлысь сийө нетшыштлөма висьтөм пинь. И со, «доктор» йывсьыд славаыс абу на кусөма. Со Кастусь Мишкаыд и повзьөдөма җрөзитчөма. Расов халат пасьталіг да инструментъяс лөсьөдігкөсті Алексей зілис сайкөдны кыкнаннысө: эз өд весьшөрө ни-

мав сійо вома-кыла мортон. Вөлөмкө, Кастусь Мишлы воома военкоматысь повестка, да, загрекийд, висьмома пиньыс. Мунтодз пө колө нетшыштны сійос, а то война вылад пө не фашистодз лоө. Сэссия нюмь-эвтис да юалис:

— А тэнө, ветфельдшерсө, мыйла вайөдис: вөлөн али мый чайтө менө?

Кумнанныс гир-гир серөктисны. Висьысь весиг вунөдис пинь йывсьыс. Сэссия Расов матыстчис инструментон, чужомыс эз нин вөв вушйом ситеч кодь. Алексей сувтис кресло бөрө да лөсьодчис, ковмас кө, быттьө, отсавны другыслы.

Колис сутш-мөд, висьысь весиг авөстныс эз удитлы: нетшыштөм пиньыс гольсмуні тазйө.

— Гашкө, босьтан сьорсьыд? Казьтывтны кутан, кызд вомсьыд мерин пиньтө кыскисны,— шмонитыш-тис Алексей.

Кастусь Мишка висьталис уна аттьө, сьөлөмөй пө веськыда личмунис, а поли пө. Вывті нин пө тэ том, Геннадий Акимович, өні пө ме гитлерьяслысь сювсө каттысь лола на.

Висьыс мунөм бөрын Геня серөктис:

— Весьшөрө повзьылөма. Менө весьөпөртлис и — пиньыс ансьыс кыпалөма, ачыс эськө татчө вольтөг вермис нетшыштны.

Тайө вөвлөмтор йывсьыс, колөкө, и эз ков сёрнитны, но водзын миян геройяслөн туйясыс крестась-ласны на, сы вөсна и төдмөдим тиянөс Кастусь Миш-какөд.

И со өні пөт кынөма кык друг төвзисны эшелонын, кытчөдз сійө эз трангысь-сувт Вөлөгдасянь лунвы-лөджык, нейджыд Грязовец карө. Сійө этша мыйон торьялис Сыктывкарысь: сэтшөм жө өти да кык судта воймөм стеньяса пу керкаяса, а на костын көнсюрө еждөдөны кирпичысь кыпөдөмаяс. Сөмын тані луннас ымралө нин шоныдыс, шарөдчөны төв вылын корьяснас веж пуяс. Уличаяссө вевттьөмаөсь изйөн, москиясыс абу жө плакаясысь. Стройон муні-гөн сөмын гальскөны подкова бөра салдатскөй ка-машиясыд. Ставыс эськө бур: вердөны куимысь лун ид шыдөса шыдөн, зөрья рокөн, узьтөдлөны сөстөм вольпасын. А вывті бур нин сійө — Расовкөд весь-калисны өти взводө. Мукөд землякьяссө аддзывліс-ны сөмын столөвөй дорын. Куим лун велөдөм бөрын найөс ыстисны маршевөй ротаясө.

МНС — младшій начальствующій составъяс дасъ-тан школао — эшелоньс веськалісны сѳмын некымынѳн: найѳ, кодъяс грамотнѳйджыкѳсь да томѳсь, но эз на прѳйдитлыны военнѳй подготовка. А туша-рожа вылад эз видзѳдны: дзоля кѳ туша, мед. Уджыд ѳд муын, а абу пуын. Геня да Алексей удитѳмаѳсь нин быдмысь гумъяс моз нюжавнысѳ, дерт, пельпомъясыс вѳліны векныдджыкѳсь на, но тайѳ мутѳ, град йѳртѳ ой-ой лукйылісны.

Висьѳм кодъ асывъясин водз чеччыны. Но зонъяс коркѳ и сѳтчѳ велалісны. Но медся ѳранторйѳн Алексейлы лоисны обмоткьяс — кык метр кузъта «сапѳг гѳленьяс». И не сѳмын сылѳн. ѳдвакѳ ротаын сюрис курсант, кодлы эскѳ воис сьѳлѳм вылас обмоткынд. Дневальнѳйлѳн «подъѳм» горѳдѳм бѳрын куньса синъясѳн на курсантъяс чеччыштасны нар вылысь, заводитасны гартны кокчѳръяс кузь «гѳленьсѳ», а тупылыд унзіль кысыд мынѳ, обмотка тупыль гѳгыльтчѳ джодж шѳрѳдз. И бара ставыс заводитчѳ вылысь, йѳзыс стрѳйѳ сувтѳны, а кужтѳгыд «сапѳгасьысыд» век на гѳленьсѳ гартѳ. Ок, сюрлѳ татшѳм немруйдылы и отделеннѳйсянь, и старшинасянь! Но ньѳжйѳн пѳ и ловпу нюкыльтчѳ, велалісны таѳ и мян зонъяс.

— Позьѳ овны, позьѳ служитны,— шульвліс занятыеяс костын куритчигѳн Алексей, асьыс волейбол кодъ шырѳм юрсѳ малалігтыр. Век на сйѳ эз велав, мый абу нывъяслѳн радейтанторйыс — читкылясьѳм сьѳд юрсныс.

— Ещѳ на ыджыд вѳліны эскѳ позянлунъясыс,— суйсыыліс сѳрниѳ взводлысь серам петкѳдлысь запевала Маркин,— пѳвар кѳ ыджыдджык дарйѳн шыдсѳ лѳдіс. Вѳвлѳм салдатъяс абу весьшѳрѳ шулѳмаѳсь: шыд да рок — салдатлы медбур вок...

Қолисны лунъяс, вежонъяс. Велѳдчѳм муніс водзѳ.

— Регыд нин петлицаясѳ ѳшѳдасны треугольничьяс,— нимкодьясис Расов,— и мунам фронт вылѳ. Сѳтчѳ кыскѳ менѳ, а тѳнад, Маркин, сѳмын сѳян кынд кузь — узян и олан, пыр рушку йывсыд и мѳвпалан.

— Удитам на воуйтнысѳ,— ѳвтыштчыліс Расовлѳн сѳрниысь Маркин.— Асьым фашистѳс ме чергѳдысьѳн лола на, тѳнад мышку сайѳ, Расов, ог дзесъы, эн пов.

Курсантъяс ставон мовналисны фронт выло одиджык муном йылысь.

Фашистос курсантъяс адзылысны школаас воом борын мод луннас нин. Сомын локтисны тактической занятияс вылысь, юрбтис воздушной тревога. Рузразмунисны, саймовтчалисны кодi кытчo. А фашист повтог лэбис кар весьто довмуном мича енэжод; самолёт-разведчиклон бордыясы корсюрo лoстышталисны, горыс эз вoв мян машинаяслон кодь, воис пельодзид гысон — то лоньыштлас, то гораммылас, быттьо омляло: «Ууу-у-у».

Геннадий сулалис стен бердын взводса командир-лейтенант Гончаровкод орчон, но некодныслон лог видзодласьясыс эз вермыны вoчны лекторсо сынoдын козянтысь фашисты.

Расов пыдди пуктис ассыс командирсо. Абу вылын ныра, бур сьолoмыс. Таысь сийос и пыдди пуктисны взводын. А Геннадийос Гончаров покoритис сэки, кор сийo воштис тактической занятияс дырйи муод кыскасигон винтовкасыс штыксо. Хомутиксо, тыдалo, абу тырвийo бергодoма. Казялис да сер нин воли... Таысь вермисны чорыда мыждыны. Кор висьтасис взводнойлы, сийo oти отделениекoд мунис корсьны вошoмторсо. Уялисны-кыскасисны веж турун повстын, кони велoдчис взвод. И сюрис oд. Кутшoма нимкодясисны курсантъяс ертыс вoсна. Oни сийос оз судитны ни оз пуксьoдны гауптвахтаo.

Гончаров сувтодис Геняос отделение водзо, петкодлис, кызди йитны штыксо винтовка ствол бердо.

— Штыкыс, бырины ко патроньясыд, боецлон oружие, — индис аслас чужом вылысь пошти чунь кузя горд порот выло. — Тайo пасыс фашистской штыклон. Эз сяммы менo винысо. А ми сийос виам тайo винтовканас. Винтовка виo бион, штыкoн да прикладoн! Тoдой та йылысь, курсантъяс.

Торья нин сы борын курсантъяс кутисны радейтны ассыныс взводнойсо, гордитчисны, мый Гончаров фронтовик, ранитчывлома, тани госпиталь борын нин. Гордитчисны ношта и сы вoсна, мый Гончаров — кадровой командир, а абу курсьяс вылын «пожалом» офицер. Сы вылын и паськомыс пукалис — быттьо льякoма, ни oти лишной чукур ни пакур. Сапог голеньясыс лoсталoны. Курсантъяс зилисны лоны сы кодьон жо, весиг честьсо сеталисны лейтенант моз жо, кызко весиг тшапа.

Фронт вылө пыдди ёртъяслөн ордымыс кежис пыді тылө. Оти асылө Гончаров нуөдіс некымын курсантөс запасной полклөн гожея клубө, коді сулаліс карса нейджыд паркын, На лыдын вөліны и Алексей да Геннадий. Стройын восьлалісны ротаса медбур лыйсьысыяс. На пөвстысь быдөн вермисны синсө көрталөмөн разны-чукөртны винтовка, ручной пулемёт, ылө шыбитны граната, өдйө котөртны противогазөн. Дженьыда кө — курсант-отличникьяс.

Клублөн сцена вылын пукаліс полкса комиссар Лобанов. Сійө өтиён-өтиён чукөстліс курсантъясөс ас дінас. Сцена вылысь найө лэччывлісны зумыш чужөмаөсь. Сідзкө, эз нимкодьтор юөрт налы комиссар Лобанов.

Воис очередь и Алексейөдз. Сійө шыркнитіс чуньяснас тасма увтіыс, медым эз вөв ни өти чукыр, лөсьөдыштіс фуражкасө да мөдіс керавны-восьлавны комиссарлань.

— Батальонной комиссар ёрт, курсант...

Лобанов өвтыштіс кинас:

— Аддза, бура служитан, земляк.

Алексей өдва эз усь гатшөн: тайө олөма мортыс сёрнитіс комиён.

— Чуймин? Ме Спаспорубысь,— нюмдіс Лобанов.— А тэ? Вежтыдорысь? Пөшти суседьяс... Кыдзи нин мян сәні олөны?

И Алексей заводитіс джөмдалігтыр висьтавлыны гортса делөяс йылысь. А комиссар окотапырысь кывзіс курсантөс. Од кымын во нин сійө эз волы Луза бокса чужан местаясас. Дерт, Вежтыдор ылын Спаспорубысь, но өд бокын олігад и ас муысь воөм пышкай кажитчө землякөн!

Вель дыр варовитөм бөрын Лобанов нюммуніс:

— Көсьян лоны командирөн?

— Ми сэтчө и велөдчам,— вочавидзис курсант.

— Средной командирөн. Тянлы, медбур курсантъяслы, срокысь водз присвоитасны сержант звание. А сэсса мөданныд велөдчыны шөр командирө — гөрд офицерө. Гөгөрвоин, земляк? — бать моз варовитіс Алексейкөд батальонной комиссар.

— Ми жө...— быттьө бөбмис Алексей.— А кыз нө?.. Кор нө фронт вылас?.. Вермас войнаыс помасьыны мянтөг...

Комиссар чеччис пызан сайысь.

— Пиук,— вежсьом гөлөсөн шуис Лобанов,— удитан на сэтчө, сийö оз на помась талун-аски. А фронтлы колöны и командиръяс.

Алексей видзöдлис Лобанов вылö, гогнитис юрнас, сетис честь да швыркнитис-бергöдчис... Батальонной комиссар видзöдлис ылыстчысь курсант вылö да радлис, мый вермис ещö некымын тöлысь кежлö нюжöдны тайö зонъясыслысь олөмсö, сетны сөвмыштны-ёнмыштны войналөн изки улö сюртöдз. Олөмад быдторийыс овлö — велöдчас, кольö ловйөн, вермас лоны сыысь поэт, а, гашкö, инженер либö артист. Оз быдөнöс вины и фронт вылын. Сийö со ловйөн колис. Бурдöдчас да бара мунас сэтчө.

А курсантъяс восьлалисны ротаö, сьөлөмъяс вылас вöли сьöкыд: регыдья кадö оз на удайтчы воюитны фашистъяскöд. Найö тöдисны: фронт вылын вывти сьöкыд, а налөн отсöгыс, гашкö, бергöдас делөсö мөдарö. Ок, кутшöма найö колöны фронт вылын! Та йылысь мөвпалисны быдөн, öд неважөн на налы лыдисны Верховной главнокомандующойлысь гуся приказ...

Учебной батальон кыпöдисны тревога серти, петкөдисны ыб вылö. Гөгөр морт ни лов, медым бокөвöй пельöдз эз во нинөм. Сырмысь сьөлөмөн курсантъяс кывзисны тайö приказсö.

«Миян войска аснаукөн энөвтисны Ростов, колисны враг гыж улö советской йөзөс... Советской йөз пиысь унаөн эз мөдны эскины Гөрд Армиялы...»

И приказ помас — чорыд да стрөг кывъяс:

«Öнисянь ни öти воськов бөрö!»

Курсантъяс эз вермыны видзöдлыны öта-мөд вылас, быттьö мыжаöсь и найö. Налы чайтсис: вöлины кö эськö Ростов дорйысьяс лыдын, татшөм лекторийыс эськö эз ло. Воюйтөм пыдди сутшкалöны идзас аканьясöс, шылалöны пу гранатаяс, кысьясьöны нйит му вывти.

Комиссар дорысь казармаö воём бöрын Расов тувкис другыслы пельпомас да вежалана юалис:

— Батальонной комиссар ёртыслы тэ рөдвуж?

— Дугды дзуртнытö, пучöй!— збыльысь дөзмис Алексей.— Рөдвуж: сылөн пöльыс да менам пöль — кык пöль.

Другъяс дузгöдчөмөн торйöдчисны да весиг лө-

гасьлісны óta-мөд вылас, эз сёрнитны Архангельскөдз.

Архангельскын, военнөй училищеө мунігөн, зонъяс петісны Исакогорка станцияын поездысь. Джуджыд берег вывсянь воссис Войвыв Двина сайын нюжөдчөм Архангельсклөн мича серпасыс. Юлөн паськыд морөс вылын өтарө-мөдарө ветлісны морской суднояс, гырысь пароходьяс, груза баржаяс кыскалысь съодасыөм буксирьяс. Неуна ылынджык быттьө лөзоват ру пиын тыдалісны гырысь керкаяс, съөд тшынөн сынөдсө няйтөсьтысь кузь трубаяс. Збылысь — промышленнөй кар, он өткодяв ни Сыктывкаркөд, ни Грязовецкөд, весиг Вөлөгдакөд.

Исакогоркаын шөйтыштөм да медбөръя сукар торьяссө сельди сорөн йирөм бөрүн ёртьяслы лон гажтөм да найө шуисны видзөдлыны карсө матысяньджык. Пуксисны ю вомөн вуджөдчысь нейджыд буксир вылө да вуджисны Войвыв Двина.

Асфальтөн вевттьөм Павлин Виноградов нима паськыд проспект кузя другьяс восьлалісны орччөн, варгисны-сёрнитісны. Но эз дыр удайтчы гуляйтны-нимкодьясны войвыв крайса столицаөн. Курсантьясөс сувтөдіс бронган гөлөс.

— Ноко, талань сынөй, вермишельяс!

Вөлөмкө, проспект мөдарын налы паныд локтө морякьяслөн комендантскөй патруль, кодөс эз казьяны ызгиг-варовитігас курсантьяс. Лоис кывзысьны, вуджны проспектсө да матыстчыны морякьяс дінө.

Атаман кодь флотскөй старшина шурк-шарк кытшовтіс другьяс гөгөр да стрөга юаліс:

— Кутшөм колхозысь?

Татшөм налькьяс зонъяс веськалісны первөйысь дай старшина вөлі тешкодь. Найө видзөдлісны óta-мөд вылас, прысьнитісны-серөктісны.

— Мыйся серам?— гымыштіс старшина.— Петкөдлөй документьяснытө!

— А тэ, треска кыйысь адмирал, эн зэв лэптав ныртө,— эз вермы терпитны татшөм вышитчөмсө Расов,— чиныд абу нин сэтшөм ыджыд, медым горзыны мяян вылө!

Флотскөй старшина кыскис куд кодь паськыд морөсас сынөдсө сы мында, мый өдва эз резьды бушла-тыс, да равөстіс:

— Ма-а-алчать, салака! Служба он төд, а тэкай-тан. Ме официальной морт, комендантскөй патруль!

А оно, марш мянкѳд комендатураѳ! Равняйсь!
Смирно! Шагом марш!

И лось среднѳй командиръясѳ, Алексейѳ да
Геннадийѳ, патруль нуѳдїс комендатураѳ гауптвах-
таѳ.

1942 вося август — сентябрь. Райцентр, Вежтыдор

Библиотекаръ Наталия Ивановна — косїник ту-
шаа олѳма нывбаба — ѳдва удитїс пасътавны халат-
сѳ, кыдзи сапѳгъяснас кума-камакылїг воис сы вод-
зѳ некѳр вѳвлытѳм гѳсть — Злобин. Наталия Иванов-
на чѳвтлїс видзѳдлассѳ милиционерлѳн зумыш чужѳм
вылѳ да мѳвпыштїс: «Мый бара ковмѳма, тайѳ ѳд
весьшѳрѳ ѳдзѳс дзиртѳ оз зырт?»,— и сѳки усис дум
вылас: милицияса выль начальник некымынысь нин
звѳнитлїс, корис вайны книга, кѳнї сетѳма морт
нимъяслысь вежѳртассѳ.

— Локтї видзѳдлыны мый вѳчанныд, Ната-
лия Ивановна,— здоровайтчѳм бѳрын пырис сѳрнїѳ
Злобин.— Пѳпуттьѳ и сїѳѳ книгаысла...

— Водза-водз оланныд, Артемий Ефремович, ѳк-
мыс часѳдзыс ылын на. Ме тїян дасътї. Со сїѳѳ...

— Служба, служба, Наталия Ивановна, ми вок-
лы оз позъ нѳрпавны узян висъѳмѳн: война.

Библиотекаръ сѳмын довкнитїс юрнас, а ачыс ду-
майтїс: «Мыйла нѳ сѳтшѳма ковмѳма тайѳ книгаыс?»
И некыдз эз вермы гѳгѳрвоны.

А Злобин, мыйѳн воис аслас отделса начальник
кабинетѳ, тѳрыба восьтїс книгасѳ, сатшкысис сѳтчѳ
видзѳдласнас, а вомгорулас кайтїс:

— Артемий, Артемий, Артемий... Правильнѳ,
менсъым нимѳс кѳ вуджѳдны мян кыв вылѳ, лѳѳ за-
видьтана здоровъеа... А вичѳй... Со тай, Ефрем —
плодовитѳй...

Эз вермы кутчысьны вак-вакѳн серѳктѳмысь.

— Но и сѳтавлѳмаѳсь жѳ кузь бурысьясаыд мян
рѳдлы нимъястѳ, но и сѳтавлѳмаѳсь... Да, сїдзкѳ на-
чальник прав... Сїдзкѳ ме — Завидьтана Здоровъеа
Плодовитѳйѳвич. Вот тѳныд, сѳкъя тшак! Да-а-а!

И сылѳн син водзын невѳляысь сувтїс отделса
вѳвлѳм начальник Анисим Афанасьевич Ждановкѳд
медбѳръяысь аддзысьлѳмыс.

— Но, пуксыштлам вай, другө, кузь туй водзын, — вöвлөм отсасысьлы делöяссö сдایتөм бöрын шуис Жданов. — Со и тэ кыпöдчин ещö öти тшупöдөн вылöджык. Ме тэ арлыднад участкөвöявлі на, быдсяма шышъяс бөрся быгзытöдз вöтлысьлі. А тэ со начальниклөн креслöын нин.

Злобин эз весиг калькнитлы вомсö, а кызди век, оліс чöв. Дай мый шуас? Эськө велалис кö нин выль креслö дорас — мöд делö, мöд ног эськө муніс сёрнибасниыс, Злобин эськө эз видзöдлы, мый сы водзын вöвлөм начальнигыс.

Жданов, кузякодь öтлаын уджалігад, тöдмалис нин, мыйся морт Злобин: эз лыддьыв сійöс тölка мортөн. Но йöз эз тырмыны, лоис быть кольны ас местаас. Дай ковмас кö, районөн веськөдлысьяс отсаласны, индасны, мый да кызди вöчны. А öні сöмын шуис:

— Креслöад эн вужъясь; седлö вылын тэнад местаыс, синмыд мед вöлі водзад и мышкад. Эн вунöд, мый пельпом вылад юр. Сійöс сетöма мөвпавны. Но, а выныд да здоровьеыд тэнад, Артемий, торйөн нин, быттö, ним сертиыд кö босьтны, тырмасны.

Жданов кыпöдчис, ковтөг мольöдыштіс дженьыда шырöм юрсисö, мыччис вына чуныяса кисö.

Злобинлөн весиг шонавліс морöсыс: начальнигыс эскö, мый сійö тайö креслö вылас шогмана морт, оз ылав. Анисим Афанасьевич нимнас шыödчывліс тölка сотрудникъяс дорö, кодъясöс пöчитайтіс, кодъяслы эскыліс да сетывліс медся кыв кутана уджсö.

Да, биа из Ждановыд — олöма морт, а вермис докажитны быдөнлы — сылөн местаыс öні сöмын фронт вылын. Збыльысь, Анисим Афанасьевич вермис сетны сэні ыджыдджык пöльза: воуйтлöма томсянь гражданскöй дырйи, бырöдавлöма быдсяма бандаяссö. Дерт, Злобинлысь морöспань увсö быттö кутшöмкö здозув нятшкис-нён्याліс жö, да öд кодлыкö колö и тані веськөдлыны отделнас.

Öні зато тыр лад гөгөр — креслöас вужъясис, быттö нэмыс сэні пукавлöма. Ачыс ыджыд и пасыкыд, кызди нö он сэсся пыдди пукты татшöм начальниктö, со и некод оз вудж Злобинлысь кывсö не сöмын отделын, но и районуын.

Злобинöс босьтіс дивö. «Тыдалö, сэки, Ждановкөд прöщайтчигас, юр вемöй кизьөрмылöма, кызди нö либö эг гөгөрво ме вылын сералöмсö, шмонитөм-

сө? — ас кежас мөвпаліс Злобин. — Но и Жданов, но и Жданов, ковмас кō быттьō, беслысь кулан лунсō вермас тōдмавны. А книга серти кō, менам нимōй абу нин сэтшōм шыбитана, а батьōлōн — кōть кув-тōдзыд серав. Плодовитōй!»

Звōнитіс. Сутш мысти сы син водзō сувтōм завхозлы стрōжитіс:

— Аски муна командировкаō. Ветлігкості ōдзōс-сō писькōдōй со татчō, а важсō тупкōй! Соотвествен-нō вештōй мōд стен дорō пызан, улōсъяс и так да-лее...

Злобин бōр сатшкысис книгаас: «А кутшōм ве-жōртасыс Клавдия нимлōн?» Аддзис да вак-вакōн гōрōктіс. Начальник вылас видзōдлōм бōрын завхоз каллян сьōлōмōн, шыр моз уйкнитіс ōдзōс сайō. А Злобин ас кежас гōрдліс-сераліс кабинет тырнас: «Клавдия — латинскōй кыв вылысь — чотликасьысь».

...Рытьядорыс нин триньōбтіс телефон. Трубкаысь райкомса первой секретарлысь гōлōссō кылōм бōрын весиг кыпōдчис креслōсьыс.

«Чолōм-здорово, Артемий Ефремович, мōгōн: дзи-кōдз гōльмим, райком разаліс сиктъясō, некутшōм транспорт абу. Гашкō, тиян мōдōдчōны Вежтыдо-рō?» — кыліс Злобин трубкасыс тōдса гōлōс.

— Ачым личнō, Илья Иванович...

— Гургōдан, гашкō, тшōтш...

И сōмын трубкасō пунктōм бōрын дōжныштіс юрас: «А мый мōда вōчны Вежтыдорас? Дерт, позьō участ-кōвōйлысь уджсō ревизуйтны да мый да. Мунтōдз ещō ковмас сёрнитчыны райвоенкомкōд — талун-аски мōдасны призывайтны нывъясōс».

Некымын лун нин Злобинлōн юрын ветлō гут моз гильōдчысь мōвп: «Ладмас кō эськō менам кōсйōм серти делōыс? Колō ладмōдны... Быдтор на ладмы-ліс и тайōс ладмōда!» — мōвпыштіс сйō, да кодкō быттьō выйōн мавтыштіс сьōлōмсō.

Отдел кытшовтōм бōрын звōнитліс гортас, тшōк-тіс водзджык ломтыны пывсян: лысьōмсō небзьōдліс быд туйō петōм водзвылын и гортас воōм бōрын. Та йылысь тōдіс гōтырыс, кодлы пывсян вōдитōмыс ка-житчыліс вуж додь кыскōмōн. Дерт, ōшинь дорад лун-лун кивыль керлытōг пукалігад, век ыстысьліс омōль здоровье вылō, кōть эськō врачьяс немтор эз аддзыны. Вир дышмис, кузь лунōн патерасō ōдва идравліс. Весь олōмыд да преник-кōлачōн юмов чай-

тö отарö дуньгöмыд ассьыс босьтö: кызіс, рудзöг чумали кодь лон, пасьталас оборкиа сарапансö да ратшкöны вурьсьясыс. Первойсö верöсыс шмонитывліс, а сэсся дözмис, кöдзалис, мед синнас оз адзы. Не кö нылыс да пиыс, эськö важөн нин бөр Эжва йывса вөрö вошöм грездас мöдöдіс да. Ок, чорыда тасасис горшас гöтырыскöд понъя-каня олöмыс.

Эжва йылын участкөвöялігөн том мывкыднад эз кывзысь бать-мамыслысь, гöтрасис олысь крестьянинлөн отка ныв вылö. Сэні жö и патеруйтліс. Но, вөлöмкö, аслыд пöвтö збылысь колö бөрйыны оз йöктаніны, а му-видз вылын. Регыд мысти кватитчис — дыш вөлöма гöтырыс, да сёр: Окулиналөн кынöмыс вöлі нин морöс вьвтійс. Злобин вөлöма збыльысь плодöвитöй рöдысь. И эз сöмын гöтырыслы тырмыв, но и бокö ветліс. Сиктын агрономалис томиник зон — Вельков. Йöзлөн видз-му вылö разöдчöм бöрын милиционер частö нуödливліс Вельковöс прöйдитчыны грездъясöд. Довгöны кык интеллигент, кызди ыдждöдліс асьнысö Злобин, юкмöсьясысь чöскыд кöдзыд ва юöны, упкöны жарыса, но водзö и водзö лашкöны-мунöны асланыс участокöдыс. Медся ылыс грездас, пöшти вөр дорас куткыртчöм керкаын оліс-выліс, кыз шуасны, сьылігтырйи том да зіль дöва. Пыравлісны, шойчывлісны сы ордын, юлісны ырöш, а то тагъя сур, кöзййкаыс кодь жö чöскыдöс. А сэсся милиционер эз мöд сьöрсыйс кыскавны агрономöс. Колис кад и ичмоньыд челядясис, но таысь мыжаліс эз Злобинöс, а том агрономöс. Сійöс пиыслы батынас индöма да сылысь и мöдісны перйыны алиментсö. А Злобин ветліс да шпынн्याліс интеллигент другыс вылын: тэнад пö, Вельков ёрт, жалöванньöйд ыджыд, сійөн пö ыштіс тэ вылö чöскыд сур пуысьыд. Мöдыс сöмын син гугөн видзöдливліс вöвлөм другыс вылö, но кывсö кутіс пинь саяс: ыліджык кытшовтан — онджык ляксьы.

«Көн нин бара олö-вылö менам интеллигент другöй? — шпыньмуніс öні Злобин.— Овсис, тыдалö, сылөн сур кодь чöскыд да кодзöдысь баба борд улын. Дерт, көнкö воуйтö, эз на кö вошты кытчöкö ыжлөн кодь йöй юрсö...»

И зэв дөвöля содтіс воськовъяссö, быттьö кыліс нин патера дорсьыс жар пывсян көрсö, а мышкыс быттьö кыліс нин пöсь ва пиын леммöдöм корöсьлысь яй дінö сибыдлунсö. Злобин, нырбордъяссö

паськӧдліг, лашиктіс-пошкис гортланьыс, кӧть эськӧ уджалан луныс эз на помась.

А со и семеннӧй лабораториялӧн гырысь ӧшиньяса стрӧйбаыс матысмӧ, тыдалӧ нин керка вевтыс. Лаборатория кильчӧ дорӧ воигӧн недыр кезлӧ вошліс лолыс: а мый, мыччыяс кӧ?.. И кыліс ӧд Артемий Ефремовичлӧн тӧдысь сьӧлӧмыс воськовьяссӧ, а сэсся шуда синъясыс аддзисны сійӧс. Сӧмын нылыс ӧні эз вӧв моднӧй гӧрд шляпаа да дона жакета, а вӧсньыдик маркизет платтьӧа, туфлияса. Қаштанӧвӧй юрсиясыс шавмунӧмаӧсь пельпом вылас, векньыдик плеш вылас лэччӧмаӧсь моднӧй чёлкаӧн.

— Клава ёртлы миян почтение! — ылысянь на нюжӧдіс кырымсӧ. Артемий Ефремович видзӧдліс часі вылас да содтіс: — Талун ӧд субӧта, позьӧ вӧлі и водзджык мунны...

Клава кӧсйис котӧртны Злобин бокті, но мӧдыс моски вылас таджьясьӧма да кытшовтнысӧ лои некыті. Сэсся нывлы окота жӧ лои юксьыны шогьяснас: вывті нин мелі синмӧн видзӧдіс сы вылӧ милиционер, а кывъясыс выйӧн мавтісны гажтӧмтчысь да инас ӧшйывтӧм сьӧлӧмсӧ.

— Шуаньыд жӧ, директриса миян некод вылысь синсӧ оз вештыв, ӧти нывбаба челядыс вӧсна асывнас сёрмыштіс да судитны кӧсйӧ.

— Война, Клава ёрт, война! Оз позь вӧжжисӧ личӧдны. молодец тіян директрисаыд!

— А меным тшаква,— эз сетчы кывйӧ Клава, москибокса эжа вывті милиционерӧс кытшовтӧм бӧрын нин петкӧдліс кабалатор: — Мед видлас судитны, со военкоматсянь пӧвестка воис, вот и муна гортӧ водзджык.

— Законнӧ, Клава ёрт, законнӧ! — сӧгласитчис Злобин.— Некод нинӧм оз лысьт вӧчны. А мыйкӧ кӧ друг, шуам, лоӧ — веськыда ме дорӧ, отсала. Вот тадз, Клава ёрт!

А ачыс вӧлӧс ньӧбысь-донъясысь чиган синмӧн малаліс да лапкӧдіс нывлысь мича мыгӧрсӧ, Стать вылас видзӧдӧмӧн пӧтан, сӧмын тай быттьӧ кокъясыс вӧсньыдджыкӧсь, дай пидзӧсьясыс водзланыджык сетчӧмаӧсь.

«Сідзкӧ, найӧс регыд нуасны! — гораа шусис Злобинлӧн.— Талун жӧ лоӧ сёрнитлыны военкомкӧд, а то лоӧ сёр».

А Клава тотшкӧдіс джуджыд бӧра туфлияснас

гортланыс. Сійӧс эз повзьӧд повестказыс, мӧдарӧ: морӧсыс мӧдіс вылӧджык кыпавлыны, тырис нимкодълунӧн. Медтыкӧ армияс босьтісны, а сәні Қлава сяммас аддзыны мусуксӧ. Корсяс, непременно корсяс, тырмас та вылӧ морттуйыс, юр вемсӧ катша эз на кокав ни.

* * *

Сулалісны вуй сылан, мича гоҗся лунъяс. Кельыдлӧз енәжын ломаліс мусӧ жаритысь шонді. Буса туй бокъясӧ шылькнитчӧм пашкыр кызьяс да льӧм пуяс ониша вугралісны. Юр весьтын корсюрӧ сетліс ассыс мыла гӧлӧссӧ тыдавтӧм колип. Ок эськӧ шыбитчывны кӧ туйбокса вежӧд вылӧ, шевкнитны киястӧ да небесалань чужӧмӧн ланьтӧдчывны вуджӧр сайӧ, дерт, кӧдзыд шорысь чӧскыд васӧ юыштӧм бӧрын.

Но Сидоров пыр жӧ вӧтліс грекӧ вӧйтысь мӧвпсӧ ылӧджык, чӧвтліс видзӧдлассӧ орчӧн пукалысь милицияса вель начальник вылӧ, коді ыджыд сямӧн кутіс гырысь кабыръясас кучик вӧжжияссӧ. «Мед кӧть эз жӧ казаяв, мый райкомса первой секретарӧс тойлӧ ордлыас омӧлыс, кыскӧ ыркыдінӧ,— повзьыштіс мӧвпнас Сидоров.— Да, Илья Ивановичлы ӧні оз позь чилӧдчывны весиг сутш кежлӧ. Ӑд районӧ кольӧм нывбабаяслы, пӧрысьяслы да челядьлы ок, зэв сьӧкыд идравны видзьяс, тӧдӧ: уджалӧны ставӧн синсьыныс би петтӧдз, мед сӧмын кызкӧ-мыйкӧ кокньӧдны фашисткӧд воуйтысь верӧсьяслӧн, пиянлӧн, вокъяслӧн пай вылӧ усьӧм сьӧкыдлунъяссӧ. Тӧдіс Сидоров и сійӧ, мый унаӧн оз нин сейны пӧттӧдз, оз помнитны, кор узьлісны медбӧръяысьсӧ личмунӧм сьӧлӧмӧн, кор гажаа серӧктывлісны, кыпыда сывлісны да йӧктывлісны. И сійӧ, мыйӧн вермӧ, зильӧ отсавны, кокньӧдны нопсӧ, кодӧс кыскисны тылӧ кольӧм войтырыс.

Ӑні татшӧм мӧвпьясыс бергалісны Сидоровлӧн юрын коставлытӧг. Сійӧ нимкодясьыштіс гырыся вӧсьлалысь, лӧсталысь гӧна да кӧрымысла воргаа мышка Ворон вылӧ видзӧдлігӧн да мӧвпыштіс: «Ӑні татшӧм ӧн вӧвъясыслы местаыс колхозын, а со сійӧ весь олӧ, гурйӧдлӧ Злобинӧс. Милиция отделса вӧвлӧм начальник Жданов эськӧ ачыс гӧгӧрвоис вӧчны тайӧс, а Злобинлысь ӧдвакӧ уна пыркӧдан И военкомӧс пӧрийӧдлӧма, кольӧдӧма вӧвсӧ фронт вылӧ

мөдөдөмысь, а татшөм вөвнад сөмын пушкаяс и кыскавны. А телегаыс кутшөм! Резина гөгыля. Кытысь бара аддзөма татшөмсө-а?.. Оз өд весьшөрө шуны кодсюрө, мый милицияса выль начальник, көсьяс кө, и мөскөс сийөсалас».

Гуранъясын лывкыда гычөдигъясө Злобин син бөжнас кыйкнитлывліс Сидоров вылө, мөвпаліс, кыдзи эськө панны сёрни сы йылысь, мый эз вермы вунөдлыны бөръя лунъясө. Сэтшөм телепит, сэтшөм... Но эз өд төд, кодар боксянь матыстчынысө.

— Илья Иванович,— сёрниө пырөдчис Злобин,— кутшөм могъясөн Вежтыдорас? Регыд воам, колө мөвпыштлыны, кытчө сувтөдны Воронөс.

— Сиктсөвет дорас и сувтам,— Сидоров чышкис чышъянторийөн гождъялөм плешсө, бөр картузасис, пысавліс съөд кительсьыс разявлөм вылыс кизьяссө, пыркнитіс галифе вывсьыс туйын пуксьөм буссө, а сэсса вөлисти помаліс мөвпсө: — Бытьтө, тиян кө эм сэні кутшөмкө мог?..

— Юр гыжйыштны некор, Илья Иванович, думайта вылысь видзөдлыны фермасө: сэні өд коркө кукаясигас мөс кувлі...

— Следствие эз аддзы некутшөм криминал, Артемий Ефремович.

— Кыдзи өд да коді нуөдіс сийөс, Илья Иваныч.

— Делөсө тупкыліс Жданов, а ме сылы эска.

Сидоров эз ошкы Злобинлысь водзмөстчөмсө, куысь петмөн зильөмсө, и милицияса начальник ланьтіс да вөйтчис аслас думъясө: «А өд позис и мыждыны кодөксө Сэки эськө и областьса начальство водзын честьө вои... Бура пө уджалө».

Сидоров тшөктіс сувтөдлыны вөвсө. Кокниа чечыштіс джуджыд өднөколкаысь, коксө веськөдлігмоз мөдіс чожа ветлөдлыны өтарө-мөдарө. Сидоров эз радейтлыв гачсө зыртны пукалан местаын, то ли делө подөн, бытьтө та вылө и сетлөмаөсь сылы косіник да пельк тушасө, тэрыб да мудзтөм кокъяссө.

— Илья Иваныч,— бара шыасис секретарь дінө Злобин,— менсьым некымын сотрудникөс военкомат бара нин босьтө армияө.

— Но и мый? — сувтовкерис секретарь, кыпөдліс сюсь синъяссө Артемий Ефремович вылө.— Война, төварыш.

— Нывъясөс призывайтөны и. Гашкө, на пөвс-

тысь кодöскö босьта отделö, мед вежасны мужичöйясöс, служитасны армияын пыдди миянын?

Злобин долыда ышловзис, кор секретарь öднö-колка пуклöс вылö лэдзчысьöмөн вочавидзис:

— Век колö ки пöлöдныд вöдитны. Военкомкöд асьныд сёрнитчöй. Вежтыдорын председательсö нуöны жö, вильöс корсьны и муна. Примета вылын эм öти, нывбаба жö, да старикъяскöд сöветуйтчыны колö: мый шуасны найö?

— Илья Иваныч, кодi нö лысьтас тiянлысь кывтö вуджны? Тiян кöсйöм — закон, медводз кыв кутанныд район вöсна тi.

Сидоров кöритана видзöдлiс пöпутчик вылас, но кутчысис да сöмын шуис:

— Кыв кутам ставөн öтув, а ог öтнам ме, Артемий Ефремович, асланым местаын быдөн. И тi на лыдын. Сöветуйта тшöкыджыка мövпыштлыны та йылысь.

Злобин сöмын курччис кыз льöбсö: «Быдөн велöдöны: водзджык — Жданов, öнi со — Сидоров. Чайтöны, Злобинлөн пельпом вылас рыныш вом тупйöд».

Водзö сёрнитны лои немтор йылысь. Чöv ланьтiсны. Бур, кöть сиктыс вöли нин матын. Со и сиктсöвет.

— Артемий Ефремович, сэсся ог мешайчы тiянылы,— секретарь босьтiс плащсö да портфельсö öднö-колка пуклöс улысь.— Водзö муна подөн, колхозысь колхозö. А тi вöчöй асьыныд делötö, мый колö. Тi сэсся прöстöсь.

Сиктсöветын, томиник ныв-секретарь кындзи, некод эз вöv. Ставыс пö видз вылынöсь. Старикъяс рытöдз, дерт, оз воны гортас. И Сидоров кöсйис ветлыны видз вылö. Сылы эз ков ни нуöдысь, ни петкöдлысь: чужан сиктыс Эжва мöдлапöлын, Вежтыдорсянь верст кызь. Илья Иванович бура тöдiс колхозлысь Эжва бердса видзьяссö.

Аслас начальниклысь вövсö лэдзалис да меститiс олöма нин участковöй милиционер, тыдалö, виччысьöма Злобинöс. Вöдитчис сийö сийöс-заводнас кужöмөн, но видзчысьöмөн, мед не лякöсьтны еджыд гимнастёркасö. А Злобин пöжарнöй сарай дорын сёрнитiс кык детинкакöд, кодъяс пукалiсны ыджыд бöчкаа телега вылын. Друг зонкаяс чепöсйисны, бытьö кодкö сотiс налысь коклябөрьяссö, син лапнитмөн öдьяö вайöдiсны сарайсайса луд вылын йирсьысь сийöса

вөвъяссө, шурк-шарк доддялісны телегаяссө, көні су-
лалісны ва бөчка да кусөдчан машина.

— Көлөкөлнас тонгыны? — юаліс гожъялөмыс-
ла сьөдөдөм чужөма ар дас нөля детинка.

— Оз позь, йөзысь полошуйтчасны! — өвтыштіс
кинас Злобин.

— Тадзтө абу интереснө...

Злобинлы, вөлөм, окота лөма видзөдлыны да и
секретарлы петкөдлыны, кутшөма дежуритө том пө-
жарнөй гвардия. Ставөн, сы лыдын и Сидоров, видз-
өдлісны, кызди зонкаяс вөдитчөны би кусөдан маши-
наөн, да колісны зэв дөвөльөсь, а участкөвөйлөн ры-
жөй уска паськыд чужөмыс веськыда ыпъяліс ним-
кодбысла: төдчө зонкаясын и сьлөн киподтуйыс —
велөдысьыс вөлі сійө. Сидоров юаліс зонкаяслысь:
кажитчө оз уджыс да коді ыстіс татчө.

— Бригадир, коді нө сэсса, — ыджыд морт моз
вочавидзис сьөдов чужөма зонка. — А кодлы нө эсь-
кө окота сөйны кадсө өти трудодень вылө, өд видз
вылын кө эськө кык трудодень на вермисны пасйы-
ны.

— Да, томсянь лоисны татшөмъясыс семья пы-
кысьясөн. төдөны трудоденьлысь дон, — ошкыштіс
райкомса первой секретарь.

Сидоров кыпөдчис сарай вевтывса вышка вылө,
көні өшаліс пөжарнөй көлөкөл, медым видзөдлыны
мөдлапөлө. Сиктсөветкөд орччөн стрөитөм пөжарнөй
депоыс красуйтчис медся вылыс местаас. Татысянь
тыдаліс став сиктыс. Вөлі кө эськө Сидоровлөн сьөр-
сьыс бинокльыс, гашкө, позис видзөдлыны вежтас
дорас пуксьөм чужан сиктлысь джуджыд вичкосө.
Тайө мөвпсьыс ёкмуніс сьөлөмыс — век некор лэч-
чывны гортас, көні гажтөмтчөны пөрысь ай-мамыс.
Но век юр выв тыр удж. Оні вот ладмөдас Вежты-
дорын делөяссө да көть недыр кежлө, но ветлас нин
гортсө видлыны.

Отарсянь баддьөн тырөм, мөдарсянныс крут бере-
гөн топөдөм енэж рөма юсайса видз вылын кодзув-
котьяс моз визлалісны вөлөн юр кыскалысьяс, кы-
палысь зорөд дорын тыдалісны чөвтысьяс. «Сідзкө,
тайө бригадаыс топөдө нин страдасө: гортвесьтса
участокъяссө пыр пуктылісны медбөрын, вундыны
петтөдз. Кад нин, кад, өд коліс нин Илля лун, сы-
лөн, Сидоровлөн, нимлуныс. — мөвпыштіс Илья Ива-
нович да вуджөдіс видзөдлассө тала берегө. көні пө-

жарной сарай горулын шыльквидзисны рудзог муяс. Найо еждодомаось нин: жуйялан ко, шепыс тыр-тёммас, тусьыс сэтысь кисеяс. Сэсся син улас уси и мос стада, кодос детинка-пастукьяс йоршитомаось лыа коса божо. «И та йылысь рытья сёрниас оз ков вунодны, веждос нятодз лойома стадаыс, кысь сэсся йолыс лоас»,— Сидоров тэрыба триньксёди дзуртысь пос тшуподъясти, шыасис челядыкод век на воровитысь милиционерьяс доро:

— Том гвардиялы почёт да слава, но толк вылас пожаркао дежуритнысо оз мешайт, ме думысь, индыны и кутшомко польос.

— Лоо вочома, Илья Иванович,— аслас начальник выло син божнас видзодлом борын яналомон косьысис участковой, а ачыс мовпыштит: «Эг вермой асьным гогорвоны, виччысим райкомса секретарлысь индод».

Човтанинын йозкод сёрнитом борын, Сидоров сёрон нин воис колхоз правление конторао, кытчо чукортчылисны активистьяс. Ставон, тшотш и правленияса председатель Рогов, коди веськодлис овмоснас борья луньяс, согласитчисны райкомса секретаркод. «Но мый на шуас ачыс, вьлон борьяна председателыс? Унаон тай кайтисны, мый Богданаайд по юрсо оз сирав, сылы по фермаад талялом ордымодыд восьлавныто кокныд, а став овмоснад бергодломыд по абу МТФ-ын козяйкааломыд, сэни по коло не сомын юр, но и унатор на ещо»,— та йылысь уна мовпалис Сидоров, сийо тодис, мый Богдановалон тырмымон эм буретш сийо «унаторйыс», мый йылысь толкуйтисны олома йоз, активистьяс.

Эз од отчыдысь аддзв Иван Иванович тайо нывбабасо, тодо сэксянь, кор сылон версоыс на — Степаныс — бригадиравлис. Сэки Илья Иванович весиг узьывлис на ордын. Некор эз пройдитлы и ферма бокти, кони Катерина воли козяйкаон. Они Сидоров мовпыштит: «Бурджык лоо, ветла ко сы ордо, сёрни-та... Вомо од оз кучкы...»

Август толысся шонид рыт рудодис, зилис шымыр-тны ойбырон, медым веськодны мудсо лунтыр синсыс би петмон страдуйтысь йозлысь. Но уналаын на дзувьялисны бияс, кылис рытья идрасьом гор, завор подлалом-восьталом, дзирья, карта да гид одзосьяслон дзуртышталом шыяс, мосьяслон корсюро дозмомон дивостлом, подончаясо лысьтан йовлон дзижгом.

Шоньд төв ныр малаліс Сидоровлысь чужомсө, вай-ис нырас сөмын на ытшкөм сөка веж турунлысь, мөс вөра йөвлысь, карта вольөслысь сорлассьөм көрсө, кодөс радейтліс Илья Иванович. Аслас казаятөг сійө пыдөджык кыскаліс морөсас муса сынөдсө, косьмөм вом доръясыс быттьө кылісны сөмын на лысьтөм бөрын шоньд да быгъя йөвлысь көрсө.

А сійө мортыс, код йылысь мөвпаліс Сидоров, кышакылысь сю му вомөн вуджысь ордымті восьлаліс гортланьыс жө. Бөрө колис нөшта өти төждөн тырөм лун. Позьө и кокныдджыка лолыштны, личөдчыштны. Но Катеринаөс и татшөм кадас эз лэдзлы аслас сывйысь өтувъя делө вөсна төждыс: фермаын чера морт эз на вөчлы кутш ни котш. Ар кыпөдчө — стада ковмас йөртны, а сиктын гач новлысьыс прамөй абу, не кө артавны пөлясөс да зонпосниөс. «Тыдалө, чер-пилатө бабуньяслы лоө босьтны кяс», — мөвпаліс Катерина и друг сувтовкерис: ыркмулөм сьөлөмыс вочасөн инасис-лөнис, мөдіс тырны нимкодьлунөн. Катерина видзчысьөмөн малыштіс ассьыс неуна кызыштөм кынөмсө, чошкөдіс-ёстьіс пельяссө. Эз, эз ылав — мыйкө вөрзбыштіс морөспаньыс удорын. Мөдысь нин. Нывбаба сулаліс, эз лысьт вөрзөдны кисө ни коксө, поліс: вермас мыйкө не сідзи лоны сы пытшкын чужөм сьөлөмторйыскөд. Сэсся усинны дум вылас нывбабаяслөн сөрниясыс да нюммуніс: «Нинөм лекторйыс сылы оз ло, сійө ловъя и первойысь сетіс төдны ас йывсьыс. А өд вермас и лоны лектор».

Та йылысь мөвпыштөм бөрын нывбабалөн топавліс повзьөм сьөлөмыс. Тулыснас, кор казаяліс сьөктөмсө, дзикөдз шөйөвошліс, поліс видзөдлыны энькаыслы синмас, заводитіс овны гусьөн моз, медым немтор эз гөгөрво сійө, да верман өмөй ылөдны нывбабаөс, коді велалөма аддзыны быдтор. Аттьө и сыысь, мый оз зыкө пыр, шөгсө нуө чөла, ас пытшкас. Воліс мөвп — перйыны чужанторсө. Узигас сөмын и вунөдліс та йылысь. Öні со яндзим и казътыштнысө: «Кызд нө вермис сетчыны татшөм мөвпыслы? Олөмыд олөм на и эм — казаяласны кө өд, оз на кын муө майөг пыдди сатшкыны, — видзчысьөмөн кынөмсө кутіг, мөвпаліс Катерина. — Ыж юр, а мый эськө шуи сылөн батыслы? Лоам куимөнөсь, быдса семья. Көні бара донай-а?.. Гортас тай гижөма: регыд пө фронт вылө, велөдчысьсөма нин пөшти. Ок, эськө

гигыштны кө сылы кыв-мөд, да мамсыыс, кывлас кө, сэки он мын, вильодас-пурас скөр пон моз».

Горничаас ломалис ыджыд лампа, койис югөрсө бшиньяс пыр.

«Кодкө нө локтөма али мый?» — мөвпыштліс Катерина: горничаас эз нин биасьлыны, карасиныс өні ичөт көшын.

Катерина пөрччис посводзас уджалан көм-паськөмсө, пыралис төвъянінас, вежсьыштис, тшайпод вылас сандалиасис.

Кухняын дзижгис самөвар, энькаыс вуджрасис горничаас, ваяліс мича дөраа ыджыд пызан вылө чайчашка, сакарнича. Сэні нин сулалісны нянь доз, водз солалөм өгурцы, тшак, пөжөм йөв гырнич да сиктса мукөд сорва.

— Мися, кодкө клөнөдчө мөдарын,— долыда видзөдліс пырысь моньыс вылас энькаыс.— А мянын гөсть...

Катерина и ачыс аддзис, веськөдчис здоровайтчыны горничаса книгаяс тыра неыджыд шкап дорын сулалысь Сидоров дінө.

— Мися, төрытсянъ нин кыв вуж гилялө,— нюжөдіс кисө Катерина.— Приметаыд оз ылөдчы, вөлөмкө. Қытысь нин усинныд, Илья Иванович?

Райкомса секретарь видзчысьөмөн, но топыда кабыртліс Богдановалысь чорзьөм неыджыд кисө, сюся видзөдліс нывбаба чужөмө, шоныда нюмъөвтис. Сылөн косіник, чуқыръястөм на гырысь лысера чужөмыс томмыліс, а руд синъясыс лоисны вильшасьысь зонкалөн кодьөсь.

— Важөн нин эг вөвлы тані, Екатерина Авдеевна, гаж бырис, веськыда кө шуны, со и кежи... Дерт, могъястөг татшөм кадад ог жө ветлы. Книгаястө видзөдлі... Колана библиотечка чукөртөмыд...

— Айкалөн, покойниклөн, чукөртлөма. Сійө өд объездчикавлөма, а бөръя кадас лесникаліс. Қызвын литератураыс вөр да видз-му овмөс йылысь.

— Вежөра мужик вөвлі,— Сидоров чөвтис видзөдлассө Парасковья вылө, быттьө корис сюртчыны сёрниас и сійөс.— Верөсыдлы эськө овны да овны. Со кутшөм керка-көрөмина сыркнитлөма-лэптылөма, сө во сулалас. Татшөмсө и район пасьтаысь он аддзы.

— Господьөй, сет югыдін да шоныдін новопреставленнөй Кириллы да убиеннөй воин Степанлы,—

пернапасасигтыр кайтышис Парасковья.— Мый нө ми сулалам, вай пуксьой, чайсө юыштам. Кынөмыд, көнкө, сюмаліс, Илья Иванович? Самөварыс пузис нин...

Сидоров быттьө тайөс и виччысьөма. Недыр мысти руалысь самөвар вөлі пызан вылын, пуксялісны сы гөгөр.

Сиктса сөян-юанысь Сидоров эз пыксы, дай канөмыс вир петмөн сюмаліс, гортсьыс мунөм бөрын вом көрсө эз на вежлы. Тайө и воис сьөлөм вылас нывбабаяслы: чинас өд абу ичөт, а ышнясьны оз куж, быттьө ас морт. Эз кольчы Сидоровысь и Катерина: видз вылас пажыныс, тыдалө, вөлөма абу нин сэтшөм пөтөс. Парасковья нуөдіс асьыс сөрнисө, а Илья Ивановичлөн да моньыслөн асланыс жө олан визь да төдж.

— Со и шуа, Илья Иванович, Катюшалы, гиж мися свертөкө айкатө да верөстө, катөд Көджпомса вичкоө, мед казътывласны, сәки өдийөджык раяс веськаласны ловъясныс...

— Кодлөн кыті висьө, сы йылысь и дольө,— шуис Сидоровлы Богданова да бергөдчыліс энькаланыс: — Страда эштас да сәки нин кайла Көджпомас, өні өд нель пельө ог орөдчы...

— Ог тәрмөдлы, дитя, ог тәрмөдлы,— кайтыштіс энькаыс.— А турун-няньтө идралам, ог кольөй лым улө и өні, ставсө меститам. Часлы, көнкө зөр шыдөса рок вөлі да, сөйөй пөттөдзныд.

Пуысь самөвар дорын лоис жар, Катерина восьтіс ыджыд өшиньсө. Горнича тырис ыркыд сынөдөн, коді вайөдіс өшинь улын гырыся нин быдмөм нывъяслысь да топольяслысь көрсө, кисьмөм льөмлысь дуксө.

— А мянө, дерт, могөн локтінныд? — юаліс Парасковья.

— Могтөгыд өні некод оз ветлы,— вочавидзис Сидоров,— война.

— Ті правөсь, Илья Иванович, могтөг некод оз ветлы,— венскөй улөс вылө лэччысьөм бөрын сөрнисө водзө нуөдіс Катерина.— Злобин со воліс жө, корсьө ветфельдшерөс, а сійө война вылын... Ускөттьөыс лоліс төвнас, а пыр на луасьө-гурйысьө.

— Кутшөм ускөттө? — юаліс Сидоров.

— Куканясигас мөс кувліс.

— Та йылысь ме төда. Татчө локтігөн тайө жө

шуи Злобиныслы. Олөмыс велөдас и выль рослы ад-
дзыны ассыс пельөс. Выльөн на уджалө, велалас,
гөгөрвоас да дугдас вывтіасьнысө.

Катерина варовитіс гөстькөд, а ачыс виччысис,
кор Сидоров висьталас ассыс збыль могсө. Райком-
са первөй секретарь эз лок комын верст сайө чай
юны. А мөдыс мөвпаліс, кысянь панны предас кора-
сьөмсө. Сійө гусьөник нимкодясис том көзьяйкаөн,
коді мичмөдіс аснас кыпыд горничасө, көні ставыс
вөлі ас местаас: и никелируйтөм крөвать, и паськыд
пу диван, и серөн мичмөдөм рамаа ыджыд рөмпөш-
тан, и вожьяссө шевкнитөм, лөсталысь кыз корьяса
фикус, и гырысь өшиньясын сөстөм занавесьяс да ве-
сиг югьялысь краскаа джоджө вольсалөм ас кыөм
дөраяс. Том көзьяйкаыс абу сөмын авья, но и вежөра,
көть грамотаыс абу ыджыд, но став сертиыс төдчө,
мый шкапас книгаысыс оз весьшөрө сулавны. Сидо-
ров мөвпаліс да шензис: мича чужөм, бур сьөлөм да
колана сям шоча овлө өти мортлөн, а вот Катерина-
лөн ставыс тайө тыдалана, синмө шыбитчана.

Илья Иванович дугдіс падъявны, Катерина збыль-
ысь сійө мортыс, коді өні кыскас колхозсө, да шуис:

— А ме өд корасыны вои, Екатерина Авдеевна,—
кытшлөдлытөг заводитіс райкомса секретарь.— Видз-
өда да ачyd нин гөгөрвоин...

Катерина эз путьмы мый вочавидзны, а энькаыс
пуктіс чай тыра блюдсө да вештыштіс мешайтчысь
сьөд чышьянсө, ёсьтіс пельсө.

Нывбабаяслөн чөв олөмыс сетіс Сидоровлы кад —
помөдз вайөдны сёрнисө:

— Овмөсыд өд кольө юртөг, Екатерина Авдеевна.
Талун-аски председателыд кывтас пароходөн Кот-
ласө. А татшөм кадө колхозтө ас визув вылас лэдзны
оз позь — тайө преступление. Ті, Катюша,— казьявтөг
мелиавсис нывбабаөс Сидоровлөн,— кок йылө сувтө-
дінныд овмөслысь гордитчанторсө да озырлунсө —
скөт ферма...

— Менө председателөн? — весиг серөктыштіс
виччысьтөмысла Богданова.— Вот тайө да! Йөзыс
усясны шензьөмысла... Председатель — баба!..

Райкомса секретарь эз торкась: медым сайкалыш-
тө. Сэки дивө кутөмыс шактар моз петас нывбаба
пытшкысь, сэки лоас кокныдджык бергөдны сійөс
асланьыс.

— Екатерина Авдеевна,— старикьяс копрасьөны,

ас нимсяньыс ыстісны менö тiян дiнö. Удж бöрын ад-
дзысьлі накöд правлениеад. Ставöн корöны: и тэнад
олöмьд, и верöсыдлөн, и энькаыдлөн-айкаыдлөн —
ставыс йöз водзын, и найö эз ылавны.

— Ме абу партийнöй...

— Тэнö быдтіс партия, Екатерина Авдеевна, и ло-
ан сылөн радъясын.

Татшöм эскöмсьыс, татшöм корана да ёрт сяма
гөлөссьыс, видзöдлассьыс кыптiс нывбаба лов пытш-
кын вына шоныд төв ныр: «Ок, кодкö кö эськö и бур
кыв сиис, сöветуйтыштiс, но некодлы. Öтиыс — брат-
скöй гуын, Карелияын, а мöдыс восьлалö юр усян
туйöд жö. Сöмын ас вылö надеяыс. Но кутшöм нö ме
председатель, оз öд тырмы вын ни сям кыскыны
тайö вуж додсьö, о-оз...»

— Екатерина Авдеевна, уважитан старикъясöс?—
мöдысь корис Сидоров.

Сэки Катерина кыліс, кызди сы пытшкөсса сьö-
лөмшöрыс быттьö чужыйштчис кокеньнас. И ставыс
чорыда йөршитчис бөр аслас местаас: «Мир смек, а
абу председатель, председательясыд чуркаястö оз пи-
авлыны!» — сылөн гөррддзасис горш діныс, курдіс мо-
рöсыс и топавліс кынöмыс. Катерина Сидоров вылö
видзöдлытöг вежсьöм гөлөсөн быттьö ойöстiс-ымöс-
тіс:

— Ог вермы, ог, Сидоров ёрт, оз меным позь и...—
сійö ыткөбөн петіс сарайса вонйö, көні узьліс тулыс-
сяньыс сёр арöдз. Энькаыс Сидоровкөд весиг эз
удитны калькөдны вомъяснысö, сöмын немтор гөгөр-
вотöг видзöдлісны öта-мөд выланыс.

— Илья Иванович,— сэсся шыасис Парасковья
тьöt,— вольсала тэныд, көні и узьывлiн век, ичöt
горничаö. Сэні некод оз мешайтчы...

* * *

Асывнас Сидоров кыпöдчис водз. Велалöма. Вось-
са öшиньöд кыліс кутшöмкö лэбачлөн сьылöм. Накö-
сö пырысь шондi югөръяс эз на пöжны: краскаа джод-
жыс, кытчö усисны найö, öдва шоналыштöма. Сюйліс
юрсö öшиньö — турун вылын куйліс кыз лысва, му
бердас гөвкъяліс черань вез кодь ру. Сідзкö, бара ми-
ча лоö луныс, пуктасны уна веж турун.

Кильчö вылö мыссьыны петігөн паныдасис том
кöзйякакöд, кодi мөдöдчöма нин фермаö, мөдлапöв-

са скѳт дорѳ. Чужѳмыс быгалыштѳма, син гуранъяс улас тыдалісны лѳзов кытшыяс, чужѳм вылас быттьѳ тѳдчыштісны выльѳн артмѳм чукуръяс. Абу кокныд вой колльѳдѳма Богданова, абу кокныд, кутшѳма нюрсмуѳма ѳти войѳн!

Здоровайтчѳм бѳрын Катерина лѳсьѳдышті заринасьыс, читкыльяса кывзысьтѳм юрси вывсьыс кѳсынкасѳ, лѳдзыштіс синкымъясланыс, медым видзны джуджыд да сѳстѳм кымѳссѳ гожъялѳмыс.

— Катерина Авдеевна, Злобин, шуин, бара волѳма фермаад? Сысыс эн полѳй, делѳсѳ важѳн дугѳдѳма, сѳні преступлениеыс эз вѳв.

— Уна скѳт видзигад тай ускѳттьѳтѳгыс оз овлы,— вочавидзис Богданова.— Мѳдтор — артмис кѳ сійѳ кодлѳнкѳ мыж вѳсна. Ті менѳ, Илья Иванович, прѳститѳй тѳрытьясъыд: вывті нин виччысьтѳг ставыс юр вылѳ уси да...

— Жаль сѳмын, ѳти кывйѳ эг воѳ да,— ышловзис Сидоров.— Талун старикъяс асьныс ті дорѳ локтасны, найѳ асьныс и копыртчыласны тіянлы, мый шуанныд сѳки налы, Екатерина Авдеевна, мый вочавидзас сѳвестыд?

— Ог тѳд, мый шуны сѳсся, мужикъясыд и збыльыс абуѳсь, медбѳръя пѳрнѳй мужиксѳ босьтѳ военкомат. Эськѳ во мысти кымын кѳ, Илья Иванович...

— Да ѳд войнаыс ѳні муѳ, ачыд тѳдан... Чайтан, меным кокныд: районуын ѳні быдлаын, Вежтыдорад моз жѳ, сѳмын бабаяс колисны, челядь да пѳрысьяс. Ог тѳд, кыдзи таво вѳрсѳ лѳдзны пондам... Веськыд мат. А фронтыд корѳ, няньыс да яйыс кындзи, ещѳ и вѳр.

Сидоров чѳв усыліс, гѳгѳртіс видзѳдласнас войся унмыс садьмѳм сикт, сѳсся кыв кѳрталіс:

— Ме ѳд райкомса секретарѳн эг жѳ чужлы, ѳнджыкасѳ менѳ видз-му жѳ кыскѳ. Шуа веськыда: сѳмын тіян вылѳ надея и менам, и йѳзыслѳн.

И заводитіс ас вылас дѳзмѳмѳн мыськыны тѳв йылын дубитчѳм чужѳмсѳ, пѳшти сьѳдѳдз гожъялѳм ѳн голясѳ.

«А падъявны кѳ заводитіс Богдановаыс, сідзкѳ, лыддьѳ нин асьсѳ председателъѳн... Отсышты недыр кад велавтѳдзыс, дерт, ковмас, а сѳсся и мукѳдылыс моз жѳ юасыны, кыдзи корѳ кадыс. Немтор он вѳч, война, чорыд война!»— мѳвпыштіс Сидоров да заводитіс косѳдчыны кызьчышьянѳн.

Клаваӧс мӧдысь корисны военкоматӧ. Ок, кызди котӧртис сэтчӧ!

«Со и збыльмисны мӧвпъясӧй! Босьтасны фронт вылӧ да веськала муса дорӧ, кодӧ училищесыс муниснин фронт вылӧ. Дерт жӧ, веськала!— мӧвпалис ныв.— Ещӧ кӧ видзасны танӧ — йӧйман. Мукӧд нывъясӧс со нуисны августын, а найӧс Лиякӧд колисны».

Но военкоматын Клава да Лия вылӧ быттӧ путкыльтисны йиа ушат ва: ыстисны уджавны милицияӧ. Сэни пӧ колӧны тӧ кодъ грамотнӧй йӧзыс вежны война вылӧ мунысь райотделса сотрудникъясӧс. Сэни пӧ тӧянлы фронтс.

— А ми пышъям война вылас!— кыкнанныс пыдди грӧзитчис кусыс петӧм Клава.

Но военкоматад он ёна кратайтчы — кутам да судитам пӧ дезертиръясӧс моз. Быть сэсса сетчы, кодлы нӧ окота ас кокнад мунны тюрмаӧ. Дай лешакыс на тӧдӧ, кутшӧм сэни олӧм-вылӧмыс, воуйтӧмыс. Мукӧд тай, кывсӧ, фронт вылас волытӧг на бомбаяс улын усьӧны.

Нывъяс дугдисны вензыны, мый сэсса вӧчан, милицияс од йӧз жӧ.

Эз ло шудаӧн тайӧ арыс и милициялӧн райотделса начальниклы. Злобинлы тшӧктисны райисполкомын сетны Воронсӧ колхозӧ. Видлис эськӧ сийӧ и тшӧтсаны, да кыс. Йӧзыс пӧ воуйтӧны, а тэ пӧ гӧньялан рысакӧн. Ворон пыдди вайӧдисны гирсмуӧм ордлыяса меринӧс, со и красуйтчы сэсса командировкаясад.

1942 вося август — октябрь. Фронт

Россиялӧн паськыд эрдъяс, вӧр да расъяс вомӧн Алексей, Геннадий да мукӧд курсантъяс тӧвзисны эшелонын рытыввывлань пӧшти некытчӧ сувтлытӧг. Теплушкаясянь нимкодясисны мылькъяс вылын либӧ юяс да тыяс бокӧ куткыртчӧм архангельскӧй, а сэсса вологодскӧй областъясса сиктъясӧн да грездъясӧн, на весьтын шочиника тыдовтчылысь пу, а то и кирпич вичкоясӧн, кӧлӧкӧльняясӧн. Нывбабаяс да челядь пуктисны турун, идралисны муяс вылысь урожай. Фронтвикъясӧс нуысь поезд аддзӧм бӧрын

найö веськөдлісны косъяснысö да, кияснаныс öвтчитыр, колльöдлісны война вылö мунысьяссö сэтчөдз, кытчөдз эз бердлы чукыль сайö эшелонлөн медбөръя теплушкаыс. Кытчö он видзөдлы — быдлаын грездьяс, сиктъяс, посёлокъяс, каръяс, көні олöны, уджалöны, радейтчöны, быдтысьöны, шогсьöны, гажөдчöны йöз. Чужан мулысь кузьтасö, пасьтасö, помасьлытöм багатырскöй вынсö, мудзлытöм зильлунсö, помтöм-дортöм озырлунсö, позянлунъяссö казялан да гөгөрвоан, мөдан кывны кунад буретш сийöс вомöналысь поездын мунигөн. Син водзад воссьöны пыр выль и выль, сьөлөмтö вөрзьöдысь серпасъяс: ас бөрсяыс бустор кыпөдиг кольтаяс тыра телега кыскысь вөлөс вөтлысь көмтöм куш юра детинка; веж луд вылын рөмидзтысь-шойччысь мөсьяс; ичөтик юö чөвтöм вугыр таб вывсьыс синсö вештывтөг пукалысь, мам нень дорсьыс öдва на көдзөдчөм, гачтöм потейяс; видзгөгөрсä öмидз кустъясысь тыдалысь нывкаяслөн еджыд чышьянъяс... А став тайö мичлунсö югдөдö август төлысья еджговлөз небесаын гожся моз на лелькуйтысь шондi, чөскыд вөр-ва көрөн ымрөдлысь пөльтысь төвру.

Но водзö, рытыввывлань, татшöм серпасъяс паныдасьлісны пыр шөчджыка. Найöс вежисны бомбаөн кодйöм гуранъяс, пөрласьöм пуяс, жугласьöм вагонъяслөн көрт ордлыяс, стрелочникъяслөн пасьмунöм будкаяс, вокзалъяслөн гөлөвняö пөрөм стрөйбаяс. Станциягөгөрсä олан керкаяс, рөжйөдз чирсöм стенъяса складъяс да важ телеграфнöй сюръяяс — ставыс висьталісны: «Тi, курсантъяс, врагöс аддзывтөг на воинныд война мунанінö. Матын дорйöны Ленинград». Теплушкаяслөн осьса öдзöс дорын пукалысь да сулалысь курсантъяслөн юръясыс пыр частөджык чатөртчывлісны сынөдлань, эшелонын вочасөн лөнис öта-мөд вылö гигзьöм-сералөм, эз лоны и челядь сямөн дурысьяс да вильшасьысьяс; чужөмъяс зумышмисны, зонъяс бытьö здукөн верстяммисны. Найö кутісны виччысьны водзысь мыйкö ещö на шуштөмджыкөс.

— Письмөтö татысянь он небось мөдөд,— тувкис Алексей гыррдзанас вагон öдзöсын кокъяссö ортсö öшөдөмөн пукалысь Расовлы.— Непöштö пошта куд, вокзалъясыс абуöсь — ставсö фашист пузувтöматшын йыв лэптöма.

— А эн ни шу. Ставсö ачым аддза,— вочавидзис

Геннадий.— Медбөръя откриткасö, быттö тöдöмөн, Вөлöгда му вылын на ысті.

Кык друг военно-пулеметной училищын командуйтисны öти взводса отделениясөн. Война вылö мунöны öти вагонын жö. Шнич выль турунвиж гимнастёркакасаöсь, шинельныс абу на пуксьöма туша сертиныс да көрсисны-пакрасисны мыгөр выланыс; камашиясыс дзуртисны. Зонъяс йирисны сукар, нуръясисны консервъясөн, сельдиён. А шыдöс пачкаяс куйлисны вещмешöкъясын: вагонын врагысь видзчысьöм вöсна эз позь ломтыны пач. И со эшелон сувтис станцияö, көни вöвлöма нейджыд кар. Но керкакасыс местаö öткымынлаын көльöмаöсь сöмын кузь трубаа пачьяс. Пасьвартöм вокзаллөн жервидзысь, синтöм öшиньяса, биён сотöм-жаритöм стенысь öдва позис лыддыны: «Волхов».

Курсантъяс гузьгысисны теплушкакасысь бомбаясөн сотöм-пузувтöм му вылö.

Паровоз тутсигтыр пыр жö вөрзис да кыкис теплушкакассö дзедасö, а курсантъяс лөсьöдчисны пуны сёян. Öд мый дыра нин найö эз аддзывны пöсь ва кружка, а шыд либö рок аддзылисны сöмын воясын пуксөн узигөн, вötөн. Весиг мыссынысö ваыс эз сюрлыв. Из шом бусысь сьодасьöм, арап кодь чужöма зонъяс разöдчисны карö, керкатöм нин пачьяс дорö, ылöджык фашистской самолёт-разведчикъясысь, воас кө сийö татчö. Недыр мысти трубаясысь мöдис кыпöдчыны кизьöриник, лöзиник тшын: кос чаг-ёгыс, майбыр, тырмис. Мыйён пöt кынöмъяс вылö заводитисны шпуткыны-тшынасьны чигаркакасөн, аслас местаö, быттö сэни и сулавлöма, буферъяснас клюна-клёнакылиг, сувтис кирпич рöма теплушкакаса эшелон.

Состав мунис водзö, рытиввылö. Бөрö колисны Мурманской ворота, Жихарево, көни олöма красноармеецъяс кодзувкотъяс моз ректисны эшелонъясысь снаряд, мина, патрон ящикъяс — ставсö, мый колö мортлы воуйтигөн. Тати поезд мунис эз грыма-грамакылигтыр, а пöшти шытöг, ньöжйö: көлесаяс öдва гольсмулнисны рельсяс костын, эшелоныс кыссис быттö шыш, поезд дась вöли дзедбсьыны либö пышйыны врагысь самолёт-разведчикöс казялöм бöрын. Опытной машинист нуöдис составсö сидзи, медым, тыдовтчасны кө пикируйтысь немецкой бомбардировщикъяс, пыр жö сувтöдны вагонъяссö, сетны

позянлун дзедьсыны красноармеецъяслы насыбок-са вөрө. А со и медбөръя — Войбокало станция. Водзё рельсъяс эз кыссыны: водзын — фронт.

Лэччысь шонді нуис аскөдыс и лунъя шоныдсө, ыркаліс, увтас нюра местаясын заводитіс руавны. Курсантъяслөн колоннаыс кыссис бусөн вевттьысьём туй кузя. Рөмдыштөм бөрын сійө сөльнитчис ывлаыскөд. Регыд пемдіс сэтшөма — он аддзы ёртыдлысь мышсө, енэжын — ни өти кодзув. Съод вөр стен, шы ни ру, сөмын шаркакылөны корсюрө камаши пөтшваяс чорыд туй вылө веськавлөм бөрын да клёнмунлө вешмешөкө кужтөг пуктөм либө салдатлөн тасмаө пысалөм пөрт... Курсантъяс эз сёрнитны, эз дзувъявны и чигаркаяс: куритчөмысь стрөга өлөдөма. Та вөсна вөлі медся сьөкыд: кор оз позь, сэки куритчынысө ёнджыка кыскө.

— Фронтөдзыд, колөкө, сө верст на, а повзьөмаөсь нин немечысь, — ышловзис кодкө пемыдас, — тшынасьнытө оз лэдзны.

— Тайө тэныд абу Цигломеньыд, көні узьөны сы ни садь, — шыясис мөд. — Ок, узыштны эськө өні рөднөй училищеса сөстөм вольпасын, көть нин минут квайтсө.

— Первой пөрт олөмө командованиельсь задание, — кылө, броткис дөзмөм суседыс. — Вунөдін өмөй: нөшалыштанныд пө фашистөс и — бөр гортө, көні виччысьөны и стружки вольпась, и пөсь сөян. Дерт, ловйөн кольысьяс сөмын...

Быд шойччыштөм бөрын, кор курсантъяс куйлісний туй бокин, а кодсюрө кымыньөн водөмөн горша апалісны махорка тшынсө шынель сос пыткас чусалысь чигаркаысь, лолі сьөкыдджык кыпөдчыны: муыс өтарө кыкис ёнджыка и ёнджыка; кыпөдчөм бөрын первой воськовъяссө вөчны медсьөкыд, бытьө сотчө камаш пыткад кок пыдөсыд. Вешмешөк волысьяс, көть сэні и абу уна пуктөмторйыс, кузянад мөрччө пельпомъясад, доймытөдз весиг лоө. Куньсьөны синъяс, көть желльөн пыклы, сідзи и окота сутш-мөд кежлө куньлыны синъястө, нюжөдчывны көть недыр кежлө небыд турун вылө.

Код төдас уна-ө нин мунісны: август төлысся войыд абу тувсов кодь дженьыд. Со, кажитчө, мышладорын, асыввылын, енэжыс заводитө ёнджыка торъявны рөмнас съөд мусьыс.

Югдандор курсантъяс суөдісны мөд колонна, ли-

нейной часть. Руд маска кодь чужомьяса олма красноармеецьяс завидьтомон видзодисны пелька восьлалысь курсантьяс выло, кодьяслон эз вонны ни оружие, ни патронтьяс да гранатаяс тыра ноп, ни мешайтчысь каска, ни бокад шлоподчысь ичот зыр. Том пожом кодь статья зонтьяс кокниа панйисны олма боецьяссө, а сэсся и колисны ылө борө.

Ношта съокыд лоис маршовикьяслы шонди кыподчөм борын. Жар. Тэськасис горш, но флягаяс вөліны нин кушөсь. Ок, эськө öні кө паныдасис кодзыд шор, кытысь позис юыштны, чужөмтө мыськыштны. Но кор на воас татшөм шойччан местаыс? Öні зонтьяс восьлалисны эз нин пелька, найö немторйон эз торъявны линейной частьса олма красноармеецьясысь, кодьясөс ордйисны: воськовьяссө вөчисны пыр съокыджыка, көть и эз личкы пельпомьяссө ыджыд груз. Колонна нюжаліс, пöрадокыс вошис: кызвыныс зілисны мунны туй бокті, либө канава сайті, көні этшаджык бусыс. Водзын, кыр йылын, асья шонди югорьясын мөдісны дзирдавын вичко крестьяс, сэсся тыдовтчисны асывыввлань видзөдысь öшиньясын лөсталысь стеклөяса, воймөм стеньяса крестьянскөй керкаяс. Сиктыс пыр матынджык и матынджык. И друг пельясөдз воис вичко звон шы. Жыннянтьяслөн бовгөмыс öтарө гораммис, гырысьяслы мөдісны отсасьны ичөтджык да ёсь гөлөсаяс... Мый тайö? И сэки чуймөм курсантьяс аддзисны сикт горувті нюжөдчөм мир туйбокса неыджыд мыльк вылысь йөз чукөр. На водзын сулалисны югьялысь ризияса, кадилөяса некымын священник.

Шмонитны радейтысьяс сөмын на көсийсны петкөдлыны мудзөм ёртьясыслысь серамсө, но налысь вомсө тупкис командирлөн стрөг гөлөс:

— Отставить смех! Подтянись, разберись по рядам...

Пöрадокө велалөм курсантьяс, бытьö лигышмунөмыс эз и вөвлы, здукон сувталисны нель рада веськыд колоннаö. Кымын матынджык йөз чукөра мыльк, сымын зумыдмисны курсантьяслөн воськовьясныс, сымын лыбисны вывлань морөсьясныс, кыпыдджыкөсь лоисны чужөмьясныс, лэчыдджыкөсь синьясныс. А бөрвевсянь кыліс ещө на стрөгджык гөлөс:

— Батальон! Строевым! Ножку!

И курсантьяс, бытьö училищеса плац вылын, кияснас крута öвтчигтыр, камашияссө ни мудзөмыс-

ла сотчысь кок пыдосьяссö жалиттөг, öти морт моз мөдiсны швачöдны зумыд воськовьясөн, син бөжьяссö йөз чукөр вылысь вештывтөг.

Ёртьяскөд орчөн восьлалiс и Алексей. Невөлясь сылы уси дум вылас немөй Пека — Вежтыдорса вичко стөрөж-звөнар, кодлы ёна и дөзмөдчывлiсны найө ичөт дырйыс. Вичкоыс Вежтыдорын ыджыд-джык, мичаджык, көлөкөльняыс джуджыдджык. Сөмын тай косялiсны сылысь юрсө, пакөститiсны мичлунсө, жуглiсны пөляслысь бур киподтуйсө. Кодлы и синсө вежис вичкоыс? Мед эськө немьяс чөж сулалiс да мичмөдiс Вежтыдорсө. Тани со, вежөра войтырыд, небось абу вөрзөдлөмаөсь стрөйбасө: со кутшөм еджыд стеньяса, асья шондi югөрьяс улас югьялө зарни крестьяснас — видзөднытө любө. А звөныс, звөныс кутшөм сяма: дзик жө немөй Пекалөн кодь!

Батальөн прөйдитiс нин ылөкодь, а священникьяс век на резiсны на бөрся вежа ва да пуркйисны кадилөясысь ладан тшын, сиисны славнөй роч воинстволы пасьвартны врагөс, победаөн воны бөр ратнөй поле вылысь. А мышладорас сувтөм нывьяс, бабаяс өвтчисны кияснас, чышьян помьяснас чышкалiсны синвасө.

Сиктсайса вөрын лунйөм-шойччөм бөрын, кор дугдiс сырмыны көнкө ылын бомбитөмысь, курсантьяслөн батальон бара мөдiс рытыввылө.

* * *

Фронтөвөй подразделениеясысь «купечьяслөн» воөм бөрын мян другьяс торьялiсны. Соединениеясса да частьясса представительяс веськыда нетшкисны курсантьясөс стройысь. Öтияс корсисны артиллеристьясөс, мөдьяс — связистьясөс, коймөдьяс — сапөрьясөс. Адзывлiсны кө татшөмьяссө, пыр и петкөдлiсны стройысь, нуөдлiсны аскөдыс. Но вөрса кушин вылын сулалысь курсантьяслөн чукөрыс чинiс ньөжйө; курсантьяс пөвстысь кызвыныс төдiсны сөмын стрелкөвөй делө. И сэки ышки-пошки воис зэв вертляв да неыджыд тушаа командир, мем пө колөны фельдшерьяс.

— Мунам тайө «купечыскөд», — шыөдчис Алексей дорө Расов. — Бара өтлаын лоам...

— Ме жө ветеринар...

— Мый көть, велалан и доймөм йөзөс бурдөдны,

ачыд шулін: понлы да мортлы пö лекарствоыс öт-
мында колö...

— Ог кöсйы лекпомöн лоны,— эз сетчы Алексей,—
винтовкаöн воюйтны кöсья.

Вертяв командир, тыдалö, дöзмис виччысьны,
скöрысь юалис:

— Тян пöвстын эмöсь фельдшеръяс? Петны
стройсь!

И сэки, другыскöд прöщайтчöм бöрын, Расов вö-
чис кык воськов водзö.

Алексей сутки мысти жö нин аслас училищеса
кольöм курсантъяскöд веськаліс передöвöйö. Коман-
дуйтіс ротаöн том лейтенант Бурмистров. Вöсныдик
джуджыд тушаа, чусмöм да быгалöм гимнастёркасö
быттö кышалöма рудзöг кольта вылö. Зыртчысь
пидзöса кузь кокъясас — паськыд гöленя бура ве-
салöм сапöгъяс. Шочиник еджгов юрсияссö вевтть-
öма командирскöй пилоткаöн, морös зеп весьтас —
гвардейскöй значок. Алöйгöрд рöма, пöшти гожъяв-
тöм гырысь лысера чужöм вылас ёсь, быттö кöрт
тувъяс, неыджыд руд синъяс. Шуйга килутшас
ыджыд часі, кодлөн мунан шыыс кылö некымын
метр сайöдз. Но медясö чуймöдіс веськыд нимтöм
чуняс паськыд зарни чунькытш.

Первойысь тöдмасигöн Бурмистров шуис:

— Сержант Зеленцов, ті училищеын командуйт-
лінныд отделениеöн. Сідзкö, лоанныд взводса коман-
дирлөн гвардияса младшöй лейтенант Пеньков ёрт-
лөн отсасысьöн. Тöдмасьöй, пöжалуйста, командир
ёртъяс.

Пеньковлы абу весьшөрö сетлöмаöсь тайö овсö.
Сирöd мыр дай ставыс. Латшкös тушасö зумыда ку-
тöны дженьыд кокъяс. Бур нойысь вурöм шынеля,
вылысас скатка моз сийöсалöм плащ-палатка — став
эмбурыс сьöрсыйс. Нель пельöса ыджыд юр вылас
чыкыш моз пукаліс ыджыд лэбъя защитнöй картуз.
Картуз лэбнас вевттьöм синъяссьыс нинöм он вермы
казявны. Чужöмыс ыргөн рömöдз гожъялöма. Гөлö-
сыс баткөдчö, быттö нырыс век пöдöма. Ар комын-
комын вит нин сылы. «Дерт, колхозын бригадирав-
лöма», — мөвпыштіс Алексей.

Ёна торъялöны тайö окопнöй командиръясыс
наысь, кодъясöс öнөдз аддзывліс Зеленцов. Гвардей-
скöй дивизияса фронтöвöй командиръяскöд öтко-
дялöм бöрын тылсаяс пиысь öткымынөн кажитчöны

вылын ныраось, чатөр юраось, кок увсьыс мусё оз аддзыны, ичөтджык чинаяслы тшөктёны сетны честь, а сэк жё, код водзын колё, асьныс дасьёсь уськөдчыны честьё коть пидзёс вылас. Тани, передөвöйын, гвардеецъяс олёны мөдджык законъяс да правилёяс серти, кодъяс чужисны да вынсялісны буретш окопник-воинъяс пөвстын. Бөрынджык Зеленцов казяліс и сійö, мыйöн фронтовик торъялö окопникысь. Фронтыдлөн пыдтаыс овлö сё километраөдз. Со мыйла унаöн, коть и лыддыссисны фронтовикъясöн, эз кывлыны ни эз тöдны кутшөм шыөн лэбö пуля, потөм миналөн да гранаталөн торпыриг, оз тöдны, кыдзи колö кутны винтовка атакаö мунігөн, а зырийөн, штыкөн либö пуртөн фашист вылö уськөдчөм йылысь немтор и казьтывны. Татшөм фронтовикъясыс узьлөны шоньд вольпась вылын, сёйöны куимысь лун руалысь вөлöга, небыд нянь, ветлөны сөстөм да пельк паськөмөн, тырмө кадыс весиг лөсьөдлыны походно-полевöй гөтыръясöс... И дерт, найö оз вермыны не шензыны сөмын на биысь петөм окопникöс аддзөм бөрын. Öнi, ротнöй дорысь взводö мунігөн, Пеньков тöдмөдiс асьыс отсасьысьсö талунъя могъясөн, тöжд-лунъясөн.

— Миян дивизия некымын лун чөж нин шойччис. Но курорт помассис. Войнас мунас передөвöй вылö.— Индiс кинас гөгөр шувгысь пожөмъяс вылö Пеньков.— А сэсся мөдам, ныр ни вом оз тыдав, юр чутйөдз кодйысьны, луасьны порсьяс моз нйитын. Öнi, зэрыс эз на вөв да, дерт, муыс кос. А арнас — не приведи бог... А мый больгыны, ас синнад регыд аддзан. И со мый, Зеленцов: видзөд, мед эз отравитчыны тшак сёйны радейтысьяс. А то орчча частын неважөн нель-ö-вит морт мунөмны мөдар югыдö. Вөлөмкө, лунывса «турокъясыд» гут кулан тшак пуөмаось. Грекыд вылö, гөгөрвоысь мортыс, өлөдысьыс орччөнсö абу веськалөма на дiнö. Эз ковмы пуля ни штык, асьныс «геройскöя» пöгибнитiсны социалистическöй Рöдинаöс дорйигөн...

Пеньков недыр кежлö ланьтліс да сэсся баткөбтiс:

— Он кө кöсйö веськавны штрапнöй батальонö, эн вунөдöй тайöс, Зеленцов.— И мөдiс тэрмасьтөг ваджиктыны-восьлавны водзö. Пеньков, тыдалö, зiльö ротнöй моз жö петкөдчыны йöз водзын кыла-пеля мортөн, сөмын оз содтав штатскöй «пöжалуйстасö».

— А ме, Зеленцов, Мордовияысь. Грамота менам абу ротнойлөн мында. Сійö öд интеллигентьяслөн семьяысь, поэт и... Сыысь бурджык немтор не дзебны: ставсö аддзö, казялö. А ме колхозын завхозалі. Бур, мый ті Комиысь. Вöрад он вошöй... Сгöдитчас, разведкаö кö ковмас ветлыны. Гөгөр тані вөр да нюр. Лунвывса мортыд, кытчöкö кö могөн ыстан, тані пыр и вошö, сгинитас кадъя нюрас. Вöрад сійö и ачыс оз пыр, кöч сьöлöм... А со и миян овмöсным,— водзлань öвтыштіс кинас взводной.— Тасянь неылын — эновтöм картофель муяс. Кодсюрö удитлісны нин ветлыны сэтчö. Видзöд, мед эз лишнöясыны, кизьöрмас кынöмныс, матайтчасны — тэн жö ковмас кыв кутны.

Пемдöм бöрас взвод сувтіс стройö, ротаын аслас индöм местаас.

«Прöщай, муса гулыд ягöй, гашкö, оз нин и сюрлы лолавны тэнад сöстöм да чöскыд сынöдөн, аттьö лышкыдлунсьыд, небыд сьöлöмсьыд, шоньд борд увсьыд, кöні бокöвöй синмысь дзебасын видзин некымын сутки чöж. Ыджыд копыр сыысь, яла нитш морöса багатыр-ягöй!»— тадз, чайта, мövпыштісны тайö здукас стройын сулалысь боецьяс.

Водзын мунісны взводö ловъяөн кольöм некымын боец, на бöрся восьлалісны курсантьяс. Опытной фронтовикьяс вөрзьöдчигөн сетісны томьяслы сöвет: «Вöч ме моз».

Ывлаыс пемыд, быттьö сьöд ной. Оз весиг тыдав воськов сайын мунысь ёртыдлөн мышкыс. Но яг помасьöм бöрын, кор эрдті туйыс мöдіс лэччöдны горув, позис нин торйöдны водзын мунысьлысь мыгöрсö. Ыркнитіс кöдзыдөн, кок улын лои васöд, корсюрö чавкмунліс няйтыс. Водзын кодкö гораа ёрчыштіс: вöйлöма кок пöвнас пидзöсöдзыс. Водзын мунысь окопник чырыштіс курсантöс, бергöдчыліс да зургис сылы пельпомас кабырнас:

— Вузавны кöсьян сылы!

Передöвöй вылын тшын-би пыр мунöм боецьяс велöдісны томьясöс асланыс, сöмын окопниклы гөгөрвоана сёрниö. Найö некор оз шуны немец, а немец пыдди быть шуасны — сійö, патрон пыдди — семечки, мина пыдди — öгурец, самолёт-разведчик пыдди — рама, винтовка пыдди — драгунка, шыд-рок лöдан дар пыдди — разводящöй да с. в.

Водзын небесаыс мөдіс здукусь здукө востымасыны, кыдзи гожея войө чардавлө. Шочиника кыпөдчывлісны би киньяс, лэблісны өтарө-мөдарө. Том боецьяслөн юрьяс невөляысь вөйтчисны пельпом вчикьяс костө, но эз сьөкыд мыш нопйысь, көть эськө өні сэні куйлісны гранатаяс да патроньяс, сөян запас. Передөвөй вылө медводдзаысь воысь зоньяслы тайө здукас окота вөлі ичөтмыны, лоны тыдавтөмөн.

Передөвөй мунысьяслы воча локтіс окопьясын өна гежмалөм колонна.

— Курсантьясөс вайөдөны миян местаө, миянөс вежысь гвардейскөй дивизияыс пө ставнас наысь,— сюсь пельнас кыліс Зеленцов локтысьясянь негора, шөпкөдчана сёрни.

— Көыд да пөйд...— орөдіс сійөс орччөн мунысьыс.— Неважөн на и ми татчө волім медводдзаысь. Мед сөмын кутчысясны, оз дрөгнитны.

— Кодлы рөштво, а кодлы и крещенньө. И тайөясөс поп-дяктөг көртөн да няйтөн пыртасны, а миянөс аски старшина-ен купайтас святөй пөртйын — пөсь пывсянын, ок лөсьыда-а!.. Вылысь чужам свет вылас. Кор нин асылыс волас, славяна-вокьяс?— негораа жө вашьяліс тылө петысьяс пиысь коймөд.

Славяна-вокьяс ылыстчөм бөрын бара пуксис чөв-лөнь, сөмын корсюрө бультыкасис камашияс улын ва да пычьяліс-резсис няйт.

Алексей гөгөрвоис: «Тайө «славяна-вокьясыс» нимкодьясьөны опаснөй местаысь мынөм бөрын. Налы и тані нин быттьө тыл, көні позьө шмонитны да севравны».

Рытиввылас пыр өнджыка ыпьяліс-востымасис, кымын матынджык передөвөй, сымын вылөджык енежө кыпавліс кыа кодь югөрыс. А со и медводдза траншеяс: тані нин гуысь моз кылісны немецкөй пулеметьяслөн скөр понлөн кодь увтчөм-луйсьөмыс. А востымьяссө, вөлөмкө, өзтөны ньөжйө лэччысь югдөдчан ракетаяс, би киньяссө — ас бөрсяыс биа визь кольысь трассируйтысь пуляяс.

Взводлөн позицияыс, кытчө воис Пеньковлөн подразделениеыс, шудыд вылө, вөлі вывтас местаын. Сэні сулалісны весиг шулялөм да чирсөм вожьяса өткымын пуяс. Траншеяяс абу джуджыдөсь, но ко-сөсь, позяс и пыдөджык кодйысьны. Позиция вылын вөлі весиг ляпкыдик дзот, кытчө позьө меститчыны ручнөй пулемөтөн. Алексей пырис сэтчө. Заводитіс

югдыны, но дзотын пемыд, рудодіс сөмын амбразура, кытчө суйома станкөвөй пулемётлысь стволсө.

— Сюдз ылын?— юалис Алексей патрон лентаяс-сө көрөбкәө тэчысь казах-пулемётчиклысь.— Колө видлыны пулемётнымөс.

Казах, быттө көсийс сувтөдны Алексейос, чорыда кутіс соскөдыс:

— Пажалста, өні оз ков, ми мунам татысь да сәки лыйлөй, мыйта лолыд ләптө, а өні оз ков, пажалста... А сийө орчча, югдас да, мыйта колө любуйтчы, пажалста... А өні ләдз миянлы мунны ловйөн, пажалста, терпитышт, славной батыр, пажалста...

И казах, разьом «Максимөн» пельпомъяс выланыс, патрон тыра восьтытөм цинкөвөй көрөбөн киняувъясаныс, ёртъясыскөд вошис траншея помө. Сөмын на сийө петіс дзотысь, кытчө овмөдчис РПД-лөн расчөт, быттө дзик юр весьтасын өшйис яр электрической люстра да югыда югдөдіс гөгөр. Алексей сунгысис траншеяө, сәк жө, быттө дзик орччөн, эрыштчис немецкөй пулемёт, гөрд би киньяс дзивкнитісны-ләбисны пөшти орччөн.

А асывнас курсантъяс аддзисны немецъясөс, кодъяс завтрак бөрын заводитісны кодйыны выль окопли, мый ли. Уджалисны зіля, муыс сөмын ләбис зыръяс увсыныс. Абу весиг некод саймовтчөма, непөштө полис кодыськө. Нюрыввса шочиник понөल्याс да косьмөм вөсньыдик пуяс костті ставыс бура тыдаліс. Быттө гортасөсь, быттө көзяинъяс, быттө метр куимсө сайын абубсь миян окопъяс, быттө сәні оз йирны пиньнысө курсантъяс. Лоис вывті өбиднө: позьө өмөй терпитны татшөмторсө? Взвод өти морт моз восьтіс би — гитлеровецьясөс нөбөдіс ыджыд төв нырөн моз. Воча кывсө дыр виччысьны эз ковмы: фашистъясладорсянь таркнитісны пулемөтъяс, катшкөдчисны винтовкаяс. Ставсө тайөс вевттис квайт ствола миномөтлөн пиньтө ныждысь шыыс. Гөгөр шутьялісны, дзиньялісны пуляяс, сәсся мөдісны потласьны минаяс. Найө усялісны кытчөкө мыш сайө да лөксө эз вөчны. Сьөлөм бурмытөдзыс лыйсьөм бөрын прөтивник лөнис. Тыдавтөм агитаторлөн мегафонөн ёнмөдөм неыджыд акцента гөлөс ясыда воис курсантъяс пельөдз:

— Биа чолөм сталинскөй салдатъяслы! Ми радөсь тиянкөд аддзысьны, дона гөстьяс, ми сетім сөмын неыджыд концерт... Симфонияыс водзын на...

Миян окопъяссянь бара ратшкөбтисны залпъяс: нөшта и тешитчöны!

— Мирнöя овлöмаось тані миянöдз.— баткөбтис Пеньков.— Тайö тö мый на... Тулыснас öти частъын вежласьöмаось весиг öттор-мөдторйөн. Урчитöминö миян нуöны сукар: видзөдтö, сылөн няньыс абу пöтöс, а бöрсö босьтöны шнапс, консервъяс. Частяс вөлöмаось салдатъяс, кодъяс воюйтöмаось первой мирövöй дырйи на, и сылөн сэтшöмось жö. Исасясны, чуть ли оз «рöдвужъяс» аддзысьлыны сэтшöм салдатъяс, кодъяс и империалистическöй дырйи нöшавлöмаось öта-мөдсö фронтлөн öти участокын...

Младшöй лейтенант сералыштис-гигзыштис, а сэсся тшöктис Алексейлы:

— Мыйөн пемдас, ветлöй видзөдлöй: кутшöм нальк лöсьöдö сийö. Пöпуттьö сувтöданныд секрет: сыкөд колö пельтö чошкөдöмөн овны. Йöзöс бөръянныд асьныд, тi найöс тöданныд бурджыка, чем ме.

Тадзи заводитис воюйтны Алексей.

Рытьядорыс взводö воис ротнöй. Тöдмасис йöзкөд, кодъяс мунöны разведкаö, сетис некымын сöвет.

— Сылөн позицияяс водзын минаяс абуюсь,— кыв көрталис Бурмистров.— Думайтö водзö зырсьöм йылысь, со и нинöм оз лöсьöд миянысь видзчысьöм могось, чайтö, огö лысьтöй волыны «гöститны». Правда, көнсюрö шыблалöма-потшсьöма спираль-бруноөн, но миян водзын и сийö абу. Эн вунöдöй асланым миннöй поле помö сувтöдны маякöс. А то бөр локтигад вермад веськавны асланым фугасъяс вылö.

Урчитöм кадö разведчикъяс петисны траншеяысь да сылисны пемыдас. Та бöрын взвод эз нин кунылы синъяссö, пукалис окопъясын пельсö ёсьтöмөн.

Кадыс виччысигад колис ньöжйö. Вöли лөнъ, не кө артавны дежурнöй пулемётчикъяслысь лыйсьöмсö. Кор кадыс катовтис **вой шөр сайö**, взводö локтис и Бурмистров. Сийö майшасис, а сэсся кутис каитчыны.

— Колис асьыным фронтовикъясöс ыстыны, а тi опытнöй морт, эн жö гөгөрвоёй, Пеньков ёрт. Ротасысь пöшти став автоматъяссö сетi.

Взводнöй сöмын нускис пöдöм нырнас. А мый шуан татчö? Збойлун, смеллун, сямлун, пельклун да вын-эбöс налөн тырмас, вот опытыс сöмын абу. Но взводнöй эскис аслас отсасысьлы, эскис и сыкөд мунысь курсантъяслы. Друг сэтысь, кодарö чошкө-

дөм пельяснас кывзисис взвод, явö кывліс гранатаяслөн потласьом да мян автоматлөн ёсь гөлөсыс. И ставыс лөнис. Командиръяс кыпöдчисны, зілісны мыйкө аддзыны сап пемыдсьыс.

— Тшөктылі сөмын видзөдлыны,— быттьö лөвтыштіс взводнөй.— А найö заводитісны косясьны. Петукъяс, час, волад да петкөдла ме тіянлы...

Командир босьтіс сьөрсьыс некымын курсантөс да котөртіс миннөй полеын вөчөм коридорті нейтральной полоса заводитчанінө. Оні лыйсисны сөмын немецьясладорсянь: яра, скөра, пулемётъяс да автоматъяс быттьö виньдалісны тэрмасьöмысла. Со и первой миналөн би сюръя, мөдлөн, коймөдлөн. Лыйсьөм өтарө чорзис. «З-з-з!» — юр весьтті живөбылісны пуляяс. И сэки, ракетаяслөн югөръяс улын, взводнөй аддзис таланьö матысмысь вуджөръяс.

— Зеленцов!— эз вермы водзö терпитны да чукөстіс Пеньков. Здук-мөд мысти ышкысь-пошкысь разведчикъяс веськыда гылалісны командир дорө. Эз вөв радлунлы помыс, кор төдмалісны, мый ставөн ловьяөсь, сөмын өтилысь сойсьыс небыд яйсө писькөдөма пуля. Но тайö, вөлөмкө, абу на ставыс. Курсантъяс вайөдөны сьөрсьыныс ловья немецөс, ас кокнас.

— Но и но, — эз вермы кутчысьны взводнөй, өні, дерт, радысла нин.— Полкөвөй разведка локтөма куш киөн, а ті?..

Водзö сёрнитны эз позь, заводитіс асьыс зывөк музыкасө палялөм «ишак», траншея сайын кыліс минаяслөн шутьялөм-омлялөмыс. Немецьяслысь скөрмылөм прөйдитөмсө лоис виччысьны траншеяясө лажгөдчөмөн вель дыр. Бур, мый курсантъяс гөгөрвоисны найөс джудждөдыштыны.

Ротнөйлөн чунь төрмөна землянкаын өзйис гильзаысь вөчөм нейджыд лампа. Бурмистров тшөктіс связнөйлы вайны старшиналысь кос паськөм, медым вермис вежсьыны конвойнөй пыдди тані жө сулалысь Алексей. Немец пукаліс кер пом вылын, вөсньыдик пожөм тьөсьясысь вөчөм пызан пөвійö гыррдзанас мыджсьөмөн. Лампа югдөдіс сылысь кельыд чужөмсө, еджыд юрсияссө: пилоткасө уськөдөма кытчөкө. Унтер-офицер, ар кызь витысь уна он сет.

Шыасис зуммер, ротнөй кыпөдіс трубка, кытысь кыліс Киселевлөн — батальонса командирлөн — дөзмөм гөлөсыс:

— Кутшом зык-шум тиян? Начальствовольсь унсö пальёданныд, а ме нинөм ог төд? Тэ, кызди и век, абу местаад, и связнойсьыд төлкыс чегөм грөш дон.

Бурмистров доложитис. Киселевлөн гөлөсыс веж-сис, рада горзис трубкаө:

— Аскөдыд пыр жө вайөд татчө! Ме доложита начальстволы, мися, эз весьшөрө зычитны, коймөд ротаыд төдө мый вөчны. А тэ, Бурмистров, эн вунөд орёлъястө представитны наградаө.

Сёрнисө помалөм бөрын ротной бергөдчис плен-нойлань, шуис мыйкө немецкөй кыв вылын. Но мө-дыс вочавидзис рочөн. Ставлөн чуймөмысла шармис-ны синъясыс.

— Шензынысө нинөмла,— пленной чужөм вывти мунис мыйкө нюмсер модаа,— семья овлис Прибал-тикаын, Германияө мунис войнаөдзыс...

— Сидзкө ти и көсийсинныд төрыт петкөдлыны миянлы симфониясө? — юалис Бурмистров.— Вот фрукт...

— Прикажитисны. Батальонын меысь өтдор некод оз төд роч кывсө.

Ротной да взводной неуна дивуйтчыштисны, плен-нойяс ас йывсыныс эз зэв сёрнитлыны, торийөн нин ичөт начальствокөд. А тайө варгө окотапырысь, вись-талө, мый юалан.

— Ми неважөн на воим лунвылысь. Дивизия участвуйтис Севастополь дорса косьясын. Кызди ась-ныд төданныд, генерал-фельдмаршал Манштейн козналис морскөй крепостьсө фюрерлы. Сийө думай-тө вөчны тайөс и Петербургкөд.

Ротной юалис:

— А мый мөвпалөны та йылысь салдатъяс?

Пленной олис чөв. Көсийсны нин нуөдны сийөс ба-тальонса штабө, но сэки унтер-офицерлөн бара каль-калис вомыс:

— Бурджык мөдысь босьтны Севастополь, чем воуйтны тани: номъя-гебъя, нюйт, сись ва, нөшта кө недыр и дивизия пöрас порсыяслөн соединениеө... Де-лөыс воис сэтчөдз, мый орчча частысь өти офицер лыйсис: эз вермы лэптыны баронлөн лолыс няйтын луасьөмсө...

— Да-а... вот тайө фрукт,— серөктис ротной.— А ти, унтер-офицер, онө полөй?..

— Ме нинөмысь ог пов,— кыпөдыштитис гөлөссө пленной,— ни Сибириысь, ни пуляысь. А мыйла ме-

ным уважайтны педантичнõй пöрадоксö, найö оз пыдди пуктыны менö — асыввывса немецöс, ог кыскась пидзöс вылын и ме...

— Со тэныд и фунт изюм,— нюммунис невöляясь ротнõй да тшöктис нуöдны пленнõйсö батальонса штабö.

Пеньков кыв эз сетны ротнõй ордын, а аслас овмöсас восьлалигөн варовмис. Тайö немецыс пö абу настоящõй, вежöм кодь пö, татшöм гитлеровецьясыд пö оз овлыны. Либö пö олöмыс чегöма, кызд казътыштлис ачыс. Сэссия корис висьтавны, кызди делöыс вöли, ковмас пö наградитöм йылысь рапорт гижны.

— Аслым оз веритсьы, мый тадзи, шылыда артмис,— вочавидзис Алексей.— Воим сэтчö бура. Дерт, кыссьыны да уйны лоис дыр, кöтасим, няйтöссим. Ракетаяссö, лешакыд, лэдзалис дугдывтöг, унджык куйлим, чем писькöдчим водзö. Матыстчим, видзöдам: миян позицияслань нетральнõй полосаті нин нюжöдчö траншея-ус... И уджалöны фашистьяс войнас, луннад найöс öжгим да. Морт вит-ö-квайт. Нишаö, медым эз тыдав биыс вылісянь, сувтöдöмаöсь карбиднõй лампа, и шуркйöны-кодйöны. Кöсйим нин бөр бергöдчыны да воис юрö öти мöвп. Сöветуйтчыштим. Вермис пусьыны делöыс: сэсянь немецкõй позициясöдз абу матын, оз другөн воны отсöг вылö. А уссö кодйысьяс абу сувтöдöмаöсь весиг наблюдательöс. А этйö унтерыс эськö и эз кодйысь, но сулалис траншеяс миянлань мышкөн. Дай киясным сэтшöма луддзисны, татшöм матысьсö, гашкö, сэссия ог и аддзылõй фашисттö, кызди нö он сизьдышт сылы ныр-вомас. Ратшкöбтим кык РГД-өн. Кодкö ещö сетис öчередь. А миян унтерыд бокинджык вöли. Ловйөн кольöм вöснаыс радысла ли, весьöпöрöмыса ли уськöдчис гортланьыс пыдди миян сывйö. Со и ставыс, гвардияса младшõй лейтенант ёрт. Ме ёнджыка полі сыысь, мый ог аддзõй асланым миннõй полеысь петанінсö, бур, мый паныд воинныд. А этйö унтерыслы горöді, мый кöсьян кö кольны ловйөн, котöрт орччөн. Сідзи и локтис ас кокнас, ни öти кыв шутöг. Вöлöмкö, лешакыд, ставсö гөгөрвоö. Спаситис сййö, мый фашистьяс восьтісны бисö сёрөн, а сэк кості... Оз öд весь шуны: дудöм вöv пö и то гортланьыд рöдтö.

— Тадзи везитлö олöмад öтчид,— баткöбтис Пеньков.— Кодкö кевмысьö тиян вöсна, сержант. Пöдругайд эм?

— Эм... Но и мам, дерт...

— Отсаліс и сійö, мый немецьяс вышитчöм вöсна-
ыс вунöдісны видзчысьнысö. Сюркняв, сержант, пель
саяд, нем кежлад урок: со кытчö вайöдö ыкшаасьö-
мыд, мукöдöс морт туйö пуктытöмыд. А секреттö сув-
тöдам тавой. Кöсйöны миянлысь, узысь курöгьяс-
лысь моз, бертовны сьылідзирнымöс. Оз артмы!

* * *

Эз татшöм шудаа заводитчы фронтöвöй олöмыс
Расовлөн. Веськаліс орчча соединениеö, кытчö кур-
сантъясöс эз сетны. Медсанбаткөд пöшти орччөн —
дивизиялөн штаб. Тайöс Гена гөгөрвоис ветлысь-мун-
ысь командирьяслөн петлицаясас шпальяс серти.
Дай медсанбатнас командуйтис мөд ранга военврач.

Сöстөм да сир көра сынөд. Пожөмьяс улö зэвтö-
ма гырысь палаткаяс. На костын корсюрö тыдовтчы-
лöны санитарьяс, сестраяс. Лөнь, не кө артавны ми-
ян тыл бомбитны выліті лэбысь «Хейнкельяслысь»
өдва кылысь мотор шысö да рытыввывсянь корсюрö
волысь муралөмсö. «Тані, передөвöйсяньыд дас кык
верст саяд, воюйтнытö поэб», — мөвпыштіс Расов. А
сылөн туйыс нюжаліс водзö — полкөвöй медицинскöй
пунктö, кытчөдз ясыда нин кыліс фронтлөн биа ло-
лалöмыс. Но Расов эз öшйы и татчö. Сылөн местаыс
вөлöма медицинскöй отсөг сетан батальоннöй пунк-
тын — БМП-ын. Со коні Расов аддзис войнасö.
БМП — ыджыд землянка. Мича да долыд пожөмьяс
пыдди неыджыд зумыш козьяс, пипуяс, кодьяс заво-
дитöмабсь вижөдны да гөрдөдны. Минаяс да сна-
рядьяс тшөкыда потласьлісны и тані, сöмын эз шуть-
лявны пуляяс. Но йöзыс велалөмабсь, ёнасö эз коп-
расьны ни эз исавны мусö нырнас, кызди тайöс вела-
ліс вöчны Расов ротаясö ветлігөн, кодьяс пиысь öт-
кымыньяс кутісны оборонасö веськыда нюрас. Найö
унаысь зільлісны пискөдчыны водзö, бурмөдны ас-
сьыныс позицияссьö, но весьшөрö: немецьяс бөр зыр-
лісны подразделениеяссö важ окопьясас. Тайöс бура
гөгөрвоис Расов, кор видзөдіс ляпкыдик траншеяса
бруствер сайö дзесьöмөн нейтральнöй полоса вылө,
код сайын вөліны тыдавтөм немецьяс. Нюр веркөсö
снарядьясөн да минаясөн вөчөм му гыяс вылын туп-
лясисны көрт торпыригьяс, розя сімөм каскаяс, пу-
лемётнöй лентаяс, жөч көрөбкаяс, жугласьөм ору-

жие. Қотъ кытчө он чөвт синтө: веськыдвылө ли, шуйгавылө ли, водзө ли — быдлаын ва тыра воронкаяс, чегъясөм да пөлөстчөм дженьыд майөгъяс, на костын тупляисны то везнитөм, то ёкмылясьөм сутшкасьысь сутуга, а көнсюрө куйлісны весиг идравтөм шойяс, пөшти нейтральной полоса шөрас съөдзвидзис сотчөм танкеткалөн сімөм колясыс.

Ляпкыдик траншея стенъясысь киссьө лыаыс, мыйөн сөмын заводитасны лыйлыны немецкөй минометьяс да пушкаяс. Салдатлы лишнөй мырсьөм — өтарө кодйысь муош моз. Тані важөн нин вунөдісны, мый лун югыд дырйи позьө ветлөдлыны: сөмын уялөны да кыскасьөны. Кыпөдчин — наркомзем либө наркомздрав, кызди шуоны окопникъяс, мөд ногөн кө — виас либө дойдас; фашистскөй снайперъяс оз узыны, ёна дөзмөдчөны «лягушкаяс» — немецкөй ротнөй минометьяс, кыйсьөны быд ловъя бөрся.

Татчөс окопникъяс завидьтөны налы, кодъяс вермөны шойччыны шоньд землянкаын, косътысьны жаркөрт пач дорын, пуны концентратысь рок, пузьөдны чай, узыштны небыд лыскөн вевттьөм нар вылын вольпас вылын моз. Майбырөй олөмөй — веськыд рай. Сідзи жө заводитіс мөвпавны и Расов, кор оліс тайө ротаясас некымын лун. Шойччанінъяс и тані вөліны. Но кутшөмөсь? Мөвпыштнысө та йылысь водздзык эз сяммыв. Метр джын судта гуө вольсалөма вөсньыдик потшъяс, ньөръяс, пу вожъяс, лыс лапъяс. Пыдөджык кодйыны оз позь: воө ва. Вылысянныс тупкөма гусө потшъясөн, кодъяс вылө вольсалөма плащ-палатка да му либө трунда. Вевтсө землянкалысь вөчөма пөшти нюр веркөсыс выяс, вылөджык оз позь: казяласны кө немецъяс, пыр жө ставсө пузувтасны минаясөн да снарядъясөн. Сөянсө вайөны сөмын войнас — боецъяс ветлөны термосъясөн тылө, кизьөреник, ляпкыдик вөраинө, көні дзебяссьөны полевөй кухняяс, БМП, батальонлөн штаб.

Татчө веськалөм бөрын некымын лун мысти нин Расов дзикөдз ныжмис, нем думайттөг, машина моз видлаліс тошсялөм, гырдемөм синъяса няйт паськөма боецъясөс, сеталіс сөветъяс, коланінө киськаліс дуст, бур, мый раненөйяс эз вөвны, эз ковмы юртө пудъялігтыр кыскавны ас вылас БМП-өдз. Сэтчө жө бөръя кадас кымөртчис. Лоис ещө гажтөм лов вылас, а мыйөн и нимкодьясьнысө: мисьтөм руд му, выль воронкаяс гөгөр рудов нуйтөн резөм нюр веркөс, рокөс

кодъ нйтысь кормом руд шынельяс, тошсялом, нюр-
смуном, му рома чужомьяс.

Татшом олөмсьыс вежорсо воштыны заводитом
военфельдшер эз нин шензы немтор выло. Сылы ло-
ис весиг яндзим, кор уси дум вылас, кыдзи видлис
шудтом салдатьясөс урөда да нйита олөмысь. Расов
водзти эз төд, мый воронкаясысь гудыр васө поэю гу-
мовтны портийон сомын войнас, качлысь ракетаяс ко-
сын.

И со тани, колө жө лоны сидз, ныр на ныр тангы-
сис землякыскөд. И кодкөд чайтад? Кастусь Мишка-
көд, кодлысь коркө Вежтыдорса медпунктын Алек-
сейкөд нетшыштлисны пиньсө. Дерт, найө эз пыр жө
төдны өта-мөднысө-а. Первойсө военфельдшерлы
синмас шыбитчис Кастусь Мишкалон войпу тушаыс.

«Сомын татшомьясыслы и овны-вывны куим пельө
кусынтьчөмөн ош гу кодъ землянкаясын да кыскась-
ны мукөдлаас пидзөсөдзыд кодйом траншеяясти», —
джуджыд тушаа, ыджыд мыгөра боецөс аддзөм бө-
рын мөвпышти Расов.

Некымынысь ылысянь паныдасьлом бөрын Расов
өтчюд прөйдитис йөжгыльтчөм, пельпомьяс костас
юрсө дзөбөм, кузь тушаа салдат динти.

— Военфельдшер өрт, важон Вежтыдорсянь? Тө-
дин эн? — юалис сийө.

— Мишка, тэ? Збыльысь тай вөлөм дзескыд воль-
ной светас,— татчө воом бөрын, гашкө, первойысь
нюмдис Расов.— Пиньыд оз висьмывлы, оз мешайт
тодмышкавны гитлерьястө?

— Ачыд аддзан,— нюмсер модаон вежынтьчылис
Кастусь Мишкалон бритлывтөм тшөтя чужомыс.— А
тэ кор татчө воин? Сомын на? А ме тани ранитчылөм
бөрын нин, мөдөд төлысь. Талун-аски виччысям ве-
жөм... Көни шойччам? Верст куим сайын, бур землян-
каясын, ягын. Сэни и пывсян эм. Бритчам, вежсям,
мортъяммыштлам недыр кежлө, а сэсся бөр татчө,
тош быдтыны.

Землякьяс гартыштинис кузь чигаркаяс. Кастусь
Мишка көйсис косявны гортсьыс воом письмөсө:
окопникьяслон эз вөв ни газет, ни бумага тор — ку-
ритисны ставсө, мыйө позис гаровтны махоркасө. Но
Расов кутис сийөс киөдыс, сетис гудөк моз нюклялом
газет:

— Босьт, менам эм на.

— Вот тайё пōдарки! — нимкодъмис Кастусь Мишка.

Землякъяс пемдōм бōрас пукалісны бруствер вылын, варовитісны. Аддзысьōмыс кыкнанныслысь кыпōдіс ловнысō. Кастусь Мишка, дерт, абу нин сэтшōм кыв-вора, но сы пыдди Расовлōн гора гōлōсыс дзольгис-визувтис ланьтлывтōг.

— Талун немец ракетаясōн оз шыблась, тыдалō, и налōн запасыс воōма ичōт кōшō,— сёрнитис Геннадий.— Сы пыдди ёнджыка уджалісны дежурной пулемётчикъяс, трассирующей пуляяслōн би киньясыс со кыдзи визъялōны пемыдас.

Весиг татшōм, аддзысьōмысь радлана, здукас салдат кылō войнасō: лыйсьōм, минаяслōн да снаряжьяслōн потласьōм шы серти пыр жō казялō, кутшōм вежсьōм лоис противникладорын, виччысьō, кутшōм дзуг дасьтысьсō сәні сы вылō, синмыс доймытōдз видзōдō немецьясладорлань, и сәки сыысь оз дзесы немтор. Косьясын вōлōм салдат ставсō гōгōрвоас.

«Мыйла оз шыблась ракетаяснас немец?» — тайō мōвпыс эз вешйив Расов юрысь и сёрнитигас. Сы йылысь жō мōвпаліс и Мишка. Личмуніс землякъяслōн сьōлōмъясныс сәк, кор ракета-люстра быгыда югдōдіс нейтральной полосалысь отсō.

— Бачка, бачка!.. — друг кватитис кодкō Кастусь Мишкаōс шынель бōжōдыс да мōдіс кыскыны бруствер вылысь. Тайō вōлі томиник таджик, пōшти зонка на.

— Молодеч, Ахметка! — шуаліс траншеяō таджиккōд орччōн пуксьōм бōрын Кастусь Мишка. — Молодеч, якши, Ахметка!.. — сәсся бергōдчис Расовлань да ошйысьыштис: — Менам вежапи, военфельдшер ёрт, нимыс — кыв оз бертчы шунысō, со и нимта тадзи, Ахметкаōн. Взвод ме вылō видзōдōмōн — тожō. Пырті сійōс эг купельын, а тасмаōн. Мыйысь? Воис мянō неважōн на, джыдж кодь ичōт, век кутшōмкō пельōсын куткырвидзō, сōмын шыла синьяссō оз вештыв тә вылысь. Заводитлі тары-бары, да ни бельмеса: ог пō гōгōрво, юрнас довкйōдлō. Жаль лоис, мися, вежōртōм кычан моз пропадитас. Мōді син улын кутны. А кычаныдлōн юр пыддиыс абу рок пуан пōрт вōлōма. Пемдōм бōрын, кор траншеясыс часōвōйяс да патрульнойяс кындзи некод абу, мōдіс вошласьны, отчыд дай мōдысь. Часлы, мися, кыйōда. Петі бōрсяныыс, муні траншея чукуль сайō дай лань-

ті. Синъясөс арышти, но пемыдас немтор ог аддзы. Матыстчышти, лов шыөс кута, мед оз казяв. Сэки ыпнитіс ракета... Вөлөмкө, лэптөма ки пөвсө бруствер весьтө! Со тэныд и кычан. Кыдзи тай някырті пельсө, чирзигас и нуөді взводной дорө да туй вылын некымынысь поводной жвучниті мышладорас, коссыйс улөджык. Взводной воча котөртө, кылөма Ахметкалысь риксөмсө да. А сійө мян стрөг: кадрөвой, старшой сержант, ачyd небось аддзылін, военфельдшер ёрт. Ме эськө и лэдзи нин пельсө, а вежапийөк век на кутө доймөм местасө да лимзалигыр мыйкө лөвтө ас ногыс. Взводной мян туркмен, сяммө таджикъяс мозыс, со и норасьө менам Ахметкайө сылы, мамыслы моз жө. Висьтасы и ме. Взводной сетіс меным благодарность, куим сутки чөж эз ыстыв нарядө, көть взводын дас вит боец и эм.

И водзө гусьоник видзи син улын. Кыдзи да мый йылысь төлкуйтөма взводной менам вежапикөд, но сэссия войнас Ахметка землянкаысь эз нин петавлы, а пост вылын сулавліс мекөд орччөн, велалис да батыөн лыддьө. Со, бруствер вылысь кыскис, мед эг доймы. Пасибө, Ахметка, пасибө,— лапкөдыштіс пельпомас «вежапиыслы» Кастусь Мишка.

— Не кө ті, Михаил Константинович, Ахметкайд трибуналө веськаліс. А сәні дыр оз чеченитчыны.

Ахметка оліс чөв, көть и вөлі орччөн.

— Военфельшер ёрт, эн кывлы немтор, тэ өд матынджык начальство дорас? Төрыт ветлі кухняө обеда... Сёрнитөны: ыджыд пополнение пө воөма... Тыдалө, регыд наступление. Мед көть өдийөджыд нин, а тані воюйтөмыд мян зуд гыжъялөм кодь жө. Дай прөклятой нюрсыс, ёрөм местасыс мынам. Тэ вот, военфельдшер ёрт, вөчин ассыд делөтө и бөр мунін ВМП-ө, завидь босьтө...

Расов кежөдіс сёрнисө мөд вожө: землякъяс заводитісны казътывны Вежтыдор, Койгорт сикт, Сыктывкар, гортсаясөс, төдсаясөс. Гена син водзө сувтіс Эжва берег, авъя Тамара, коді пыр жө пөкөритіс зонлысь сьөлөмсө, жаль сөмын: регыд торъялісны да. Гожөмнас Тамараөс уджөдісны сплав вылын, өні сійө, дерт, школаын, лөсьөдчөны сентябрь первой лун кежлө. Том учительницасянь училищесыс бөрын письмөбысь эз на волы, но пыр виччысьө, надея кутө: «Өні, гашкө, куйлө ВМП-ын... А мый сэссия тані пукавнысө: санинструкторъясөс лоис велөдыштөма,

санитаръясöс индöма, инструкторйтöма, мый колö — вöчöма,— мөвпыштис Расов.— Позьö и ВМП-ö. Регыд бара волас татчö, видзöдлас, кутшöм сэки лоасны делöясыс».

Но мöдысь Расов сэтчö эз нин веськавлы, эз удит воны и муса нылыслөн письмöбыс: заводитис дыр виччысына наступление.

* * *

Волховскöй фронтса вöвлöм командующöй Сöветскöй Союза Маршал К. А. Мерецков аслас мемуаръясас тайö наступление йывсьыс гижлис:

«Ленинградлысь блокада орöдан операцияыс планируйтсис, кыдзи Волховскöй фронтса веськыд бордлөн да Ленинградскöй фронтса Невскöй оперативнöй группалөн öтувъя действеяс. Главнöй рольыс сетсис Волховскöй фронтса войскалы, кодъяслы колö вöли орöдны противниклысь оборонасö Синявиноысь лунвылынджык, жугöдны сылысь мгинско-синявинскöй группировкасö, петны Нева дорö да öтлаасыны Ленинградскöй фронтса войскакöд...»

...1942 вося август 27 лунö кык часчöжся артиллерийскöй подготовка бöрын, кодi помассис реактивнöй снарядъяслөн 10 минута ён налётон, көкъямысöд армиялөн веськыд флангыс да шöрыс Ладожскöй тылөн Бугровскöй мыссянь да Вороново пунктöдз мöдiс зырсьыны рытиввылö. Кык лун чöж наступлениеыс мунiс бура... Коймöд лунсяныс наступление надзмис. Первой эшелон орöдiс вражескöй оборонасö вит километр пасьта да сылөн боевöй порядокясö пырöдчис сизим километр ылнаö. Но та вылын делöыс и сувтiс...»

Дивизия, көни воюйтис Расов, сулалiс фронтлөн веськыдыв флангас, Ладожскöй тыыс лöзалiс орчөн. Некемын рота весиг кутiсны оборонасö торъя дiяс вылын. Наступление водзын частьясö воис пополнение. Ыстiсны отсöг вылö БМП-ö и кык медсестраöс.

Поводдя сулалiс мича, эз усь весиг ни öти зэр тусь. Мыйөн батальонъяс вöрзисны водзö, сынöдыс тырис немецкöй самолётъясөн, найöс ыстывлiсны татчö, блокада орöданiнö, Ленинград гөгöрса пöшти став аэродромъяс вылысь. Немецкöй командование шыбитiс ставсö, мый вермис лишöдны фронтлөн мукöд участокъясысь, векни местаöд рытиввылö зырсь-

ысь миян ударной соединенияс да частьяслы воча. Та вѳсна батальоньяс водзѳ пискѳдчисны нѳжйѳ, но век жѳ пискѳдчисны сьѳкыд да вир кистьтана тышьясын зырисны прѳтивникѳс некымын высота вылысь, босьтисны рабочей посѳлок, кодлѳн кольѳма сѳмын нимыс. А октябрын дивизия приказ серти заводитис бѳрынтьчины важ рубеж вылас: бырис выныс. Аслас батальон бѳрся мунисны местаысь местаѳ сувталігтыр и Расовлѳн ѳртьясыс. Раненѳйяс воисны передѳвѳйсянь орьявлытѳг, ѳткымынѳс ваялісны нѳсилкаясѳн, волокушаѳн, а то и гургисны-кыскисны плащ-палатка вылын.

И таdzi лун бѳрся лун. Ѳтчыд медпункт меститчис посѳлокысь асывылынджык, неыджыд сарайѳ, кодѳс дзѳбисны прѳтивникысь сотчѳм да жуглѳм стрѳйбаяслѳн колясьяс, неыджыд пуяс да понѳльяс. Расов видзѳдіс, медым раненѳйяслы регыдджык сетисны ѳтсѳг сестраяс да санинструкторьяс, а санитарьяс сѳвтисны телегаясѳ найѳс, кодьяс оз вермыны мунны тылѳ. Гѳна вѳлі медпунктын главнѳй пыдди, лоис вочавидзны быд юалѳм вылѳ, индивны, мый кодлы вѳчны, ѳлѳдны зыксыйсясѳ вензьясысѳс. Тані абу медсанбат ни госпиталь, ыж кодь рам раненѳйтѳ он аддзыв: боецьяс сѳмын на петисны бойысь, налы удайтчис водчыны лѳнинѳ, кѳть и омѳлик, но век жѳ вѳвт улѳ, кѳні мырсѳны-вийсѳны на вѳсна тѳждысысь йѳз. Но и медикьяс тѳвйылѳм гутьяс жѳ нин: найѳ велалѳмаѳсь жѳ став дорас, ѳд мый дыра нин мунѳ наступлениеыс, сідзкѳ уна аддзылісны, оз пуктыны пыдди ни раненѳйяслысь кратайтчѳмсѳ, ни грѳзитчѳмсѳ, ни кевмысьѳмсѳ — сѳмын вѳчѳны, мый колѳ.

Расовлы удайтчис тѳрѳдны телегаѳ некымын сьѳкыда ранитчѳм красноармеецѳс, кодьяс быд ногыс матькисны да ѳрччисны, корисны пыр жѳ нуны тылѳ. Сарай пѳшти тыртѳммис, сѳмын кывліс пельѳсын кок пѳла красноармеец-киргизлѳн корсюрѳ чуксасьѳмыс:

— Сѳстра-а-а, юны!.. Сѳнѳта-ар, ва-а-а!..

Мѳд, кулан вйын нин, лѳвтис-корис лыйсьыны пистолет. Страшнѳ вѳлі видзѳдлыны сы вылѳ: бинта тѳбѳд увсьыс петисны кынѳмсыйс лѳзѳдѳм нин сывьясыс. Нуны полкѳвѳй медпунктѳ сѳр дай нинѳмѳн, кыскыны оз жѳ позь:кулѳ.

Расов петис сарайысь лолыштны сѳстѳм сынѳдѳн, курутчыштны. Дивѳ: октябрын Ленинградскѳй ѳб-

ластын татшом кос поводдя, луныс вый сывдө, шон-
дiа, кыпид.

Пемыд да кодзид сарайысь петом бөрүн, Расов
весиг халатувса фуфайка пырыс кылис шондiсө, пы-
дiсянь ышловзис да сэк жө гөгөрвоис: мыйкө абу сi-
дзи, мыйкө вежсьома бой мунанинас. Эз тшөкыда гры-
макывны снаряжъяс, швачкыны-потласьны минаяс.
Поселок сайын, позицияс вылын, вөли чөв. Син улас
уины некымын красноармеец: кодi шынеля, кодi
гимнастёркаа, öти весиг куш юра, сөмын плешсө тө-
быштöма кутшөмкө ветөшөн. Сийö бердчылис да ше-
ныштіс кинас рытыввылө: сэни пö сэсса некод абу, ми
пö полкысь да батальонысь локтам медбөръяясөн.
Виччысь пö сийöс, вот-вот воас татчө.

Расовлөн ыркмунис сьөлөмыс. «Бөрынтчыны? Но
өд приказ эз вөв, раненöйяс эмось и». Шöйöвöшыш-
төмөн Геннадий видзөдліс гөгөр, быттьö корсис кодi
вермас советуйтны, мый колö сылы вöчны öни. Сы
вылө, ен вылө моз, видзөдiсны БМП-са персонал —
медсестраяс, санинструкторъяс, санитаръяс — некы-
мын гоз син юасисны, кевмысисны: «Но, öдйöджык,
öдйöджык, тырмас нюжмасьны...» И сэки Расов ад-
дзис телегаа вöлаөс. Сотчөм керкаяскостса туйтi вөв-
лөм передөвöйладорсянь рөдтіс пара вөв. Телегаас
ездөвöйлы мышкөн станкөвöй пулемёт дорын пукаліс
кутшөмкө командир. Вөлөмкө, полкса штабысь на-
чальник майор Ковалёв. Расовлысь рапортсө кывзөм
бөрүн горөдiс:

— Грузит телегаас раненöйястö! Ездөвöй нуас,
кытчө колö. Ысты ськөд и нывбабаястö. Мужикъяс-
тö босьт сьөрсьыд. Аддзан эсiйö вөр заводитчанинсö?
Аддзан? Сэни котыртöй оборона, чукөрт ставсө, мый
веськалас ки улад, эн видзөд ни звание, ни долж-
ность вылө. Яснө, лейтенант?

Расов, татшөм приказ кылөм бөрүн, гонькнитліс
гөгөр: «Кöни нö оборона котыртны кужысь лейтенан-
тыс?»

Öдва эз серөктыссьы, кор кватитчис, мый сьлөн
петлицаас кык кубик жö: неважөн Геналы сетiсны
медицинаса лейтенант звание. А майор эз кöсiы, ме-
дым татшөм кыв кутанатортö олөмө пöртiс кутшөмкө
военфельдшер, мөд делö — лейтенант.

Вөр дiнөдз тасянь километр сайö. Расов тэрмөдліс
«Максим» гөгыльтысь санитаръясөс, тшөкыда видз-
өдлывліс бөрвыв: оз-ö тыдовтчыны на мышкын не-

мецъяс. Сылөн чепөсйис пөсьыс, көть шыбитас фу-
файкасө. Но воськов эз чинтыны, колө өд ещө удитны
кодйыны окопъяс.

Со и вөр ді. Сэні кос, позьө кодйысьны муө. Стан-
көвөй пулемётсө Расов тшөктіс сувтөдны воронка
дорышө да маскируйтны, а ачыс мөдөдчис кытшовт-
ны матігөгөрсө. Сы веськөдлөм улын лоисны некы-
мын красноармеец да сержант. Окмис мыйкө взвод
модаа. Красноармеецъяс окотапырысь кывзысисны:
тыдалө, важөн нин абу кывлөмаөсь да аддзылөма-
өсь кубикъяса командирөс. Но лөкыс вөлі со мыйын:
Расов эз төд, кодкө эм-ө насянь шуйга да веськыдвы-
лын, колө накөд, эмөсь кө соседъясыс, лөсьөдны
йтөд, но вөчны нинөм эз удит. Эновтөм рабочөй по-
сёлок дорын тыдовтчисны немецъяс. Локтісны найө
колоннаөн.

— Батальон! — мыччис асьыс бинокльсө Расовлы
сержант, кодлөн мыш саяс өшаліс немецкөй автомат,
а патронъяс тыра сюръяссө сюялөма сапөг гөленяс
да кокъяс костас. Киас кутіс штыктөм винтовка.

Бинокль пыр бура тыдалісны фашистъяслөн
джуджыд каскаяс увсьыс зумыш чужөмъясыс, мо-
рөсаныс да пельпом выланыс өшалысь автоматъяс-
ныс да винтовкаясныс. Корсюрө шонді водзын эзысь
рөмөн лөстыштлісны трубкаяс. Мый тайө, кытчө найө
мөдөмаөсь музыкантъясыскөд?

Боецъяс саймовтчисны эштөдтөм окопъясө, Расов
водіс воронкаө, кытөні вөліны пулемётчикъяс. Но...
найө абу на лыйсьывлөмаөсь «Максимысь». Ковмис
уськөдны дум вылас Геналы, мый коркө, ёна важөн,
кыдзи өні кажитчис, сійө кужліс вөдитчыны биөн ву-
рысь тайө машинканас: өд велөдчис командуйтны эз
мыйөн индасны, а буретш пулемётно-миномётнөй
взводөн. И сэки Расовлөн пельясөдзыс воис быттө
юрад клёнгысь немецкөй маршлөн ыргөн шыыс. Фа-
шистъяс локтісны веськыда налань, цепө паськөд-
чытөг, лыйсьытөг. Расов, «Максимлөн» гашетка вы-
лысь певсө вештывтөг, арталіс, корджык восьтыны
би: «Вот воасны эсійө мыр дорөдзыс...»

Медводдза фашистскөй шеренга орччаасис сы-
көд и чуньяс асьныс личкисны гашетка. «Максим»
вурис кузь өчередьясөн, пулемёткөд өти лолөн оліс-
треситчис и Гена. Но мый тайө? Немецъяс восьлалө-
ны и восьлалөны, быттө немтор абу и лоөма, важ
мозыс грымгө оркестр... Гена пиньсө векуштөмөн

выльысь личкис гашеткасö да эз торйöдчы сэтчöдз, кытчöдз эз помась лентаяс. Бур, патроныс уна да, некымын көрöбка. Дай олöма санитар кужö отсасьны — лосьöдлö лентасö.

— Молодеч, старикан! — ошкыштіс Расов.

Сэк жö Геналөн сьөлöмыс көдзавліс: фашистъяс эз усявны, көть эськö «максим» кожухын ваыс пузиснин, и орччөн ратшкөдчисны-луйсисны винтовкаясысь Расовлөн группаса боецъяс, но строй да окопъяс костын ылнаыс öдйö чиніс. «Гашкö, патронъясыс холостöйöсь?» — Расов эновтчис лыйсьöмысь да малыштіс лентасö: пуляяс местаынöсь... А гитлеровецъяслөн стройыс сэк кості нöшта на матысмис, сэки Геналөн ёсь синмыс казяліс, мый водзын мунысьясыс усьöны, быттö кытчöкö сконъясьöны, а на местаö сувтöны бөръя шеренгаяссыс выльяс. «Со, вöлөмкö, мый! Психической атаки!»

Фашистъяс гоз-мөд воськов бöрын кынöмас мыджöм шмайсеръясысь заводитісны резны пуля шерөн, уськөдчисны котöртны. И сэки Расов группасянь веськыдладорын кутіс яра таргыны мөд «максим». Тайö вöлі ыджыд мастер, восьтіс кинжальной би гитлеровецъясöс пöшти ныр улас лэдзöм бöрын. Но фашистъяс котöртöмысь эз эновтчыны, тыдалöны нин восьса вомъясныс: горзöны-ышöдöны асьнысö. И сэки миян позициясянь дженьыд дегтяревской öчередьясөн мөдісны шырны атакуйтясьясöс некымын РПД. Татшöм бисыд фашистъяс мөдісны усьны ытшкыштöм турун моз, а сэсся бергөдчисны пышйыны посёлөклань, кытысь и мыччясьлісны, марш шы улын збодера восьлалігтыр. Ланьтіс, эз тыдав и оркестр. Позицияяс водзын, кытчöдз судзсис син, туплясисны гитлеровецъяслөн сьöд ракаяслөн кодъ шойясыс, сöмын некымын дас морт ёна нин ылын котöртісны асланыс дзесьянінас.

— Быттö кино вылын! — бергөдіс Расовлань кабала кодъ еджыд чужöмсö сьлөн отсасьысыс, пуксис, гартыштіс чигарка.— Да-а, абу кокныд, вöлөмкö, татшöмтор дырйиныд...

Расовлөн чужöмас вирпасыс эз жö вöв, век на сырмысь чуныясыс махоркасö киськалісны муас, бумага боктіыс. Öні сійö вöлись повзис: «Мый эськö лонис, эз кө сяммыны сувтöдны гитлеровецъясöс? Сэки эськö эз ло и славной полклөн китыр колясыс, пуктісны эськö юрнысö и найö, медбөръя могиканъяс. И

сійö тшöтш — медицинаса лейтенант Геннадий Расов».

Вөр дi дорын югдвиг би койигтыр пыр жö швачкысисны-потiсны медводдза минаяс. Эновтöм посёлоч сайсянь шыасис дзуртысь гöлöса ишак: «Иуууи-иуууи-иуууи!»

Расов кöйсис сетны команда, медым йöзсö петкöдны минаяс улысь, но эз удит — быттьö зорйөн жвучкисны сылы кокас, сэк жö öттшöтш пöсявлiс морöсыс.

Воис ас садяс лайкъялöмысь: куйлö плащ-палатка вылын. Нуысьяс лэдзисны сийöс муö, медым лолыштны. Гена весьтö копыртчисны, и сийö öдва кучысис нимкодя горöдöмысь: Кастусь Мишка аслас «вежайи» Ахметкаыскöд петкöдöны сийöс би улысь.

— Эн сёрнит, военфельдшер ёрт,— лöсьöдiс ранейлөн морöс вывсьяс бинтьяссö Ахметкалөн «вежайыс». — Сестра эз тшöкты сёрнитöдны, морöсад веськалöма да... Ловйөннас ми сöмын и колим, и не сöмын взводьсь, а ротаысь... Ставөн сэтчö усины, — Кастусь Мишка индiс кытчöкö бөрлань.

— Миянöс татчö вайöдiс майор Ковалёв: сувтöдiс, вöли бöрыньтчам да. Кор помасис гымыс-биыс, локтiм Ахметкакöд тöдмасьны герой-пулеметчиккöд, видзöдам да — миян военфельдшер... Со и ставыс. А öни кунь синъястö, лейтенант ёрт, да мövпав мыйкö сэтшöмтор йылысь, медым лолыд радлiс. Но, шуам, сийö жö Вежтыдор либö учительница Тамара Николаевна йывсьыд... Регыд нин воам санчастьö, терпityшт неуна, лейтенант ёрт...

Ахметка, кодi векджык чöv олiс да сöмын кодзлалiс сьöд синъяснас, друг юалiс:

— Дохторъяссö öмöй лыйлöны жö?

Расов нюммунiс, аттьöалöмөн топöдлiс сылөн «вежайлысь» сарөгöсь, клещи кодь чорыд кисö, малыштiс ябыр кодь сьöд «вежаписö» юрöдыс да негораа шуис:

— Война вылад, вокö, быдөнöс лыйлöны, виöны-дойдöны. Видз асьтö...

* * *

Соединение, кытчö вайисны кызвын курсантьясöс, вöли дзик наступайтысь армия шöрас. Август 27 лунся асылö неыджыд артподготовка бöрын гвардейскöй батальонъяс став том ярлуннас уськöдчисны-

атакуйтисны немецьяслысь оборона да орөдісны сій-
ōс. Му вывсянь и енэжсянь чишкалысь-сотысь би
пыр, ассыныс ёртъяснысō вошталігтыр, курсантъяс
штыкъясōн да гранатаясōн пискōдісны аслыныс
туйсō Нева ю дорō. Дивизиялōн полкъяс мунісны
наступайтысь войскалōн гы нырас, буретш найō
медводдзаясōн пискōдісны враглысь оборонасō си-
зим километр пыднаō.

Алексейлōн полкыс вōлі эшелонын да вōрзис мес-
тасыс наступление заводитчōм бōрас сōмын мōд
луннас, кор орчча частьса курсантъяс штурмōн бось-
тисны немецьяслысь первой траншеяяссō да мунісны
водзō.

Немецкōй передōвōйын — вōсни потшъясōн да
пōвъясōн эжōм траншеясын, пулемётнōй площадка-
яс дорын да уна лыда окопъясын — туплясисны гит-
леровецъяслōн шойяс. Фашистъяс онōдз тышкасянінō
эз кольлыны виōм либō съōкыда ранитчōм салда-
тōс, медым прōтивник эз тōд усьōм да вошōмъяс-
лысь лыдсō. А оні лоōма не сыōдз, курсантъяслōн
ёсь штыкъясыс тōлōдōмаōсь налōн юръясысь став
мōвпъяссō, ойдйōджык пышйōм йылысь кындзи.

Алексейлōн ёртъясыс вежалісны водзын мунысь-
яслы, веськыда нетшкысисны тышкō, кōсйисны зу-
расыны вōрōгкōд морōс на морōс.

— Миянтōг нырисны гитлеръястō...

— Оз и сюрлы сутшкыны фашистлы мышкас тайō
штыксō...

— Руньгам-мунам... Гвардеецъяс!

Мый шуан татчō, кōть эськō ёртъясыс юасисны
буретш сылысь — пленнōйōс вайōдōм бōрын кур-
сантъяс син водзын Зеленцов лоис геройōн. Сыкōд
сōветуйтчисны быдōн, ог нин шуōй кывзысьōм
йылысь.

Ропкысыясōс Пеньков вомаліс: удитам на пō сы-
лысь сювсō каттыны, миянысь водз пō некод оз удит
гуляйтны мездмōм Ленинградлōн проспектъяс вывті.
А курсантъяс думсыс сōмын нюмъялісны: тэныд пō
и шывкъявны Невскōй кузяяс, оръясьōм шынельнад
да вакса аддзывлытōм кирпич рōма сапōгъяснад. Ле-
нинградса нывбабаясыс пō гатш усясны ыргōн чужō-
ма, зу тошка, съōд мыр кодъ съōлōм косътысьтō ад-
дзōм бōрын.

Но взводнōй чорыда эскис вермōмō: од мый дыра
виччысис наступлениесō и эз кужлы весиг мōвпышт-

ны, мый ставыс вермас помассыны оз сідзи, кызди мөвпаліс сійө.

— Мөдөд во фронт вылын,— висьтавліс сійө орчөн восьлалысь Алексейлы.— Воюйти Украинаын, луныв море дорын, а йөзлы висьтавысө нинөм: век бөрынтьчам. Оні сьөлөмөй инасис местаө: вөлөма на мян вынным. А морөс тырнас кө лолыштас Россеяматушканым, некутшөм вөрөг оз вермы сулавны кок вылас. Сьөлөмөй кылө — песовтам тайө вөръясас да нюръясас сылысь сьылдзирсө. Ме тиян моз училищеын эг велөдчыв, кубартө петлицаө өшөдісны неважөн на, водзджыксө старшина вөлі. Взводнойясыд өдйө петөны стройсыд: талун воис, а аски, видзөдан да,— абу нин. Татшөм чехарда бөрас и сетісны офицерлысь звание. А сідзсө взводнад унаысь командуйтли и водзджык, кубартөг на... Тиянлы кокныдджык: училищеад тактика велөдінныд. Мый көть и эн помав, взводнад верман веськөдлыны, а звание саяд делөыс оз сувт.

Полк, көть и муніс мөд эшелонын, воштіс нин уна боецөс: минаяс, снарядыас да бомбаяс сы пай вылө вичмылісны эз этшаджык водзын мунысьяслы серти. Корсюрө дзинькнитлісны и ылысянь воөм «синтөм» пуляяс.

— Коді думыштөма тайө эшелонъяссө?— гораа ропкис Пеньковлөн связной Володька Пуляев, неджыд тушаа беринөсь чужөма зон.— Сідзи и спишитас, тыдалө, пуля либө снаряд наркомземө, ог адззыв ловья немецөс... А мян бөрся локтө ещө эшелон — коймөд, сәні, гашкө, и йөзыс нин эз коль.

— Разговорчики, красноармеец Пуляев.— стрөга бергөдчыліс взводной сылысь кок туйсө таялысь солдатлань.— Командованиеөс оз рөссуздайтлыны!

— Гвардияса младшой лейтенант ёрт,— мудеритіс Пуляев.— Командование дінөдз менө могыс эз на су, сөмын ассым мөвпөс ме висьталі, гашкө, коркө военной совет дырйиыд тиянлы сгөдитчас.

— Уна больганныд, красноармеец Пуляев,— дөзмис Пеньков.— Төлка мөвп кө юраныд абу, чөв олөй.

Пуляевлы тадзи чырыштөм бөрын быть ковмис ланьтны.

Батальон наступайтіс то вөрти, то баддьөн тырөм видзьяс вывті, то петавліс паськыд эрдьяс вылө да васөд йөнөдъясө, кодөс креставлісны каналъяс, бөрөздаяс, кирпич рөма вутш чукөръяс, чипасьясө пөр-

ласьом, чирсом вожъяса нейджыд пуяс. Гөгөр тыдалісны гөрд рөма, гудыр ваон тырөм воронкаяс.

Татшөминъясас мунан өдыд төдчымөн чинө, синтө сөйө, сатшө горшад нюрысь петысь курыд көра сисьман дук. Кок улын муыс оз и дугдив сырмөмысь: шонді кыпөдчөмянь да рөмдытөдз наступайтысь войска весьтын өшалөны «мессершмиттъяс», «юнкерсъяс», бомбитөны да лыйлөны квадрат бөрся квадрат. Спасайтө вөр, а мыйөн петан кушинө, фашистскөй лётчикъяс, курөг вылө уськөдчысь варыш моз, гыжъяссө лэдзөмаөсь тэ вылө нин. Тайө абу оборонаад пукалөмыд, кор дөзмөдчылісны сөмын фашистскөй миномётчикъяс, пулемётчикъяс да снайперъяс.

Немецкөй авиация, быттьө аслас енэжын, мый окота, сійөс и вөчө: майбыр, оз мешайт ни өти зенитнөй установка, ни самолёт.

— Узьөны, тыдалө, «Сталинлөн сөкөлъясыс?..»

— Налы эськө училищеса старшинаөс!

Курсантъяс оз-оз дай казтыштасны училищесө, көні найөс котрөдлісны куим арөса чаньясөс моз, совсьыс гимнастөркаяс едждытөдз, өні сэтчөс казармаяс, полигонъяс, кокнысө дзенөдысь плац да весиг гауптвахта кажитчисны пөшти район, горт кодь жө донаөн, весиг мусаөн.

Да, зонъяс пиысь уналөн вочасөн курыдмисны сьөлөмъясыс: эз вөв ни артиллерийскөй билөн бушков, кыдзи велөдлісны найөс, ни мышкын гөгыльтчысь пушкаяс, миномётъяс, эз писькөдны пехоталы туйсө и танкъяс. Өти танк, шуны кө веськыда, мунігас адззылісны жө, сулалө лежнөвка туй вылын жугалөм тракъяснас. И то бур: сы бердө саймовтчөма немец синъясысь батальоннөй кухня.

Котөрөн моз прөйдитісны нейджыд кушин, көні неважөн на чорыда косясьөмаөсь. Немецъяслөн да миян боецъяслөн шойяс өткымынлаын куйлісны юр на юр, туплясисны жугалөм прикладъяса винтовкаяс, няйт скаткаяс, өткымын усьөм салдатъяслөн тыдалісны кабырас шамыртөм вирөсь пуртъяс, ичөт сапёрнөй зыръяс, шыбиттөм гранатаяс — ставыс висьталіс, мый миян боецъяс вочаасьлөмаөсь врагкөд морөс на мөрөс. Шуштөм лов вылад, пытшкөсад поздысьө шог, курзьө сьөлөмыд, кор дзоньвидза морт аддзө татшөм серпасъяссө.

Ыджыд косьлөн зыкө велалөм пельясө воис орчөн лыйсьысь пулемётлөн шы, корсюрө камөдісны и

винтовкаясысь ۆтка лыйۆмъяс. Со сійө, заводитчө... Алексейлөн ыркмунлис сьөлөмыс. Сэк жө понөльяс пиысь воча быйкнитис-петис шынель-скаткатөм да пилоткатөм, косясьөм соска гимнастёркаа курсант. Сылысь кисө кужтөг төбөма бинтөн. Кисыс век на сөдзтысис вир.

— Көни передөвөйыс?— юалис сы вылө веськодя видзөдлысь зонлысь взводнөй.

— Мыш сайын, некымын сө воськов ылнаын и эм, но өдвакө кодкө ловъя сәни...

— Взвод, цептө!— кыскис кобурасыс пистолетсө Пеньков.— Көтөрөн водзө!

Юргисны командаяс и бөрынджык локтысь взводъясын, рота паськөдчис визьясөн да өдвывсьыс и пырис тышө.

Вөвлөм немецкөй окопьясын куйлисны некымын дас красноармеец. Позиция шөрас маскируйтөма вөсни, дженьыдик ствола ляпкыдик противотанкөвөй пушка—«пехоталөн ёртыс». Лафет вылас пукалө косьмөмысла кормөм көртөда киа младшөй политрук. Взвод меститчис окопьясө, Пеньков да Алексей локтисны «сорокапятка» дорө.

— Тайө ставыс, мый колис первой эшелонысь,— орьясян гөлөсөн висьталис политрук.— Но полк пөртис олөмө асьыс мөгсө. Водзө пискөдчыны сьөкыд: прөтивник атакуйтө выль выньясөн. Эм сылөн и гуө суйөм танк, тыдалө сөмын башня вылысладорыс. Миян снарядыяс муртса гыжъялыштөны бронясө...

— Гаубица кө эськө,— ышловзис Пеньков.

— Кысь сийөс босьтан,— вочавидзис политрук.— Ковмас виччысьны войсө, сэк позяс пузувтны танксө гранатаясөн, сюрасны кө тиян удал йөз.

Но командование эз вермы виччысьны рөмдөм ни пемдөм. Батальон вөрзис водзө, атака кежлө лөсьөдчигмоз. Ас вывсьыныс курсантыяс шыблалисны ставсө, мый мешайтчис, весиг шынель-скаткаяс. Водзын, кустьяс пиын, мыйкө югнитис, кылис винтовкаясысь лыйсьөм, на дорө өтлаасис немецкөй ручнөй пулемөтлөн таргөмыс.

— Славяна, ме бөрся, атакаө!— нетшыштчис водзө Пеньков, по пелькджыка көтөртысь курсантыяс пыр жө ордйисны взводнөйөс, тупкисны морөссө жвучкысь көрт төлысь, өд найө удитисны нин велавны сы дорө, радейтисны тайө бур сьөлөма мужиксө.

коть младшой лейтенант и эз гогорвопы та йылысь.

Взводной водзын зэв пелька котортё сылөн связнойыс — Пуляев Володька. Сийё топодёма автомат прикладсё кынём бердас да сёмын и сяркөдө съодас спускөвой крючок вывсьыс чуньсё босьтытөг, а ачыс, быттьо командир, горзё вöсньыд гөлöснас:

— Ура-а-а! Взвод, водзё, ме бöрся!

Горзёны курсантьяс, горзё и Алексей. Сэк, кор тодан, мый вот-вот паныдасян ныр на ныр ськөд, код вылө зывöктытөдз петö лөгыд, кор пуö морöсад скөрлуныд, кор сэтчö чукөрмөма став лёкыс да сийö вöйысьö ортсö — он вермы овны чöv, дай шуны кö веськыда, сэки он казав смертьлысь тэ гогор кытшла-лөмсö.

Курсантьяслань резьöбтис фашистъяслөн ыджыд калибра пулемёт, вöсни звөнөн тьякнитис ичöt пушка. «Со кöни вөлöма гуö суйём фашистской танкыс», — мөвпыштис Алексей. Горзём, ёрччём, видчём быттьö тшöкмунис-лөнис. Танклөн веськыд би улö петём рота сунгысис муö, сёмын некымын боец нöшта на котортыштисны водзöджык. Найö сэсса бөр бергөдчисны, кыссисны, медым лоны ёртъясыскөд орччөн. А Пуляев, камашибöрса подковьяснас югъялигыр, бөрөн зырöдис веськыда Алексей вылө.

Лөнис зык-шумыс и веськыдвылын да шуйгавылын атакуйтысьяслөн. Дугдисны весьшөрö сотны поркнысö и гитлеровецьяс. Курсантьяс лажыньтчисны кустъяс да понöльяс пövсö, вошисны враглөн син водзысь. Пуксис чöv-лөнь. Сёмын мышладорын бомбитöмысь важ моз сыркъялис муыс, муракылис сынöдын да кывлис лөвтöмыс бөрö кольём ранитчём курсантьяслөн, кодъяскөд мошкоритчисны санитаръяс. Вочасөн мөдис шедны лов, курсантьяс кыссисны öта-мөд дорас, горша куритчисны. Друг кылис немецьясладорсянь горзём:

— Рус, не стреляй! Иван, не стреляй!..

Алексей кыпöдчис кузь турун пövстысь, куст сайсянь кыйкнитлис сылань. Неуна шуйгавылын ньöти товтөг курсантьяслань вöсьлалис кустъяс пövстти немец, öвтчис пилотканас. Ыджыд тушаа, дженьыд юрсиа. Сувтис метр ветымын-квайтымын сайö да мыйкö горзис ас ногыс. Воис Бурмистров, сувтис некытчö сайласьтөг, заводитис сёрнитны. Вөлөмкө, немецöс ыстөмаöсь ёртъясыс сёрнитчыны, медым найöс рочьяс босьтисны пленö: дözмөмаöсь весьшөрö кисьт-

ны вир, кӱсйӱны братайтчыны. Сӱрни помассьӱм бӱрын немец бергӱдчис, индӱс аслас мышкас:

— Иван, не стреляйт...

Ӑткымынӱн кӱсйисны вурьштны автоматысь, РПД-ысь, но ротнӱй эз лӱдз: оз пӱ позь красноармеецлы звермышны, гашкӱ пӱ и збыльысь кутасны братайтчыны, виччысьлам пӱ. Тайӱс дыр виччысьны эз ковмы, немецлӱн **мыш саялӱм бӱрын, недыр** мысти, мӱдӱсны потласьны фашистскӱй минаяс да сӱтшӱм стӱча; мый, кыдзи шуласны, боецьяслӱн обмоткыяс мӱдӱсны лӱбовтлыны сынӱдӱ, гӱгӱр кылис ойзӱм, ӱрччӱм, матькӱм. Лоис петкӱдны красноармеецьясӱ тайӱ местасьыс неуна бӱрлань.

— Со тай «братайтчим!»

Курсантьяс ӱбидаяслайирисны пиньсӱ.

— Со ӱд, кыдзи кӱмӱдӱсны, вот и эскы кык кока кӱиныдлы!

Шондӱыс вӱлӱ улын, вӱр весьтын нин, кор кылис самолӱтъяслӱн мотор шыыс, а сӱсся чишкӱмӱн кыпӱдчис ракета да усис, ӱдва эз во мян позицияӱдз. Качлисны ещӱ мӱд да кӱймӱд ракетаяс. Тадзикӱн фашистьяс индӱсны мянӱс асланыс бомбардировщикьяслы, кодьяс бӱр лӱбисны передӱвӱй весьтӱд сӱветскӱй тылын ректысьӱм бӱрын. Немецкӱй лӱтчикьяс тӱрмасисны ужнайтны. На пиысь сӱмын ӱти шуйга борд вылас лӱдзчысьӱмӱн петӱс стройсьыс да шливкнитӱс-лӱччис мян весьтӱ, лыйлис неуна кольӱм боезапассӱ, шырыштӱс кустьяс, пу вожьяс, но пуля шерыс мунӱс боктӱ, боецьяслы лӱкторсӱ вӱчтӱг.

Регыд вӱр сайсянь сывкнитӱсны шондӱлӱн бӱрья югӱрьясыс, заводитӱс ӱдӱӱ рӱмдыны. Шыч ни рач. Лӱнис му и енӱж. Быттьӱ нинӱм абу и вӱвлӱма, кылис весиг суседьяслӱн варовитӱмыс-вензьӱмыс, кодныслы ветлыны ужынла. Алексей мунӱс видзӱдлыны, кыдзи курсантьяс кодӱӱны окопьяс: ӱд найӱ медся ӱна мустӱмтӱсны тайӱ уджсӱ, кӱть и тӱдӱсны, мый война вылын кодӱысьтӱг оз позь. Да, мукӱддырӱиыс боец тӱлысьясӱн оз петав траншеяысь, порок тшынӱн да кӱрӱн ӱжигайтчӱм уль муӱ кодӱӱм окопысь, кодӱ лолӱс олан жыр кодӱӱн, видзис кӱзяинсӱ дойдӱм-виӱмысь. Колӱ шуны веськыда: унаӱн воисны война вылысь ловӱӱн сӱмын сы вӱсна, мый спасайтчывлӱсны оборонаын асланыс киясӱн кодӱӱм окопьясын, траншеясын. Медводз усьлисны найӱ, кодьяс вунӱдлӱсны медводдза заповедь йылысь: «Кӱсьян кӱ

кольны ловйён, кодйысь муё». Со мыйла салдат зэв неокотапырысь петавліс окопысь. И сёмын командирлён горөдөмыс, сылён примерыс кыпөдліс бруст-вер вылө, тшөктыліс котөртны атакаө свинеч шер-лы воча. Ставөн тайөс төдісны Алексейлөн взводын, но вөчисны ас ногыс. Видзөдан: луасьө муош моз курсант, а сёмын бергөдчин — эновтөма нин зырсө, тшөкөлдывайтө ёртыскөд. И медсясө сы вөсна: насту-пайтигөн өти местаын подразделение дыр оз ов, то зырсьө водзө, то петитчө бөрө. Сёмын эштөдін окоп, а сійөс лоө нин эновтны. Уджыс весь вошө. И тадзи дорвыв уна вой да лун чөж.

И өні вөлі сідз жө: кодарлань муніс Зеленцов — сэні кодйысисны, но сёмын бергөдчас, ылыстчыштас — мыш саяс зыръясьөм шыыс пыр жө ланьтліс. Алек-сей, овлө, киөдыс кутас мыжмөм боецөс, сетас зыр, но мөдыс сёмын өвтыштчас:

— Тайө уджыд пожйөн ва коялөм кодь жө, сер-жант ёрт,— шуас курсант да дышпырысь кутчыяс зыр воропө.

* * *

Сержантөс да взводнөйөс корисны ротнөй дорө. Сэні вөлі и комбат — капитан Қиселев. Кадрөвөй ко-мандир, сійө эз радейт больгөм, пыдди пунктис делөсө төдысь да мый колө вөчны кужысьясөс.

— Карта төдан?— юалис сійө Зеленцовлысь.— Бур. Видзөд татчө. Ми татөнөсь,— сутшкис чуньнас карта вылө Қиселев.— Аддзан, со налөн тылө локтө векныдык туй. Кутан кыйөдчыны сы бокин. Быть вайөдны пленнөйөс: колө төдмавны, кытысь вооны фашистъяслы вель вынъясыс. Со мыйын делөыс. Аски медым пленнөй вөлі тані. Кадыс, сержант, оз терпит. Босьтан зонъястө, кодъяскөд вайөдлін нин «языкөс», колө ошкыштны: унатор төдысь да варов фрицөс кутөмныдөсь! Öні колө мөд, контрольнөй... Тіянкөд мунасны разведзводысь некымын опытнөй боец. Öттшөтш лоө бырөдөма муө гуалөм фашистскөй танк, коді талун ёна дөсадитчис миянлы. Қор заводитчас миян зыкыс, тэ аслад группакөд некодөн ка-зьявтөг вуджан фашистъяслөн тылө. Гөгөрвоин, сер-жант? Повторит заданиесө!

Қор Зеленцов помалис, капитан Қиселев сетіс планшет, көні вөлісны карта да компас. Ставөн ви-дзөдлісны часіяс вылө.

— Да, сержант, висътав аслад курсантъяслы: кутём «языкысь» ставиытö тiянöс наградитисны. Но, а öни, кыдзи шуöны, ни пуха ни пера!

— Вöрсалы бöж улас!— зэв збыльысь вочавидзис Алексей да швыркнитис-бергöдчис, кыдзи вермöны вöчны сöмын училищеса курсантъяс. Землянкаысь петём бöрын Зеленцов виччысис взводнöйöс, кодöс ротнöй сутш-мöд кежлö кольöдлiс на, а сэсся öтлаын мунисны взводас.

Некымын час мысти Зеленцовлөн разведчикъяс куйлисны немецъяслөн дзик ныр улас да виччысисны «зык» заводитчём. Разведвзводысь кык опытнöй следопыт лыдын вöли и сы кодъ на жö, неважөн частяс воём курсант, сöмын абу налөн училищеысь. А мöд разведчикыс, тöдчис, збыльысь тöвйылём воробейнин.

Сентябрь тöлысся кодзувъястём вой. Разведчикъяс куйлисны му бердö ляскысьöмөн. Гитлеровецьяслөн окопьясысь кылис став сёрниыс, но миян зонъяс гөгөрвоисны сöмын «доннер веттер» ёрччём. «Языка» мунысьяс сетчисны веськыдыв, кöни эз кывны гөлöсьяс: кык подразделение кост, мый и колö налы. Водисны, виччысьöны и друг ылын шуйгавылын пуяс йылöдз ыпнитис би сюръя, гымöбтисны противотанкöвöй гранатаяс, заводитчис «зыксьöм». Сынöдö качисны ракетаяс, нейтральнöй полосасö вурисны визьяс, лыйсьöм шыкөд öтлаасис кыкнанладорсянь лэбысь минаяслөн потласян горыс.

Разведчикъяс вуджөръяс моз вошисны кустьяс пöвстö. Öти пöрийö тököтьö эз зурасыны немецъяскöд, но казавтöг удайтчис кежны бокö, саймовтчыны.

Югдандорыс разведчикъяс вöлины нин немецъяслөн тылын, петисны сылөн передöвöйö нуöдысь туй вылö, кодöс увтас местаясöдыс посйöмаöсь керъясөн да плакаясөн. Бöрийисны кос вывтасiн, кысянь ылöдз тыдалö туйыс. Саймовтчисны. Миян му вывти фронтлань повтöг люзьгисны враглөн неыджыд подразделениеяс, сэтчö и татчö журъялисны «опель-блицьяс», gryмакалисны слөн кодъ сьöкыд «бюссингъяс», визнитлисны тэрыб «майбахъяс».

— Быттьö гортасось!— скöрысь шöпкöдыштитис Зеленцов.— Некод оз чатрась енэжö миян моз, гожея кодъ сöстём сынöдсянь оз ков повны бомбаясысь ни снарядьясысь.

Кияс шамыртлисны автомат, кыссисны гранатаяса

сумкаяслань, но Алексей сувтөдліс ёртъяссө видзөд-ласнас. «Тадзи кө мөдасны жуны туй кузяис, немтор оз артмы»,— мөвпыштис Алексей, но ыстис «маякъясөс» отар-мөдарса туй чукульясө, мед юөртасны отка машина матысмөм йылысь, кытысь позьө босьтны кодөскө ловйөн.

Час-мөд мысти туйыс кушмис. И сэки чукуль сайысь тыдовтчис полевөй кухня. Ездөвөйкөд орччөн пуклөс вылас куритчис пөвар. Вөв восьлаліс, паськыд гыжлекъя кокъяссө тшапа пукталігтыр, быттьө кыс-кис тыртөм телега. Алексей видзөдліс отарө-мөдарө, маякъяс эз юөртны матыстчысь опасность йылысь.

Недыр мысти варовитысь немецъяс син водзын вөв дом поводө кутчысис кытыськө друг усьөм салдат, мөд матыстчис кухня дорө. Ездөвөй весиг эз скөрмы, чайтис, шмонитөны секретын пукалысь асланыс салдатыяс. А мыйысь и повзынысө: зонъяс вөліны немецкөй маскхалатаось, кухня дорө сувтысьлөн киас вөлі шмайсер. Но мыйлакө найө оз вочавидзны чолөмалөм вылө? Кухня пуклөсыввса кык друг прамөйджыка палялісны сөмын кустъяс пөвстын, туйсянныс пыдын, кытчө кежөдісны найөс гөгөрвотөм да чөв олысь тайө салдатыясыс. Ставыс артмис зыктөг-шумтөг, а главнөйыс — зэв өдйө. Сэки ездөвөйлы воис юрас: абу-ө тайө рочьяс. Сідз и вөлөма, унджыкыслөн төдтөм роч автоматъяс.

Вөлөс кежөдісны туй вылысь вөрө да домалісны пу бердө. Сэсся пөртйысь лэптисны яй, ящикысь босьтисны нянь. «Язык» пыдди бөрийсны ездөвөйөс, а гөссялөм пөваркөд эз мөдны ноксыны. Косіник ездөвөй буретш туяна: вын-эбөсыс, восьлавны көть котөртны, ковмас кө, көть мыйта тырмас.

Разведчикъяс воысалісны ездөвөйлөн пельпомъяс вылө немецкөй патронъяс да нянь тыра мешөк: ог пө радейтөй весь нянь сөйысьясөс. Пленнөй гогнитис юрас, кор Иван петкөдліс кинас, мый кутас кө ыръянитны, горзыны, водзсасыны — капут.

Туй вывті бара мөдісны гримгыны-жургыны машинаяс, но өні найө эз нин торкасыны — делөсө лои вөчөма. Немецөс тойыштисны водзлань — шагом марш пө.

Шоча, но и салдатлы фронт вылын мойвилө, кутшөм кокниа «языкыс» сюри. Мунан нырвизь кутны отсаліс асывылын gryмакылөмыс. Сөмын корсюрө Алексей видзөдлывліс компас вылас. Но фронтыс

кыліс век өти ылнаын, а эз матыстчы, көть эськө муноны зэв нин дыр, а шондіс бергөдчис рытьявылө нин.

Нуръясьыштисны, вердісны и немецос, коді нинөмысь эз өткажитчы. Мөвп, мый гитлеровецьяс быть корсясны да аддзасны вошөм кухнясө, тэрмөдліс водзө.

Заводитіс рөмдыны, арталөм серти колө нин лоны сійө местаяслы, кытысянь мөдөдчылісны, но төдсаин эз во. Ставөн гоннялісны, восьлалісны пельяснысө чошкөдөмөн, вөліны дасьөсь быдтор вылө. Водзын мунысь дозорной сетіс сигнал: «Командирөс татчө...»

— Сержант өрт, видзөдлы,— шөпнитіс курсант.

Алексей синъяс водзын тыдовтчис гуө дзевлөм немецкөй танклөн колясыс, кодөс сотісны войнас мян боецьяс. Найө веськалісны немецьяслөн вөвлөм позицияс вылө, но сэні некод нин эз вөв. Тасянь неыліті войнас вуджлісны нейтральной полоса. Мунісны кустьяс пөвстті водзө. Кушөсь и мян позицияс. Шыч ни рач. Лөнис вой кежлө и асыввывлань ылысмөм фронт.

Верман өмөй висьтавыны, мый вөчсис сэки зоньяслөн сьөлөмын, найөс позьө өткодявны челядькөд, кодьяс колісны шоньд горттөг, муса да мелі батьмамтөг. «Мый виччысьө водзын, мыйла лоис тадзи, мыйла рөднөй рота да асланыс батальон энөвтисны найөс вөрөгьяс пөвстө? Коді сетас та вылө воча кывсө?»— ас кежас мөвпаліс быдөн.

Воча кывсө сетысьясыс сюрисны война бөрас уна во мысти, кодьяс асланыс дневникьясын, мемуарьясын да казьятлөмьясын гижлісны и тайө сражение йывсьыс.

Германскөй вермахтлөн сухопутной войскаыс генеральной начальник генерал Ф. Гальдер аслас «Военной дневникас» төдчөдіс, мый Красной Армиялысь Ленинград дорын 1942 вося наступление кежлө дасьтысьөм йылысь найө төдісны да бура лөсьөдчисны сэк кежлө: вайөдісны содтөд вын, техника. Сөмын, дерт, эз стөча төдны, кутшөм лунө заводитчас сійө чорыд косьыс да фронтлөн кутшөм юкөнын сійө кутас муны.

Вермисны өмөй та йылысь мөвпыштлыны курсантъяс? На пиысь быдөн чайтліс, мый наступлениеыс заводитчис буретш сэки, кор гитлеровецьяс эз төдны сы йылысь нинөм, чайтісны, мый блокада-

сö ордны заводитöмыс лоис враглы тöлын гыма-
лöм кодь. А вöлöмкö...

Фронтöн командуйтысь армияса генерал К. А. Ме-
рецков мемуаръясас гижлис: «Медым сувтöдны нас-
тупление, фашистъяс заводитисны чукöртны прорыв
нуöданинö содтöд частьяс да подразделенияяс, фронт-
лöн мукöд участокъясысь вайисны орудиеяс, танкъяс.
Найö шыбитисны тыш вылö ставсö, мый вöли ки ула-
ныс, сэтчö жö веськөдисны пöшти став авиациясö, ко-
дi вöли Ленинград дорын».

Синявинскöй операция видлалигöн К. А. Мерец-
ков оз сöмын ыстысь прöтивниклöн вын вылö — сийö
оз чöв ов и миян тырмытöмторъяс йылысь. На лы-
дысь главнöйыс: ми эг чукöртöй уна артиллерия бло-
када ордан векни участокын, а разöдiм öтмоза ди-
визиясö, жебмöдiм артиллериялысь ударнöй вынсö
и эг сяммöй писькөдны туйсö пехоталы.

Волховскöй фронта войскалы быть лоис бö-
рынтчыны пöшти важ позицияс вылас, кöни частьяс
сулавлисны сентябрь 30 лунöдз. И век жö Синявин-
скöй операциясö К. А. Мерецков донъялö вылö:
«Татшöм вöли Синявинскöй операциялöн помыс. Вол-
ховскöй да Ленинградскöй фронтъяслы эз удайтчы
сэки ордны Ленинградлысь блокадасö. Но гитлеров-
скöй командованиелöн арталöмыс — босьтны штур-
мöн Ленинлысь кар — эз пöртсы олöмö».

Кöть гитлеровскöй генеральнöй штабын лыдды-
лисны, мый Манштейнлöн армияса соединениеяс чу-
кöртисны моредорса каръяс босьтöм кузя ыджыд
опыт, но тайö уна лыда дивизияссö вöли пусь-пась-
вöчöма Синявскöй мылькъяс вылын да сэтчöс нюръ-
яса вөръясын. Кызди висьтасис генерал-фельдмар-
шал Манштейн: «Ленинград вылö наступайтöм
йылысь öни и сёрниыс эз вермы лоны».

1943 вося январь. Фронт

Мича вöлöма посёлокыс мирнöй кадö, öни на тöдчö,
кöть керкаяс пиысь вөрзёдтöмыс кольöма этша: кодi
сотчöма, кодлысь стынсö быттьö нöбöдöма тöv ныр,
кодлöн вевт пыддис стрöпилаяс чурвидзöны. Посё-
локсö колснитöма-поткөдöма кык пельö, быттьö ли-
нейка серти кодйöм, паськыд канал. Сийö писькөдчö
Ладога тысянь. Войналысь грекъяссö вевттьöма све-

жой лым, шебралёма сөстөм еджыд көч гөн эшкы-
нөн, видзөднысö весиг сьöкыд — ёрö синтö.

Алексей синъяссö читкыртөмөн тэрмасьтөг вось-
лаліс валегияс улын дзуртысь юж вывтi. Удитас на
дзедьсясьны блиндажъясын да дзотъясын, туплясьны
землянкаясын: көть недыр, но öнi апалыштас тылса
сынöдсö, видзөдлас йöзыслөн морт сяма олөм вылө.
Сөстөм паськөма военнойяскөд паныдасигөн сылы
лоліс зэв нелөсьыд аслас сьөдасьөм шапка вöсна,
коркө еджыдөн вөвлөм пась да кыздсюрö пергылясьөм
сотчыштөм гөленя тюни вöснаис.

— Эй, земляк, здорово! — кодлөнкө нимкодь гөлөс
сувтөдіс сійөс. Кузь гөна командирскөй шапкаа, пась-
кыд тасмаа, чим еджыд пася, виль валегия лайкан
кодь военной нюжөдіс кисö.

— Сорсинныд, төварыш... — Алексей көть эз аддзы
сы дінö шысасьыслөн пась воротник увсьыс пасьяс-
сö, но век жö көзырнитіс: озджык сирась. Тылса на-
чальствоыд радейтö чырыштны няйтсьөм орьясьөм
паськөма окопникъястö, а Зеленцов гөгөрвоис: воен-
нойыс на лыдысь, висьталіс тайөс паськөмыс, бри-
төм алөйгөрд чужөмыс.

— Мый тэкөд, Алексей? — век на кутіс кисö нюжө-
дөмөн кузь тушаа военной.— Ме өд Вежтыдорысь...
Со өд кутшөма вежö морттö паськөмыд!

Вөлөмкө, Алексей водзын сулалө Кастусь Мишка.
Землякъяс сералігтыр уськөдчисны öта-мөдыслы
сывьяс. Алексей кыліс, кызди торъялісны мусьыс
кокъясыс, ратшкакылыштісны лыясыс.

— Ош кодь лоөмыд, — лэдзис сывсьыс важ төдсасö
Зеленцов.

— Мый нө ми сулалам? — нимкодьлуна гылөн
ылькнитөм бөрын ас выяс бөр воис Кастусь Мишка.—
Мунам менам друг ордö.

И мөдіс шелөдны земляксö сойбордйөдыс да сідз,
мый Алексейлөн өдва инмалісны лымъяс валегии пы-
дөсьясыс. Татшөм өднас найö регыдөн и воисны по-
сёлок помö, кежисны вөрö. Ордым вайөдіс землянкаö
пыранінö. Вот тайö да! Накатыс нель пөвста, а мусö
сы вылө лэптөма! Дзонь гөра! Татшөм вевт пырыд оз
письт непөштö мина — тоннаа бомба оз пузувт сійөс.
Вот эськө татшөм дзедьсянінсö налы, лыжникъяслы.

Пытшкөсас вөля жö. Неыджыд öшинь пыр усьö
чусыд лун югөр. Трачкөдчө көрт пач, ымралö шоныд.

— Кызди веськалі татчө? — паськөмъяссö тувъясö

өшлігмоз, висътасис Кастусь Мишка.— Регыд нин во, кор ранитчылөм бөрын госпитальысь вои тайö «кө-тасьлытөм» дивизияс. Воюйта мукöдысь ог лёкджы-ка. Да тэ эн серав! Чайтан, торъялөмсянь пыр и лои снабженецөн, тылөвикөн? Волін мед гожөмнас либө арнас: пельöдз няйтын луасим, Ладогаыс орчча, ставыс сы гөгöрын нюр, некутшөм канал ни бөрöзда оз отсав. Кольөм арся наступление бөрад колим китыр йöз: усисны весиг писаръяс, складовщикъяс. А ме век ловъя. Со и тангысим обороноö сувтөм бөрын полкысь тылса начальниккөд. Вои сьөлөм вылас, босьтис ас овмөсас, татшөм тушанад пö постөг ни стремянкатөг склад пөтөлөк дорысь любөй көлуй судзодан. А öни вои дивизияса ОВС-ö, содтөд обмундированиела. А тэ тай орденоносец, Öльöксандрович, офицер нин. Ёгор,— бергөдчис Кастусь Мишка ёртыслань, кодi вайис пызан вылө чайник да кружкаяс,— мый эм — пызан вылө! Эн вунөд и наркомовскöйнымöс. Гөгөрвоан? Талун мяян куим празник: земляккөд аддзысим — öти, сылөн выль орден — мөд, а главнöйыс,— Мишка пуксис джек вылө, мед не клөнгысьны юрнас накатө,— кор тэ аддзылін, Ёгор, мед лейтенант көзырнитис прөстөй боецлы? Эн аддзыв ни он аддзыв некор. Ёгор, позьö öмөй та бөрын лоны жмотөн?

— Генералөн чайтi,— шуткаөн жö дорйысис Алексей да нюжөдчис паньнас шонтөм лендлизовскöй¹ тушёнка дорö, кодöс танi нимтисны öбезьяна яйөн.

Збыльысь, Алексейöс сьöкыд торйөдны паськөм сертиыс радөвöй красноармеецысь. Петлицаясас öд-ва тöдчысь турунвиж кубикъяс да салдатскöй тасма-ас öшөдөм кирза кабураын пистолет кындзи, нинөм командирскöйыс эз вöv.

Званиесö сетисны кольөм арын, окружениеысь петөм бөрын нин. А взводнöйнас лоис, мыйөн вайөдiсны мөд «языкös» частьö. Разведчикъяс сэки век жö суөдiсны бөрынтьчысь дивизиянысö да öтлаасисны ас йöзкөд. Пленнöй немец-ездөвöй неумын сутки чөж дрөжжитис ас олөм вöснаыс: öд кымынысь веськавлiсны пикö, кор рочьяс жальлун тöдтөг вермисны мынтөдчыны лишнöйторйысь. Но рочьяс ставсö вöчисны сiдзи, кыдзи вөчöны настöящöй салдатъяс — «языкös» вайөдiсны колана местаöдз, штабöдзсыс.

Таысь окружениеысь петөм бөрын разведчикъясöс

¹ Союзникъяслысь вайөм сёян.

представитисны наградао, но онодз на ветло конко делос. А первой «язык» вайодомысь наградаыс со моросас нин — Красной Звезда орден. Дыр мысти орденыс аддзис козяинсо: здук сайын на и сетисны сийос талун дивизияса штабын, кытысь петом борын пыр и зурасисны Кастусь Мишкакод.

Сьокыд воли Алексейлон лов вылас кольом арнас, кор мод «языкос» вайодисны аслас взводо. Сэки и кывлис: Пеньковос, сылысь наставниксо, курсантьяс гуаломаос пельпом вывсыс човтлытом аслас жо плащ-палаткао гартыштмон. Алексейос косийылисны босьтны полкса разведкао, но эз сет Бурмистров: кольодис Пеньков местао.

— Помнитан Расовто? — кружкаясон точнитчом борын юалис Кастусь Мишка. — Кык кубар жо ошодисны, сомын медицинскойос. Сийос сьокыда ранитис кольом арнас борыньтчигон, ас кияс вылын нуи ПМП-одз. Коні нин бара они сийо? Гашко, лэдзисны гортас да сьолемсо косьтысь Тамараыскод курго Вежтыдорын.

— Сийо од Койгортысь.

— Мый но коть. А мунис ко Вежтыдоро? Ок и радейто сийо учительшасо, сернио воан да пыр Тамара йывсыс и гарыштас. Кыдз но татшом мусук динад он мун! А тэ, лейтенант ерт, кызди веськалин мян местаясо?

— Ранитчyli... Окружениеысь петом борын нин парсыштлис пельпомос, а госпитальын олигкості дивизия мунома мян фронт вылысь, со и веськалі тiяно, — вочавидзис Зеленцов, а аслас мовпясыс волины тасянь ылынос. Сийо борья кадас олис Клавалон письмюн: «Мыйла Клаваыс веськалома уджавнысо милицияс, сы коддьомьяс медсестраалоны, радисткаалоны, весиг снайпералоны. А Клава — милиционер. Тьпу».

Госпитальо воис письмоыс, тiпкысь сьолемон косялис конвертсо... И на тэныд — милиционер! Эз вай нимкодълунсо и мамыслон письмоыс: поклонтьяс кындзи — немтор, мун дай тодмав, кызди сэни олони, кызди уджалоны колхозын, кутшом делоясыс суседьясылон, суседка йылысь ни оти кыв ни?..

Но дыр мовпавны эз сет землякыс. Гажмыштом борын сийо тормошитис и ассыс другсо — дивизияысь ОВС-са кладовщикос, код вылын сидз жо волиной гимнастёрка да командирской диагональ гач.

— Ёгор, тэ уважайтан менö? Уважит и землякöс. Ме тэд шуа, Ёгор, Ольöксандрович лолас на генералöн, лолас! Ёгор, көнi тэнад синмыд? Чайтан лейтенантöс аддзан? Он! Тэ генералöс, Ёгор, аддзан, генералöс! И сийö, аския генералыс, öнi салдат тасмаа, кирза кобураа! Тэ снабженец, Ёгор, али тылövöй крыса? Аддзылі складсьыд... Мед öнi жö вöлі танi, мый колö мянлы, быттьö тэ кө, Ёгор, уважайтан мяннöс земляккöд.. А-а! Уважайтан, шуан. Сидзкö, висьтав: кызди шусьö свет вылас медся мича карыс!

— Сык-вык-квар! — синсö арыштöмөн, быттьö кыткö доймис сылөн, öдва пычиктiс ас пытшьыс Ёгор.

— Квар!.. Квар!.. Рака юрö öмöй мывкыд верман суйны? Ещö öд бухгалтеравлöма! — комиөн видчис Кастусь Мишка да бара вуджис роч вылö:— Шу: Сыктывкар!

— Сык-тыв-квар.— ассьыс дöжналіс мöдыс.

— Ме тай тэнсьыд столицатö көть вöтын юав, тöда — Пен-за! Ме верма жö шуны: Пем-за, но уважайта тэнö и зiля шуны, кызди колö. Кызди гажыд, но стöча, көть сэся мед вом пырыд тэнсьыд сювтö перйöны.

— Но и Мишка! — гирзис-сералис Алексей.— Сет вöля, ракаöс көкны велöдан. Мый нö морт дiнас сирасин?

* * *

Местаöдзыс Алексей воис лючки-ладнö. Шофёр чеччöдiс сийöс пöшти лыжнöй батальонса штаб дорö. Сэсянь аслас ротаöдз верст куим-нель и эм. Öнi немецкöй самолётъяс воддза моз эз нин вöтлысьны непöштö пода морт, но и машина бöрся: кадыс вежсьö.

Туяс Алексей век жö пемдiс. Южыс паськалöма, ёнмöма, тöдчö, ёна ветлöмаöсь сэтчö и татчö — артмöмаöсь виль вожъяс, кежанiнъяс. Алексей разведчиклөн сюсь син-пельнас аддзис да кыліс матысса вöрысь виль овмөсьяслысь лов шысö: кывлісны моторъяслөн ургöм, йöзлөн гөлөсьяс, көнсюрö весиг востымасьыштiсны би югөръяс, абу на велалöмаöсь, тыдалö дзебсясьнысö-маскируйтчынысö. Буракö, вильяс. А öд мунiгас танi некод на эз вöv.

Аслас подразделениеö, кодi некымын лун сайын вежис передövöйысь коймöд ротаöс, Алексей воис немецъяслөн «рытъя зарядка» бöрын. Сийö ылысянь

кывліс минаяслысь мян позицияс вылын потлась-
омсö.

Ротнöйлön нейджыд землянкаын вöліны коман-
дирьяс. Алексейлы пуксьынысö вöлі зэв нелöсьыд:
тыртöм местасö кольöмаöсь ротнöйкöд орччön, став-
лön син водзö. Пызан сайын — зымвидзис гырысь
начальство. Дивизияса комиссар водзö нуöдіс сёрни-
сö, кодöс орöдліс аслас докладнас Зеленцов.

— Öні оз нин позь вöчны кольöм арся тактичес-
кöй öшыбкаяс! — нейджыд, но вына гөлөсön тöдчö-
діс комиссар. — Помнитанныд, кызди ми зырсим
водзö, атакуйтім противникöс веськыда, кызди шуас-
ны, кымöсас, а öд позьö вöлі кучкыны подразделение-
яс костас, сэтшöм рубежьясö, кöні сылön оборонаыс
слабджык, позис кытшовтны и флангьясöдыс...

Ставыс тайö вöлі збыль. Дивизияса комиссарлön
мургысь гөлөс улын Алексей син водзö сувтісны весь-
кыда пулемётьяс вылö котöртысь взводьяс, ротаяс.
Билön бушков улын боецьяс öшйивлісны везйöдлöм
сутшкасысь сутуга вылö, уна дасьясön кольлісны
куйлыны немецкöй окопьяс водзö. Вирön ойдліс Алек-
сейлön сёлöмыс, морөссö топöдіс вöвлöм ёртьяс вöс-
наыс ныж дой. Жальöсь, вывті жальöсь вöліны Си-
нявино бердса вөрьясын да нюрьясын усьöм ёртъ-
ясыс.

— ...Атакаö уськөдчылім, кор вöлім зэв на ылы-
нөсь сылön первöй траншеяясынь. Та вöсна воштім
уна йöзöс, а атакуйтясьяс усьлісны эбөссьыс прöтив-
никкöд морөс на морөс кутчысьтöдз, — водзö сёрнитіс
дивизияса комиссар.

«Кытысь нö адззылі тайö мортсö? — юрас бергöд-
ліс Алексей. — Кор кывлі тайö мурган гөлөссö?»

И сэки кодкö быттö восьтіс сылысь синсö: «Лоба-
нов! Сійö ыстыліс Зеленцовöс училищеö... Сöмын öні
талön полевöй петлицаас куим шпал, а сэки вöлі кык.
Быдмö мортыс, дивизияса комиссарöдз воöма!»

— А öні кутам врагöс нöшавны мөд ног, войнаыс
мианöс велöдіс. Атакуйтясьяс мөдасны мунны сö-
мын мян артиллериялön би бөрся пыр водзö и водзö.
Кутам наступайтны сэки, кор ставсö сотысь би улын
фашист дзебьяс муö, медым видзны ассьыс юрсö да
оз на удит палявны, а ми вувзьысям нин траншеясö
Öні öд тайöс вöчны и велöдчам. Кор вежасны тіянöс,
ті мөданныд атакуйтны сылысь позицияссö, позьö шу-
ны, би улын. Виччысьны оз нин дыр ковмы, ёртъ-

яс! — комиссар малыштіс куш юрсө, быттьо ошкыштіс асьсө тёлка мөвпъяс висьталомысь да бергөдчис Алексейлань: — Ылөдз кывсьо, кужомон воютан, лейтенант! Ёртъяс, лейтенант Зеленцов — менам земляк да и нөшта менам вежапи: училищеас өд некыз вөлі оз косьы, да ыстылі ме...

Алексейлы лоис зэв нимкодъ, и сійо смелмөдчис юавны:

— Қызди ті төдінныд менө, комиссар ёрт?

— Тэ кодъ мича овыс, пөнарөн корсь — оз сюр свет вивсьыс, — серөктіс комиссар. — А менө өд, асьыд вежайтө, төдін жө?

— Атьө, төді, — лөня вочавидзис Алексей.

Сэссия Лобанов юасис эмөсь-ө нөшта сылөн землякъяс батальонса лыжникъяс пөвстын, вооны-ө гортысь письмөяс, кодъяс, мый гижоны. Алексей висьтавліс ставсө, мый төдіс.

Комиссар да сійөс колльөдысьяс мөдісны прөщайтчыны. Ротнөй корис найөс ужнайтны, но Лобанов тэрмасис орчча полкө.

Взводын вөлі гажа, өдзөс пыдди өшөдөм плащпалатка пыр сөдзтысис «курксса соловей» Ларинлөн гөлөсыс:

«По полю танки грохотали,
братишки шли в последний бой!»

Сэссия взвод гымөбтіс өти гөлөсөн:

«А молодого пехотинца
Несли с разбитой головой...»

Мый-мый, а сьыланкыв радейтысьяс тырмисны. Торйөн нин тшөкыда горөдлывлісны тайө сьыланкывсө. Сійө төдісны став фронтъяс пасьта. Сөмын быд войскаын вежлісны кывъяссө налы лөсялана ног: артиллеристъяс «нуисны» ранитчөм пушкарөс, танкистьяс — водительсө либө стрелокөс, связистъяс — телефонистөс. Но быд войскаын лыддисны сьыланкывсө асьынысөн да вежалісны, мый мукөдыс гусялөмаөсь налысь медся радейтана сьыланкывсө.

Зеленцовөс адзөм бөрын, кор сійө пырис землянкаас, сьылөм ори. Аслас отсасьысьлысь — сержант Соболевлысь — доклад кывзөм бөрын Алексей пуксис землянкалөн ылыс пельөсө. Взводын төдісны Зеленцовлөн награда йылысь, быдөн нимкодъясисны, видлалісны, гордитчисны: батальонын орденосецыс өти, налөн взводнөйыс. Эз ёна чуктывны награда-

ясыд сійо сьокыд воясас, коть эськө героической под-
вигъяссо красноармеецъяс, командиръяс да политра-
ботникъяс пөвстысь ёна казаятөг вөчлісны быдөн, а
водзджыксө, войналөн бөръя воясө серти, весиг тшө-
кыджыка.

Взводын жалитісны, мый оз вермыны «мыськы-
ны» командирлысь выль орденсө.

— Аски! — сьолөм сетіс Соболев. — Ваясны нар-
комовской да пожъялам сідз, медым некор оз сімлы.
Ставөн серөктісны, а сэсся мөдісны юасыны, кы-
дзи йөзыс олөны вольной свет вылас, оз-ө кывсы мый-
кө наступление йылысь, штабса писаръясуд пө став-
сө төдөны. Алексей висътавліс, мый кывліс комиссар
Лобановлысь, мый аддзыліс штабын, туй вылын. Та
бөрын взводын бара пуксис мукөд лунъясысь нинө-
мөн торъявтөм рыт. Какиташвили петкөдліс аслас
анекдотъясөн серам. Сыкөд орччөн куйлысь пулемёт-
чик Баранов да сьлөн отсасысь Козлов заводитісны
ассыныс помасьлытөм венсө, мордвин Атяшкин го-
раа лыддис (кымынөдысь нин!) радөвой Калининлы
гортсыс воөм письмөсө, быдөнлы петкөдліс сьлөн
пиылысь фотографиясө. Ставыс муніс сідзи, кыдзи
вөлі вөйдөрлун, ещө вөйдөрлун. Сідзи жө мөдіс ня-
гыны-вөйысыны «розья» синма да чукля кока Ворку-
таын пукавлысь Клочков «землякыс» ордө — Юдин
корешыс дорө, коді водзджык вөлі тайө жө взводас,
но батальонса тылын ковмөма пусысь да Юдин
вөйысис сэтчө. Лагерас рок жө пулөма, да Зеленцов
лэдзис. Клочков ворсіс ас вөчөм картіөн ёртъясыс-
көд и некор эз кольлы дуракө. Сетісны кө вөля оч-
коысь картіасыны, эськө лысөдіс-пөрччөдіс став взвод-
сө. Алексейлөн өні на син водзас, кыдзи армияс му-
нігөн Котласын поездө пуксис лагерысь жө сөмын на
мобилизуйтөм мужичөй. Дзик поп казак кодь: кись-
ыс өтдор немтор — ноп ни бөдь. А Киров бөрын мө-
діс нөк да йөв сөйны. Вагонын сьлөн сөмын абуыс
эз ло: и вуй, и рысь туис, и шаньга-пирог, и черинянь,
и чай-сакар! Эшелонсыс лысөдтөм мужик эз коль.
Сөмын командуйтө, мый колө вайөны станциясысь.
Но эз вөв горш: коді көсйө, сөйө-юө сыкөд өтлаын.
Велалөма дарөвой вылас овны да, мый нажөвитө,
сійөс сәні жө и сысьялө-прөживитө.

Но Клочков эз панлы сёрни сөян-юан либө көлуй
вылө ворсөм йылысь. Төдіс: тані оз позь. Со и вөйыс-
сө корешыс дорө: сәні позяс вом көрсө вежны. Но

Алексей быттьо оз и кывсылысь няргёмсö: лэдзан — юсяс, а сылы ковмас кыв кутны. Медым мынтöдчыны Ключковысь, пасясис да петис ывлаö.

Торъя лыжнöй батальонса роталөн опорнöй пунктс передöвöйсянь неуна бöрынджык. Сийö видзö дивизияса орчча полкъяс костын артмём колассö. Татчöдз немецкöй пуляяс оз воны, а минаяслөн да снарядъяслөн быдлунъя нормаыс вичмö быдөнлы: фашистъяс оз кедзовтны и лыжникъясöс.

Асланыс местаясын тыдалісны наблюдательяслөн мыгöръяс. Ветлöдлісны ордымъясті öтарö-мöдарö еджыд маскхалатъяса патрульнöйяс. Водзын, рытывылын, кызди и пыр, съод небесасö юковтісны ракетаяс, трассирующöй пуляяс, кывліс пулемётъяслөн таргём. А миян передöвöйын быттьо гуын: шы ни төв. Ставыс муно сідзи жö, кызди вöлі төрыт, вöйдөрлун...

* * *

И со праздник кодъ дыр виччысяна луныс воис. Сыöдз мунісны комсомолецъяслөн, коммунистъяслөн, активистъяслөн собраниеяс, кöні воинъяс сетісны кыв — орöдны Ленинград гөгөр шыркнитём джаггөрöдсö. Бөръя лунъясас частъясын да подразделениеясын мунісны тактичesköй занятияс, велöдчисны штурмөн босьтны окопъяс да траншеяяс, кодъясöс вöчöма немецъяслөн моз жö. Батальонъясысь, ротаясысь эз петаवлыны политработникъяс.

Январь 12 лунся асыв. Кымöра, но кöдзыд. Рöмыднас на грымöбтіс артиллерия, зыкыс сэтшöм, мый пеляд горзытөг орччөн сулалысьтö он кыв. Катласьöны пожöмъяс, пуяс вывсьыс киссьö лым. Алексей лыс шалашысь петём бöрын видзöдліс часі вылас: сизим да джын. Бөръя лунъясас лыжнöй батальон эз ов землянкаясын, а шалашъясын, медым йöз велалісны кöдзыд дорас. Лыс шалаш шöрын öзйис бипур либö ломтысис ичöтик кöрт пач. Садьман асывнас — кокыд шоныд, а юрситö гыöртöма.

Кык час чöж лупитіс немецъяслысь оборонасö артиллерия. Югдём бöрас лыжникъяслөн юр весьтті лэбисны миян самолётъяс, а недыр мысти кокъяс улын муыс кутіс сырмыны: враглөн окопъяс гөгөр потласисны сöветскöй бомбаяс. «Тайö тэныд абу кольём вося августыд», — кöсйис нин горöдны Алексей, но сийöс эськö некод эз кыв: ставсö вевттьö «война енлөн»

гымалом-чардаломыс. Нимкодълун, помтом радлун ылькнитис морюсас: кыскю тай аддзысьома татшом выныс! Алексейлон чужис эскюм, мый они найо пор- тасны олөмю ассыныс могсю, весаласны ассыным мусю фашистьясыс. Но сэк жю кылис сьолөмнас: ок, оз кокниа тайо шед.

Со мый гижлис та йылыс казтыломьясас фронтон командуйтыс К. А. Мерецков: *«Тайо участо- кыс, кони сулалис 18-од гитлеровской армия, вөли по- левой укрепрайон, быдсяма противопехотной, проти- вотанковой мытшодъясон да потшодъясон, оръявлы- том минной полясон да уна мукюд инженерной кон- струкциясон. Сэти сьокыд писькодчыны танкъяслы да артиллериялы...*

...Уна артиллерийской да пулеметной позицияс, оръявлытом траншеяс, минной поляс, тшюкыда везюдлом чуткасыс сутуга, йизюдюм кык джуд- джыд вал — со кутшюминти колю вөли наступайтны Волховской фронтса войскалы».

Но взводной абу фронтон командуйтыс, сийю люч- ки тодю сомын сийюс, мый вочсью аслас подразделение- ын, уна вылю батальонын. Алексей кылис сьолөмнас — лою сьокыд, ставлы сьокыд. Майшасис, мый взводын неважон на да эз на удит кызди колю тюдмасыны быд салдаткюд. Бойясын, пулеметчик Баранов кындзи, абу вөвлөма некод, а наступайтомыд од абу оборонаад пукаломыд. Оз-ю дрюгнитны боецьяс, позью оз надейт- чыны «розья» синма сийю жю Клочков вылас? Татшюм мювпьясыс эз эновтлыны и сэки, кор рота вөрзис мес- тасыс. Боецьяс тювисны лызьяс вылын, быттью едж- ыд тупыльяс. Абу дивю: маскхалат улас лыжник- лон шонид ватной гач, фуфайка, пась, вещмешюк, шонид подшлемник да шапка вылас — каска.

Регыд лызьяссю лонс порччыны: мыйон петисны эрд вылю, пыр жю жвинькнитисны пуляяс. Паськод- чисны цепю. Со и первой раненой — туркмен Туйгу- зин, вөвлөм учитель.

Лымсю наюдз кодыаскю лойюмаюсь нин, со шойя- сыс: кодю шынеля, а кодю дженьыд пасьяса. Кымын водзю, сымын унджык. Водзю кыссысыс дзесыыв- лоны шутьялыс пуляясыс на сайю, шойччыштоны, лоньодыштоны чеччалыс сьолөмнысю, чукортюны выньяс, а сэсся котюртышталюны либю кыссьюны водзю. Лыжникьясодз атакаю ветлыс красноармеецья- яс волюмаюсь сутшкасыс сутуга потшюс дорюдз:

сэни шойясыс медуна, быттьо вундөм му вылын коль-
таяс, откымынлаын чукораось. Томъяс, верстыбяс,
олөмаяс... Быттьо кырыштисны Алексейлысь съолө-
сö; син бөжнас аддзис, кызди лапталөны взводса
виөм боецъяс, а ранитчөмъяс кыссьөны бөр. Регыд
взводлөн коляс сөмын нимыс. Ещö на курзис съолө-
мыс, кор усис дум вылас лейтенант Кривошеевкөд
тöрытъя веныс. Кривошеев рота нырас индис Зелен-
цовлысь стрелокъяссö, а колис эськө сувтöдны пер-
вой взводса автоматчикъяссö, кодъяс эськө öни биаше-
рөн пöдтисны сутуга потшössайса траншеяын пиньнас
и гыжнас кутчысьысь немецъяссö. А видлы вöчны
тайöс винтовкаяснад — воштан сөмын йöзöс. Вот
эськө öни татчö автоматчикъяссö, а найö быттьö мөд
эшелонынöсь. Ротной Кривошеевöс бара кыкис ва-
жас, көть атакуйтнысö велөдисны нин выль ногөн —
став вынсö отилаö чукөртөмөн сизьдыштны-кучкыны
враглы. Немецъяслөн быис взводсö дзыкөдз топөдис
му бердö, лолыштны оз сет, непöштö кыпöдны юртö.
Лым пиö вöйтчөм Алексей син бөжнас видзөдис водзö,
корсис сутуга потшöсысь орьясöмин. «Код нö
тайö?» Шойяслөн радысь туша джыннас водзö пе-
тыштөмөн куйлис еджыд пася да сэтшөм жö вале-
гиа командир, пистолетсö шамыртысь кырымнас
нюжөдчөма рытыввылө, шапкаыс туплясис бокин.
Алексей төдис куйлысьöс. Тайö вөли сылөн шань зем-
ляк комиссар Лобанов, кодi ыстис Зеленцовöс учили-
щеö. «Регыд курыда да шога бөрддзасны кодъяскö
ылыс пармаса Спасоруб сиктын». Алексей водзö эз
вермы куйлыны би улын, мыйкө колис вöчны, а то
взводысь некод оз коль ловйөн, виасны тшöтш и
асьсö.

Алексей кыпöдчыштөмөн шыбитис граната, сы вы-
лө видзөдөмөн ловзисны лым ёкмыль моз куйлысь
боецъяс, немецлань лэбзисны «фенькаяс». Найö, дерт,
эз воны немецкөй траншеяөдзыс, но вöчисны мөд бур
делö: ратшкакылиг-потласиг ордйөдлисны бытшкась-
ысь сутуга, а противотанкөвöй граната нөбөдис öти
столб да чагйөдз чирсейс мөдсö. Пöшти орччөн кы-
лисны отсөг вылө воөм первой взводса автоматчикъ-
яслөн кузь очередьясыс...

Воис командирлөн олөмын сэтшөм здук, кор ты-
довтчö, кутшөм сийö салдатъяслөн велөдысь да ёрт.
Кыпöдчасны-ö сы бөрся салдатъяс? Алексейöс шы-
мыртис кутшөмкө öнөдз төдтөм вын да пружинаөн

моз кыпөдіс кок йылас, сійө көсйис, кыдзи и век чукөстны: «Рөдина вөсна, Сталин вөсна!», а морөс-сыыс петіс радейтана наставник, усьөм Пеньковлөн боевөй горөдөмыс: «Славяна! Атакаө, ме бөрся!»— сэсся ассяныыс нин содтіс: — Крөшит тевтонъясөс!»

И кыпөдчисны өд мудзөм салдатъяс. Ручнөй пулемётысь немецкөй траншеясө резігтыр паськыда восьлалө Баранов, сыкөд орччөн, быттьө йөткыштчалігтыр, муно да лыйлө винтовкаысь Козлов. Со водзө петіс тэрыб кокъяса пельк Ларин, горзө Алексей моз жө:

— Крөшитөй, славяна-вокъяс, тевтонъясөс!

Атакуйтэсыяс гузьнитчисны гранатаясөн вөчөм розьясөд да пырисны прөтивниклөн траншеяө. Сынөдын юрالیс матькөм, ёрччөм, ойзөм, лөвтөм, лыйсьөм, гранатаяслөн ратшкөдчөм да өтторъя, корсюрө оръявлысь:

— А-а-а-а!..

Траншеяын өта-мөд вылас шыблалөм кражъяс моз куйлісны гитлеровецъяслөн шойясыс. Со кор тыдовтчис миян артиллеристъяслөн старайтчөмыс. А ловйөн кольөм весьөпөрөм фашистъяс, көчъяс моз өтарө-мөдарө шыбласигтыр, зілісны спаситчыны, өдйөджык воөдчыны обороналөн мөд визьө. Но наысь эз кольчыны и ышкысь-пошкысь лыжникъяс, пөшти өтлаын моз чеччалісны мөд траншеяө, кватитчисны врагкөд морөс на морөс, син на син...

Недыр мысти ставыс эштіс. Липки сиктдорса вывті ён да чорыд вражескөй опорнөй пункт вуджис миян киө.

Коймөд траншея босьтөм бөрын локтіс Кривошеев, оръясьөм няйтчөм маскхалата, век на абу көдзалөма, чужөмыс быгыд, видзөдласыс лэчыд. Дженьыда керыштіс-шуис:

— Батальон муно шойччыны, кольччан взводнад кутны босьтөм рубеж, кытчөдз сусед оз веж тэнө. Яснө?

— Кутшөм взвод? Кык отделеннеыс абу, морт кызь и колис...

— Ротаысь коймөд юкөныс уси. Война вылад, лейтенант, йөзөс виалөны... Эн пов: немечлы өні не контратакаөдз, нөйтөм пон моз нюлө ассыыс дойяссө. Регыд тиянөс вежасны, рөмдөм бөрас — ме ачым прөверита.

Алексей дөзмис, но немтор эз шу. Бергөдчис кө-

зырниттөг да ньөжйөнник муніс немецкөй землянка-
лань, кытчө меститчис взводсьыс коляс йөзсыс.
«Позьө өмөй тадзи? Оборонаын сулалігөн ородісны
связь — лөсьөдіс коймөд взвод; уськөдөм «рамалысь»
экипажсө кутны — коймөд взвод; өні первой пыдди
би пырыс туйсө бара писькөдіс коймөд взвод; баталь-
он шойччыны мунө, а оборона кутны — коймөд взвод-
лы. Бытьө ротаын сэсса некод абу! Завидьтө меным,
вот и кедзовтө подразделениеөс».

Зеленцов эз ылав — ротнөй и збылысь вежаліс
Алексейлы: воыс на со абу кыз армияын, а лейтенант
нин, орденосец, и мөдөс виччысьө — регыд воас
орденыс.

Кривошеев абу жө кутшөмкө зырымбедь, олөма
нин морт, училище помавліс, кадрөвөй офицер, а вот
служба вылас оз везит: век на жө лейтенант и — не-
кутшөм награда. Сійө и видзөд, мед Зеленцов кодъ-
яс эз шутөвтны-ордйыны.

Боецьяс видзчысяна видзөдлісны взводнөйлөн
зумыш чужөм вылө. «Мый нин бара лоөма?»

Лоис висьтавны на водзө сувтөдөм боевөй мог
йылысь. Часөвөй-наблюдательясөс сувтөдөм бөрын
өстальнөйыс лөсьөдчисны шонтысьыштны да нуръ-
ясьыштны землянкаясын.

— А тані овны позьө,— больгис нин гурйыны да,
буракө, кутшөмкө чорыд курыдтор сөтны удитөм
Клочков.— Орччөн землянка! Рай!

Заводитіс нин пемдыны, бытьө өні на и югдіс-а.
Кодакөкості и кольөма луныс? Гөгөр чөв: лыйөм ни
ракета, мина ни трассирующөй пуля. Шыч ни рач.
Тадзи шоча овлө, но со тай, овлө и тані — передө-
вөйын.

Алексей өти отделениекөд веськаліс офицерскөй
землянкаө. Көзяеваыс усйысьөмаөсь сідзи, мый на
пысь кодкө энөвтөма шынельсө и парабеллумсө;
пызан вылас — восьтөм консерв банкаяс, ветчина,
шпротьяс, шнапс да вина сулеяяс, кодъяс дорын кө-
зяитіс Клочков, лөсьөдчис гөститөдны өртьяссө. Но
лоис стрөга вомавны: гитлеровецьяс вермисны нарош-
нө кольны отравитөмөн, көть эськө өдвакө удитісны
вөчны тайөс. Сэки инас өшйывтөм Клочков казяліс
пызанувса мешөкысь гырысь сакар торьяс, мигнитіс
өртьясыслы, найөс пө кызди отравитан? Нораа,
повзьөм гөлөсөн заводитіс лөвтны:

— Корешös кö аддзыланнуд, висьталöй: коксö пö нюжöдiс Клочков трофейнöй французскöй коньяк помысь. А öнi лöсьöдчышта мöдар югудö. Сьöлöмöй местаын: синмös тупкасны ас йöз, жаль сöмын — кореш абу орччөн.

Алексей петалис траншеяö, öлöдiс часöвöй-наблюдательясös, дежурнöй-пулемётчикъясös, мед найö вомсö эз паськöдлыны: враг орччөн, любöй здукö вермас вувзысыны.

Друг нар вывсянь кылис Клочковлөн весьöпöрта на горöдöмыс. Сылөн дзöрысь киясыс индiсны нар улö:

— Фриц сэнi, фриц! Не аддзывны меным мамös, ылöдла кö!

Какиталашвили да Баранов кыскисны дзескыд нар улысь кизявтöм френча офицерös (кыдзи сöмын тöрöма сэтчö). Пыр на садьтöм код.

— Кодi нуöдас штабö?— юалис Алексей.— Танi öд он видз сийös.

— Ме киясь оз пышйы,— босьтiс пельпом сайсыс «шпагинсö» Ларин.— Нуöда, лейтенант ёрт.

Гитлеровец сайкалыштiс сöмын сийös шинельöдöм да фуражкаöдöм бöрын.

Алексей колльöдiс Ларинös пленнöйыскöд, кытчöдз найö эз вошны пемыдас. Сийö кытшовтiс постъяс, прöверитiс пулеметчикъясös. Землянкаö лэччöдысь пос вылын кылис мян «шпагинлөн» дженьыдик öчередь — лэдзисны куим-нель патрон, сэссия — мöд, коймöд. Часöвöй индiс мышланьыс да веськодя чöвтiс:

— Ларин тайö... Эз кö вот пленнöйыс?..

Алексей кватитiс кияснас юрсö:

— Öлук, балда, бöлбан! Кодлы дöверитi? Лариньслөн öд Курскыс век на фашист киян, став рöдвужсö пö сылысь гитлеровецъяс лыйлöмаось...

Недыр мысти землянкаö пырис ачыс Ларин. Сийö неуна довъялыштiс, но доложитiс кыдзи колö:

— Лейтенант ёрт, приказтö тiянлысь эг вермы пöртны олöмö: пемыд, вошим, заводитiс пышйыны, быть лоис ликвидируйтны!

— Петам бойысь, красноармеец Ларин, пуксьöда гауптвахтаö!

— Эм пукавны гауптвахтаын, лейтенант ёрт!— нимкодя кöзырнитiс Ларин.

Вежисны взводсö войнас. Воис выль батальон,

боецъясѡс быттьѡ шѡтисны траншеяясѡ, сы мындаѡн, мый бергѡдчынысѡ некѡні. Онѡі взводлы позис маитчытѡг шойччыны асылѡдз.

Алексей сѡтшѡм чорыда унмовсис, мый эз кывлы артиллериялысь войся гымгѡмсѡ. Садьмис югдандорнин. Соболев, сылѡн отсасысьыс, доложитѡс, мый позьѡ вѡрзьѡдчыны.

— Кѡнѡсь Ларин да Атяшкин?

— Ларин пѡгибнитѡс. Пукалѡ вѡлі траншеяын, йирѡ трофейной сакар. Кымынысь тшѡктылі водны — эз кывзысь: меным пѡ налѡтыд тшаква, ме пѡ ещѡ рѡщѡтайтча рѡднойясѡс виысьяскѡд. И, быттьѡ нарошно, бруствер вылас резьѡбтѡс мина...

Соболев вель дыр чѡв олѡм бѡрын содтѡс:

— Жаль, эз удит косѡдны водзѡ. А Атяшкин воши. Абу усьѡмъяс ни доймѡмъяс пиын. Воши войнас, гашкѡ, петѡс бокѡ траншеясыс да сѡні...

Дерт, Лариныс вѡлі жаль и Алексейлы: не кѡ асруалѡмыс — ѡні вѡлі ловъя. «Но кытчѡ воши Атяшкин, сійѡ ѡд абу зонка, а сюра-тошка мужик.» — мѡвпалѡс Алексей.

Ещѡ ѡтчѡд кытшовтѡсны блиндажъяс, дзотъяс, землянкаяс — быттьѡ сылѡма — лы ни ку. Танѡі нюжмасьны ѡпаснѡ, вот-вот заводитчас выль налѡт, а немецъяс асьыныс вѡвлѡм оборонасѡ тѡдѡны, лыйлыны мѡдасны стѡча.

Кор Алексей локтѡс доложитны, Кривошеев веськыда шемѡсмис:

— Тѡянѡс киритѡм нин довольствие вылысь: ставныдтѡ гижим поконицьяслѡн списокѡ...

— Бара тешитчанныд? — кѡсйытѡг артмис Зеленцовлѡн.

— Кыдзи лысьтан сѡрнитны татшѡм тонѡн ыджыдджык командиркѡд, он тѡд устав, лейтенант? Зубритышт, ѡні лоис прѡст кадыс. А ставныдтѡ снарядѡн пасьвартѡм йылысь висьталѡс Атяшкин, войнас на... Землянкаад пѡ веськалѡма.

Здук мысти Алексей вѡлі взводын. Кыдзи мыждыны честьсѡ воштѡм Атяшкинѡс? Вѡвлытѡмтор тайѡ. шуам веськыда, дезертирствокѡд ѡткодъ, вузалѡс не сѡмын асьыс честьсѡ, но и ѡртъяссѡ, Спаситчынысѡ сылы отсалас сѡмын ѡтитор — пышйѡма асланым батальѡнѡ.

Но накажитны Атяшкинѡс Алексейлѡн кныс эз нин лыб: трус сулалѡс пидзѡс вылас ѡртъяссылѡн топыд

кытшын да бөрдіс. Алексей ньөжйөникөн вешйис бокө, мед помалас делөсө стрөг, но справедливой суд...

* * *

«...Сизим луна бойяс бөрын Волховской да Ленинградской фронтгясса войска өтлаасисны — январь 18 лунө орөдісны векни участокөд Ленинградлысь блокада...»

...Босьтөма татшөм трофейяс: орудиеяс — 222, миномётгяс — 178, квайт стволаясөс — 4, пулемётгяс — 512, танкгяс — 26...

...Бой мунанинө кольөма немецкой салдатгяслысь да офицергяслысь 13000 шой». (Сөветской информбюролөн 1943 воын январь 19 лунся юөртөмысь).

Вир кисьтана тышгяс бөрын ротаысь колис джынсыс этшаджык — кык взвод, но и найө абу тырөсь. Тешкодь вөлі видзөдлыны тайө лунгясө Клочков вылө, кодлысь корешсө чашвартөма, кухнянас и быдөн, ыджыд снаряд.

— Дзевсис тылө, фраер,— өтарө съөдмөдіс Клочков взводсаяслысь пельсө,— а смертьыд и тылын кыйөдчөма. Эн корсь шоныдін, вөлін кө орччөн, дерт, коллин эськө ловйөн,— видіс Юдинөс Клочков.

Лун шөр гөгөр вөр діысь смела петісны миян кодь жө маскхалата йөз. Алексей ясыда аддзис бинокль пыр салдатгяслысь чужөмгяссө, морөс вывсыс роч автоматгяс. Воча локтысьяс сувтовкерисны, сөветуйтчисны, сэсся лэптисны оружиесө кыкнан кинас морөсөдзыс. Көть и гөгөрвоисны нин, мый паныдасисны ас йөз, но колө вөчны ставсө устав серти.

Алексей мөдөдіс Козловөс висьтавыны командованиелы, мый паныдасисны Ленинградса войскакөд. Сэсся воча локтысьяс моз жө кыпөдіс автоматсө морөсөдзыс — вочавидзис условной пас вылө да юалис:

— Пароль?

— Победа!

— Отзыв?

— Смерть фашизмлы!

Кыкнан чукөрыс нимкодя горзігтырйи уськөдчисны воча. Сэки пельөдз воис, гашкө, миян, а гашкө, немецгяслөн снаряд шы. Пөшти орччөн косьөбтіс-потіс фугасной снаряд, сывкнитіс лым, кын му комөкгяс да тшын сора сюръя. Мөд снарядсө Алексей эз нин кывлы, вежөрөдз воис сөмын Какиталашвиллөн кавказской акцента горөдөмыс:

— Окма, ниукöй!..

Алексейöс кодкö быттö чорыда личкис му вылö. Сийö мый вынсьыс горöдiс сöмын на свет вылас мыч-чысьöм морт голöсөн:

— А-а-а-а! — И вöйи кытчöкö съöd ной кодь пемы-дö.

1943 вося январь — февраль. Вежтыдор. Райцентр

— А-а-а-а! — эз вöсна шыв, а буретш вынөн авöстiс акушерка Никоновналөн кийн пузчужöм ёк-мыль.

— Но и гөлöс, чурки-буди, комын сайö во гöгынь бабала, Вежтыдорысь пöшти быд мортöс мездыли мам утрöбасыс, но татшöм багатырскöй гөлöс ог помнит, ог... Вот лолас сыысь мужикыс, Екатерина Авдеевна!

Тöвъянас пу крöвать вылын куйлысь Катерина эз вермы весиг нюммуны, сэтшöма мучитiс сийöс «ло-ысь мужикыс», кыскис-нёнялис вынсö медбөръя войтöдз. Челядясьысьлөн олисны сöмын вирпастöм чужöм вылас гырысь синъясыс, съөлöм сырмытöдзыс полис, мед эськö эз вильскöбты-усь мужиклөн кодь латшкöс тушаа да сiдзи жö шырöм дзормыны заводитöм юрсияса Никоновналөн кияссьыс сылы меддонаён, медмусаён да коланаён кажитчысь лоёмторйыс, а öд неважөн на вöли не рад сылы, «кок сөн вильöдысьлы», «вир да эбöс юысь-косьтысьлы».

— И тэ, Екатерина Авдеевна, багатырша жö, первойысь на, а некодöс эн ёр ни вид, а сöмын вом доръястö дойясöдз курччалiн.

Никоновналөн ноксьöм-идрасьöм вылö вудзöдi-гөн усн дум вылас суседка Фенялөн шмонитöмыс: «Кага вайнытö меным сарайö петалöмкöд öткодь». И невöляысь нюммунис первойысь, лоис кокныдджык, кылис, кыдзи том вир-яяс бөр воö выныс.

— Сöмын тшöтшъяысыс сылөн, годокъясыс сиктын оз лоны,— жугыля кайтыштiс акушерка, кагаöс рузумö тöбöм да мамыскöд орччөн водтöдöм бöрын.

Никоновналы сэтшöм телепит вöли юавны кагалөн бать йывсьыс, но эз лысьт: Екатерина Авдеевна — колхозса председатель, сы дiнö быдсяма начальство-

ыс воylvлө, веськалас ещö төпканö — ковмас бурдöдчыны личыд кывсьыс.

Тешкодь, а Екатерина юрын жöдзисны пöшти ташöм жö думъяс. Весиг лоліс нелöсьыд, кор мöвпыштіс, мый пöрысь акушерка вöйпö сійöс. Но и мед: олöмыд тай оз пыр овлы сідз, кызди водзджыксö мөвпыштлан. Вöйпасны-вöйпасны дай энөвтчасны: төлысь вылö оз на ыстыны. Мый керан сэсся.

Ставыс заводитчис киносянь. Эз кö сэки веськавны пукавны орччөн, дзик мышладораныс сяргысь аппарат дорö, гашкö, нинöм эз и вöвлы. А кино вылас ыстіс небыд сьölöма энькаыс: тырмас пö вийсьынышогсьыны усьöм верöс вöснаыд, кад пальöдчыштнь, став олöмыд на пö водзын. Со и муніс клубö, кöні эз нин и вöвлы верöсыс усьöм да айка кувсьöм бöрас.

Оз весьшөрö шуны: шогыд да шудыд пö öти дөддын ветлöны. Сідзи и артмис. Местаясыс эз нин вöвны, кор зон чукөр пырис залö. Сійö веськөдчис медбөръя скамьялань, а Катерина аслыс төдлытөг вешыштіс, прөстмөдіс местасö.

Орччөн веськалөм бöрын на костын пансис мыйкö гөгөрвотөмтор: лөсьыд вöлі гусьöник инмөдчывны шоныд пельпомъясөдзыс, и сэки ыпнитліс сэтшөм кылөм, быттö кодкö көсйис йитны-келитны либö көртавны ськөд öти гөрөдö, но тайö кылөмсьыс Катерина эз öтдортчы, мөдарö, зіліс кызд поэö дырджык нюжөдны да ёнмөдны сійöс.

Мый повнысö: абу бөкөвöй, пöшти суседъяс, мамыскөд куимысь лун паныдасьлöны; варов тьötка, абу кид ни. А пиыс сылөн көнкö карын велөдчис, со тай воöма гожөм кежлас. Арлыднас оз ёна торъявны ни, дай дурыштны лоис окота, дэльöдыштны сьод синъяса мичаник да гум кодь статя тайö суседсö. Катеринаысь он дзөб — зонмыс эз жö öтдортчы, синсис жö сылань, экран вылö видзөдөм пыдди синсö оз вештыв Катериналөн чужөм вылысь.

Выль юкөн заводитчөм бöрын лоис жар: йöзыс уна, быттö шөтöма, навбаба чышкыштіс пöсьсö, кутчысис скамья дорышас да веськалі зон ки вылö. Көсйис эськө нетшыштны кырымсö, да мөдыс эз лэдз, пансьыліс гуся вермасьöм, мый бöрын Катерина гөгөрвоис — зонмыс көть и абу верстьö, но йөзвиясыс сылөн вынаөсь. Сідзи и кутісны кияссö öта-мөдсьыс торйөдлытөг. Кияс пырыс и муніс сөмын налы гөгөрвоана сёрни, а сэсся и меліасьöм...

Оз куж висътавны, кыдзи воис дякѡнлѡн вѡвлѡм керкадорса льѡм садйѡ. Правлениен, дерт, некод эз вѡв. Зэв гажа да лѡсялана места — гортъясныс пѡшти орчѡнѡсь.

Лѡнь гожся вой. Шоныд. Оз вѡрзъышт ни ѡти кор. Татчѡдз воѡ клубын сѡрмылѡн йѡзлѡн мир туй выв-сянь варовитѡмыс, но повны оз ков: найѡс бура дзебѡ льѡмъясыслѡн да на гѡгѡр быдмѡм кустъяслѡн вежѡдыс.

Ок тэ, дякѡн садйѡй, сьѡлѡм вѡрзъѡдысьѡй! Кымын радейтчѡм гѡрддзасьліс тэнад пашкыра вежѡдысь вожъяс улад, кымын сьѡлѡм ломзъывліс биа мусукасьѡмсьыс; кымын выль олѡм заводитчывліс веж вожъясусва небыд вольпась кодъ турун вылад! А вѡлісны и сэтшѡмъяс, кодъяслѡн вошлывліс тані надея-ыс, весьшѡрѡ, гусьѡн дзебсьѡмѡн коллявлісны войяссѡ, шупавлісны ямны позьтѡм вежѡгтан висьѡмѡн... А кутшѡм вожѡд мѡдас Катериналѡн тані жѡ ѡнѡдз слабника лолалысь чужѡмторйыс? Янсѡдчигѡн зон шу-чс:

— Рытъя кыаыс на эз берд да...

— Менам ѡд эм кыйѡдчысь син.

— Коді сэтшѡмыс?

— Энька. Асья кыакѡд кѡ окота окасьны, ныв юр новлысьыс тырмымѡн.

Но зонлы, тыдалѡ, лоис сьѡлѡм сертиыс и рытъя кыаыс. Налѡн мусукасьѡмыс вѡлі гусьясьѡм кодъ. Шочиника паныдасьлѡмъяс — букыд лунѡ шонді мыччысьлѡм кодъ. Арнас Катерина колис бѡр ѡтнас: мусаыс муніс велѡдчыны. Гажтѡмтчѡмсѡ вѡтліс удж вѡсна тѡждысьѡмѡн, а сійѡ вѡлі тырмымѡн: Катеринаѡс колхозникъяс бѡрйисны МТФ-са заведующѡйѡн. И тадзи шудыс кыссис арѡдзыс.

«Кѡні бара ѡні сійѡ-а? — мѡвпаліс Катерина. — Делѡ жѡ татшѡм кѡдзыднад воуйтнытѡ, кѡнкѡ. Ранитчылѡма нин и... Видз, енмѡй, сійѡс, верман кѡ: миян ѡд ѡні асланым тыр семья. Сѡрнитыштны кѡ эськѡ мамыскѡд, да он лысьт, пинялас: налы ѡд пияныс и донаѡсь, Катерина коддьѡмтѡ кок ув вольѡсѡн лыддьѡны, ѡні и ныв юраясыс тырмѡны. Вот эськѡ сійѡ кѡ татчѡ воліс? Топѡдчис эськѡ, вѡйтчис, сѡльнитчис нывбабалѡн телѡкѡд, шѡпнитіс эськѡ бара радейтана кывъяссѡ:

— Паччѡр кодъ тэ, Катюш... Ѧмидз кѡрѡн ѡвтан...

Сійѡ гожѡмнас ѡмидз кѡра и вѡлі сынѡдыс ылыс

Вой Вожын, кӧнӧ пуктысис бригада. Луннас чиркъяслӧн юртӧ кольмӧдысь сьылӧм улӧ сӧнъястӧ да йӧзвиястӧ зэвтлысь страда, рытнас вӧр дорын тырӧм кустъясӧн ӧмидзӧн да сэтӧрӧн чӧсмасьӧм, неыджыд юысь чери кӧвтӧм, войнас шалашъясын да вонъясын чӧскыд ун. И пӧшти век орчӧн мусаыс. Мый нӧшта колӧ таысь вывтӧ мортлы! Усьлыны Катеринылы сэки и югыд шудӧн да эбӧстӧ кыскысь чӧскыд войясӧн тырӧм лунъясыс!

* * *

Вежон мысти Богданова локтис колхоз правлениелӧн контораӧ, кодӧ йӧршитчӧма ӧти жырийӧ: став вежӧсьяссӧ ломтынысӧ эз тырмы пес. Матвейч — неыджыд ус-тошка, дженьыд юрсиа ичӧтик тушаа олӧма мужичӧй гольскис-вешталис косиник чуньяснас тшӧтӧ мольяс. Видзӧдлӧс ӧчки вывтӧыс да бать моз броткыштіс:

— Катерина Авдеевна, водз отпусктӧ помалӧныд, водз! Тэнад замыд ӧд вӧжжисӧ оз жӧ радейт личӧдлыны...

Богдановалӧн личмунӧ сьӧлӧмыс: овмӧсын, сӧдзкӧ, гӧгӧр тыр-бур — куйӧд петкӧдӧны, ылыс видзьяс вылысь турун воӧма нин, весавсьӧ кӧйдыс, некутшӧм ускӧттӧ ни фермаын, ни конюшняын. Видзӧдлӧс, кызди мунӧ йӧв, яй, вурун поставка сдайтӧм.

— Мый шуан, Матвейч, кукань кӧ начкыштам вӧрын уджалысьяслы? — юалис Богданова дубитӧм сьӧд пасьсӧ да руд вурун шальсӧ тувӧйӧ ӧшӧдӧм да аслас местаӧ пуксьӧм бӧрын.

Счетовод кыпӧдлӧс вежӧра видзӧдлассӧ председатель вылӧ, мӧвпалыштіс, весиг пӧрчис ӧчкисӧ, быттӧ сӧйӧ мешайтіс тайӧс вӧчнысӧ, да дыр мысти шуис:

— Картупель да капуста вылад, дерт, кертӧ он мачав, правлениеыд сӧглас... Сэсся нин тэныд, кызд шуасны, кӧзьяйкалы, ылӧджык тыдалӧ.

Ас кежас мӧвпыштіс: «Кодӧ сӧмын чужтылӧма да дӧзьӧритлӧма миянлысь Катюшанымӧс-а? Видзӧдлан чужӧм да стать вылас — нимкодясян, а главнӧйыс — удж вылас пӧумӧн пӧӧ. Сылы сӧмын и председателъявнысӧ, мӧд сы вывтӧ оз и ков».

Матвейчлӧн синъясыс эз ылӧдлыны: Катерина челядьясьӧм бӧрас нӧшта на шаньмис, ныв статьяс вошис, неуна гӧгрӧсмыштіс, морӧсьясыс ешӧ крутмисны,

сетчисны водзаны, весиг видзодласыс вежсис — эз ло вильыш, а спокойной, ас вынас эскысь, гогорвоысь.

— Сомын вот, Екатерина Авдеевна, — водзё нуодіс сёрнисё счетовод, — сьолём мыйкё абу местаын. Видзодтё, тэнад коста тани шныркыйсис-исасис Злобин мян рыжой усъяса милиционеркөд. Ме думысь, мыйкё туясьоны. Гашкё нё кодкё коч ку лызь вылын моз отарё-модарёасис, сортовка лэдзысьясыдлы колхозысь йёв да картопель катём йылысь сорис... Куктё начкыны ковмас нөрөвитыштлыны, гудырыс сөдзас да тыдовтчас, мый керны.

— Сідзкё, Матвейч, ковмас аддзодлыны участкёвйёс, сылөн од вомыс абу крепыд калича, висьтас... Райцентрö кайлыны ковмас и.

Матвейч воча кыв пыдди сомын ошканаа нюмуніс Сэссия чеччис местасыс, матыстчис председатель дорё, кызөктыштіс, чышкис ус-тошсё сөстём нөсөвикөн да сөветуйтіс:

— Вөрзёдчыны ылөдз тияны, ме думысь, оз на ков. Одюк менам куимысь челядьясьліс, гогорвоа нывбабийё делөтё — младенечөс тайё лунъясё оз позьэновтны. Нөрөвитыштлы, а коркё сэссия кайлан. А мый ми таргайтам отувъя овмөс — эн пов, став документъясыс пöрадокын: вöрын уджалысьяслы йёв да картопель вузалөмысь выручитём деньгасё приходуйтёма. Став поставкаяссё государственолы мынтёма, весиг вевтыртёма. Крукасьнысө некытчö...

Богданова аттьөалис шань сьолёма Матвейчөс, петіс правление öшинь улö. Льём пуяслөн куш вожъяс пыр тыдалисны джынвийё косялём көлөкөльня вичко, кык судта школа. Сэні, кыр дінас, жөдзисны-ворсісны да ислалисны челядь: ыджыд перемена. Челядьлөн горыс кыліс татчөдз.

Катерина мөдіс радейтанінланьыс — садлөн ылыс пельсө, көні сулаліс паськыд пу диван. Уна лун нин эз вөв тани, а ордымсё лымйыс абу тыртёма, кодкё воывлө сэтчө и сыысь отдор: абу дивö, уналөн кольлісны татөн томдырся шуда войясыс.

Муса садьын ыльөбтісны сы пытшкё казътылөмъясы йылысь, коді пукавліс орччөн кольём тулыснас на. Сьолөмыс Катериналөн пессис эз сы вөсна полөмысь, а сы йылысь немтор төдтём вөсна. Катериналөн эскөмыс, мый мусукыс бөр бергөдчас гортас, көть китөг-коктөг, көть син-пельтөг, но бергөдчас — отарё ёнмис: од öні виччысисны сійөс кыкөн. Катериналөн шо-

наліс морёсы сысы, мый энъкаыс ичөтик Ольёксанёс пестуйтис-видзис ассыс внуксё пыдди, эз удайтчы в быдтыны аслас пыслысь, со и нимтё Катериналысь нажөвитөмторсё енлысь сетөмторйөн.

Сійө жө луннас аддзөдчывліс участкөвөй милици-онеркөд. Счетовод быттё туналөма. Злобинлы воөма Вежтыдорсянь кырымтөм письмө... «Выль председа-тель рёзөритө колхоз, вөрын уджалысьяслы дон босьт-төг сетө колхознөй йөв, картофель да мукөдтор, көть пөрөдчысьяс и сідзи нин кульёны деньгасө. И тайө сэк, кор ми насмерть тышкасям фашистъяскөд».

Куим лун мысти Богданова пукаліс милиция рай-отделса начальниклөн приёмнөйын. Пөрчысьөм бө-рын заводитліс пырны Злобин ордө, да эз лэдз ма-шинкаө водз чуьнась точкөдчысь лагун кодь ныв. Кыскис пызан йөрсыйс зеркалө, лөсьөдіс баля моз кудритөм еджоват юрсисө, пудритыштис курөглөн кодь ныр гөгөрсө да вошис клеёнкаөн кышөм өдзөс сайө. Вель дыр мысти петис бөр, блин чужөмыс гөрдөдөма, вом дорас юмов нюм, коді бырис Богданова вылө видзөдлөм бөрын, быттё кодкө секретарь-машинист-калы дитшкөбтис-кучкис уль турун мешөкөн. Медбө-рын пычиктис-чилөстис ёсиник гөлөснась, ковмас пө виччысьыштны, Артемий Ефремовичлөн пө срочнөй делөяс. И бара мөдіс точөдчыны машинкаөн, корсю-рө Катериналань завидьтан синъясөн кыйкнитлігтыр.

Поводнөя пукалөм бөрын Катерина крута кыпөд-чис, но едъялысь яя секретарша пановтис Богданова-өс, сөмын мөвкнитчывліс форменнөй юбкаыс, коді эз вермы дзезны-саймовтны кызөмысла джаджъя зад-сө...

Злобин паныдаліс Богдановаөс кабинет өдзөс до-рас, пуктис зыр пасьта лапасө нывбаба мышкө да, нимкодя мургиг, пуксьөдіс аслас пызан дорө сувтө-дөм кучик креслөө. Катерина пырөмөн тшөтш мөдіс атакаө.

— Мөдөд во кысьө война, сиктын пөрысь да че-лядь, дерт, бабаясө артавтөг, синсьыс би петмөн уджалөны, а пиньсө өткымынъяслы көть джаджйө пукты... Овмөсас баба өтнась арава челядькөд. Он не-бось сөй да ю, мый колө, кызди вөвлі вөйдөр. Важ за-пасьясь бырисны, а трудодень вылө төданнөд он уна-ө юклям, Артемий Ефремович?.. Но вот. А вөрын ешө сьөкыдджык, морөсөдзыс лымйын, трачкөдчысь көдз-ыд дырйи бабаясь лучокөн пөрөдчөны, чинтасьөны, а

сортоткасё катищё кыскёны нэриник нывъяс да зонъяс. Воасны рытнас баракё — кём-пасьныс клюна-клёнавтёдз кымёма. Страшно видзёдлыны. А сёяныс — картупель да сола трескатор. Кодсюрёлы ещó валегы ыстылёны гортсяныс, но татшём шудаясыс шо-чось. Ог гөгөрво, кызди кыптё тјян киныд чиршёдлыны мыжтём йёзсё, кедзотны найёс?

Злобин эз виччысь татшёмторсё: кабинетас, кёни шойёвошлісны и эз Богданова коддьёмъяс, кёзяитліс сійё да зіліс видзчысьёмён вёчны ёні тайёс жё. Пуксис орчча креслёо, инмёдчывліс кыз чуньнас нывбаба пидзёсё, мыйысь Катерина тэрыба вештыштіс коксё да видзёдліс Злобин вылё сідз, мый и сійё гөгөрвоис: «Кывнад из, но киясыдлы вёля эн сет!»

— Гөгөрвоа тјянёс, Екатерина Авдеевна, — сійё весиг ылыстчыштіс креслёнас. — Нывбаба сёлёмыд быдёнёс жалитё — преступникёс кётъ праведникёс. Но ёні оз позь тадзи... — Злобин тшөкмуніс Богдановалысь тешкодъ нюм казялём бёрын, но эз энотчы: — Да, да, воуйтам, Екатерина Авдеевна! Кор ме сетлі заявление фронт вылё мёдёдём йылысь, начальство гижис резолюция: тані фронт жё, дай пёттёдз пиняліс. Вот сідз, Екатерина Авдеевна! А ті жалитанныд йёзёс. Но од война вылын воштёмъястөг оз овлы, сідзи и тылөвөй фронт вылын — лесопунктын. сиктын... Вот сідз, Екатерина Авдеевна! Ті кё эськё сійё йёвсё да картупельсё сдайтід государстволы — вөрё катёдём дорысь пёльзаыс лоис эськё ыджыдджык, вичмисджык эськё фронтовикъяслы. Вот тадз, Екатерина Авдеевна! А ті мый вёчинныд? Мыж, мыж вёчинныд государство водзын сылөн медсьёкыд кадё! Вот тадз, Екатерина Авдеевна! Бур, мый казавтөг немтор он вёч: миянлы — органъяслы — отсасьёны народлөн синъясыс, кодъясысь немтор он дзёб...

— Анонимщикыс, кляузникыс тјянлы, органъяслы, сідзкё, народнөй син?! — чепёсйис чужёмас вирыс Катеринолы. — Ещó бергёдчө кывныд шуны тайёс? — Екатерина тёкөтьё эз горёд «лөсавтём гыр», но ас кадё кутчысис да тэрыба перйис портфельсыс документъяс: — Видзёдлөй! И эн сёсся нинём абусё корсьёй да кёвъялөй миян колхозлы. Кляузникыдлысь кё кывзысян — унаёс весьшөрө дойдан да бёрдөдан.

— Да, вёлөмкё, ті прёдуктасё вузалөмыдөсь? — дыр мысти жалитігмоз, некытчө лоис крукасьнысё да,

шунс Злобин.— Авторыс абу стöча сигнализируютöма, ковмас видзöдлыны законъяссö, Екатерина Авдеевна, сöветуйтчыны вышестоящöй инстанцияскöд, кыдзи донъявны тайö фактсö — колхозлысь эмбур таргайтöмөн али... Вот тадз! А ми неточнöя сигнализируютысьсö — гыж улö, гыж улö, Екатерина Авдеевна! И, ме думысь, водзö татшöмторъяссыс колö видзчысьны, мый кöть, шуам, тiян колхоз и став поставкаяс тыртiс. Бур, тайö делöйс веськалис ме киö да, льöгкöсерд ордö, а мöдлы кö син улас пуктыны? Но та йылысь подробнöйджыка варовитам Вежтыдорö волiгөн. Надейтча на öти самöварысь чай юыштны, кöть талун меным и вичмис сов вылö. И эз весьшöрö. Вот тадз, Екатерина Авдеевна, вот тадз!

Кöсийс лапнитны Богданаоёс бур тöдса моз мышкас öдзöс дорöдз колльöдöм бöрын, да ас кадö кватитчис.

Катерина мунöм бöрын Злобин кыскис пызан йöрсыйс нимъяс йылысь библиотечнöй книга, кодöс видзö сэнi квайтöд тöлысь нин.

«Катя... Катерина... Екатерина... — шöпкöдiс го-раа.— Греческöй ним. Миян ногөн кö — чистöй, непорочнöй... Сэтшöм и эм, тыдалö: инмöдчыштли сöмын пидзöсас — тöкөтö ныр-вомö эз кулышт. Абу тайö секретарша Лия, кодi кукань кодь и эм, кыдзи вуджöдöма сылысь нимсö книгаас. Син лапнитöм дыра на милицияын, ме дорын, а мыйöн малышти, пыр и бöбмис. Колö öтвадитны — ещö, загреки, йöзасян. Прамöйджык кö öд вöли... Вот тадз! Да, а Богданаваыс, кöть и чуркаа нывбаба, а стрöг — эн вöрзöд, синтö перьяс!»

А Богдановалы колö на вöли кежавлыны райзö, сэсся пыравны райкомö да сэнi сёрнитыштны колхозницаяслөн удж-олöм йылысь.

* * *

Клава бөръя кадас öтдортчис школьнöй пöдругаяссыс: öтиясöс нуисны армияö, мöдъяс уджалiсны вöрын, кылöдчисны, отсалiсны колхозникъяслы вöдитны му-видз. Со мыйла, кöть эськö и эз кыскысьлöмыс, матысмисны Лиякöд, кодкöд öтлаын, армияын пыдди, лöб служитны милицияын.

Клава — пöдругаыс моз — эз новлы формасö, торйөн нин сы бöрын, кор Алексей письмöас пинялис милицияö пырöмысь. Но öд таысь Клава абу мы-

жа: тшөктісны. Сійө весиг көсйыліс пышйыны фронт
вылө, да эз тырмы смеллуныс — повзис чиршөдлыш-
төм бөрын. Дай кодлыкө өд колө и милиционеравны,
кыдзи шуө налөн начальникыс: «Тані фронт жө».
Коркө гөгөрвоас тайөс и Алексей, сійө өд вежөра.

Гортөдзыс туй помсө рыгыяснас Лиякөд талаяв-
лісны өтлаын. Пель сьөдмытөдзыс лоліс кывзыны му-
көддырйи Лиялысь чипсөм-больгөмсө, ошйысьөм-ве-
лөдөмсө. Клавалөн век петліс дивөыс: «Мыйла тат-
шөм кыз мортыслөн сэтшөм вөсни гөлөсыс?»

— Пөдруга, ёнасө Алексей вылад эн надейтчы:
ранитчөм бөрас бара суйисны бойө. Быдтор вермас
лоны: со и дугдіс гижнытө... А друг да воас калека-
өн, китөм ли коктөм. Мый сэки вөчан, Клавочка? Ад-
дзылі татшөмтө орчча грездысь: джек джек и эм,
кокъяссө бекъясөдзыс пилитөмабсь... Гөтырыслы
только вөдня, кутшөм нин олөм татшөмыдкөд, гос-
подьөй! Сюркняв, Клавочка, пель саяд. Дай тэн абу
быть виччысьны сійөс, абу өд верөс, мало ли кодкөд
он колльөдчывлы да... Олам өтчид свет вылас, Кла-
вочка, манакинйалөмсыйд коркө каитчыны кутан. Тэ-
над туша-рожанад, майбыр, позьө крукыштны кавал-
ертө! Мало ли чего гөтыра кө: кысь өні зонъяссө
корсян?

Татшөм сёрни дорас эз сразу велав Клавдия, пер-
войсө вомаліс кальөг вома да кокни руа пөдругасө,
сэсся эз мөд пуктыны пыдди дай сьөдмис пельыс ку-
зянад көклөн моз көкөм вылас. Öні кыв вежынь эз
шулы, сөмын кывзө. Но став сертиыс төдчис: венө
выль пөдругаыс. Оз весьшөрө шуны: кузянад пө ва
войт и из писькөдө.

Выль во бөрын Лия веськыда шөйөвоштіс пөдру-
гасө:

— Эн на лөсьөд кок шонтысьтө? Полан? Алек-
сейсьыд али йөзсьыс? Мало ли чего оз шуны да, быд
кыв кө дозйө пуктыны — олөмыд эштас. А мян сійө
самөй на заводитчө, пөдружкаөй... Ньюжмасьны кө
кутан, бөбө колян: войнаыс, колөкө, мый дыра на
кыссяс, старукаө удитам пөрны — ов да гажөдчы,
кор вирыд ворсө, а кор көдзалас — кай паччөрад.

Любовыд тай вөлөм збыльысь... Сійөс өшинь пы-
рыд он шыбит... Олөмыс, Клавочка-пөдружкаөй, өні
кажитчө югыд шондіөн, Витя ни некод дум вылө оз
усьлы, сөмын муса кавалерөй. Настөящөй рыцарь,
став вселеннөйсө пө кок улад пукта, ки вылын пө вө-

дита... Со сійо менам, зёлотйой, кутшом. А Витяос, дерт, виасны, ыж кодь полысь, коньорушкаой, чунь-нас эз лысьтлы вөрзьодны мено... Косьман татшом любовсьыд...

— Абу омой яндзим, Лия! — скормис Клава. — Витяйд ловья, воуйто, а тэнад кывйыд бергодчо...

— Кывйой од абу пу, оз чег, — тельскобтис-сероктис Лия, а сэсся топодчис Клава доро да ыджыд ловшён упкигтыр водзо ошйысис: — Любовсо сомьн они гогорвои, тодлі, кутшом сылон корыс. Ставыс, ставыс вунло, Клавачка-подружкаой, енежыс ыж ку пасьта кажитчылас... Тайо абу Витякод ошинь улын сулаломыд, татшом любовь борад куим сутки узян — нином он кывлы. Ок, телепит, Клавачка, тэныд тодны, коді татшом мусукуыс менам? Он босьт! Чайтан калитом вома Лияйд, сидз и вузалас ассьыс любовсо? Он босьт! Мало ли чево тэд юрад вермас воны?

Клава, отар боксянь ко, вейпис подругасо, а модар боксянь ко... Позьтомторто од окота жо видлыны и сылы, Клавалы, окота тодмавы...

Мый дзевнысо: ворсис жо од вирыс и Клавалон — отка нывлы озыр семьяын тырмис быдтор, бать-мамыслон сомьн абуыс эз и вов. А удж кокныд: уна-о ветлысь-мунысь война дырйиыд, уналы-о колө босьтны либо вежны паспорт? Со и пукаліс Клава паспортной столын да лунтыр ойксодліс гажтомысла, нем уджтомысла. Кыномыс пот, уджаланинас шоньыд, югыд да состом, сомьн мургы шонди водзын вугралысь кань моз.

Но вывти делө лоис войяснас, дыр эз вермыв унмовсьны вольпасяс, бергаліс, чечывліс, юыштліс, а син оз куньсы. Некедз оз вермы гогорвоны, мый сыкод, врач дорө ветлыны ли, мый ли?

«Татчо оз кок шонтысь, а вольпась кодзодысь колө, — курыда ышловзылыс Клава, Лия подругаыслысь сернисо дум вылас уськодліг. — Быдсон омоятчи, мыйко колө и пом! А мый — ачым ог тод. Казяліс весиг мамыс: тадзто по, ныланой, шупалан, эн сэтшөма вийсьы-жугодны другыд вөсна, сетас ен — воас война вывсьыд, он по отнад виччысь».

Клава эз вензы мамыскөд, а век жо ордлыас мутивойыс тойліс: первойсо — одва кывмон, а сэсся — пыр енджыка. «А Лия подругаой прав, некымын письмо и воліс Алексейсянь. Колөко, абу нин ловья, а друг ко кокъяссө, кызди шуис Лия, пилиталасны?»

Кыз нө татшөмыскөд пекөдчан йөз син водзас? Бурджык нин өтнадөн кольны, оз кө сюр здоровйыс бытьё», — мөвпаліс Қлава.

Ыркъяліс сьөлөмыс и сы вөсна, мый Злобин частө видзөдліс жырьё, көні сійё уджаліс, зіліс пырны сёрниё, заводитліс кужтөг шмонитны. Ыркъяліс полөм вөснасө сөмын первойсыяссө, а сэсса вочасөн кылөмыс лоис мөд пөлөс, коді эз нин повзьөдлы, а мөдарө... Кузя олігад, шулөны, и вөрса дорө велалан да он кут повны.

А Злобин, кор эз вөвны йөз, торйөн нин рыть-ясын, пыр тшөкыдджыка кежавліс Қлава кабинетө. Сэки учреждениеясса да организацияясса веськөдлысыяс удж вылас кольччывлісны сёр войөдз, на вылө видзөдөмөн кодсюрө эз жө тэрмасьлыны гортас, көть эськө, шуам веськыда, кузь лунтырнад удитлісны вөчны ставсө, мый колө. Қлава эз торъяв аслас кывворөн дай йөзсө донъявліс эз мича сёрни-басни, а налөн делөяс серти. Сылы, дерт, гөгөрвоанаөсь вөліны и Злобинлөн көсйөмъясыс. Эз сяммы дай эз көсйы дзесьөлөм вылас первой аддзысьлөмсяныс. Кыкнаңныс төдісны, мый вөчсьө на костын, мыйө вермас вайөдны тайө, Злобин пыр частөджык мөдіс сетлыны вөлясө киясыслы, первойсө сөмын здук кежлө инмөдчывліс нывлөн лампа югөр улын лөсталысь каштанөвөй юрсияс дорас, сэсса мөдіс лөсьөдыштавны читкыляссө, корсюрө шлапкывны пөсь лапасө Қлавалөн гөгрөс да зумыд пельпомө. Сьөлөм вылас воис сылөн чөв оломыс да вочасөн содіс эскөм, мый вот-вот тайө кисьмөм вотөссө позьө нетшыштны. Тайөс Злобин гөгөрвоис сы серти, кыззи да кутшөм гөлөсөн кайтыштліс Қлава: «Эн дурөй, пөжалуйста, Артемий Ефремович», кор Злобин лишнөй, торъя видзчысьтөг да повтөг нин заводитліс ворсөдчыны нывкөд. А татшөм рытьяс бөрас Қлава пөшти эз куньлы синъяссө, тыдавтөм биён оняліс-сотчис, вольпасяс көть лым пырт. Алексейлысь ру пыр моз тыдовтчывлысь өбликсө вевттис мөд, кымөр кодь ыджыд да вежласысь мыгөр. Тайө кылөмсө позис өткодьявны сыкөд, кор Қлава ичөт дырйиыс на первойсыс пуксис даддьө, көсйис исковтны крут кыркөтш йывсянь, сьөлөмыс өпкис полөмыслө, а тойыштчынысө кыр горув лоис пыр окотаджык, телепитджык.

Став майшасьөмыс помасис турөба өти сёр рытө. Начальник корис Қлаваөс ас дінас. Приёмнөяс некод

эз вöв: Лия пöдругаыс гриппуйтис. Эз на удит вöськовтны кабинет öдзöс порог вомöнсö, кызди кватитисны сийöс кыз вына сойяс, кыпöдисны пötөлök бердöдзыс.

— Клава ёрт, став вселеннöйсö пукта тэнад кок улö, вот тадз! — ымöстис нисьö мурöстис Злобин. Нылöс сотыштис мöвп, мый кодлыськö кытöнкö кывлиснин тайö ошйысяна кывъяссö, мый сийö оз радейт татшöмтортö, но эз удит: сылөн паръясыс ныр йылыскöд öтлаын вöйисны Злобинлөн паськыда вöсьтöм васöд да шоньд гу кодь вомö. Здук мысти мышкыс ляскысис пызан пöв вылö. Клава көсйис тойыштны, мыджсис начальник морöсö, но вермас öмöй сувтöдны пöлынътчысь пачöс сартас кодь кияснас? И сэки ныв бöрддзис, пöшти шытöг, быттьö никсис öбиднöйслали, скöрысла ли... Кабинетсьыс петигаснин Клава öд-ва кывмөн нурбыльтис:

— Ме кута норасьны: тi жугöдиньд менсьым олёмöс...

Но ыджыд опыта Злобин тöдис — тайö нывлөн падмылём сöмын, а ас кежас нимкодя мöвпыштис: «Öнисянь вунöдан вочасөн гöрд кубанкаатö...»

Клава и збыльысь гижис норасьöмсö, стöчджыка кө — сылысь юрсö сöмын, да пуктис пызан вылас тыдаланинöджык, медем начальниккыс аддзис сы дорö волигас, но Злобин сэсся эзнин вöськовтлы паспортнöй стол кабинет порог вомөн. Кык лун мысти бара корис ас дорас. Клава, көть и сетлис кыв, мый водзö ознин прöступитчы, мый мöдысь ознин лэдз ворсны аснас аканьөн моз, но кывзысис: кыз-некыз, а начальник. Тадзи вöли гоз-мöдысь. И ньöти эз дöзмы: сьölём сертиыс лоис начальниклөн лишнöй сёрниттöг мелiasьöмыс: буретш татшöмъясыс и волисны сьölём вылас Клавалы. А сэсся и чукöсттöг аддзывлис помка пыравлыны начальниккыслөн кабинетö, мыйысь öтчыд, сёр рытын гортас мунигөн, кодкö бускöбтис джуджыд толаö, кавшасис да мöдис пачесайтны-нетшыны юрсисö.

— На тэныд, дона тöварка, — чилзис вöсньыд гөлöснас Лия, — на тэныд мусук дорысь кодзöдысьöй! Эз кут матö сибöдлыны, думайта: мало ли чево, гашкö, гöтырыс сакис, гашкö, нёрпалö, а, вөлöмкö, ми костö суйсьöмыд тэ, шевапозийöй!..

Эз пукты Клавалы кок улас вселеннöйсö Артемий Ефремович, дай эз вермы, ки улас сылөн сöмын

район, но өти буртор вöчис жö: ыркалом вольпасяс өнi Клава пыр и ырсмунлис-унмовсьлис, весиг мамыслөн сьöлöмыс такалис.

* * *

Январын недыр кежлö сувтлис мича поводдя, быттьö тулыс — лунъясыс сöстöмөсь, шондиа, төв ни ру оз пöлышт. Ёма туй моз вөрти чуклялысь вöла туй бокин шы ни төв вугралöны лымйөн кыза вевттьöм козъяс, весиг тулысын моз ловзбылисны лэбачьяс: «Пинь-пинь-пинь!»

Тулупö гартчöм Катериналы ониш турун додь вылын. Баййöдлö-вугрöдлö сийöс раммöм парма, сылы отсасьöны турун сияс, кодъяс додьлөн быд вөрзьяш-тигөн быттьö заводитлöны лөньюдны кодöскö: «Ссс... ссс... ссс...»

Медым не унмовсьны да не сунны додь вывсьыс толаö, Катерина заводитö мөвпавны, мый мөдас висьтавны вөр лэдзысь нывбабаяслы да нывъяслы. Медводз, дерт, сы йылысь, мый миян войска чорыда нöшалöны фашистöс Сталинград дорын, мый орöдисны Ленинградлысь блокада, сэсся вуджас колхозной делöяс вылö, висьталас гортысь поклонъяс, разöдас гөснечьяс. А кутшöм нимкодь лоö налы, кор тöдмаласны, мый председательшаныс налы ыстöма не сöмын картофель да кынтöм йöв, но и кукань яй. Пötöс сорванад öд бурджыка уджавсьö, кубометрыд содöджык и. Турунсö вөр кыскалысь вөвъяслы Богданова ачыс жö бöрйис, ачыс и ямщикалö-катö. Аски ваясны öстальнойсö — яй, йöв, картофель, зөр. «Злобиньясысь кө повны — свет вылас не овны», — мөвпалис Катерина.

Туйыс петкөдис вөр юпöлөнса видз вылö. Көнсюрö öдва тыдалисны зорöдъяс. Тайö уськөдис тöд вылас войвожса паськыд да туруна эрдъяс, öмидзөн да сэтөрөн тырöм кустъяс, дженъидик войяс, кодъясöс эз и казьявлыны муса другыскöд öтлаын страдуйтигөн. Вöвлöма дай бырöма ставыс, ва моз визувтöма, сöмын казьятылөмъяс колисны. Көнi нин ветлö-воюйтö Катериналөн сё муса другыс-а? Письмөяссö эз гижны: полисны йöзасьöмысь да. Онi эськö и окота көть пи йывсьыс юөртны, да кысь — адрессö оз тöд, мамыслысь öд он кор. «Ойя жö нин да ойя!» — тökөтьö эз горөдсьы Катериналөн.

Нывбаба шыбитіс тулупсö пельпом вывсьыс да ко-
лис сöмын пелькиник дубитöм пася, руд шальсö веш-
тыштіс кымöс вывсьыс да горöдіс кыпид сьыланкыв:

— Кодйим юкмöс öшинь улö, —
Ваыс эзысь, кынмö вом.
Мусук муніс война вылö,
Воас гитлеръяслы пом!

Сöмын öтнас Воронко пельяссö чошкöдлігтыр кыв-
зіс ямщиклысь мыла гөлössö да тшöтш жö збодермис,
содтіс воськовъяссö.

1943 вося июль — август. Шексна. Вежтыдор

Шексна. Веж берегыяс, таладорас — посёлок, мө-
дарас — видзьяс, вөр, улынджык — лыа кöса. И ваыс
юас сэтшöм жö, лöзоват рöма, тэрмасьтөг шлывгö-
визувтö. Сöмын васö оз поткöдны баржаяс да пурьяс
кыккысь сьодасьöм буксирьяс, мазутөн да солярка-
өн öвтысь катер-труженикьяс, еджыд юсь кодь пас-
сажирскöй пароходьяс, а Ленинградлань, Ладогалань
нбöжйөнник, видзчысьöмөн, быттьö исасигмоз, медым
оз сибдыны, кыссьöны Волжскöй да Каспийскöй воен-
нöй флотилияса ляпкыдик да векнъыдик свинеч рöма
корабляс, кодьяс прöстмисны Сталинград дорын вра-
гöс пасьвартöм бöрын. Сöмын тайөн и торъялö Шекс-
на рöднöй Эжваысь.

Гөгөр пальöдчöны-гуляйтöны, чотликасигтыр либö
кок пöв вылас чеччалігтыр, «сьöкыда ветлöдлысь
висьысьяс», кызди тані нимтöны раненöйясöс. Öтияс
халатаöсь, мөдьяс пижамааöсь, кокъясас тапочкияс,
киас кöстыльяс, бедьяс; гипсуйтöм кокъяс, кияс, сой-
яс, кельыд чужöмъяс — тані, вольнöй сынöд вылын
да шонділөн югөрьяс улын, йöзлөн чужöм вылын во-
часөн тыдовтчöны вирпасьяс, бурдöдчысьяслөн чужö
водзö вылö надея. Став висьысьяссö син улас кутö кыр
йылын сулалысь еджыд халата медсестра, курög-мам
моз век дась отсавны кодлы колö.

Тасянь Вөлөгдаөдз абу ылын, а сэсянь Сыктывкар-
өдз позьö нин воөдчыны ва туйөн.

Но гортыд, кызд шуласны, кöть орчча, да он тай
веськав регыдөн сэтчö, сöмын мөвпнад и волан ра-
дейтана местаясöдз. Видзöдö Шексна вылö Алексей,
а аддзö Эжва: син водзас вуджрасьысь раненöйяс

пыдди — тѳдса чужѳмъяс; вежѳрас кольѳма муса йѳзлѳс гѳлѳсъяс. Алексей сутш кежлѳ, вѳтын моз, орѳдчывлѳ олѳмсъяс, чигарка гартѳгмоз кывзѳ орчѳн сулалысь том красноармеецъяслысь сѳрнисѳ.

— Вѳскалі запаснѳй полкѳ,— сѳрнитѳс на пиысь ѳтиыс.— Сѳні ставыс честь чѳстью, гарнизоннѳй клуб, кино, йѳктѳмъяс. Чуйми: вот, мися, житуха, кувны абу окота. Но, ѳтчѳд и локтѳ клубѳ — йѳктынытѳ ме окотита, ачѳд тѳдан. Видзѳда: вот житуха, дамаяс — я тебе дам! Дыр думайттѳг и пришвартуйтчи куим судта причѳскаа ань дорѳ. Вот житуха, мѳвпала, везитѳ жѳ... А дамайѳ видзѳдліс ме вылѳ, зывѳка вежыньтѳс краситѳм паръяссѳ да быттѳ сьѳвзис чужѳмѳ: «Фи! Обмоткияснас ещѳ ме дорѳ лысьтѳ». Ме пытшкын быттѳ потѳс мыйкѳ, горѳді, мый йѳктѳмсъяс дугдѳсны:

— Не кѳ тайѳ обмоткиясыс, то важѳн вѳлін гитлеровецлѳн вольпасын, кок ув вольѳсѳн!

Краситѳм фуфияыд сѳки синсѳ былѳѳдіс, кѳсйис авѳстны и корны кодѳскѳ, а ме швырк и...

Зонъяс кежисны ылѳджык, Алексейлы лоис жаль, эз кывлы помсѳ да.

«Да, быдсяма йѳзыс на эм мян, конъялас на и сйѳ, код йылысь и мѳвпыштныыд он куж,— шога мѳвпалѳс Алексей.— Ылѳдз оз ков мунны примерысла, Клава кольѳѳдѳгас Сыктывкарса пристаньын став йѳз водзас горзѳс — виччыся пѳ кѳть кызь вит во. А эз на коль и сизим тѳлысь — воис сѳлѳн вѳвлѳм пѳдруга-сянь, кутшѳмкѳ Лиясянь, письмѳ: «Клаваыд изменитѳс, мусукасьѳ милиционеркѳд, вожасис гѳтыра вылѳ, юкѳ семьясьяс, регыд и чурка на ваяс».

И татшѳм письмѳыс воис Алексейлы зѳв сьѳкыд кадѳ, кор сйѳ Новгородскѳй областын Парахино-Поддубнѳйса госпитальын мый вынсьяс вермасис юр весьтас ѳшйѳм смертькѳд. «Не кѳ сестра, Наташенька, эг аддзѳв эськѳ и тайѳ Шекснасѳ. Кодѳс нин бара ѳні спасайтѳ тайѳ муса хохлушкаыс-а — сьѳлѳмтѳ пѳкѳритысь шѳвктуг кодъ нылыс?»

А лоис тадзи. Кор Ленинградскѳй фронтса воинъяскѳд аддзысьѳм бѳрын шальной снаряд вѳйтѳс пемыдѳ, сы бѳрын Алексей оз помнит нинѳм, паляліс сѳмын санбатын. Сѳсся мучитчис полевѳй армейскѳй госпитальын, кѳні раненѳйяс куйлісны брезент палатка-ясын, а ывлаас январскѳй мороз, кѳні быд асыв садьмѳдлісны немецкѳй дальнѳбойнѳй орудиелѳн потлась-

ысь снаряжьяс. Но шуда на вёлёма Алексей — сы куй-лигён госпитальё эз веськавлы ни өти снаряд.

Медбöрын мынис и сэтысь, веськаліс тылö мунысь санитарной летучкаö — теплушкаясысь өтиö. Сэк жежлö контузияыс прöйдитыштіс, мөдіс неуна кывны, но шуйга пидзöсас пырём снаряд торпыриг пыр ёнтіс, век на сырмисны, тракийсисны чужöмсыыс мускулъясыс, синлапъясыс.

Фронтöвöй госпитальö веськалём бöрын сьöкыда ранитчöмаяс куйлісны Парахино-Поддубной посёлөка вöвлөм школа стрöйбаын. Уна вежон бöрын Алексейöс первойысь мыськисны ваннаын, водтөдісны прöстыняөн вевттьөм вольпасьö, сөстөм юрлөс вылө. Ставыс эськө бур, да госпиталь весьтти быд вой лэбалісны немецкöй бомбовозъяс, налөн аслысьяма мотор шыыс шызьөдіс раненöйясöс: кодлы нö окота кувны бомбаяс улын окопъясысь мынөм бöрын? Öд татчö веськалёмъяс пиысь унджыкыс мөвпалісны, мый комиссуйтөм бöрын веськаласны гортас.

Вынтөммөм Алексейлы операционной пызан вылын на ковмис вир. Но буретш сылөн группаыс эз вөв, сэки и сöгласитчис сетны асьыс вирсö Наташа — палатаса медсестра.

— Öнисянь тэа-меа, Алеша, чоя-вока, — кулөм кодь на зон дорö воывлигён серавліс сестра. — Эн öшөд ныртö, менам коханöй, ми ещö йөктыштам на, серденько, тэкөд.

Алексейлы сюйлісны вирсö некымынысь, делöыс воліс сэтчөдз, мый дзикөдз вошли вытыс, юыштіліс сөмын некымын пань чөскыд вина да курчыштіліс веж лук турун. Кытысь төв шөр төвнас фронт дорын матын веж лукыыс, өнөдз оз төд. Кыпөдчывліс, пуксьывліс крөвать вылас кузьчышъян отсөгөн, кодөс көрталісны крөвать бөрас. Көсийсны вундыны кок пөвсö пидзөс вылысладорөдыс, но эз сет. Шуйс веськыда: кула пö аслам кокөн. Татшөм сьöкыд кадас и воис Қлава йылысь письмө, кодөс позис өткодявны морөсö пурт сюйөмкөд. Оз төд Алексей, мый эськө лоис ськөд, эз кө вөв орчөн шань сестра Наташенька, коді став сьөлөмнас висис зон вөсна, юксис кыпыдлуннас, шонтіс гажа да кыпыд оласногнас, ышөдіс тышкасыны олөм вөсна, не сетчыны смертьлы.

И найö венісны став сьöкыдлунсö, коскөдзыс гипсөн дорөм Алексейöс ылі тылö колльөдігөн, Наташа нем яндысьтөг окаліс зонмөс, бөрдіс (вөлөмкө, и На-

таша кужо бёрдны) да, синвасо чышкалігмоз, шуаліс:
— Алёшенька, ти коханий мій, ріднэнький, сердце мое узав...

* * *

Шексна берегын пукалысь зон водзысь муса сестралысь мыгёрсо кусодіс-вётліс санитарлөн гөлөсыс:
— Кад обедайтны!

Алексей босьтіс орччён куйлысь бедьсо да чотликтіс баракъяслань раненёйяс бёрся.

Обед бёрын бурдысьяс петісны куритчыны.

— Выльтор окота тёдны?— юаліс барак кильчо вылын сулалысь Меншаков, коді куйліс Алексейкод орчча нар вылын.

Алексей ньожёник кыпөдіс юалысь синъяссө Меншаков вылө.

— Комиссия воома, главнёйыс — профессор. Кутасны видлавны бурдом да комиссуйтөмъяссө. Уналы гортсо — тю-тю — не аддзывны: выздоравливающёйяслөн командао, а сэсянь — запаснёйө. Тэныд тайө, Алексей, оз инмы; чөрс кокнад окопясад оз нин ыстыны, кызди и шулісны мян госпитальса врачьяс — тэныд отпуск, майбырлы. Ок, көть син пөлөн видзөдлыны гортсаяс вылө.

Алексейлөн сёлөмыс вөрзыліс тайө юорсыс:
«Мый виччысьө водзын?»

Ставыс сувтіс ас местаас, кор сійөс чукөстісны комиссия вылө. Вежөсын сулаліс кык улөс. Оти вылас — еджыд халата, бөрланё сыналөм смоль сьод юрсиа, ныр вылас кыз оправаа өчкиа төдтөм морт. Сійө пө и профессорыс. Стен бердын — госпитальса да ещө некымын төдтөм жө врач.

— Мый вылө норасянныд, том морт?— юаліс Алексейлысь профессор, көть и аддзис куснясьтөм коксө.

— Гм... гм... оз куснясь, шуанныд? Ог верит, ноко видлам, том морт. Вай татчө коктө, да смелджыка, смелджыка!

Профессорлөн вөсныдик чуныясыс бытьё көртысь, сідз шамыртісны висысьылыс куснясьтөм коксө, мый мөдыслөн синсьыс брызнитісны кодзувъяс. Здук мысти ставён шемөсмөмөн акнитісны: профессор лэбис улөс вывсьыс өтарө, өчкиныс — мөдарө. Алексей важ мозыс пукаліс улөс вылас, но здук кежлө воштыліс садьсө.

— Пызан вылө разбойникөс! Пызан вылө!— джоджас куйлигөн на горөдiс кусьыс петөм профессор да вöлисти нин чеччыштiс кузь кокъяс вылас.

Палялис Алексей аслас крöвать вылын. Орччөн пукалисны сестра Верочка да Меншаков. Найö кыкнанныс нюмъялисны.

— Но и но!..— соседлысь син восьтöмсö аддзöм бöрын шензьиштiс Меншаков.— Öни профессорыс оз коктö нюкыльт, а небыд местасыд кучиктö кытчö колö зэвтас.

Дерт, Алексейлы көть му пырыс мун, но эз жöков чужьины профессорлы! Мый нö, көть и доймис кусыньтигас? Колö вöли терпитны. Матын гырдызайд, да он курччы.

Но профессорлөн пуöмыс, вөлөмкө, пакталöма нин. Мөд асывнас палатаын весиг нюмъевтис:

— Сöвествыд йирö? Аттьöавны кутан, коркө гөгөрвоан да...

Сэссия сулалыштiс Алексей крöвать дорын да содтис:

— Пидзöстö кусньöдлыны и кусньöдлыны колö. Велөдчы таö гортад, ме видли, да эг вермы. Лоан кокаөн и мед лоö тайö тэныд, геройлы, и мясянь наградаөн.

Некымын лун мысти висьысьяс кольөдiсны Алексейöс гортас отпускө. Инас эз öшйив и госпитальса политрук Ларионов, корсис бур обмундирование да мукөдтор — ставсö, мый колö гортас фронтовик-отпускниклы.

* * *

Тайö рытас Катерина воис видз вылысь неуна водздзык: сöветуйтчис Матвейчкөд, кутшöм пöсь сёян дасьтыны мөд вежон кезлө страда помалысьяслы. Майшөдлис председательöс öтистор: чөвтысьяс кольччисны куртысь-ытшкысьяссысь, вот эськө некымын верстыö мужикöс кө, да кысь. Зорөдасис старикъяскөд орччөн и ачыс председатель.

Локтигас купайтчыштiс Эжваын, мыськис ньылөмсö, көсийс кезавны яслиö Öльöксанушкоысла, кодысь луннас ёна нин бырис гажыс, да пынадасис сыла жö мөдöм энъкаыскөд.

Гортас воём бöрын Катерина көсийс вежсьыштны, но сэки кильчö вылас кылисны тотшкана кок шыяс. Кылө, дзуркнитiс öдзöс, сэссия кодлөнкө видзөдласыс,

кылө, сатшкысис мышкас. Нывбаба ыркнитөм сьөлө-мөн лөсьөдыштис платтьөсө да бергөдчис пырысьлань.

Өдзөс курич бокин сулаліс зумыд тэчаса, паськыд пельпомъяса военнөй. Офицерлөн погонъяса, веськыд морөсас орден улас — ранитчылөм йылысь гөрд за зарни рөма нашивкаяс. «Чужөмыс... Чужөмыс тай нө зэв төдса быттө, сөмын неуна быгыд. А видзөсласыс, видзөдласыс.. Қоді нө тайө?» — мөвпыштис Катерина.

Военнөй воськовтіс порог вомөн да ёна чотігтыр, но көзяин моз зумыд воськовъясөн, повтөг ни яндысьтөг мөдіс сы дінө. А сійө, Катюша, синъяссө вештывтөг шөйөвошөмысла бөрыньтчис, зілис ылыстчыны, саймовтчыны. Сійө бөрыньтчис сэтчөдз, кытчөдз эз шляпкысь-пуксы стендорса диван вылө.

И кор военнөй төдса киясөн топөдіс да муса гөлөсөн өдва кывмөн шөпнитіс сөмын сылы, Катери-налы, төдса кывъяс: «Кутшөм тэ шоньд, Катюша, быттө пач... И өмидзөн өвтө!..» — сөмын сәки ставыс лоис ас местаас.

Катюша сывйыштис Алексейөс, шөпнитіс:

— Со и чөвтысь воис...

— А көні менам пиөй, Ольөксанушкоөй? Мам ставсө висьталіс. А тэ чайтлін, мый ог төд? — шудаа вашкөдчис-юасис Алексей.

Парасковья тьөтка мыччис ичөтик Ольөксанөс Катерина киясө, бергөдчис образлань, мыйкө шөпкөдыштис, а сэсся паськыда пернапасалис-кресталис выль семьяөс:

— Благөслөвит, Кростос, пресвятөй мати-богоро-дица, троеручица, эн кедзовт аслад милөстьнад Олек-сейөс, Ольөксанөс да Катеринаөс, — негораа лыд-дьөдліс Парасковья, а сэсся бөрддзис да пырис пыді жыръяс.

А олөмыс Вежтыдорын муніс водзө.

Эпилог

Аддзысьліс эз Алексей Қлавакөд? Аддзысьліс. Зеленцов ветліс на воюйтны, а война помассьөм бө-рас кык во чөж на служитіс армияын. Воис гортас мартын, кайис райцентрө паспортла. Сапөгъяснас кува-ковакылігтыр пырис ыджыдкодь жырьө. Гьөр-төм өшинь пыр лун югыдыс сьөкыда писькөдчө. Пер-

войсö немтор эз аддзы, ывлаас кольöма синмыс да, сэсся велаліс. Вежöссö кык пельö юкысь стойкабердса пызан сайын гижис том нывбаба. Пукалö бокөн, чужöмыс прамöя оз тыдав.

Алексейлөн ёкмуніс сьölöмыс. Видзöдö и синъясыслы оз эскы: нывбабаыс вöлöма Қлава. Омöльтчöма, воймöма, кыз шуласны, видзöдлынысö немтор вылö лоöма. Дерт, эз ло лöсьыд, но Алексей эз петкöдлы тайöс, велаліс нин дзевны ассыс чувствояссö. Салдат моз гаркнитіс:

— Здравия желяу, паспортнöй столса начальник ёрт!

Қлава, тöдсаяслөн кывъяс серти, вöлі кагаа, но тайö чолöмалöмссыс уси кысьыс перö-ручкаыс. Вермис öмöй сійö тöдны, мый уна сё верст сайын шöйтись инасьтöм лов воас татчö. Мый-мый, а тайö гөлöссö Қлава вермис торйöдны уна сё морт пövстысь. Қöсйис кыпöдчыны местасыс, да шлопкысис-пуксис бөр. А чужöмыс лоис сэтшöм, мый жырыын пукалысь некымын морт кок чунь йылас петісны коридорö.

Öдвакö кодкö öні вежаліс Қлавалы, кöсйис лоны сы местаын. Нывбабаыс эз вöv вежöртöм. Төлка. Шань. Унатор эськö сетіс сійö, медым вошис син водзссыс Алексей, но тайöс вöчнысö эз вермы.

Вель дыр мысти кыпöдчис, петіс стойка сайысь, игналіс коридорö петкöдысь öдзöссö; синъясас — мучитчöм.

— Кызь вит воөдз колис нöшта кызь... — эз вермы кутчысьны Алексей.

Бурджык эськö вöлі, кучкис кö Қлавалы вöвлöм мусукуыс пель бокас.

— Чайті — ог аддзысьлöй: быд керкаö воö похороннöй... Тэнö со öтчyd ранитлісны... мöдысь... Вот и тойліс омöльыс...

Лоис кутыштны Қлаваöс, мед оз усь, мыччыны ва стöкан. Нывбабалөн пиньясыс зяткакылісны стöкан дорышас.

Недыр мысти Қлава звөнитліс кодлыкö. И пöшти пыр жö воис Қлавалөн вöвлöм пöдругаыс — Лия, кодöс тöдліс войнаөдз и Алексей. Сійö видзöдліс пöдругаыслөн вöвлöм мусук вылö да уськөдчис Қлавалы морöс вылас:

— Воалöны, сьölöмшөръясным, а ми тэкөд, бессöвестнöйяс, мый вö-ö-öчим! Ой-й-я нин да ой-я!..

Нывбабаясыдлы мый? Люскыштісны, и кокнö-

діс, весиг корисны Алексейос рытйысьны, чай юны, но сійо откажитчис: важ сола вылад оз юктод.

* * *

Алексейлөн другыс — Гена Расов — ранитчылөм бөрас воюйтис на жө, воис Прибалтикаодз. Вөр ді вылө, көні дзевсясис сьлөн БМП-ыс, уськөдчисны «юнкерсьяс». Военфельдшер петис палаткаысь лолыштны, куритчыштны. Сэки и корсис сійос бомбалөн ыджыд осколок да чегис азыгумос моз.

А Кастусь Мишка воис гортас да, гашкө, өні на олө-вылө. Тайо сы йылысь гижөны том журналистсьяс, кодъяс адзывлісны войнасө сөмын киноысь да ошйысьөмпырысь дольоны: «Войналөн первой да медбөръя лунөдз вөлі фронт вылын, весиг эз ранитчыв».

Менам төдса — Щанов — командуйтөма ротаөн Синявино дорын, ранитчөма кык лун бөрын, ротасьыс тайо каднас кольөма өти взвод мында. Неважөн сійо паньдасьөма зверь кодь ён мужиккөд. Мужикыд — ыджыд начальник өні — тешитчыштас менам төдса инвалид вылад: кык лун пө и воюйтөмыд да, а ме пө первой лунсянныс да медбөръяөдзыс косяси врагкөд. Со пө ме кутшөм герой! А вөлөмкө, сійо начальникыс командуйтөма сэтшөм подразделениеөн, коді передөвөйланы 70—80 километр сайысь матөджык абу волөма. Тадзтө сылы, дерт, позис прөйдитны и кык Отечественнөй война...

Уна бойын на, Ленинград вөсна сражениеяс бөрын, вөвлі и Алексей. Сійо прөйдитис Прибалтика, косясис Кенигсберг дорын... Но сэтшөм вир кисьтана, чорыд да лёк тышьясө, кутшөмөсь вөліны Синявино нюръясын 1942 вося август — сентябрын, водзө вылө пыравны сэсса эз удайтчыв.

А госпитальө волысь профессорос Алексей казътивлө өнөдз на: не кө сійо, мортыс, гашкө, томсянь да нэмсө ветлөдліс-чотликасис чөрс кодь куснясьтөм кокнас.

ЧАСІ

Кыкөн, верстьо мужик да зон, куйлісны ичөтик вежөсын, кытчө водтөдлісны векджык сэтшөм раненыйясөс, кодъяслөн бурдөм вылө надеяыс эз нин вөв, кодъяс быд здук вермисны веськавны «наркомземө», кызди шуисны фронтөвөй госпитальын мөдар югыдсө. Мужикыс мөдіс нин бурдны, вужъясыс сылөн вөлөмаөсь крепыдджыкөн. А вот зон йылысь тайөс шуны эз позь: шырөм юрсыыс да лөз вез кодь чужөмсыыс төдчис быд лы. Зонмыс оз сөй ни оз ю. Тадзи кө мөдас делөыс, дерт, дыр оз нин кыскы.

А сылөн суседыс, гырысь лысера мужик, кыпөдчывліс нин вольпассыыс, матыстчывліс гыөра өшиньдорө, кывзысис өдзөссайса госпитальлөн олөмө, видзөдлывліс куньса синма зон вылө. Кымын арөс сылы? Кызь арөс он сет. Войнаыд, зонмө, оз видзөд ни арлыд, ни чин вылө, сылы ставыс өткодь.

Бурдысь мужичөйлы окота варовитыштны, но некодкөд. Врачьяскөд да сестраяскөд, кодъяс воывлөны обход дырйи, он өна кывтө пес, век тэрмасьоны. И няня сэтшөм жө, пелькөдчас, кыв-мөдөн вежсяс — и ставыс. А палатаысь петны оз лысьт, абу на эбөсыс.

Өти асылө зон и шыасис, корис юыштны ва. Омөльтчөм чужөмсяныыс видзөдісны пыдө вөйөм лөз-лөз синъяс, а син аканьясыс сьөдөсь, паськыдөсь. Юыштөм бөрас сійө кыскыліс юрлөс увсыыс зептын новлөдлан часі, дыр видзөдліс, сэсся видзчысьөмөн бөр дзебліс. Мужик юалис:

— Часыд... трофейнөй?— Эз нин надейтчы кывны вочавидзөмсө, но дыр мысти, тыдалө, воис зон вежөрөдз юалөмыс, сійө шуис синъяссө восьтывтөг:

— Нывбабалөн козин... Казьтылантор...

Мужик чуймис: зонмыс нюммуніс, мыйысь чужөмыс лоис мичаджыкөн, авъяджыкөн. «Со, зонмө!

Кычан кодъ и эм, а вöвлöма нин нывбаба». Мужичöй заводитлис водзö юасыны суседыслысь, но зон кунис синъяссö.

Шыöдчис сийöс сöмын обход бöрын, кор вöчисны уколъяс, выльысь кöртавлісны ранаяс.

— Окота тöдмавны, кызди веськаліс тайö часіыс ме ордö?— юаліс слабиник гөлөсөн зон.— Гашкö, он эскы, а сийöс козымаліс шань сьölöма ань, кодöс вунöда сöмын кулöм бöрын. Не кö сийö, гашкö эг и тöдлив олöмыслысь мичлунсö. Зэв томсянь ме бур ним-славаöс вошти. Веськалі колонияö. Сэні тöдмалі война öйöм йылысь. А сэсся и лэдзисны. Кытчö воштысьны? Мам кулöма. Мый вöчан тыртöм керкаын? Ме öтка пи вöлі мамлөн. Батьтөг быдми. Бать-быдтысьыс, бать-велöдысьыс менам эз вöv. Серам туйын частö овлі. Ачыл тöдан, кызди батьтöмъястö сиктад ыдждöдлöны... Со и вошли бур туй вывсьыс, сконъясьлі. Петі колонияысь...

Орчча районын оліс тьötка, мамлөн чойыс. Сы дорö муні. Примитіс. Эг дыр кежлö лок: лун-мöд мысти война вылö босьтасны. Тьötкалөн суседкаыс — челядтöм салдатка, верöсыс воуйтö. Со и тöдмасим. Верöсыскöд лёка олöмаöсь, вежөгтö да нöйтö вölöм. Ныв грексьыс.

Зон мудзис варовитöмсьыс да чöv усис, бара кунис синъяссö, быттьö унмовсис. А суседыс эз лысьт тормошитны, кöть и вöлі телепит тöдны, мый лоö водзö. Мövпнас вöйпис эз кöзьякасö, а кöзьяинсö — сы дыра абу вермöма прöститны гöтырсö, адзöма дивö: ныв грек!

А сэсся усис дум вылас аслас олöмыс, быдсөн чужöмыс мöдіс сотчыны яндзимысла: сийö öд вежөгтö жö кага вайлытöм кöзьякасö. Öні кö эськö адздöдчывны гöтырыскöд! Ок, ёна жö тöлктöм мукöддырйи овлö мортыд. Мövпъяссö ордіс зонмыс, коді ньöжйöникөн висьтсö нуöдіс водзö:

— Öтчыл воліс рытйысьны. Мичаник, меным зэв мичаөн кажитчис, меысь некымын арөн ыджыдджык. Да тайö öмöй мытшöд, мортыс кö воас сьölöм вылад? Мöдіс кыскыны сы дорö, сьölöмöй ёпкö, ыркьялö: эг на öд тöд, кутшöмджык кöрыс мусукасьöмыслөн... Чайті — вöтлас, оз сибöд... Мöд рытнас и гөррдзасис гөрöдыс, менö быттьö мыськисны вежа ваөн, кызди шуис тьötка, мортö пöри, содіс вынöй да эбöсöй, олöмыс лоие югыд да дона. А сийö, гулюöй менам, оз и

дзед ассыс шудсö. Но эз дыр кезлö мыччысьлы шудыс: вайисны вонкоматысь повестка...

Зон ланьтис, шойччис синъяссö куньомöн. А сэссия недыр мысти, содыштіс эбöсыс да, сійö помаліс висьтсö:

— Колльöдігас, гулюй менам, перйис зепсыс часі да шуис: новлы да казътыв менö. Эг кöсйы босътны, да мырдысьөн суйис зептö. Со и новлöдла сьöрын. Таысь донаторйыс менам немтор абу...

Палатаын лои чöв-лөнъ. Мужик чеччис, тяпиасис да тапиктіс рöмдыны заводитöм öшинь дорö. Дыр сулаліс сійö сэні да видзöдіс мороз пöльөн стеклö вылö рисуитöм серпасъяс вылö. Сэссия видзчысьöмөн матыстчис сусед крöвать дорас, инмöдчыліс зонлөн пельпомö, но сійö бара нин унмовсьöма, а гашкö воштöма садьсö. Меддонаторсö абу удитöма дзеднысö, сійö куйліс тумбочка вылас. Кировскöй, «Молния», мунö трактор моз, гораа тічкö, но кадсö петкөдлö зэв стöча. Стöч татшöм жö часі мужик кольліс гортас, дзик жö татшöм чеп йылын.

Сэки жö воис страшнöй мөвп — быттьö кучкисны юрас паличөн, **шляпкысис-пуксис** крöвать вылас. Налөн гозъялөн öд кага ни баля жö абу! И олісны лёка жö! Жаль, эз удит юавны нывбабалысь нимсö!

А зон куйліс куньса синма.

— Час, садьмылас, час, садьмылас! — шöпкөдіс вежөгтöмөн сотчысь суседыс и эз тöд, кытчö воштысьны, код дорö шыасыны друг чужöм виль дойнас.

ФОТО

Георгий Какиташвили, Грузияса зон, эз копрась пуляяслы, эз дзебсясь минаысь, а взводын служитö ставсыс дырджык, кöть сылы сöмын на кызь арöс. Оборонаын сулалігөн вичмö прöст кад и труженик-салдатлы. Мый йылысь найö сöмын эз варовитлыны öта-мöдыскöд, тöдöны быдөнлысь рөдвужсö, гортса олөмсö, семьялысь шудсö и шогсö, кöні кутшöм обичайяс, чөсмасянторъяс да уна мукөдтор. А бөръя кадö модаөн лоис нывъяскöд письмөасьöм. Быд салдатлөн лоис сьөлөм косътысь. Вöлі сійö и Георгийлөн, Гошалөн, кызди нимтісны сійöс взводын. Шабді кудель юрсна, сэтшöм жö синкымъяса, кузь синлысьяса, мича синъяса, акань кодъ ныв. Ачыс Гоша вöлі

мугов чужома, юрсиыс весиг лозоват рёма, синкымъ-ясыс быттё съод кутшлөн паськыд бордъяс, съод синъ-ясыс-тшокаодзыс нюжодчём ыджыд гөрба ныр — руль, кыдзи шуліс Гошалён ныр йылысь сылён медбур другыс Великой Устюгса Васька Чучин.

Но Георгийлы эз кажитчы быд ныв. Васька Чучинлысь землякасё пыр и бракуйтис: абу пö **серьёз**-ной, первой письмөсянь пö и корö ас дорас. Эз во сёлөм вылас и коми пармаса ныв — Римма Кочанова: радейтö, пö, буракö, ыджыд пыдди овны, а Гоша оз кöсйы лоны кокув вольöс туйын. Сирасис сёлөмнас вөлөгдаса нывка дорö, кодi ыстёма ичотик снимок. Нинөм синмö шыбитчанаыс: косіник чужома, чангыль ныра, ичотик синъяса, но... юрсиыс Инналён еджыд! Нылыс зэв сёлөм сертиыс лои Георгийлы.

Георгийлөн аслас эз вöв фотокарточкаыс: фронт вылад ательеясыд абуöсь, он снимайтчы кор кöсьян. А вөлөгдаса Инналён оз узьсы Георгий фотопортреттöг. Мый вöчны? Нинөм эськö и эз пусы Гошалён, эз кö отсышт Васька Чучин! Кыськö аддзис жö татшөм писькөс сюсь другсö! Дыр вензьöм да советуйтчөм бöрын Чучин чуйдiс став взводöс мөдöдны Вөлөгдаö öти грузинскöй артистлысь портрет, кодöс Георгий новлөдліс морöс зептас. Ыджыд торъялöмыс Гошалён тайö артистсыыс абу, не кö артавны нырсö, мый вылö весиг Гоша завидьтыліс. Ыджыд ныр вöснаыс, тыдалö, медясö радейтлис Какиташвили асьыс нималана земляксö — искусствоясса деятельöс.

Мый оз вöч, кутшөм жертва вылö оз мун радейтысь морт! Гоша эз некор ылөдчыв, а танi сетчис ёртъясыс-лы.

Ставыс эськö вöлі бур, да коркö пуля окыштіс и Георгийöс. И веськаліс мян Гоша ылыс тылö, Вөлөгдасянь неылö, госпитальö. Сэтысь петөм бöрын кык ачыс нуис радейтöмла ымралысь-öзйысь сёлөма Гошаöс тöдса адресö. Со Вөлөгда. Аддзис Карл Маркс уличавывса ветымынөд номера кык судта важ пу керка. Чеччысь сёлөмөн торкөдчис Гоша патера öдзöсö. Вежöсын Инна вöлі öтнас, сійö шензьöмөн видзöдiс Кавказ гөра кодь зумыд, шынеля салдат вылö, нимкодясис сылөн мужественнöй чужөмөн, виччысис. Георгий рыцарь моз дась вöлі уськөдчыны еджыд юрсиа алöйгөрд чужома, ичотик чангыль

ныра ныв дінө, но... Но сэки аддзис вежөсса пызан
вылысь землякыслысь, грузинской артистлысь, фо-
топортретсө, кодөс ыстылісны став взводөн. О, Кацо!
Гошалөн биа сьөлөмыс мөдіс ыркавны: мый шуны
Инналы? Гөгөрвоас оз взводлысь святой шуткасө?

Пөжалуй, оз сулав висьтавыны, кызди мынтөдчис
тайө налькысь Георгий. Гоша бөр локтіс аслас
взводас, а регыд сылы кутісны воавны Иннасянь пись-
мөяс Сухумисянь.

ЮГЫД МӨВПЪЯС

Сулавліс сійө керка йөрын, пес чипасъяс дорын.
Важ нин зэв, черөн да пилаөн вөчөм дойясыс, лыд-
төмөсь, воймөмаөсь, он кө сюсьджыка видзөдлы —
оз и тыдавыны. А сылысь гусятөръяссө төдысь вермас
лыддыны весиг букваяс, кодъясөс гыжъялөма ку-
тшөмкө ёсьторйөн кодлөнкө нэриник кыяс. Вермис
кө эськө, шуам, сёрнитны тайө кокшаыс, дерт, сяммис
висьтавыны, кутшөм муса серпасъясыс овлөны йөзлөн
олөмын.

Керкаын, код йөрын сулавліс тайө кокшаыс, оліс
нывка.

Муніс война. Вөвліны сьлөн кык вок да эз лоны:
өтиыс вошис Брестын, мөдыс, ичөтджыкыс, усис
Ленинград дорын. Сиктын мужик да зонуловыс эз
коль. Найөс уджын вежисны нывбабаяс, зонкаяс,
нывъяс. Со сійө, нэриник нывка, велөдчө ар-төвсө
педтехникумын, а гожөмбыд пуръясьсө, вөчө медся
сьөкыдторсө, мый мирной кадө доверитлісны медъён
да сяма сплавщикъяслы. А удж бөрас нывка тшөкы-
да пукавліс кокша вылын, орччөн коръяснас шпорөд-
чысь льөмлөн вуджөр улын. Öвтө льөмлөн, косьмысь
пес плакаяслөн сирөн да град вылын пуритысь-быд-
мысь картофель көрөн. А главнойыс — татчө некод
оз кежавлы, некод оз дзуг нывлысь мөвпъяссө, водзө
вылө мича думъяссө, надеяссө, аскиа эскөмсө. Пу-
калө, а киясыс ёсь чагйөн гижтөны букваяс да пасъ-
яс, кодъяслысь вежөртассө вермис гөгөрвоны сөмын
ачыс.

И не сөмын та вөсна радейтліс шлюпъялысь кока
воймөм кокшасө, не сөмын та вөсна. Сійө быттьө
кыліс шоныдсө, кодөс колісны Ленинград дорө
усьөм вокыс аслас другыскөд, орчча керкаса зонкөд.

Кык друг тані пукавлісны гоҗся рытъясын. Тѳвнас найѳ велѳдчисны техникумын карын, а нывка сѳки котравліс квайтѳд классѳ на. Дерт, зонъяс эз пук-
тивны сійѳс пыдди, эз зільны немтор дзѳбны ни ѳт-
дортны ас дорсъяныс: немтор на оз гѳгѳрво. Пѳдру-
гаясыскѳд ворсѳм пыдди нывка пыр гартчывліс во-
кыс да сылѳн другыс гѳгѳр. Велаліс сусед-зон дорас,
эз кѳ аддзыв лун — сьѳлѳмыс жугыльмывліс. А ку-
тшѳм кузьѳсь кажитчывлісны тѳвся тѳлысьясыс! Қани-
кульяс, кор волісны кык друг гортас, пѳрлісны медъ-
югыд да медся дона праздникъясѳ!

Ёна кыкис сійѳс вокыслѳн друг дінас, шмонитны
радейтысь тѳрыб вѳрасъяса, зумыд тушаа, вына зон-
ка дорѳ. А мый сійѳ татшѳм, гѳгѳрвоис сѳки, кор
вильшасъсыс нывкаѳс суседыс ѳтчид кватитіс сывъ-
яс да чуп окыштіс бандзибас. Лолыс вошліс, сьѳлѳмыс
кутіс пѳсъяны нывкалѳн. Ок и вирдыштіс жѳ, вына
сывъясыс мынѳм бѳрын, сартас кодъ вѳсни да кузь
кокъяснас керка сайѳ да биѳн койысь синъяснас
сѳтысянь кыйѳдчис кыпыда гиргысь сусед да эльт-
чысь вокыс бѳрся. Тайѳ серпасыс быттѳ ловъя, ѳні
на кыпѳдѳ нум да сьѳлѳмтѳ кокныдыка юркийѳдлан
кутшѳмкѳ кылѳм, югыд мѳвпъяс...

И со лоис быттѳ сирѳтаѳн: дугдісны воавны куим
пельѳса красноармейскѳй письмѳяс, а вокыслѳн дру-
гыс воуйтіс жѳ, кыкысь нин ранитчылѳма, кызди ги-
жис гортас. А ѳні кѳнкѳ фронт вылын, виасны ещѳ
воксѳ моз. Тайѳ мѳвпсыс эз инась местаѳ: мыйкѳ
колѳ вѳчны, но мый, кызди отсавны, кызди кокныѳд-
ны фронтовиклысь олѳмсѳ?

И сѳки воис мѳвп. А адрессѳ тѳдмалас Ирина
тѳѳт ордысь. Писяныс письмѳяссѳ сійѳс ен джаджъ-
яс видзѳ...

Та бѳрын нывлы лунъясыс лоисны ещѳ на кузьѳсь.
Сійѳ виччысис воча кыв. И воис ѳд сійѳ, дыр мысти,
но воис том фронтѳвиксянь юѳр. Ёнісянь нывлѳн ба-
ра лоис друг да сѳветчик, кѳть и ылын сійѳ, но пись-
мѳыс матыстліс найѳс. И быд письмѳын лоис сусед-
зонмыс матыссаджыкѳн, гѳгѳрвоанаджыкѳн, асджы-
кѳн. Қокша вылын быттѳ шойчывлісны кыкѳн. Ве-
сиг нывъяс мѳдісны элясыны, век пѳ сѳрман рытйыся-
нінѳ, эз вермыны гѳгѳрвоны, кутшѳм шуда здукъяс
овлѳны пѳдругаыслѳн муса кокша вылын кадсѳ кол-
лигѳн. Эз ор йитѳдыс ныла-зонмалѳн и медбѳръя во
техникумын велѳдчигѳн.

И со грымбтис-воис 1947 вося март аслас асья да рытя кдзыдьясн, крт кодь чорыд чармн, кокныдик, быттьо ыркдысь туробьясн. Отчид школаысь воом нывлы мамыс висьталіс:

— Воома воыдлн другыс. Дзоньвидза, киа-кока, синма-пеля...

Ныв сулаліс джодж шорас вөрзьявтн, тетрадыс тыра портфельсн кысыс лэдзтн, сюртя моз. Югид синва моляс асьныс гогыльтчисны баннм чужмодыс. Мамыс чла видзодліс нылыс вылн да зліс гогрвоны, мыйла сэтшма шемосмис сійн тайн юорсыс. Од эз шог, а нимкодь юор висьталіс.

А рытнас пемыдлнз енэжын дзувьялысь кодзувьяс нимкодьясисны тдса кокша весьтын, кнн гулю гозйн пукалісны зонма-ныла.

— Помнитан? — юаліс зон.

— Юалан жн. Позьн омнн вундны сэтшнм здук, кор сьолмад поздысьнма татшнм радлуныс.

ВУНОДЛЫТОМ ВОИ

Посёллок кодь неыджыд кар дорн матыстчигн немецьяс бомбитисны не сомн туй, пос, но и ю вывсыс йнсн. Мартовскнй пемыд ватн сонікысь да лымйысь артнм рок пвстын кывтисны неыджыд йи пластыс. Юыс эськн и абу паськыд, метр 80—100, но местаясн джуджыд. Абу ни оти пыж, ни пур. Ковмас, тыдалн, варччыны. Брр... Кор мовпыштан, йирмнг весиг босьтн. А батальонлы, кнн йозыс колис вывті этша, быть колн вуджны модарас: неыджыд карас борынтчисны соединениеса мукд частьяс да подразделенияс. А он кн удит вчны тайнс, мырднн купайтасны ваас. Разведка юортіс, мый кнсюрн немецкнй мотоциклистыс воомаось жн нин ю дорас, а танкьясыс фашистыяслнн вліны тасянь сомн 3—4 километр сайын, быд здук вермисны воны татчн. Колн одйоджык вуджны васн да заводитны дорйысны мукд частьяскд орччн.

Став тайн кыв кутмыс усис старшнй лейтенант Пантелеймон Мишуков вылн, кодн командуйтис батальонн: воддза командирыс да сійнс вежысыс усисны луннас, а комиссарыс чорыда ранитчис. Ранитчомьяснс чукортисны джуджыд снн, медым борынтчытнзд моддны тылн. Первой машинан заво-

дитлісны пуктыны ёна доймём комиссар Елинёс, но сійё эз сетчы, стрёга шуис:

— Первой эвакуируйтёй боецъясёс, а сэсся медбёрын нин менё...

Сідзи и лоис вёчны. Сэтчёдз ротаса политрук Мишуков вёлі быттьё гырысьджык командиръяслён паськыд мыш сайын, а ёні лоис медся ыджыдён, ковмас кыв кутны батальон вёсна. Мый вёчны, кызди вуджны васё, кытчё воштыны сьёкыд оружие? Купайтчыны, дерт, некодлы эз вёв окоата, торйён нин налы, кодъяс «варчёны» ваё шыбитём из моз.

Дыр нюжмасьтёг противотанкёвёй ружьяяс, минометьяс, станкёвёй пулеметьяс вёйтисны, пасйисны медым позис судзёдны. Вуджисны юсё, кыті варччёмён, кыті уймён. Воштісны некымын боецёс. Мёдар берегын пыр жё мёдодісны карё разведчикъясёс, а боецъяс мёдісны кодйыны окопъяс ю берег пёлён. Биасьны эз позь, вермис казавны враг. Уджалисны сідз, медым шонтысьны, не изёймитны тёв йылын. Сэсся эвакуируйтём госпитальысь сюрис поводнёй уна вылыс и улыс паськём. Тайё спаситіс уна боецёс. Но медся страшнёйыс вёлёма водзын. Воис разведка, кодён юрнуодіс лейтенант Серебряков. Карын, пё, абу некутшём воинскёй часть. А кытёнёсь нё бригадаса мукёд подразделенияяс, али эз на воны либё зновтісны карсё? Колё вёлі ставсё тёдмавны.

Траншеяяс да окопъяс кодйыны лоис кольны Серебряковёс, а ачыс Мишуков некымын боецкёд мёдодчис карё. Со и горисполком. Ловъя морт абу. Эвакуируйтчёмаёсь. Аддзисны военнёй пекарня. Лоис нимкодъ — боецъяслён суткиысь дырджык эз вёв вомас нянь крёшки. Асыв кежлё тшёктісны дасьтыны некымын тонна нянь, пызыс тырмис.

Электростанция эз уджав. Пемыд кёть синмад чуньтё суй. Сёмын ю мёдар берегысь кыліс фашистскёй пушкаяслён шочиника лыйсьём да снаряжьяслён потласьём шыяс. Кёнкё ылын бомбитісны, а муыс сыркъяліс тані. Мартовскёй войыс немторйён эз торъяв мукёд военнёй войясысь.

Мый вёчны? Колё дорйыны кар, кутны сэні пёрадок; олысьясыс, кёть и этшаён, а кольёмаёсь. А Мишуков ки улын некымын рота, кытысь усьёма да ранитчёма боецъяслён коймёд юкёныс. Кыв кутны жугавлём гырничьяс вёсна ковмас Мишуковлы: лоис

отпырйо и гарнизонса начальникон, и военной комендантон.

Гаризонса начальниклон первой приказыс тшөктис котыртны круговой оборона, борынтчөм йылысь эз вермы лоны некутшөм сёрни. Отстөг выло чукөстисны местной йозос. Найос ысталисны засадаясө, дозорьясө. Улича кузя ветлисны патрульяс. Котыртчис весиг котлопункт, кони вердисны боецьясөс и налы отсасысь йозос. Медся опаснойиньясө, кытысянь вермис матыстчыны враг, сувтөдисны боевой охранение.

Штабсө лөсьөдисны горсоветө. Войнаса аддзисны пыжъяс, вуджалисны да вайисны войтлом сьөкыд оружие. Но век жө сьөблом эз инась местаө. Мыйон югдас, враг модас вуджны юсө, сылон уна танк, артиллерия, водзасыны дыр он вермы. Сэссия од «сийө» вермас вуджны бокитиджык да атакуйтны, кытысянь он виччысь. Вывти нин этшаон кар дорйысьясыс. Эз отчыдысь петавлы Мишуков ю берегө, кывзысь, озө кодьяскө вуджны сийөс, вермас лоны и асланым подразделенияяс. Но ю олис чөв, сөмын кылис наридзлон да йи торьяслон кывтөм шыыс.

А Эжва, сылон чужан сикт дорти визувтысь юыс, они кыз йи улын. Лым шебрас вывти визьмунөмаөсь отарө-модарө нуодысь туйяс. Чөв да лөнь они Эжва бердса сиктъясын. Виччысьоны сэни батьяссө, вокьясө, пиянсө. Дерт и сийөс, Мишуковөс, гвардияса старшой лейтенантөс, кодлы Сталинград дорса неважөнся бойясын участвуйтөмысь сетисны Красной Звезда орден.

Эз отчюд ветлыв и кармодарса туй выло, коди нуөдис тыло. Кывзысис пель доймытөдзыс, но, военной войлон шыясысь отдор, немтор эз кывлы. А кадыс исковтө и исковтө, быд здукон матынджык асыв, коди садьмодас не сөмын юпөлөнса ляпкыдик да шочиник окопьясын вугралысь мянлысь боецьясөс, но и модар берегын узысь фашисткой мотоциклистьясөс, танкистьясөс, минометчикьясөс, артиллеристьясөс. Став тайө выныс биа гыон валнитас-модас ичөтик кар выло, кодлон судьбаыс вөсна они кыв кутө Мишуков китыр боецьяскөд отлаын.

И друг штабө пырис боец. Чужөм сертиыс төдчис — мыйкө лоөма.

— Старшой лейтенант ёрт, отсөг воө...

— Миян бригада?

— Абу. НКВД-лөн полк.

Пельпом вылысь быттьö усис из ноп. Паськыда нюммуни, дась вöлі кутлыны оръясьöм шынеля да няйт чужöма пыста кодь ичöтик салдатöс. Но тайöс вöчны эз позь.

Подполковник, кодi командуйтiс воысь подразделе-
лениеясөн, сьöлөмсяньыс аттьöалис Мишуковöс ка-
рын пöрадок лöсьöдöмысь, оборона котыртöмысь.

— А ме чайтi, мый танi некод абу,— мудера нюмъ-
ялис подполковник.— Сöмын жаль, мый тiянлы, гвар-
дияса старшöй лейтенант, регыд лоис овны карса гар-
низонлөн начальникөн.

— Унаысь вöвлi бойын,— воча нюмдiс Мишуков,—
но татшöм сьöкыд войыс, кодi, шуд вылö, помасис
бура, эз на вöвлы.

Да, татшöм сьöкыд, кыв кутана часьяссö Панте-
леймон Петрович Мишуков эз тöдлы сэсся. Кöть эсь-
кö фронт вылын вöлі войналөн медбöръя лунъясöдз.

ЭШТÖДÖМ УДЖ

— Крымö?

— Крымö.

— Симеизö?

— А мый сэсся вöчан. Сэтчö, дерт...

И быттьö выль синмөн видзöдлi другöй вылö: юр-
сиыс шочмыштöма, кöсича доръясыс еджговöсь нин.
И главнöйыс — синъясыс жугыльöсь нисьö шогöсь.
Шоча, медся сьöкыд кадас сöмын вöлины татшöмöсь
сылөн вежöра синъясыс. Помнита кызди öнi, кöть и
тайö вöли уна во сайын. Олим ми сиктын пöшти орч-
чөн. Частö волысьлывлiм. Сийö неважөн воис фло-
тысь. Сöмын на кык во сайын помассис война.

Паныдасим öтчюд сэки. И видзöдласыс шемöсмö-
дiс. Синъясыс век овлöны гажайсь, ышöданаöсь. А
öнi сэнi вöли дзебны вермытöй дой, шог. Сийö эз вич-
чысь юалöм: мыйла дзебны аслад другысь. Ышлов-
зис, сьöкыда шуис:

— Полякöд торйöдчим мореын корабляс моз:
он пö ков татшöмыд...

— Эновтiн эськö табактö...— кöсийтöг артмис ме-
нам чорыда кызöдысь друг вылö видзöдiгөн... И сьö-
лөмöй кутiс доймыны сы вöсна.

Ок, Поля, Поля, таысь öд мыжа абу менам дру-

гöй, эз сійö корсь висьöмсö ачыс, а көвьяліс война...

Сулаліс ар. Некрымын лун мысти другöс көлльöдiм. Сійö восьлаліс неуна кынмыштöм чораса ордымтi. Матрос клеша, бушлата. Кнас неыджыд чемодан. Мортыс аддзыліс и Балтикалысь руд веркөссö, и Баренцево морелысь свинеч рöма сьöкыд ваяссö. Öти кывйöн кө, уна ваясын «кötасьлöм» моряк. И со öнi первойысь мöдöдчис лунвывса шоныд саридз дорö. Кутшöмджык сійö, окота видзöдлыны. Интереснö аддзывны и Симеиз... А мöдöдiс другöс сэтчö комсомол. И ми эским — тайö отсалас вöвлöм матрослы лöньöдны морөссьыс ымралысь-сотчысь дойсö.

Саяліс мышкыс вöвлöм матрослөн гöра сайö, и сиктса клуб быттö тыртöммис. Гажтöма öзйисны стенö öшлöм карасин лампаяс, быттö чусмöм сцена пустуйтiс. А öд клубас олöмыс менам друг дырйи, кодi вöлі заведующöйöн, веськыда пуис. Пöшти быд субöтаö да вöскресеннöö концерт да спектакль, лекция либö доклад. Сяммыліс öзтыны йöзсö клубса заведующöй, сетны быдöнлы аслас комсомольскöй сьöлöмлысь жарсö.

Кыдзи öнi помнита, олісны сэки йöзыс сьöкыда. Қолхозын эз тырмыны уджалысьяс, торйöн нин мужичöйяс. Унаöн эз воны фронтъяс вылысь. Весиг конюкалісны нывбабаяс, кыдзи шуласны, сиктын вöвлытöмтор. И вот сэтшöм кадас сиктса клубын эз быравлы гаж. Торйöн нин ёна воис сьöлöм вылас сиктса олысьяслы постановка, кодöс сувтöдiсны Н. Дьяконовлөн да С. Ермолинлөн «Домна Каликова» пьеса серти. Ворсысьыс вöлі колö уна. Қовмис кыскыны сцена вылö и томъясöс и олöмаясöс. Ачыс избач ворсiс медся сьöкыд рольяссö. И эз сöмын ворс. Сійö вöлі режиссёрöн, и художникöн, и костюмерöн, и гримёрöн. Ачыс жö вöчис декорацияяс.

Тайö постановкасö петкөдлісны орчча сиктъясын, районнöй центрн. Қорлісны и Сыктывкарö.

Сійö сьöкыд кадас клубын эз лöньлы культурнöй удж, сійö збыльысь пуис дзулькйöн. И со ставыс тайö кусiс.

Сирöта моз куйліс краситöм пызан вылын востöм тетрадь. Гижöдыс орöма мөвп шöрас. И висьтыс эз вермы мунны водзö, кытчöдз оз во Крымысь вöвлöм матрос. Видзöдлан тайö тетрадьсьыс гижöдсö и син водзад сувтö көдзыд Баренцево море. Гыясыс гырысьöсь, сьöкыдöсь, океанын кодьöсь. Ва вылын, и ва

улын, и ва весьтын вына да мудер враг. Некутшом шойччог тодтог тышкасьоны ськод мян морякьяс. Кось оз ланьтлив морейн и берегын война чож. А мыйта вын ковмис пуктыны, медым видзны фашистской пиратьясысь союзникьяслысь мян портьясо воысь караваньяс. Кымын матрос сетисны та вьсна ловсо! Эз отчюд ветлы атакао и торпедной катер, кони служити менам друг — судновывса мотористьяслон группаса старшина. Трюмын жар, быттьо пывсянын, а палуба вылын — лым, шляка, швачко лысьомодзыд мьрччысь тов. Эз отчюд ковмыв сулавны и пидзосодз ваын, кор катерлысь бортьяссю пьськодлисны фашистской пуляяс. Эз отчюд мырсьыны петав яр тышсьыс ичотик, но удал корабль, юрсю лэптөмон матыстчывлис да тшапа сувтлис рөднөй пирс дорө.

Но ставыс тайо бөрын. Та йылысь казтылөны пызан вылын помавтом висьт да моряк морөсын эбос да вын сөйысь лаймавтом би.

А ва дорад вөвлөм матрос велаवलис водз. Войнаодз на тайо вөли. Детинка, а ытшкис нин машинаон. Отчюд жугалис шатун. Запаснойыс эз вөв. Поводдяыс — зарни, а машина сулалө. Мый вочны? Сэки шус вуджавны кузнечао, вөчөдны шатунсо да вайны тшөтш запаснойос.

Локтис вадорө. Но пыж абу: модарас. Сирөсь пратьпомон корталис шатунсо пов бердас, модар помсо — коскас, модис варччыны. А Эжваид тати абу Тентюково улын кодь, Емвакод отлаасьом бөрын вына да паськыд. Детина унаысь варччывлис пошти Эжва шөрөдз, но модар берегөдзыс некор на эз вуджавлы. И они, ю шөрлань воигон, сийо кылис, кыдзи кыптө пытшкөсса полөмыс. Зилис не мөвпавны та йылысь. Но кымын шөрлань, кымын ылыстчис мыш саяс лыа берег, сымын енджыка шымыртис полөмыс, пыр енджыка топөдис сьолөмсө. И со отар-модар берегьясыс отылнаынөсь. И сэки быттьо кылис ен гөлөс: «Варччы смела, джын туйыс нин колис. Тэнад олөмын радлуныс — модар берегас!» Ньөжйоник матыстчис гортладор берег. Сы син водзын джуджыд кыркөтшлөн бужөд да галькиа берег дор. Ваысь петөм бөрын шойччыштити, сувтис да чуньнас грөзитыштити Эжвалы.

— Ньоти абу и страшнө вөлөмыд...

Радейтис рөднөй Эжва, коть эськө сийо мукөдырйи овывлө и оз меліон. Паметьо мьрччөма друглөн оти висьт. Со сийо. Батьыс чөвтис зорөд, другөй

сылы отсасис. Рытнас ковмис вуджны гортö. А төвзысис чорыда. Эжваыс быттьö дурмис, шыблаліс берегö, кыз шуласны, пывсян гырся гыяс.

Дыр мөвкйöдліс чагйöс моз веткисö Эжва. Детинка куйліс бать кокъяс костас, син пöвнас видзöдлывліс пыж дорыш весьтын гөвкъялысь ва чукөръяс вылö, виччысис, мый вот-вот найö путкыльтасны пыжсö. Но батыслөн чужöм вылысь эз вөрзыв ни öти мускул. Сöмын Эжва вуджöм бöрас нин шуис:

— Öдва, пийö, мöснымöс эг ворссьöй: думышти нин «сувтöдны вичкоюн ыджыд сись» да надейтчи аслам сойяс вылö.

Вот сэксянь и вочасөн велöдчис менам другöй не повны ваысь, а сэсся мöдіс радейтны сійö. Тасянь жö, тыдалö, и заводитчис море радейтöмыс, көть сійö и война лунъясö неуна кедзовтыштіс сійöс.

Кымын во колис лунсяньыс, кор первойысь колльöдлім другöс шоньд саридздорса Симензö! И пöшти быд во ветлывлö сэтчö: эз вунöд Рöдина ветеранöс. Но, а көні уджалö сійö, гашкö юаланьныд ті?

Мөрччöма паметьö öти серпас. Ленинград. Ыджыд керкаын общежитие. Пукалö менам друг паськыд öшинь дорын, видзöдö лун и вой лөнълытöм паськыд уличаö, көні жугзьöны машинаяс, оръявлытöм гезйөн кыссьöны тротуаръяс кузя йöз. Видзöдö, казтылö Балтика, а синъясас тöдчö чужан муысь, Эжваысь гаж бырöм.

— Абу кокныд лоны прöстöй крестьянин пины гижысьөн, газет вöчысьөн,— друглы вежöра синъясас сöдзтысьö шуда нюм.— А со лоим. Кымын лист бок нин гижöма, артышты кө быттьö ставсö... А вот мянöс бурөн казтыштысьыс абу.

Тайö, дерт, абу сідз. Сійöс тöдöны асланыс районьн, унаөн казтылöны йöзлы бурторъяс вöчöмысь. Оз радейт ошйысьны ни ышнясьны менам друг-ветеран. Оз радейт казтывны важсö, көть эськö и эм мый висьтавны сылы. Эм мыйö велöдчыны вöвлöм воинлысь талунъя том йöзлы.

И со öні видзöда ёртлөн да друглөн эзысь көсичаяс вылö, тölка синъясас:

— Крымö?

— Крымö.

— Симензö?

— А мый сэсся вöчан... Сэтчö, дерт.

СІЙОС ОЗ ВУНОД МОЛДАВИЯ

— Ті тѳданныд менѳ? — юаліс, кабинетѳ пырѳм да улѳс вылѳ пуксьѳм бѳрын, нывбаба. Менам дрѳгнитыштіс мыйкѳ морѳсын, кѳсйытѳг артмис:

— Лидия Прокопьевна...

— Сѳтшѳма ѳмѳй пѳрысьми? — вѳйпана видзѳдліс нывбаба. — Ме ѳд сылѳн нылыс — Эмма... Эмма Тѳмина. Ті дерт, помнитанныд менсьым батьѳс, уджавліс комынѳд воясын милицияын.

Лоис зѳв яндзим. Пѳшти суседьяс вѳвлім, а сорлалі. Дерт жѳ, тайѳ Эмма. Ёна мунѳ мамланьыс. Со и шусис мам нимнас. А батьсѳ Эммалысь, збыльысь, тѳдлі, аддзывлі. Илья Прокопьевич Тѳпин. И сиктса ног кѳ, Прокѳ Илля. Ыджыд тушаа, ён морт.

Сѳки меным вѳлі ар 11 — 12. Неважѳн на котырчисны колхозьяс. Делѳыс муніс сьѳкыда, мешайтісны кулакьяс, вичкоын служитысьяс. Найѳ ылѳдлісны йѳзѳс, повзьѳдлісны быд ногыс пемыд войтырѳс, медым эз мунны ѳтувья овмѳсѳ. Со и лоліс сідзи: йѳзыс то пыравласны колхозѳ, то петасны бѳр. Быттьѳ гы ва вылынѳсь. Тайѳ кадас тырмыліс уджыс и сиктса активистьяслы, и милициялы. Эз жуйявны и кулакьяс да подкулачникьяс, вредитісны кыдзи вермисны, усьласисны активистьяс вылѳ. Миян сиктса ѳти грездын, тайѳс ме эз бура помнита, ѳти нывбаба-активисткаѳс войнас лыйисны ѳшинь пырыс. Пуля пыддиыс суйѳмаѳсь багыр йыв, небось, оз нин сѳмын ранит. Но лыйѳмаѳсь ѳшинь занавес вылас усьысь вуджѳр сертиыс, да абу стѳча инмѳмаѳсь. Багыр йылыс сѳмын гирснитѳма кѳсича боксьыс кучиксѳ. Вот сѳки и аддзылім ми, челядь, Эммалысь батьсѳ — Прокѳ Илляѳс. Милиция паськѳма, верзьѳма. Вѳлыс ок ыджыд. Сѳтшѳмтѳ ми сиктысь эг аддзывлѳй. Вѳсни да кузь кокьяса. Седлѳыс виж кучикысь. Дзуртѳ. Водз-вылас кукань ыджда пон. Сѳтшѳм понтѳ аддзим первойысь жѳ. Сѳки Эммалѳн батьыс веськѳдліс районса милицияѳн. Вѳлі локтѳма ачыс миян сиктѳ корсьны активистьяс вылѳ усьласысь бандитьясѳс. Тѳпин Вадорысь жѳ. Сылѳн вокыс — Гришѳыс — овліс миянкѳд воча, улича вомѳн. Комынѳд воясас жѳ кувліс чахоткаысь. Но ми, челядь, омѳля тѳдлім Иллясѳ: водз мунлѳма сиктсьыс доброволецѳн Краснѳй Армияѳ да сѳсянь абу нин волѳма. Кор аддзылім пер-

войысь районса милициялысь начальникос, весиг эг эскöй, мый сийö мян земляк.

А бандитъяскöд Илья Прокопьевич Тёминлы паныдасьнысö ковмыліс эз нин первойысь. Казьтыштлі нин, армияö муніс 17 арöсөн. Вöлі 1918 во. Сэсянь эз пöрчыв салдатлысь шынельсö 6 во чöж. 19 арöса коммунист седлöысь лэччывтöг вöтлысис аслас эскадронкöд Антоновлөн бандаяс бöрся. Быдторсö аддзывліс, бура тöдіс бандитъяслысь киподтуйсö, аддзывліс, мый найö кольöны сийö либö мöд сиктö, посёлокö волöм бöрын. Сэсянь нин сы пытшкын чужис Сöветскöй властьлөн врагъяс дорö кутны вермытöм лöглун. Ещö нин содіс öти лоöмтор бöрын. Лоис тайö 1921 вося гожöмын. Волга бердса öти районысь бандитъясöс бырöдігөн Тёпкин некымын ёрткöд тöдлытöг веськаліс на киö.

Атаман Сарафанов сувтöдіс красноармеецъясöс ас водзас, кутіс на вылын быд ногыс тешитчыны. Юасис, эмöсь абу коммунистьяс, доброволецъяс.

— Налы туйыс öти, — горзіс атаман, — мöдар югыдö. Но сэтчö жö вермам мöдöдны и найöс, кодьяс оз петкöдлыны, дзёбöны коммунистьясöс да доброволецъясöс.

Дерт, красноармеецъяс пиысь быдөн тöдісны, мый Тёмин коммунист, дай доброволец, но некод эз вузав сийöс.

— Кувны кö, ставнымлы öтлаын, — шуисны найö.

Сэки бандитъяс пöрчöдісны красноармеецъясöс улыс дөрöм-гач кежсьыс да сувтöдісны обоз бөрö. Куим сутки чöж кытшлаліс банда степті, тыдалö, дзёбсясис сы бöрся вöтлысьысь красноармеецъясысь. И куим сутки чöж прамöя ютöг ни сөйтöг пасьтöм красноармеецъяс котралісны обоз бöрся. На вылö страшнö вöлі видзöдлынысö. Нюрсмуісны-косьмисны да гөлöвня кодьöдз сьöдöдісны жарсьыс. А кор налы тшöктісны петкöдлыны коммунистьясöс да доброволецъясöс, олісны чöv. А кодсюрö эз нин вермыны сёрнитнысö да сöмын пыркöдісны юрнаныс. Некод эз кöсйы ньöбны олöмсö ассьыс ёртсö вузалöм донөн.

Сэсся öти сиктан найöс йöртісны мельничаö, öдзöс водзас сувтöдісны пулемет да шуисны, мый асывнас ставнысö кераласны, оз кö петкöдлыны ас пövстсьыныс коммунистьясöс да доброволецъясöс.

Сулалö-ö казьтывны, кутшöм кузьөн да кутшöм дженьыдөн вöлі тайö войыс смерть виччысьысь крас-

ноармеецъяслы, колё-ё гарыштны, гыдзи найё прё-
щайтчисны ота-модныскод, асланыс том олёмыскод,
вольной светыскод, верман-ё мовпыштны, кутшом
мовпьяс ветлісны мучитчомысла налөн биалом юрын.

Но асылыс вайис мездлун. Шондікод тшотш мель-
нича дорё воис красноармеецъяслөн отряд.

Унатор адзыліс аслас олёмас Илья Прокопьевич.
Армияысь воём бёрын нин уджаліс видз-му овмосы,
вочис пес Богословской заводын. Сэсса пырис мили-
цияё. Радёвойсянь быдмё районной отделса началь-
никодз. Но вышитчыны да тшапитчыны эз гогёрволы
ни эз сяммыв. Та йылысь висьтавлёны и документьяс.
Оти шыодчомын сійё корё вуджодны мод сикас от-
делё, коні пё ме верма сетны ыджыджык польза,
коть пё и чиной лоё ичотджык. Но сэні жё делёясыс-
код орччён вурыштома краевой аттестационной ко-
миссиялысь выписка, кытчё гижёма: «Индём долж-
ностын вермё уджавны, туйё».

Документьяс, документьяс... Найё петкодлёны сёс-
том сёлёма тайё мортыслысь сёкыд, но мича олан
туйсё. И ті, Эмма Ильинична, он весьшорё гордит-
чой батьнад, он весьшорё новлой сылысь овсё, коть
и петінныд верёс сайё бур морт сайё.

— Отчыд корисны школаё бать-мамлөн собрание
вылё,— висьталё Эмма Тёпина.— А пиёй и шуё, мед
пё батьё мунас. Юала: мыйла? Тэнад пё, мама, овыд
мод, абу пё лосьыд... Но и лоис висьтавыны, мыйла ме
новла бательысь овсё, тодмоді, коді сылөн польыс,
кыдзи сійё погибнитіс. Петкодлі дед гуыслысь снимок,
коні век куйлёны дзоридзяс. Сійёс дёзьоритоны мол-
давняса велёдчысьяс. Гуыс школаыскод орччён. Сы
вылын обелиск.

Сэсса став семьяён ветлім сэтчё. И пиёй адзис,
кутшом ёна почитайтоны татчёс олысьяс сылысь
польсё, лыддьоны геройён, коді олёмсё эз жалит на
вёсна. И ёні, дерт, оз элясь ме вылё, мый эг веж ас-
сыым овёс. Мёдарё, гордитчё.

Дженьыдика висьтыштам геройлөн бёръя луньяс
йылысь. Война водзын милицияса лейтенант Тёпинёс
ыстоны Молдавияё, индоны милициялөн оти райот-
делениеса начальникён.

Кор ыпнитіс война да враг пырис Молдавияё,
Илья Прокопьевичёс ыстоны сиктё эвакуируйтны ак-
тивистьясёс, налысь семьясёс. Гитлеровецьясысь
йёзёс спаситігөн дзикодз вунёдіс ас йывсьяс. Эз удит

бõрыньтчыны, а гашкõ и эз гэрмась петкõдлыны враглы ассьыс мышсõ. Велькалiс румынскõй разведка киõ. И усис фашистъяс ки помысь. Илья Прокопьевич бура тõдiс ассьыс врагъяссõ, эз õтчюд паныдасьлыв на кõд. Кулис гордõя, повтõг видзõдiс вõрõгъяс синмõ медбõръя сутшõдзыс. Сæки сылы тырис 40 арõс. Õнi эськõ сiйõ видзис ассьыс внукъяссõ. Татшõм батьõн позьõ гордитчыны не сõмын тiянлы, Эмма Ильинична, но и миянлы ставлы, сылõн землякъяслы.

АТТЬÕ ТIЯНЛЫ

Кутшõмõсь нывбабаяслõн — миян мамъяслõн, гõтыръяслõн, невестаяслõн, чõйяслõн — киясыс: небыдõсь али чорыдõсь, шыльыдõсь али сарõгõсь-гаддяõсь, мелiõсь али стрõгõсь, бурõсь али лёкõсь, тõждысь-ысьõсь али веськодъõсь, дорйыны радейтысьõсь, жалитысьõсь али кедзовтысьõсь? Шуны сьõкыд. Тыдалõ, найõ дугтывтõг вежласьõны, вермõны лоны и сэтшõмõн и татшõмõн, кызди корõ кõзьяйкаыслõн, кызди тшõктõ олõмыс.

Миян пиысь, дерт, быдõн медся бура тõдõны асланыс мамныслысь кияссõ. Õнõдз на эг вунõд найõс, кõть эськõ сækсянь, кор инмõдчылис медбõръяысь ме дiнõ, колис кадыс эз этша. Син водзын челядьдыр. Комынõд воясья нывкаяс да зонкаяс эз тõдлыны гожся кõмкот. Мыйõн лым улысь мыччысясны гожводзса эжа пластьяс, заводитам ветлõдлыны ывлатi кõмтõг. Зэр кõть слõt, няйт кõть кос. Весиг вõрын вотчывлим кõмтõг. Водз тулыснад да арнад кокыд кõдзыдысла да няйтти уялõмысла сэтшõма варччас, мый лапаяссьыс кучикыс вирõдз потласяс. Медся страшнõ сæки пывсьыны: кокыд сотчõмõн сотчõ мыськигад. Ми ёна и лõгавлим субõта вылад: сæки быд семья ломтывлис пывсян. А лечитнысõ нинõмõн: эг тõдлõй крем, вазелин ни ланолин, нõк кындзи. Локтан рытнас ывлаысь — кокыд гулюлõн кодъ гõрд. Сæки мам босьтчывлис докторавны: мыськавлис кокъясõс дэбыд ваõн, косõдз чышкавлис да вой кежлас мавтлывлис кок лапаяссõ нõкйõн либõ выйõн. Ок, кутшõм небыда да виччысьõмõн, кутшõм жалитõмõн-радейтõмõн вõдитчисны сьõкыд уджысла сарõгассьõм гожъялõм киясыс менам «рака сапõга» коккõд. Мамлõн мелi да ышõдысь киясыс быттõ кусõдлисны-лаймõдлисны син-

ва пыдзыртан дейсё... И быд пöрйö, кор ковмывліс, мамлөн киясыс лолісны татшöмөсь, сылы эз мешайтлыны ни быд лунъя сьöкыдлунъяс, ни кок вывсьыс уськөдысь мудз, ни сьöлөмсö йирысь шог.

Но найö эз век вöвны татшöмөсь. Вöлі меным ар дас вит, но уджалі нин гырысьяскөд радын. Толя другкөд, соседкөд, воим видз вылысь бать-мамысь не-уна водзджык. Пуксим миян кильчö помö. Толя кыс-кис зепсьыс табак көшель, удитам пö на вотöдз куритчыны. Гартыштім, гашкө, чунь кызта чигаркаяс: йöз син водзад луннас эг лысьтöй тшынасьнытö, со и мөдім верстайтны. Пуркъям-куритам. А тайö сэки лыддысьсывліс зэв лекторйөн. Явö куритчывлісны сöмын мамтөм либö батьтөм зонпосни, а ми эг лысь-тлöй весиг та йылысь мөвпыштнысö. Дай куритчыны-сö Толякөд прамöясö эг кужöй, прөстö тшынасим. Сідзи жö дурим и öні. Чигарка помъяссö көсьим нин кусöдны... Кыдз тай сэки кодкө сетыштіс пельпомö карнанөн, синмысь би петаліс сöмын. Видзöда — мамö. Кодакөкості удитөмаөсь Эжвасö вуджны. Шамыр-төма кияснас карнансö да сöмын швачөдö. Синъясыс лекөсь, веськыда öгыр койöны. Но мамыд мам на и эм, видзöда да — карнаныс меным инмö öтчыд, а Толя друглы — кыкысь.

Пöгибö воим: пышйыны яндзим нин, ыджыдөсь да, прöща корны бытьöккө абу жö лөсьыд пырсö. Эз шöйöвош мам:

— Вот тіянлы, табашникъяслы. Сэсся тырмас праздник лун кузяыс.

И шыбитіс кытчөкө карнансö. И сöмын сэки усис миянлы дум вылө, мый талун — вичко праздник Илля лун. Сійö и спаситіс миянөс.

Сёрөнджык, быд чигарка öзтіг, казътылім Толякөд тайöс. Дай гортын мам дырйи некор эг тшынась-льыс, весиг верстьö дырйи. Велөдісны мамлөн тöждысьысь да миян вöсна висьысь киясыс.

Оз вун и юр усян туйö петөм водзвывса асыв. Ыв-лаын кымöра, пемыд. Бать сулаліс доддялөм вöв до-рын, а мам кильчö вылын. Ме эг аддзы сылысь чу-жөмсö ни синъяссö, шуи тай — пемыд асыв. Но сылөн киясыс сяммисны висьтавны ставсö, и ме гөгөрвои быдтор: кыззи сійö вөдитіс асьыс писö сьöлөм улас, сьöкыда чужтіс мөс лясниын, быдтіс-лелькуйтіс, вич-мөдліс ставсö сьöлөмшөрыслы, ачыс эз убöлитлы сүйны вомас чөскыдджыктор; быдтіс, надейтчис, мый

сылон донаторйыс петас шуда олөмлөн туй вылө. А сы пыдди со лои мөдөдны юр усян туйю.

Гөгөрвои и сылысь көсийөмсө, корөмсө, медым эськө сьөлөмшөрыс воис бөрсө гортас ловйөн, көть китөг-коктог, көть синтог-пельтог, но ловйөн. А самөй главнөйыс, медся коланаыс — медым донаторйыс воөм бөрын сийөс чужтысь да быдтысьяслы эз вөв яндзим видзөдлыны соседъяслөн, сиктса олысьяслөн синъясө. И ставсө тайөс висьталісны кияс.

Да, уна сикас кияс удайтчывліс аддзывны. Дерт, на пиысь кызвыныс эз коль памятьө. Но вот тайө серпасыс сувтө син водзө дзик ловйөн, көть эськө сэсянь кольөма буретш нелямын во.

Коркөя еджыд лым эрдыс сьөдөдөма. Взрывьяс чайшөны мулысь морөссө, бытьөкө көсийөны пычкыны вирсэ тшөтш и сылысь. Тыдавтөм пуляяс, потласьысь снаряжьяслөн да минаяслөн торпыригьяс ордйөдлөны-писькөдлөны йөзлысь вир-яйсө, мырддьөны налысь дзик өти олөмнысө... Весиг опытнөй, быдтор дорө велалөм салдатьяс зілісны ланьтөдчыны, саймовтчыны лымъя эрдті шывьялысь-ветлөдлысь смертысь. А орччөн кыссис ныв, сьөдасьтөм еджыд пася, салдатскөй шапкаа. Öтар бокас гөрд креста сумка, мөдарас кирза кобураын сьөкыд пистолет. И кыскис, тыдалө, чорыда доймөм боецөс. Здук кежлө ланьтөдчылас шойччыны, и бара заводитас кыскыны, кыскыны... Төдчис, ёна нин мудзөма, асьыс сьөкыд-джыктор нуысь кодзувкот моз. Но тайөс, тыдалө, и ачыс оз казяв. Оз казяв бытьөкө сы дорті смертысь ветлөмсө, оз кыв салдатьяслысь горзөмсө:

— Лешак ныв, виасны, дзесбьөй кутшөмкө воронкаө!..

А нейджыд тушаа ныв төдіс асьыс делөсө, кыскис и кыскис грузсө водзө, ичөтикаөн-ичөтикаөн, а пыр водзө, неылын сьөдөдысь кустьяслань.

Синмө шыбитчисны да мөрчисны век кежлө памятьө эз шапка увсьыс петөм рыжөйоват юрсиыс, кодөс сийө кадысь кадө сюйлывліс шапка улас, ни пөсялөмысла ыпьялысь чужөмыс, а киясыс. Шойччигас пөрччыліс пасьысь вурөм кепысьсө, лөсьөдышталіс боец юрысь да чужөм вывсьыс бинтьяссө. Косьмөм вир туйяса да порок тшынөн сьөдасьтөм кияссьыс дженьыда шырөм гыжъяса чуньясыс небыдика, видзчысьөмөн инмөдчывлісны кытчө колө. А кор матынджык швачкысьліс-потліс мина, ныв тупкыліс

аснас доймом зонмос, сывъявльвліс кияснас, зіліс дзебны-саймовтны юр весьтын ветлысь смертысь.

Нывбаба кияс. А адзылінныд кө эськө ті, кызди найо кутлісны война вылысь воом веросьяссө, пиянсө, вокьяссө. Тайос висьтавны сьокыд, колө адзывны аслыд, кывны да гөгөрвоны налысь инмөдчылөмсө. Нывбабалөн кияс мукөддырйи висьталө унджык кывъяс да видзөдлас серти.

И талун найо сэтшөмось: меліось и стрөгось, төждысьысьось и отсалысьось, ышөдысьось и өлөдысьось. Найо кутөны олөмлөн кузь туйөд восьлалігөн ми вокос сойбордөдным, торйөн нин зумыда вольткөминъясті мунігөн, оз лэдзны усьны ныр вылад сконъясьлігөн, сетөны совет сьокыд кадө, ышөдөны зумыда восьлавны пыр водзө и водзө, шонтөны, сетөны сьөлөм да повтөмлун, быттьөкө быдтөны миянысь вына бордъяс.

Тиянтөг, нывбаба кияс, ми воклы не овны ни не нимкодясьны вольной светнас. Атьо таысь.

КӨТЬ КНИГА ГИЖ

Таврической дворец коридорын паныдаси морткөд. Эскыны али абу? Воськовъясөй көсийтөг ньожмисны. Да, сійө кө быттьө, дерт, ёна вежсьөма... Комын во нин колис, абу и дивө. Паныдасьысь надзмөдіс жө өдсө, а сэсся чужөмыс ойдіс төдса нюмөн.

— Паша, тэ?!

— Лэдз,— важ моз артмис менам.— Лыясөс кажөдан. Көнкө, век на көкуйтан, нывъясысь, помнитан, кутшөма повлін, ылі найос кытшовтлывлін.

— А вот и эн төд өні,— ещө на паськыда нюмдіс да лэдзис менө ошлөн кодь вына сывъяссьыс Гриша.— Кызди шуасны: өти киён гөрөдтө он гөррдзав. Кык челядь нин, ныла-зонма, скамар кодьось. Паш, велөдчан тани? Партийной курсъяс вылын? А ме сідзжө, сөмын абу республиканской а областнойын. Оні өд ме абу прөстой, Питерса, верма ті вокыскөд и не сёрнитны. Көнкө, век на Сыктывкарад майшасян. Төдан, другө, өні заводитчас лекция, а занятияяс бөрас ветлам ме ордө, видзөдлам скамаръясөс, нимкодясян менам джынойн, ещө мыйсюрөөн... Да тэ эн майшась: тьоща абу, дзеблім-гуавлім нин, мед сылы муыс лоө небыдөн.

Гриша ещѣ ѳтчыд варкнитліс-топѳдліс аслас ыджыд куд кодъ морѳс бердас, вылісянь гажаа видзѳдліс синмѳ да пелька нуис дворецлѳн кузь коридор кузя ассыс ыджыд да ѳн, но неуна кызыштѳм тушасѳ, вѳтчис занятіеяс вылѳ тѳрмасысы ѳртѳяс бѳрсяыс. Но сюся видзѳдлігѳн позис казавны, мый ѳти кокыс неуна чотыштѳ.

Миян сѳрниним муніс сідзи, быттьѳ тѳрыт на адзысьлім. А ѳд торѳявлім важѳн. 1943 во заводитчигѳн. Январь 12 лунѳ, мыйѳн югдіс, чорыд артподготовка бѳрын миян батальон медводдзаяс лыдын мѳдіс зырны фашистѳясѳс местаясысь, кѳні найѳ олісны нин кузя да удитлісны, кыз вермисны, ѳнмѳдны ассыныс оборонасѳ. Лыжникѳяслы колѳ вѳлі писькѳдчыны минаясѳн кѳдзѳм лымѳя эрд вывтї да уна сикас сутуга потшѳс вомѳн, медым воѳдчыны немецкѳй окопѳясѳ. И ставсѳ тайѳс ковмис вѳчны фашистскѳй автоматѳясысь да пулемѳтѳясысь резысь пуля улын, минаяслѳн да снарядѳяслѳн жуньгысь торпыриг пѳвстын.

Батальон матыстчис нин прѳтивниклѳн первой сутуга потшѳс дорѳ. И сэки аддзи: мыйкѳ лоис менам Гриша другкѳд. Кысси сы дїнѳ. Вѳлѳмкѳ, пуля веськалѳма кокас, тыдалѳ, вѳрзѳѳдѳма и лысѳ. Гѳгѳрвои тайѳс, кор вундї финкаѳн друглысь маскхалатсѳ, стежитѳм шоныд гачсѳ да мѳдї бинтуйтны доймѳминсѳ. Гриша куйліс мѳдарѳ чужѳмѳн, медым не петкѳдлыны мучитчѳмсѳ. Сэки кылі ротнѳйлысь дзик пель дїнысь гѳлѳссѳ:

— Қѳртав дай водзѳ! Петкѳдасны санитарѳяс.

Но бура тѳдї, кутшѳмджык виччысьны январскѳй кын ывлаын вирѳн ойдѳм мортлы, кодї оз вермы вѳрзѳыны, санинструкторѳс, кор гѳгѳр живѳялѳ, шутьлялѳ, жунькѳялѳ, швачкакылѳ да грымакылѳ смерть. Со кымын еджыд мыгѳр кольѳма бѳрладорѳ, он и торїѳд, кодї ловѳя на, а кодї кынмѳма нин. А юрвесьтын бара:

— Мый сэні гурийсян? Водзѳ!

Сьѳкыд сьѳлѳмѳн эновтї другѳс, подшлемник увсьыс тыдалысь гажаѳн вѳвлѳм синѳясыс кѳсийсны, кызди век, нюммуны, да эз нин артмы.

А санитарнѳй взводса боецѳяс некѳн на эз тыдавы. Сэк костї кѳдзыдыс быттьѳ нѳшта на чорзис. Бѳрлань быд видзѳдлігѳн Гриша Оленевлѳн маскхалата

еджыд мыльк кодъ мыгӧрыс мӧдiс сӧльнитчыны лымйыскӧд, а сӧсса и дзикӧдз вошис.

И со паныдасим ськӧд. Весиг оз эскыссы. Олӧмад быдторйыс жӧ овлӧ. Лекцияяс бӧрын, кызди и сӧрнитчылiм, мунiм Оленев ордӧ. Но кык «скамарыс» сылӧн эз тыдавын: мунӧмаӧсь кытчӧкӧ. Эз и вӧв гӧтырыс, уджалӧ на пӧ. И со ми колим син на син сымында во бӧрын.

— Сӧки полi, мый тӧ, Гриша, кынман,— пызан сайӧ пуксьӧм бӧрын медводз шусис менам.

—Ии сюръяӧ нин мӧдлi пӧрны,— вочавидзис фронтӧвӧй другӧй,— да мездiс, кыздз висьтавсьӧ сыланкывйын, медсестра — еджыд юрсиа фея. Отсалiс и тӧнад флягаыд, кӧнi вӧлӧма некымын наркомовскӧй паек. Менам туша-рожанад сийӧ нормаыд кажитчис этшаӧн, а тӧ спиртӧ эн радейтлы, со и сгӧдитчис. Нылышта баклажкасыд, лымйӧн закусита. Бытьӧ шоньджык лолӧ. Ӧнӧдз на фляжкасӧ гортса музейын видза. Аттьӧ тӧныд. Ми ӧд сӧки, Паша, вӧвлiм эв прӧстӧсь, кӧть морӧс вывсьыд яйтӧ вундан да мӧдлы сетан.

Сӧсса и ачым мӧдi кыссыны кызди верми, юрыд абу кык, лоӧ быть видзны. Дерт, кокӧй мешайтчис-а. Бытьӧ абу аслам, кӧть шыбит.

И друг, Паша, рӧмдандорыс нин, а январад лун югыдыс кӧч бӧж кузьта и овлӧ, кодкӧ инмӧдчис ме дiнӧ, видлалӧ, ловъя-ӧ, кулӧма. Паськӧм сертиыс абу мян, маскхалаттӧм. Шапка да еджыд пась воротник костсыс став еджыд юрси пратьяс тыдалӧны. Тӧдчӧ, ӧна мудзӧма. Тыдалӧ, не ӧти ме кодьӧс нин кыскӧма. Тӧрыб да пӧсь кияснас нылыд выльысь тӧбис бинтӧн. Сӧсса водтӧдiс волокуша вылӧ да мӧдiс кыскыны. Ичӧтик и эм, а ыджыд сӧлӧма, сӧмын няшкӧ. Ок, ӧна жӧ полi сы вӧсна. Дерт, тi ылынӧсь нин вӧлiнныд, зыринныд немецӧс, но татчӧ синтӧм пулясыд эз на вунӧдлыны кежавны, частӧ потласис и тӧлктӧг лӧдзӧм мина да снаряд. Да мый тӧнад висьтавынысӧ, ачыд тӧдан.

Куйла волокуша вылын, чурскышта фляжкаысь, соя вомӧ лымтор, а ачым мӧвпала тӧ йылысь. Пӧшти во воуйтiм орччӧн, вокъясысь матыссаджыкӧн вӧлiм, кымынӧс ми гуалiм, коллялiм лазаретъясӧ. А асьным век вӧвлiм дзоньвидзаӧсь, бӧръявылыс весиг эг мӧдӧй эскыны, мый мянӧс виас либӧ дойдас. Помнитан? Но вот... И со тӧнад — кутшӧмкӧ ӧкмыс грамма

көрт тор вöсна торъялим, гашкө, некор аддзысьлыв-
төм вылө.

— Думъясад вöйтчөм бöрад кадтө он кут — сийö
быттö бордья. Кыла: сувтис менö чожа кыскысьöй.
Видзöда: палатка, орччөн ыджыд землянка. Санрота
ли, мый ли тыдалö.

Матыстчис, суйыштіс шапка улас еджыд юрси
пратьсö, шуис, мый менö пыртасны санитарьяс пере-
вязка вылө, и мөдөдчис бөр выль волокушаөн. Эг
вермы терпитны, чукөсті гораа. Сийö чуймөмөн бер-
гөдчис мелань, сөрөктіс:

— Но и гөлөс тэнад! Весьөпöртан...

Сийö өд өнөдз эз на кывлы менсьым öти шы.
Первойысь мыйкалө лои окота сёрнитыштны нывкөд.
Ачылд төдан, вөлі кид на динө, тэ ещö шмонитлывлін.
Помнитан, взводын меысь öтдор быдөн письмөасис-
ны заочницаяскөд. Телепит лоис сёрнитыштны еджыд
юрсиа тайö пыстаыскөд, да эг төд мый йылысь. И
кывйöй быттö крукасьöма. Дыр мөвпавтөг кыски
гимнастёрка зептысь медальонсö, мыччи сылы.

— Сэні пасйöма, кытчö да кодлы гижны. Öні тэ-
над, видзöда да, уджыд тырмө, позьö гижны и война
бöрас...

Шуи и ачым повзи, кытысь чужисны татшөм
кывьясыс. Ныв дыр чöла видзөдіс волокушаын куй-
лысь джынвыйö кынмөм менам туша вылө, чайті,
сідзи и мунас. Но век жö нюжөдліс кисö да суйис
медальонсö быдтор төрана гөрд креста брезент сум-
каас.

Госпиталь бöрын сэсся эг нин веськавлы фронт
вылө, служиті запаснöй полкын. А война бöрас муні
Лениградö, политехническойö. Оз-оз дай усьлывлі дум
вылө медальон новлөдлысь пыстаöй. Но ни письмө,
ни юөр сысянь. Мөвпала, гашкө и усис война вылад,
көть и эз вөв окота эскины талы.

— Сэсся эн и аддзысьлöй...

— Мый вайö лун-вой, Паша, некод оз төд. Сийö
пастаыс лои менам гөтырөн. Эз. Эз гижлы некутшөм
письмө. Медальонас адрес пыдди мөдтор вөлөма.

Но сэки миянлысь сёрнинымөс ородіс звөнөк.
Гриша муніс өдзөс восьтны, а ме жуглі юрөс, кызди
вермисны аддзысьны да төдны öта-мөдсö уна во
мысти, өд артмө сідзи, мый найö эз төдны весиг
ёрта-ёртыслысь нимсö, ог нин шуöй оланін да уджа-
лан места йылысь. И менам чужи мөвп, мый ёртöй,

тыдало, ошыбитчома, косьылі нин шмонитыштыны сы вылын, кыдзи вөвлі водзджык фронт вылын. Тайос вочнысо тойыштіс и Зинаида Николаевна — Гриша го́тырлөн — обликыс. Сыын синмо шыбитчанаыс немтор эз вөв — нывбаба и эм. Чужо́мыс го́грөс, но томкодь на, косньо́д мортыд ньө́жйө по́рысьмө. Синъясыс рудось, синкымъясыс да лысьясыс кудель торъяс кодьос. Мыйон и косьтома сийо сьолөмсө Оленевлысь? Но медся дыр эг вермы вештыны видзөдласос юрси вывсьыс, сийо век на вөлі сук, кывзысьтөм, но... **кирпич ро́ма.** А Гришаос о́д спаситіс чав еджыд юрсиа... Збыльысь заводиті ёна падъявны. Но суйсьыны на костю абу лосьыд, ещю серам выв лептасы. Қолокө, краситчис, коть и арлыдыс абу нин сэтшөм.

Көзяйка воом бо́рын ставыс вежсис. Пызан выло воис пуысь самовар, дерт, электрической. Мича чашкаяс да мукөдтор. Озырмис и чо́смасянтор. Зинаида Николаевна зіліс, кыдзи вермис, бурджыка го́ститодны верөсыслысь вөвлөм другсө. Сылы, тыдало, унатор висьтавлөма ас кадө ме йылысь Григорий Ивановичыс.

— Но, Паша, абу сы кодь али мый менам Зинаыс? — юалис Оленев, меліа го́тыр вылас видзөдлассө чөвтліг.

Пырөдчис сёрниө Зинаида Николаевна, коді вөлөма варов жо.

— Кыдзи ми аддзысим? — юалис Оленева да уйкнитіс кытчөкө.

Сылөн, збыльысь, кок чунь увсьыс би петө, сутшмысти воис старшина погоньяса гимнастёркаа, лөз юбкаа, берета да кром сапога. Морос вылас кык боевой орден, медальяс. Менам весиг вомой паськаліс.

— Помалі войнасө Берлинын, — водзө висьталіс Оленева да шмонитыштіс: — Қымынос ковмис би улысь петкөдны, но сэтшөм сьөкыдос да этша сёрниа ранитчомаос, кутшөмөн вөлі Григорий, сэсся эг аддыв. Коть и отлаын регыд вөлім, но глянитчис. Мися, этша сёрниасьыд төлкыс унджык. Война бо́рас вои гортө, ме о́д татысь, со́мын важ патераыс вөлі Садовой вылын. Пыри велөдчыны водзө. Эг врачө, а экономистө. Уна вир, мучитчөм да смерть аддзылі, окота лои мөд сикас удж выло. Медбо́ръя курсын нин аддзи тайос. Сэки о́д зоньяслөн да мужикьяслөн нырыс вөлі сэтшөм вылын — потшкөн он судз. Паны-

дасим выль вося бал дырйи. Сэки Григорий первой во инженералис. Ок тшав вöлі. А öні прöстöй: партийнöй удж вылын. Кокöс нырис-таляліс, öні на, думышта да, доймö. Гажакодь неуна вöлі, со и смелмöдчис корны йöктыны. А менам сьöлöмöй кылö: сійö мортыс, ён, ыджыд, кузь ныра и... Сэки, пуляяс увсьыд кыскигөн, подшлемник увсьыс сылөн нырыс и сöмын тыдаліс. Содтöд, чотыштö неуна, а ме тöді, код кокыс сылөн доймыліс. Шуны нинöм ог лысьт. вöйысь-öмөн вермас лыддыны, а сьöлöмöй веськыда горзö: да сійö, сійö тайö ыджыд ныраыс.

Сэсся Оленев нуöдіс буфетö. И овыв воис сьöлöм вылö, мича, öдва абу классическöй. Но, и сэні кывворным воссис. Войнаыс öд неважөн на помасис. Казьтыштім фронт, усьöм ёртъясöс, найöс, кодъяс колысны ловйөн. Оленевыд, Павел Алексеевич, эз вунöдлы кыпöдны бокал и тэ вöсна...

И друг кöзьяка бара вошлі мöд вежöсö. Сутш мысти пызан вылын сулаліс латунь гильзаысь вöчöм медальон. И ставыс усис дум вылö. Тайö медальоныс вöлі эз Гришалөн, а менам. Сідзи и эм. Со пытшкөсас некымын истög тув, кодъясöс ме суйлі 1942 вося арö, медым найö эз кöтасыны. Сентябрса бойяс мучігөн вöлі вывті васöд, вылісянь шливгö либö буситö зэр, а кок улад нюр, местаясті пöрис нин тыö. Окоп пыдди ва гуран, тырмис сійö и землянкаясын, блиндажъясын, дзотъясын. Паськөм косьмывліс вылысын. Со и некымын истög тув видзи медся надёжнöй местаын — гимнастёрка морös зепса медальон.

А кызди сійö веськаліс Оленев ордö? Прöстö. Тöвсья наступление водзын. Выль во бöрын воисны тылысь пöдаркияс. Весиг еджыд бумага чукөр. Ёна и радлім сылы: миян куритісны весиг медся донаторсö — гортса письмöяс. Көсйи гижны выль бумага вылö ассьым гортса адресöс, медым суйны сійöс медальонö, но менö ордйис Гриша, мыччис ассьыс. Дерт, первой гижы сылы да пункті медальонсö асламкөд орччөн. И друг тревога. Оленев кватитіс ассьыс да уськөдчис ывлаö, но, вöлөмкö, сорöма. А ме сідз и эг удит нинöм гижны. Татысь вуджим мöд местаö, коланаджык могьясөн ноксигөн вунöдім лöмтор йывсьыс. Сöмын öні казьтыштім сералігтыр.

— Эн горшась,— чуткис верöссö Зинаида Николаевна,— ассьыд пыдди Павел Алексеевичлысь зепталöмыд.

— Колөкө, Русанов нарошно тойыштіс мелань, сійө өд век радейтіс шмонитнытө,— вензис гөтырыскөд Григорий Иванович.

— Ставыс ясно,— шуи ме.— Оні эска, мый ті и эмөсь, колө жө, пустыняын аддзысьлөмаөсь ылө торъявлөм кык лыа чир.

Но бара дзуртыштіс падъялан лайкан. Мыйла сэк юрсиыс вөлі мөд пөлөс?

— Та йывсыд Григорий первой жө юаліс, мыйон аддзысим,— вочавидзис Зинаида Николаевна причёскасө лөсьөдыштиг.— Зэв жө прөстөя артмис: Вых во водзвылын краситчи водородлөн перекисьөн. Сэки рыжөй рөмыд эз вөв модаын, а том дырйиыд окота лоны мичаджыкөн, весиг война вылын. Дай кадус вөлі оборонаад сулалігөн, висьыс да доймөмъясыс санбатын этша. А мыйла заводитчис наступление, ме да некымын сестра вөзйысим передөвөйө, медым отсасыны санитарьяслы. Веськалі тіян батальонө. Со и став историяыс.

— Да, другъяс,— невөляыс артмис менам,— олөм-вылөмыд интереснөйджык любөй романыс да поэмаыс. Висьтав тайөс кодлыкө, эскас өмөй?

САЛДАТЛӨН МАМ

Кырув грезд абу ыджыд. Абу ыджыд сэні и Анна Ивановналөн керкаыс, көні олө сійө аслас нылыскөд. Прөстөй крестьянскөй керка, кутшөмъясөс стрөитлісны водзджык миян батьяс да пөльяс быд грездын да сиктын. Инна Ивановналы төдсаөсь грезддорса да вөрса став ордымъяс, ёльяс, шоръяс, быд гуран да мыльк. Но сьөлөмыс, мыйлакө, частө кыскывлө өти туй дорө, өти мыльк вылө, кысянь бура да ылөдз тыдалө карлань нуөдыс туй.

Пөрыс нин Анна Ивановна, воясыс да сьөкыд уджыс синісны сылыс мыгөрсө мулань. Оз-оз дай тапикывлө на ньөжйөник сьөлөмө мөрччөм туйлань, торйөн нин гожся мича лунъясө, буретш сійө кадас, кор восьлавліс сәті Васюкыс, тыдавтөм кок туйяс шоныд чужан му вылө коляліг. Уна во колис сэксянь. И кымыныс тайө каднас петавліс туй вылас. Сулавліс сэні, видзөдіс, оз-ө тыдовтчы доймөмөн төдса мыгөр. Мам сьөлөмыд мам сьөлөм и эм. Дерт, некод эз зюасывлы, кытчө да мыйла татшөм здукьясас та-

пиктивліс Анна. Да и ачыс сійö ёнасö эз радейтлыв сёрнитны та йылысь. Мам сьёлöмын эмöсь сэтшöм пельöсьяс, кытчö оз позь сибöдны быдöнöс. Восьтивліс сійöс сöмын сэки, кор гортас öтнасөн кольöм бöрын матыстчывліс стенин öшалысь ыдждöдöм фотокарточка дорö да заводитліс сёрнитны ськöд ловьякöд моз. Сэтшöм здукьяс бöрас лолывліс долыджык морöс вылын, быттьö кодкö босьтліс сэтысь курыд шогыслысь мыйкö мында юкөнсö. Дерт, кокниджык овлö, кодкöдкö сёрнитыштан кö та йылысь, да вот тшöтшьяясыс пöшти нин грездас абуöсь.

Том дырйиыс сійö вöлі зэв варов. Коркö ас кадас и мичлуныс тырмывліс: мича синкымьяс, шоныд видзöдлас, син аканьяс сайын дзевсясьысь нюм, вом дорьяс. Радейтліс, кызди и унджык нывбабаыс, юкмöс дорын сулалігөн юксыны суседкаяскöд став нимкодлуныяснас и шогьяснас, кодьяс овлöны семьяын. Сöмын вот татшöм прöст здукьясыс шоча овлісны: олöмлөн быд минут тырöма сьökыд уджөн, семья вöсна тöждлунөн. Жеб здоровеа верöс, сизим челядь.

Кöзиян кувсьöм бöрын ставыс колисны дöва ки вылö. Шоча, вывті шоча сюрлывліс варовитны суседкаяскöд: мырсис-уджавліс мужичöй пыдди — конюкаліс. Лун и вой пöшти эз воывлы гортас. Челядь олісны ас кежсьыс. Медся ыджыдыс — мамлөн веськыд ки — Василей сійö воясас вöлі кöзиян пыдди. Весиг Сыктывкарын ФЗО помалöм бьрын локтіс гортас, медым отсасьны мамыслы, уджаліс колхозын. Сэки сикста войтыр олісны бура. Быдторйыс тырмис. И сёян-юан, и кöм-паськöм.

— А мян ыджыд семьяд, — казтьылö Анна Ивановна, — и сэки дзескыд вöлі. Сэки нин Василей велöдліс ичöтджык чой-воксö овны öтув, отсасьны öтамöдлы, не шыблассны сёян-юанөн, öкуратнöя видзны кöм-паськöм. Локтас рытнас гуляйтанинсьыд да оз бара шыбит костюмтö сідз-тадз. Весалас, мичаа öшöдас, мед оз чукрась. Пасьталіскежлад ставыс дась. Ок, öкуратнöй вöлі. И чой-воксö велöдіс.

Век вöлі шуö: эн пö шогсьы, чой-вок быдмыштасны да бура овмöдчам. Кымын уджалысь ки мян семьяын лöö. Тэнö мөдасны ки вылас новлöдлыны. Быттьö ваö видзöдöма. Кор быдмисны челядьöй — ки вылас и мөдісны вөдитны.

Но тайö лонс уна во мысти нин. А сьödз мам мыш вывті муніс уна сьökыдлун. Весиг абу окота казтьыв-

нысö на йылысь. А ставыс лоис сійö воас, кор шойччан лунö, вöскресенньö, Анна ордö волісны суседкаясыс чай юыштны. Варовитісны да төлкүйтісны, корджык таво заводитчас страда, гожöмыс пуксис мича, регыд видзьяс вылö. Друг уличаті, көні ворсісны челядь, төвзис верзьöма. Сы серти, кыдзи верзьöмаыс лöсалис ньöрйөн вöвсö, позис гөгөрвоны — тэрмасьö. Вöв вылын мортыс мыйкö горзіс, но Анна эз гөгөрво. Сійö ачыс көсйис горöдны, мыйла сідз тешитчö пемöс вылас, буретш сэки гурйыв воссис öдзöс и поводзысь Анна адзис медыджыд писö. Ёкмуні мам сьöлöм: Василей чужöм вылысь лыддис, мый лоöма кутшöмкö веськöдны позьтöмтор. Василей, неуна кельдöдыштöм чужöма, сьöкыда воськовтіс порог вомөн, матыстчис джодж шөрлань, пыдісянь петысь чорыд гөлöсөн шуис:

— Фашистьяс уськөдчисны миян вылö.

— Сідзкö? — виччысьöмөн да гуся надеяөн юалис кодкö суседкаяс пиысь.

— Война! — ярскöба вочавидзис Василей да матыстчис восьса öшинь дорö. Татшöмөн и колис сійö мам паметьö нэмыс кежлö: зумыд тэчаса, паськыд пельпомъяса, гожъялöм ён сойяса, топöдöм вом доръяса, чорыд видзöдласа. Мыйлакö торйөн ёна мөрччис паметьö плеш вылас öшийöм юрси прать, коді зарниөн лöсталис шонді югөръяс улын.

А сэсся... Сэсся ясыда мөрччис паметьö ещö öти серпас: Сыктывкарса пристаньын уна том йöз. На лыдын и Васяыс сьлөн. Öнөдз пельяс кылöны сылысь гөлöссö:

— Мам, бур, мый он бöрд... А «эсіётö» ми пасьвартам. Ок, бура овмöдчам, войнаыд помасяс да... Виль керка стрöитам...

Мамлөн эз пет синва и сэки, кор доймытöдз топавліс пиыслөн зумыд морöс бердö, кор Васяыс поскуза лэччис дебаркадер, сэсся пароход вылö.

Сöмын рытнас, кор гортас унмовсисны челядь, да стенъяс кындзи мамöс некод эз вермы кывны, сійö вöлисти бöрддзис. Шытöг, но сьöлöмас ыджыд дойөн, кор сырмö став туша, дрöгнитлывлöны пельпомъяс, а синва пöшти абу. Тадзи бöрдіс быдсяма сьöкыдлунъяссö адззывлöм мамлөн лолыс, öд сійö торйöдчис аслас сьöлöмшöрыскöд, ас вир-яйлөн юкөнкöд. Мам бура гөгөрвоис, кычö да мыйла муніс меды-

джыд пиыс, сылөн первой отсасысьыс. Төдіс и сійөс, мый сэтысь оз ставөн воны бөр.

А сэссия удж и удж. Гортын — челядь. Мырсисны колхозын, вöрын да ва дорын, быдлаын, көні колісны зіль кияс. Уджалисны и кывзисисны рытиввылын юралысь йөлөгәә: кызди нин сэні, фронт вылын. А сэтысь, рытиввылысь, шочиника воывлісны мужикьяслөн, пиянлөн письмөяс. Бабаяс чукөртчывлісны, разьлісны куим пельөсөн нюклялөм, полевöй почта штемпеля дыр виччысяна письмө, көні мукөддырйиыс төдчисны тшынөн съодасьөм чунь туйяс. Воывлісны татшөм письмөяс и Васясянь. Воюйтис көнкө Ленинград дорын. Быд кывйысь төдчис; сійө став съөлөмнас эскө, мый коркө воас и Победа лун. Тайө эскөмыс вуджліс и мамлы, сиктса олысьяслы. И найө эз жалитны вынъяссө, көть и ковмыліс сөйны сись картопельысь, жугйысь, бобөн्यानьюсь пөжалөм сөчөнъяс.

Ёна висис мам съөлөм, кор Василей веськавліс ранитчөм бөрын госпитальясө. Доыдлунөн тырліс пиыслөн бөр бурдөм бөрын. Мам съөлөм кыліс бытьө пиыслысь быд воськов, быд вөрзөм. Сөмын эз көсйы гөгөроны, мый сійө уси, мый сійөс гуалөма. Ленинградскöй областьса өти сикт дорө. Такөд мам эз вермы миритчыны, пиыс век ськөд, сы дінө радейтөмыс оз чин, сійө өнөдз ломалө пөрысь мам съөлөмын. Василейыс нэмыс кежлө коліс паметяс томөн.

Со и талун, кор ті лыддянныд тайө гижөдсө, Анна Ивановна, гашкө, ньөжйөник тапиктіс-муніс местаө, медым сулыштны сэні да видзөдлыны, оз-ө туй вылысь карладорсянь тыдовтчы статя да тэрыб вөрасьяса төдса мыгөр.

Мый вөчан, сэтшөмөсь нин найө, салдатлөн мамьяс.

НАСТЯ

Максим локтіс пажнайтны. Катерина тьөтка, код ордын сійө патеруйтіс, вөчис паччөрсө, мавтіс сөысь да лыаысь вөчөм лятиөн. Керкаын өвтис улис му дукөн, коді сорласис пөжөм яя шыд да ас пөжалөм рудзөг нянь көркөд.

— Васильевич,— шыасис Катерина тьөтка,— регыд эштас, сэссия өбедайтыштам.

Эз на удит Максим пырны аслас вежӧсӧ, кызди посводзись кылісны тэрыб да кокныдик кок шыяс. Кодкӧ, тыдалӧ, тӧдтӧм мӧдіс маласьны-корсьны ӧдзӧс вугсӧ. Максим тойыштис-восьтис сійӧс, и кухняӧ кодзыд руыскӧд тшӧтш пырис кутшӧмкӧ мыгӧр. Ру вошӧм бӧрын джодж шӧрӧ колис съӧд шалльӧн нырӧдзыс гартчӧм, визяорда куысь вурӧм дженьыд пальтоа, кузь съӧд юбкаа да сэтшӧм жӧ валегиа чиганка. Чӧвтис ӧтарӧ-мӧдарӧ съӧд чард кодъ видзӧдлассӧ да видзаасьӧм бӧрын индіс паччӧрын лятиӧн шлячӧдчысь кӧзьяйка вылӧ.

— Абу зывӧк тайӧ карнысӧ? — Кузь гыжъя вӧсни мугов чуньнас зургис Максимлань:

— Мед тайӧ вӧчас, небось, радейтӧ паччӧрад паськыд мышсӧ пӧжны... Ӑти гудрасьӧ няйтын, а мӧд швачвидзӧ-пукалӧ, абу яндзим...

Катерина тьӧтка серӧктыштис да вомалис сӧвет сетьсьӧс:

— Каскасянныд татшӧм морознас, керкасӧ кодзӧданныд.

Но чиганка эз шӧйӧвош.

— Пыригкості видчан,— ярскӧба вочавидзис сійӧ.— Первойысь на воим тиянӧ, патера корсям, гашкӧ, лэдзанныд? Керка-картаныд ыджыд, а оланнуд этшаӧн. Тиян ордӧ и вӧвъяснымӧс позьӧ меститны, бур съӧлӧма мортӧй. Ме гадайтӧ кӧпейка босьттӧг, висьтала, мый виччысьӧ тиянӧс водзын...

— Кысь нӧ тӧдан, кутшӧм менам съӧлӧмыс,— эз сетчы кӧзьяйка.— Шуан жӧ...

— Ме быдтор тӧда, мый тайӧ патерант — тӧда жӧ,— бара индіс Максим вылӧ.

А Максим Васильевич пукаліс пызандорса лабичын да нюмъяліс. Сылы мыйлакӧ первойсянныс воис съӧлӧм вылас чиган нылыс. А мый сійӧ ныв, кор чиганка лэдзис шальсӧ векныдик пельпом вылас, тӧдчис бура. Чужӧмыс сӧстӧм. Вӧсныдик съӧд синкымъяс шевкнитчӧмаӧсь бордъяс моз кӧсичаясӧдзыс, синлапъясыс кузьӧсь, та вӧсна синъясыс быттӧ вуджӧрынӧсь. Векныдик бордъяса веськыд ныр улас неуна кыз, быттӧ пыктыштӧм вом доръяс. Чышъян увсьыс тыдалӧ ӧтарӧ-мӧдарӧ сыналӧм съӧдысла лӧсталысь юрси. Гӧлӧсыс чиган нывлӧн тельгысь ёль кодъ, сӧстӧм, небыд да мыла.

— Патерант вӧсна и ог лэдз,— кыв кӧрталіс Катерина тьӧт.— Мӧданныд дӧзмӧдны Васильевичӧс. А

патераыд сюрё, миян сиктыс ыджыд. Кыдзи шуоны, пөрччысь, öбедайтам. Пöсь шыдөн шонтысьыштан...

— Настя, Настя ме, Настенька,— унаысь корём, майбыр, сылы эз ков, тэрыба пөрччысьём бöрын матыстчис мыссян доз дорö.

— Настук инöсь,— пызан вылö корсигмоз шмонитис Катерина тьötка.— Кодлыкö бур невеста лоан. А жöниктö ылысь корсьны оз и ков. Öти пызан сайын лоанныд. Ыдждöдлöны сийёс Максим Васильевичөн. Шмонитöмсö Настя, тыдалö радейтö, сьöd син аканьясас быттö мутияс чеччалöны:

— Ассым жöникпуос мöда Максяён мелиавны,— серöктыштіс сийö пань да нянь босьтём бöрын. Нывлөн платтö мыш вылас öшаліс кык кöса, кодъяс помö кыыштöма лöзов лента. Неыджыд да джуджыд морös вылас павкнитöма уна рöма дзоридзьяса шöвк шаль. Чуймöдісны Максимös и Настялөн киясыс — абу ветлысь-мунысь чиганкалөн кодöсь, а сöстөмөсь, векныыдик кузь гыж костсö весиг весалöма. И ставнас мыгöрсö быттö вурыштöма — статья, винёв, тувсов бадь вож кодь.

Максим мөвпнас аттöаліс кöзьяйкаос, коді пуксьöдіс чиганкаос пызан сайö. Зон эз зіль дзоргыны Настя вылö, но, кор чöвтлывліс видзöдлассö, пыр и зурасьліс чиган нывлөн сьöd чард кодь синъяскöд.

Вөлöмкö, Настялөн семьяыс таборсьыс торйөн кочуйтöма Удораса сиктъясті да вөлöктіыс локтöма Керрöсдинöдз. Семьяыс абу ыджыд — мамыс, ыджыд чой да ичөтджык вок. Максимös чуймöдіс, мый Настялөн батыс усьöма фронт вылын. Öнöдз эз кужлыв мөвпыштлыны, мый чиганъяс воюйтлöмаось жö.

— Тэ, тыдалö, нылук, сьöd уджсьыд öтдортчан,— индіс Катерина тьöt чиганка кияс вылö.

— Оз тшöктыны,— серöктіс, лым еджыд пиньясö петкöдліг, Настя.— Ставсö вöчöны асьныс.

— Дрöчка ныв, сідзкö. И паськöмыд со кутшöм добра, ставыс пöшти выль да мича... Семьяад öд, ныланöй, киястö рудз пуктöмөн оз жö позь.

Настялөн мугов бандзибьясыс гөрдöдыштісны, лэдзис синъяссö улö, нурбыльтыштіс:

— Ме абу мыжа, Катерина тьöt, кöть öні паччöртö лятиала,— звирк сувтіс сийö. И аддзис мöд вежöсын öшалысь гитара.

— О-о-о...— сöмын и артмис сьлөн. Сутш мысти инструментыс вöлі нин Настя кын. Максим ворельв-

ліс жö мыйсюрö. Но öні эз тöд ассьыс гитарасö, сійö шыаліс Настя киын дзик мöд ног, быттьö аддзис ассьыс збыльысь кöзьякасö да окотапырысь восьтіс öнöдз видзöм став гусяторьяссö, кодьясöс эз и гö-гөрволы да кужлы тöдмавынсьö воддза кöзьяиныс.

Кор струна шыяскöд öтувтчис Настялөн эзысь кодь сöстöм гөлöсыс — Максимлөн сьölöмыс быттьö мöдіс сывны небыда лаймалысь жарын... А Катерина тьötкаыс! Мыджыштöма сарöгöсь кияснас чуқырöс-сьыштöм нин щöкасö, векняммöм рудов синьяссö оз вештыв нывлөн чуньяс да вом вылысь. Сьöкыд висьтавыны, дыр-ö кыссисны паметьö мөрччöм тайö здукьясыс. Катерина тьöt кватитчис, кор керкаын мöдіс рöмдыны.

— Настук, грекö вöйтысь, тадзи корсян патератö? Мамыд öщöпекалас. Ноко, котöрт öдйöджык, мянö туйсö некод оз сипты, верман частö гажöдны жöникпуктö, лоам радöсь.

— Пöжалуй, муна и эм,— дзользис пасьтасиг-мозыс Настя.— Сöмын Макся нима жöникпуыд меным оз ладмы, кута нимтыны сійöс Ромаөн.

И, кызди пырис, сідз жö тэрыба петіс-вошис син водзысь. Тайö рытас Максим клубö эз петав. Катерина тьöt идрасигөн, видзöдіс аслас еджыд чужöм, шабді кудель кодь юрси да синкымьяс вылö, чошнитчöм гөрдöват пель да водзлань чургöдчыштöм щöка вылас. Синьясыс рудов нисьö лöзöсь, дзик жö Катерина тьötка кодьöсь. А вот пельпомьяснас, морöснас да кулакьяснас ошйысьыштны позьö, көть и уна-тор мунліс на вывті, торйөн нин фронт вылын. Тьртö кызь вит ар, а кокниджык олöм эз на аддзыв. Сöмын öні неуна кокныдджык лоис, йöзыс мöдісны гажöдчыны, кыссьыны кыпыдлунлань, шань олöмланы. Сöмын кокниа, тыдалö, овсьö чиган нывлы, лэбач моз поркьялö, шог ни гөре. Тайö мөвпыс кьпöдіс Максимлысь нюм. Нимыс эз кажитчы, Ромаөн лоис. Быттьö выльысь пыртіс. Но и пышкай.

Сэсся босьтіс лабичысь гитарасö, кьтчö колис сійöс Настя, да видзчысьöмөн öшöдіс местаас, быттьö поліс сійöс жугöдöмысь. Но сэк жö петіс серамыс ас вылас: мөвпалö кутшöмкö чиган ныв йылысь, коді быттьö тувсов төв: талун — тані, аски — сэні. Зіліс думайтны мөдтор йылысь, весиг босьтліс книга. Но букваяс пыдди бара аддзис Настялысь чужöмсö, сьöд

чард видзёдлассо, джуджыд мороса вöсньыдик да
статя мыгöрсö.

И Настялы, тыдалö, абу лоöмаоьсь веськодьöн Ка-
терина тьöт да сьлөн патерантыс. Оз-оз дай пыралас,
веськалö буретш сэки, кор Максим воö удж вылысь
гортас. Чиган ныв вошлывліс сöмын сэки, кор семьяыс
ветлывліс улысса ылысджык сиктьясö. И то недыр
кежлö.

...Сэсса тулыс мыськис ывла вылысь ар да төвбы-
дөн чöжсьöм няйтсö, веж роскөн чышкыштіс буссö-
өгсö, ыпнитöдіс-öзтіс веж сөнъясын уна рöма би кодь
дзоридзьяс, пöлыштіс юртö кольмöдысь льöм пу кө-
рөн, Эжва веркөссö краситіс енэжыслөн кодь жö
кельылдöз рöмөн.

Öні, югыд да шоньд рытьясö, гитара шы корсю-
рö кыліс берегдорса веж лапта вылын, кодöс йöз
синъясысь сайöдöмаоьсь дзоридзалысь кустьяс.

— Керкаад, Рома, лолöй оз ветлы,— гитара шыяс
улö висьталіс-сьыліс Настя.— А тані — олём-красут-
чöм. Вот и косьмасны помасьлытöм туйяс, и чиганка
Настя лэбзяс төвса позсьыс сэтчö, көні чукöртчö та-
бор, көні пуö кыпыд гажа олём, көні некод оз вер-
мы көртавны нывлысь вöльнöй сынöd радейтысь
бордьяссö...

— Тані öмöй видзöны чеп йылын Настукöс? —
сідзжö сьыліг-висьталігмоз юаліс Максим да маты-
сянь видзöдліс вöрса тылөн сьöd öмут кодь синъясас.

— Кудель юрсиаöй менам, чиганка Настяöс чеп-
төн оз дор некод, да вот сьölöмыс Настялөн... Ыркыд
лола йöз öдвакö вермасны гөгөрвоны тайöс. Регыд
косьмасны туйяс, и кыптысь бускөд тшöтш веж ме-
лі төв нөбöдас татысь Настяöс, Настенькаöс...

Максимöс сійö весьшөрö мыжавліс, зонлөн синъя-
сыс вочасөн воссисны став вылас. Верстьö морт уна-
тор аддзывліс, унатор и гөгөрвоис. И вирыс эз вöv
көдзыд, тайöс ныв эз төд, эз гөгөрво, а, гашкö, и көс-
йис дöзмöдны-ыззьöдны асьыс «жöникпусö». Код тө-
дас сэсса. Сійö здукьясас на дорын коймöдыс эз вöv,
кывліс сёрни-банисö сöмын рытья да асья кыаыс.

— А öлöдны Настяöс некодлы,— водзö гораа мöv-
паліс ныв, оліс кө таборын, дерт, вермисны тшöтшöд-
ны сылысь бордьяссö. И дорйысь эз ло: Настялөн во-
кыс ичöt на, а батыс пунктіс юрсö Ленинград дорын.

Но шогсьыны водз на, пөттöдз олыштам нюмь-

ялысь шонді улын, вина мөз юам чөскыд сынөдсө, павъялыштам менам олөмлөн мелі да кокни гыяс вылын.

Қосьмисны туйяс. И быттьө пакталіс жарсьяс Настя, Настенька. Быттьө эз инмөдчывны сылөн мугов чуньясыс Максим вежөсын өшалысь гитара бердө, быттьө эз зильгывны сьыліас өшлөм монистояс клубса сцена вылын йөктігөн, быттьө некор эз синливны-талявлыны кузь гөленя да джуджыд бөра сапжкиясыс берегса лапта вылысь веж турунсө. Лун төв нөбөдіс сы йылысь казтылөмъяссө, вөвлі чиган ныв — и воши.

* * *

Эновтіс Керөсдін и Максим, вуджөдісны карө, ыджыдджык служба вылө.

Қолис во куим. Бара сулаліс көдзыд төв. Максимөс ытісны командировкаө ылі леспромхозө. Лесопунктса столөвөйын ужнайтігөн син улас усис буфет дорын сулалысь төдтөм чиганка. Максимлөн ыркуніс сьөлөмыс. Шалльөн гартчөм нывбабалөн тыдовтчис чужөмыс. Настя! Қутшөма вежсьөма, омөльтчөма, пөрысьмөма. Максим уськөдчис сы дорө, но чиганка, видзөдлассө чөвтлытөг, уйкнитіс посводзө. Пемыд тамбурын кватитіс Максимлысь сойсө, гораа шөпнитіс:

— Рома, додь дорын, со видзөдлы, менам верөс. Сылөн киас плеть, сійөн позьө вины көинөс. Пыр, прөстудитчан өтпөлөснад.-- И уйкнитіс лун югыд төлыся ывлаө. Максимлы пемыдінсянь тыдаліс ставыс: лөкиник паськөма нэриник чиган, чурвидзысь лыяса көбыла, доддьө пуктөм вольпась да эшкынъяс улысь тыдыштө кага юр. Жаль, Максим эз гөгөрво чиган сёрнисө. Верөсыс, тыдалө, скөраліс Настя вылө, весиг грөзитчис плетьнас. Максим көсийс нин ыркөбтыны дорйысьны, но сәки чиган семья вөрзөдчис местасыс. Лоис өбиднө, ёсь кывъя да вежөра Настя эз лысьт шуны верөсыслы воча кыв. Аддзөма жө верөс! Туша ни рожа, мыйөн смилитөма сійө Настясө? И бара чуймис ас вылас: вөлөмкө, кызди шульвліс Катерина тьөт, Настуктө абу вунөдсьылөма дзикөдз, сьөлөмыслөн кутшөмкө пельөсө өшйылөма на сылөн образыс.

Максим пырис столовөйө, кор нин дугдіс кывны чиган вөв мегырө өшөдөм көлөкөльчиклөн зельгөмыс.

Кадыс лэбө сідз — он казавлы. Торйөн нин сэк, кор мортыс воськовтө верстьө кадө. Леспромхозө ветлөмсянь колис во дас вит. Но мыйлакө Настяөс дзикөдз вунөднысө эз вермыв. Оз-оз дай сувтлас сы водзө нывлөн дас өкмыс восайса образыс. Торйөн нин сэк, кор паныдасьлө чиганкаяскөд. Мукөддырйиыс весиг аддзылас төдса мыгөр, но сэссия тыдовтчө — абу Настя. Татшөм сутшьясас лолө неуна дөсаднө. Сы мында во исковтис, но кадыс этша вермөма эжсьөдны-турунсьөдны коркөся ластва вылө нель кокөн талявлөм ордымсө.

Максимлөн уджыс командировкаяс. Воас кытыськө, шойчыштас — и бара туйө. Эз дөзмыв: век выль местаяс, выль төдсаяс, выль другьяс. И со бара туйын. Сьөлөмыс нимкодясис: аддзылас төдса местаяс, пыралас Катерина тьöt ордө. Керөсдинын овліс армиясыс воөм бөрын кык во, весиг гажыс бырыштлө сысыс. А волыны дас өкмыс во чөжөн эз путьмы.

Керөсдин мичаммөма, паськалөма, кыптөмаөсь выль стрөйбаяс, туйсө, москияссө вевтьөма асфальтөн. Сиктыс быттьө вөйөма вежөд пиө. А со вөвлөм патераыс, Катерина тьөтлөн ыджыд да мича керкаыс. Еджыд курича өшиньяснас кыпыда видзөдө туй вылө. Дзирья сайын чөскыд ваа юкмөс. Пуктис портфельсө муө, гумовтис чепняөн, сөмын на инмөдчис пиньсө дойдыс ва бердө...

— Рома!..

Максим өдва кутчысис лигышмөм кокьяс вылас, ваыс киссис пинжак, дөрөм да лөсталыс көм вылас. Кыпөдис синьяссө: осьса өшиньө юрнысө сүйөмаөсь Катерина да Настя. Вежсьөмаөсь, дерт, но быттьө и важкодьөсь на. Пырөм бөрын топыда кутліс неуна мышкыртчыштөм да шочмыштөм юрсиа вөвлөм көзьякаөс. Настя эз тыдав. Гашкө, каститчис? Шөйөвошөмөн видзөдліс гөгөрбок.

— Регыд ставсө гөгөрвоан, Максим Васильевич, — самөвар сувтөдигмоз гажа видзөдльвліс сы вылө Катерина тьöt. — Настукыд дояркаалө совхозын. Орденөн наградитисны... Верөсыс? Мыйөн пиыс быдмыштөма, абу вермөма терпитнысө да... А тэ он сетчы воысылы сирөд мыр моз, Васильевич... Со тай локтө, ачыс висьталас.

Настя пырис кухняө да гөгөр ставыс югдіс. Шань-

мөма, неуна гөгрөсмыштөма. Сьөкыд вештыны видзөдластө. Паськөмыс оз торъяв карсаясысь, юрсисө мичаа лөсьөдөма, весиг ветлөдлан сямьс вежсьөма. Сөмын видзөдласыс век на сьөд чард кодь.

— Тэ, Рома, эн на аддзыв, лок петкөдла.— Индїс ыджыд горничайн важ местаас өшалысь гитара вылө.— Пиным ворсө.. Быдмыштіс да мөдіс юасыны, көні пө менам гортөй. Быть лоис овмөдчыны татчө..

Максимлөн полігтыр нөйтчис сьөлөмыс, мый бара лоө водзө, оз лысьт видзөдлыны Настя чужөмө.

— Төдін эн? — нывбаба чорыда кабыртіс өн чуньяснас Максимлысь пельпомсө. Стенын өшалісны кык фотопортрет. Видзөдліс өти вылас да невөляысь мөдіс малавны асьыс шочмыштөм, но век на гыалысь кудель юрсисө. А мөд портрет вылас сійө жө том зонмыс, сөмын салдат паськөма — аслас Максимлөн томлуныс. Весиг пудпасыс вылыс вом дорас жө. Максим невөляысь лэдзчысис диван вылө, кокъясыс эськө водзө эз кутны сійөс.

— Ыджөдлөны Роман Максимовичөн,— стрөга шуис Настя да пуксис орчөн.— Пиным миян служитө армиян.

И Максимлы ставыс лои гөгөрвоана.

ДРУГЛЫ ПИСЬМӨ

Сө муса другө, видза олан!

Эг эськө көсий дөзмөдчыны, да гажөй өна бырис, окота лоис босьтчыны перө-ручка бердө. Бытьтө төрыт на и торйөдчим тэкөд, а со нин мыйта кадыс кольөма.

Өні, другө, аддзылан кө менө, он төд: сэтшөм стройнөй мыгөра лои. Чужөм вылын сөмын гырысь лыяса нырөй да паськыд черлыясөй колисны. Кулакнад кө зурган, лыясыс гиль-гольмунөны. А шензьыны немторла. Тані тэ вөсна старшина оз төждысь, аслыд быд лун котравны лавкаө да карточка серти ньөбны 600 грамм нянь. Төлысь кежлө нөшта сетөны неуна вый да сакар карточка серти жө. Со и, колөкө, госсая! Өні на казътывла асланым частьын олөмтө. Некор эг чайтлы, мый ылыс тылын татшөм дзескыда олөны. А со өд война помасьөм бөрад мөдөд во нин мунө.

Пөлінө, менсьым ошйысянтортө — бакенбардьяс-

тө — нывъяс сотісны. Полкса командир эз вермы шырны, а тані райзоса нывъяс биён чишкалісны. Он верит? Мөвпыштла да, өні на серамой петө. Пыри ме отчюд луннас общой отделө. Ывлаас мороз, а ме сапога, салдатской еджыд пася, пеля шапкаа. Чужомой ковдум моз банийома. Сомын съод бакенбардъясой чурвидзоны. (Найө од война помасьом борад воясас модаынось волины. Чайта, эн на вунөд. Ачюд од новлывлін жө).

Но, а тані абу новлывлөмаось. Со и эз кажитчыны нывъяслы менам бакъясой. Заводитісны дурөдны. Ме отнам, а найө нель-ө-витөнось: бухгалтер, счетовод, зоотехник, ме кодь жө ветфельдшер. Тамараон шуоны, зэв ён. Төдан, кутшөмось жөникъястөм невестаясыд, кутісны да непөштө вөрзыны, весиг никөстны ог вермы. Сотісны бакъясөс, бур, мый юрсийөс да синлысьясөс эз чишкавны. Скөрав коть эн, сомын вак-вакөн гигзьоны-сералөны. Сэссия Тамара и крапкис-шуис:

— Миян мусукъяс пө бакъястөг пуктісны юрнысө вөрөгкөд тышын, а тэ воөмыд да нөшта тшапитчан...

Обиднө, дерт, воли, да мый вөчан. Он од тышкасьны кут нывъясыскөд.

Восьлала районной центр кузя ветеринарной амбулаториялань, юрын съокыд думъяс жөдзөны. И сэки кылі:

— Ті лоанныд выль ветеринарной фельдшернас?

Кыпөді юрөс. Мекөд орчөн сулалө ыджыд вороной вөв. Гыөртөм гөныс вөсна кажитчө серөйөн. Льөбсьыс өшйөмаось кузь йинёнъяс. Шоча аддзывлан өні татшөм вөвъястө. Унджыкыслөн лыясыс чурвидзөны, а тайө места вылас сулавны оз вермы. Қорадоддяс турун пиын пукаліс кос пася да пеля шапкаа том морт, а гашкө и мужичөй. Гартчөма шарпөн да, он и казав пырсө, коді.

— Да,— шуа,— ме...

— Колө ветлыны миян сиктө. Тасянь верст сизим. Миян эм жө фельдшер, но ачыс вөчнысө немтор оз лысьт.

Дыр мөвпавны некор. Миян уджным сэтшөм. Лунын коть войын чукөстасны, он откажитчы. Быть мун. Колөкө, висьмис мөс, коді вердө оз өти семьяөс. (Өти мөссө өні видзлөны кык либө куим семья. Сідзи и шуоны: менам кык нень либө өти нень).

Ветлім амбулаторияөдз, босьті колана көлуй тыра неыджыд чемодан и — туйө.

Ямщик эз жалит вöвсö. Недыр мысти сы вылысь сыліс гыöрыс, кутіс кайны ру. Ме зіли тöдмавны, кутшöм ускöттö лоöма на сиктын.

Вöлöмкö, öти колхозница катöдöма вөр лэдзысь-яслы турун, а гортас лэччигас ёна дойдöма бур кыскасян вöлöс.

— А мыйысь нö няньнас верданныд ассыныд вöв доктортö? — юалі ме.

Вель дыр чöв олöм бöрын ямщик вочавидзис:

— Татшöмтор дырйиыс сійö зільö дзедьсыны кустьяс пöвстö. Мыйла? Видзöдтö, абу смел сійö... Кöсйö, медым кодкö босьтіс кыв кутöмсö ас гөрб вылас. Öтарсянь кö, ускöттöбас, кызд эн шу, эм мыжыс и турунсö вöрас катысьлөн. А мöдарсянь кö...

Но ямщик ассыс мöвпьяссö эз помав. Думайт пö ачyd.

— Но, а мыйла энö вайöдöй районса главнöй ветеринарнöй врачöс? — эг сетчы ме. Дай сёрниттöгыс вывті нин кодзыд вöлі. Проклятöй тöлыс сідзи и муно лы-вем пырыд.

— Мунöма пö ю сайö,— вочавидзис ямщик да на-яна кöсöйтчыліс ме вылö,— амбулаторияд тшöктісны тiянöс корлыны. Сыысь пö ыджыдджык пöльзаыс лоö. Шуисны, мый пö тэ абу полысь рöдысь. А татшöмтор дырйиыс ёнджыкасö колö оз главнöй ветврач, кызди ме гөгөрвоа, а морт, коді оз радейт дзедьсыны йöз мышку сайö.

Со, вöлöмкö, мый öдйö паськалöма ме йылысь славаыс район пасьта — кöть эськö тані уджалі на сöмын коймöд тöлысь.

Со и воим конюшня дорö. Идзас вылын куйлö мерин. Рыжöй. Ён. Мича. Синъясас помтöм дой. Видзöдлі. Спаситны оз нин позь. Чегöма веськыд водз кыс пидзöссыс уліджык. Сэні жö менам коллега — тайö сиктса ветфельдшер, сиктса начальство.

— Гашкö нö позяс на бурдöдны районса амбулаторияд? — юаліс вöвсö дойдысь нывбаба-ямщик.

— Вöвлысь чегöм коксö абу на кардьявлöмаöсь,— скöра вочавидзи ме.— Ковмас лечитны, гашкö, во кык, колхозныд рöзöритчас. Начкыны колö, мучитнысö нинöмла.

Чукөрмöм йöз ышловзисны, быттö шыбитісны пельпом вывсьыс ыджыд ноп.

Вöлöмкö, вöлыс доймöма сиктсянь верст кык сай-

ын. Сэсянь сійӧс вайӧмаӧсь рӧзваллын. Лоис ветлыны сэтчӧ, тӧдмасьны, кызди артмӧма ставыс.

Ми колхоз правлениеыньӧсь. Тані шоныд. Ӗзйӧ десятилинейнӧй лампа. Эн шензы, другӧ, тані мяян электричество да радио йывсьыд сӧмын на мӧвпалӧны.

Ӗти пызан сайын колхозса председатель, мӧд сайын счетовод: сійӧ жӧ партнйнӧй организацияса секретарь. Тан жӧ менам ӗртӧй ветфельдшер, томиник зонка, коді сӧмын на воӧма техникумысь, вӧлӧс дойдысь нывбаба, но и, дерт жӧ, менӧ вайысь ямщик. Вӧлӧмкӧ, сійӧ демобилизуйтчӧм матрос, вӧвлӧм воин жӧ. Ӗні сиктас избачалӧ. Ставныслӧн синъясыс сатшыкысӧмаӧсь ме вылӧ.

А вӧвсӧ дойдысь нывбабалӧн чужӧм вылысь немтор оз позь лыддыны. Сӧмын видзӧдласас сійӧ жӧ дойыс, код вӧлі чегӧм кока меринлӧн синъясас.

— Но мый нӧ, гиж актсӧ,— шуи ме том фельдшерлы.— Ковмас ӧд пемӧссӧ спишитны.

Сійӧ пуксис пызан сайӧ да мӧдіс дзуртны перӧӧн. Ӗні быдӧн видзӧдісны сы вылӧ, весиг некод эз куритчы. Тешкодъ, но колхоз правлениеын сынӧдыс вӧлі сӧстӧм. Тадзисӧ шоча овывлӧ.

Медбӧрын, акт гижсис. Заводитім сійӧс лыддыны. А кор фельдшер воис «донсӧ бергӧдны» кывйӧдз, вӧлӧс дойдысь нывбаба кутіс шытӧг бӧрдны, парторглӧн чужӧмас чукуръясыс лоисны нӧшта на джуджыджыкӧсь, председатель йӧжгыльтчис, быттьӧ зілис дзевны юрсӧ пельпомъяс костас, а менам ямщик, вӧвлӧм матрос, зывӧка видзӧдліс ме вылӧ, быттьӧ кӧсйис шуны: «Ак тэ... А нӧшта фронтӧвик...»

Дона другӧ, тэ бара немтор эн гӧгӧрво, мыйла найӧ повзисны «донсӧ бергӧдны» кывсьыс? Шуам, кутшӧмкӧ скӧтник либӧ ямщик мыж вӧсна кӧ кувсис либӧ лоис начкыны артельнӧй пемӧс, то сэки сылысь донсӧ суд пыр перйывлісны мыжаыслысь.

А куканьясыд частӧ кулавлісны, торйӧн нин баляяс. Кӧрым оз тырмы, картаяс кодзюдӧсь. Мукӧддырйи, медым дорйыны асьнысӧ, колхозъясӧн веськӧдлысьяс и тшӧктывлісны мынтысьны ускӧттӧсьыс весиг збыльысӧ мыжтӧм мортлы. А тайӧ нывбабаыс, дерт, вӧлі мыжа.

Лесопунктсьыс петас сӧрӧн нин. Оз лӧччы гортас мича туйӧдыс, а веськыдалас лежневкаті. Пемыднад вӧлыд оз казяв, кокыс пырас кык шлега костӧ дай чегӧ. Закон серти кӧ, колӧ перйыны вӧв донсӧ тайӧ

нывбабаыслысь. А сійö колхозас медбур уджалысь. Верöсыс усьöма фронт вылын. Нывбаба ки вылын нель челядь. Колö вердны-юктивны, көмöдны-пасьтöдны найöс.

Мый вöчны? Öтарас — закон, мöдарас — сөвeсть. И ог тöд татчöс йöзсö. Первойысь тайö колхозас. И ме дыр думайттöг босьтi актсö да некымын пöв черкнитi «донсö бергöдны» кывсö.

Ставöн нимкодпырысь кырымалiсны актсö. А ме нам ямщик, вöвлöм матрос, талунъя избач крепыда фронтöвöй ногөн тапнитi менö пельпомö.

И тöдан, другö, мед мый лоас, а öнисянь чувствуйта, мый ме быттöкö лои сöстöмджык.

Со и ставыс. Чöлöм Ленинградлы!

Тэнад фронтöвöй друг — Паша Оньков.

Вадорвыв сикт, 1947 во.

ВИДЗА ОЛАН, ЯГВЫВ!

*Чужан мутö аддзöм бöрын, сьöлöмшöр,
Тöв кöть гожöм — шудыд морöсад
оз тöр.*

Сикт боктi шлыньгö-визувтö Эжва, сы дорö лэччöдöны юковтысь ордымъяс, вöла да машина туйяс. Енэжыс кодь жö кельылдöз юлөн от сайын шылькнитчöма паськыд лыа кöса, код öтар-мöдар помас вежöдö бадь. Лыа саяс пласьтнитчöмаöсь нюдзвиж видзъяс. На бöрын заводитчö вөр. Пила пиньяс моз чурвидзысь козъяслөн йивъясыс ылыстчöны и ылыстчöны, вочасөн пöрöны лöзов, сэсся кельылдöз рöмö да көнкö мусюр дорас öтлаасьöны енэжыскöд... Мича поводдя дырйи весиг сьöкыд аддзыны торъяланiнсö — енэжтассö.

Таладорын вöрыс зэв матын, сибöдчöма пöлöстчöм пывсянъяс дорöдз. Öтилаын, сикт шöрас, вöвлöм вичко весьтын вöрыс кöджөн моз матыстчылö йöз оланiнъяслань. Тайö абу козъя парма, а мича да гулыд яг. Сылөн стеныс заводитчö веськыда муяс помас. Кос яла вылын сулалöны кызсьыс-кыз пожöмъяс. Кыз да зумыд вожъясыс заводитчöны улiсянь. Сэсся чальясыс öтарö вöснялöны да посняммöны. Пуясылөн кöрт кодь вужъясыс мыччысьöмаöсь мусыс, он вермы керавны черөн ни орöдны пилаөн. Пожöм дiнъясас кырсьыс броня кодь, кыз, сарöга,

сьодовруд рёма. Йывланыс вочасён вёсняммё, ыр-
гён рёмаён лоё.

Татшём латшкёс да вывті пашкыр пожъмъясыс
зумыда таджвидзёны-сулалёны яг дорас, муясыскёд
орччён, кёні тырмёны шонділён югөръясыс, кёні вё-
ляысь ветлөдлө-гуляйтё төв. Найё быттьё видзёны
асланыс паськыд да зумыд морёснаныс бөрвылын-
джык сулалысь ёртъяссё, кодъяслён и пучерыс вёс-
ниджык, и вожъясыс этшаджык, и гум кодъ веськы-
дёсь быдмёны.

Кутшём долыд да кыпыд ягас! Быттьё ыджыд, сё-
мын на мыськём горничаын. Кок улад кос нитш, ед-
жыд яла — небыд джодж вольёс. Юр весьтад дөвк-
нитчём туганъяс йывті шлывгёны то бордъя юсь кодъ,
то летём вурун кодъ кымөръяс. А сынёдыс кутшём!
Лолалан да он и пётлы.

Оз тёдчы некутшём төвру. Оз вөрзы ни ёти по-
жём вож, ни чаль. Но кывзысьыштан кё, пельөдзыд
ясыда воё:

— Ш-ш-ш-ш-ш...

Мый йылысь шөпкөдчёны великан-пожъмъяс?
Гашкё, ошкёны-аттьёалёны да сиёны кузь нэм йёз-
лы, кодъяс уна во чөж пыдди пуктылісны да лелькуйт-
лісны найёс, эз лэдзлыны некодлы кедзовтны. А ко-
лөкё, нимкодясьёны асланыс мичлуннас, гордитчёны,
мый сетёны йёзлы сы ыджыд пөльза, корсюрё отса-
лёны лөнёодны инас өшйывтём ловсё налысь.

Дзик мөд пөлөс тайё ягыс төла дырйи, кор сы
весьтті жвучкёны-төвзёны мый вёсна кё төждысь-
ысь да кытчөкё тэрмасьысь кымөръяс. Синсьёны до-
рын сулалысь пожъмъяслён зумыд вожъяс, гораа
шувгёны туганъяс, отарё дзуртыштлө косьмём пу.

Но быд пөрийё тайё ягыс ас ногыс мича. Эз өд
весьшөрё синнысё моз дөзьөритны сійёс сиктса олысь-
яслён некымын кёлена. Кайлөй яг вылө, кытшовтөй.
И ті онө аддзөй ни ёти мыр, ни ёти керыштём том пу,
ни понөль. А вөвліны өд сьёкыд вояс, кор, шуам, йёз-
лы эз вөв мичлунөдз. Но век жё и сэки эз сюрлы морт,
кодлөн эськё кыптис кыыс сыркнитны-пөрөдны пожём-
сё керка дзоньталём либө пес вылө.

И со ягыс век важ кодъыс вежсьывтём. Сиктын
чужёны, быдмёны, олёны, кулёны, бара чужёны йёз.
А Ягвыв, кызди нимтёны тайё гажа местасё татчөс
войтыр, кольё сэтшөмөн жё.

Сиктын, матигөгөрсa грездъясын абу морт, коді

эськӧ эз бур кывъясӧн казтышт Ягвывсӧ. Ӧтияс бур шойччӧг, мӧдъяс — долыдлун, збодерлун сетӧмысь, коймӧдъяс — дона гобъяс козьналӧмысь.

Кымын радейтчӧм гӧрддзасьліс тані, кымын ныв да зон аддзисны ассьыныс мусаяснысӧ Ягвылын. Комынод воясын том йӧз Ягдорса веж эрд вылӧ сувтӧдлісны качай. Ок и джуджыд. Пӧв вылас ӧтпырийӧн сувтлісны некымын гоз ныла-зонма. Ок и гажӧдчывлісны, асья кыаӧдз.

Со мый вӧсна тані быдмылӧм быд морт ылыс муясысь либӧ уна во чӧж бокин олӧм мысти, гортас воӧм бӧрын, медводз кайлӧ Ягвылӧ да видзаасьӧ сыкӧд. Ӧд тайӧ мян ыджыд да дона Рӧдиналӧн ичӧтик, но сэтшӧм муса юкӧн.

ТОЛЯ ПОЖӦМЪЯС

Тайӧ мылькӧ тӧдӧны оз сӧмын матігӧгӧрса олысьяс, но и ветлысь-мунысьяс. Тыдовтчӧ сійӧ ылысянь, туй чукульсянь. Петас пода, вӧла либӧ машина вӧр ді сайысь, и син водзас сувтӧ джуджыд мусюр, коді быттьӧкӧ ӧшӧдчӧма сикт весьтӧ да стӧрӧж моз видзӧ сылысь лӧня кывтысь олӧмсӧ.

Крут бокшаті вель дыр лӧччӧм бӧрын заводитчӧ нывкӧсін, кӧні лӧсьӧдӧма град йӧръяс. Лӧсьыд местаынӧсь найӧ. Дай киськасьнытӧ ваисла оз ков ылӧдз ветлыны: мыльк горулас, градъяскӧд орччӧн, шор. Кизьӧр эзысьӧн сяльгӧ-визувтӧ нитшсялӧм изъяс вывті. А васӧ босьтнысӧ лӧсьӧдӧмаӧсь торъя йир, код во мӧн шыбитӧма кыз плака. Сы вывсянь и гумласьӧны. Матын куткырвидзӧны ӧта-мӧд бердас ляскысьӧм пывсянъяс. Пывсьысьяслы, торийӧн нин нывбабаяслы, зэв кивыв. Ломтыштас гор, пӧдлалас. Сэсся кор лоӧ жар, чукӧстас небзьӧдны лысьӧмсӧ ассьыс суседкасӧ. Делӧыд водзӧса. Мӧд лун корасны и сійӧс. А кутшӧм нывбаба нӧ вермас пыксьыны орччӧн олыськӧд пывсьӧмысь? Сэні ӧд быттьӧ клуб, весиг корӧсь йывсьыс вунӧдласны, ӧддзасны сёрнитны да.

Ӧні тайӧ ыджыд сиктас, кызди и уналаын, эм коммунальнӧй пывсян, но велалӧм мортыд оз веж сійӧс асласкӧд. Кос жара ас пывсяныд веськӧдӧ мудзтӧ, бурдӧдӧ уна нӧрпалӧмъясысь, кыммӧмъясысь шонтӧ. И сьӧлӧмыд сэтшӧма бурмылӧ, кор воськовтан пӧжӧм корӧсь кӧра ымралысь шоныдас...

Қарамыльк увса шорсө уналаті вевттьоны ловпу-яслөн веж коръяса да рөшкыд вожъяса юръясыс, кодъясөс водз асывъясын ыркөдө шорысь да сёртасысь кыптөм улльөв кодь ру, луннас малалө-сыналө аслас югөръяснас шонді, кадысь кадө мыскө шоныд зэр. Водз тулысын тані челядълөн радейтана места. Қымын пөлөс чипсанъяс вөчавлөны найө ловпу вожъясысь. А сэссия ямас ваис да, кыйөны изъяс улысь не-ыджыд нильөг налимъясөс.

Но пөжалуй медся уна йөза овлө Қарамылькйын төлын. Кор усяс лым, эшкынөн вевттьяс став гуранъяс да весиг ляпкыдик потшөс праслаяс. Первой кыпөдчөны мыльк йылө медся смел да удал исласьысьяс. Найө пискөдөны медводдза лызнича, сійө вурыштө-поткөдө Қарамыльклысь вөрзбөдлытөм на эрдсө кык пельө. Татшөмъясыс исковтөны первойысь став школа син водзын, лооны быттьө геройясөн. Сэссия мыльк вылө кайөны пыр унджыкөн и унджыкөн. А вежон мысти креж бокас лымйыс пөшти оз коль, уна сө лыжи улын сійө топыда южмө.

Крут бокша горулын, ньывкөсінас, көні лым улын куйлөны градъяс, зумыда сулалөны кык пу, дзик орчөн. Войнаөдз на найөс нимтылісны Толя пожөмъясөн. Вөвлі бур лыжник. Сійө өтнас лысьтліс исковтны кык неыджыд пожөм косттыс. Абу шутка. Ньөв моз лэбысь лыжник исковтө веськыда пуяс вылө, вот-вот люкасяс, дрөбитас лысьөмсө. И друг сійө швичнитө пуяс костті. Оз быдөн вермы видзөднысө татшөмыд вылө, непөштө исковтны.

Важөн нин оз ислав некод Қарамылькті, важөн пунктіс юрсө лыжник Толя көнкө Ленинград дорын фашистъяскөд тышкасигөн, а вот пуясыслы нимыс коліс — Толя пожөмъяс. Сөмын, дерт, найө өні ыджыдөсь нин.

Бур сьөлөма морт вөчөма татчө лабич. Ордым кузя восьлалысь морт вермас шойччыштны ыркыд вуджөрын. И, дерт жө, сылы усьө дум вылас, мыйла тадзи нимтөмаөсь двөйни кодь пожөм-вокъясөс.

ПРОКӨ ШОР

Төлын сійө оз тыдав, дзевсьөма йи куд улө, вевттьысьөма кыз лым эшкынөн. Шоныд, майбырөй, сәні, оз ков повны трачкакылысь көдзыдысь, кор резыгө-

ны-потласьоны пуяс, ни скора швичкысь вой тӧлысь. Со тонӧ, ӧтилаын, лымйыс виждыштӧма кыпӧдчысь шоньд руысь. Копыртчылӧй сы весьтӧ и тӧян пельӧдз воас гусьӧникӧн сӧльгыштӧм шы. Тыдалӧ, танӧ вузув места, йиыс абу удитӧма арнас пырсӧ дорны, а сӧсса вевтьӧма лым. Со и дзольгӧ шорыс.

А волӧй татчӧ тулыснас. Тӧ нинӧм вылӧ он тӧдӧй сӧйӧс, ньӧти абу Прокӧ шор кодъ. Мӧдан матыстчыны Сотчӧмвывладорсянь да, ок ылысянь на кылан сылысь зыксӧ да шумсӧ, аслысногӧн горалӧмсӧ-бузгӧмсӧ. Быд воськолӧн содӧ и содӧ киссьысь валӧн шыалӧмыс, со нин сӧйӧ венӧ мортлысь гӧлӧссӧ. Лоӧ гораа шуавны, мыйкӧ кӧсьян кӧ висьтавны ӧртыдлы.

А кутшӧм вышитчысь да тшап лоӧма! Видлы пӧ ӧнӧ воськовтнытӧ ме вомӧн, петкӧдла пӧ тӧныд гаж, сюрлан кӧ менам кабырӧ. Сылысь лым ваис быдла-сянь воӧ шор сьӧртас, оз тӧр сэтчӧ, ойдӧдӧ берегъ-яссӧ пыр ылӧджык и ылӧджык. Со нин келӧмны сэтчӧ да мыскӧны ассыныс вожъяснысӧ тусяпуяс, бадьяс, посни понӧльяс. А со путкылялӧ ляпкыдӧнын да бергӧдлӧ вабергачын кыськӧ нетшыштӧм вужля.

Сы пыдди сэтшӧм шаньӧн, мелӧн да йӧз вӧсна тӧждысьысьӧн лоӧ Прокӧ шор гожӧмын.

Жар, дӧрӧмыд сибдӧ яй бердад. Синмад веськалӧ курыд ньылӧм. Кокъясыд ӧдва нин восьлалӧны уна километр мунӧм бӧрын, сьӧкыд пестер синӧ мыштӧ. Абу зӧв кыпид лов вылад. И друг быттьӧ мыйкӧ вежсис. Ӗвтыштіс васӧд ру, жарыс лоис небыдджык, терпитанаджык. Қымын увланьджык лӧччӧ ордымыс, сымын долыдджык лоӧ сьӧлӧм вылад, кыпыдджыка заводитӧ ветлыны лолыд, весиг он нин кыв ноплысь сьӧктасӧ. А быттьӧ чугунӧ пырлӧм кокъясыд кокням-мӧны, пелькаммӧны, мӧдӧны збодерджыка вӧрны. Тайӧ содтӧд вынсӧ сетӧ кӧнкӧ керӧс горулын дзольгысь шор, кодлӧн горалӧмыс воис нин тӧнад пельӧдз. А со и ачыс сӧйӧ. Енӧжлӧн кельыдлӧз синъясӧн видзӧдӧ тӧ вылӧ, ыркӧдӧ васӧд лов шынас ньылӧдӧмла зӧлитысь чужӧмтӧ, сьылӧтӧ. А кутшӧм окотапырысь веськӧдӧ сӧйӧ горшкӧ аслас кӧдзыд да эзысь кодъ сӧстӧм ванас. На пӧ, пӧльзуйтчы менам лышкыдлунӧн.

Дзольгӧ изъяс вывтӧ Прокӧ шор, сӧсса корсюрӧ вочасӧн паськавлӧ да пӧрлӧ сӧдз стеклӧ кодъ веркӧса йирӧ, кытчӧ баситчигмозыс видзӧдӧны зеркалӧ

весьтö моз öшйöм веж бадь кустъяс да шпорöдчысь коръяса ловпуяс.

Энлив, энлив... Веркöсыс гызьыштліс, паськалісны рöвнöй кытшъяс, кодкö быттö йирас шыбитіс изтор. Тайö ворсöдчö посни чери. Сёр тулысын да водз гожöмын челядь оз сöмын вöчавны чипсанъяс, тюрзанъяс, мича сера бедьяс, но и вуграсьöны. Ок лöсьыд налы тані. Оз öд весьшөрö тайö шорыс, сылön йирьясыс, берегъяс пöлön быдмысь дзоридзьяс, кустъяс да пуяс нэм кежлас мөрччыны налön паметьö.

ЛЫАДОРСА КУРЪЯ

Öні, уна во мысти, тайö лыа кöсаыс да сэтчöс курьяыс неуна вежсьыштісны нин: Эжва вöчö ассьыс удж. Кырöдö берегъяс, мыськö лыа юръяс, а мöдлаö пукталö вайöмторсö, вöчалö выль діяс, коджъяс. Тайö кöсаыс уна во чöжön лэччыштіс жö увлань, нюжаліс, а курьяыс лоис ляпкыдджык да кузьмöсджык.

Ок, и гажаин тані! Эжвалön берегын ышлолалö-олö сöстöм горнича кодь пожöма яг. Бужöдас лыаыс да каржаыс некымын слöя, тшупöдъясön лэччö увлань да сэсся нывкöса сöльнитчö-öтлаасьö гырысь лапкоръясön вевттысьсöм, бадьясön тырны заводитöм лыакöд. Бужöд стенъясын то öтилаын, то мöдлаын чурвидзöны пуяслön чегъясьсöм да оръясьсöм вужъяс, а на костын горсъяс моз съöдалöны джыдж позьясö пыран розьяс. Ок, мудерöсь тайö лэбачьясыс, поздысьсöмаöсь сэтшöминö, мый он вермы сибöдчыны ни улісянь, ни вылісянь. Горсъясыс джуджыд бужöд шөрвыяс кымын. Кымын челядь син вежалöмön колльöдліс видзöдласнас нейджыд збодер лэбачьясöс, кодъяс съöd ньöв моз тэрыба, некутшöм шытöг вошывлісны бужöд стенö писькöдöм горсьö. А недыр мысти бөр мыччысьлісны сэтысь да заводитлісны вöтлысьны гут-гаг бөрся.

А кайыштанныд кö ылöджык берег кузяыс, воаныд ещö на шензьöдана местаö. Тан бужöдыс неуна кырыштöма, пырöдчöма берегас, артмöдöма нейджыд залив кодьöс, кöні уна во чöж гöгралö вабергач. Мыйсö сöмын абу чукөртöма вабергачыс: чаг да лöп, тьöс помьяс, чуркаяс, мыръяс, коръя пу вожъяс. А быгйыс, быгйыс! Быттö сур тыра ыджыд яндöваын. И ставыс тайö бергалö, гöгралö, кытшлалö, шöрас артмöм воронка гöгөр. Со кывтö ю веркöсті доза

ыджыд кер. Визулыс, а гашкө и төлыс неуна жмитыштисны берегань. Сийө веськаліс вабергачлөн вын улө, эз кут кывтны, сулалыштіс, быттьө падьяліс да мөвпаліс, мый вөчны. А сэсса ньөжйөнник мөдіс визулыслы виджадөн вабергачлань. Өтарө өддзис. Со нин кватитіс керсө тыдавтөм вын да мөдіс катны визув паньд. Вочасөн чорыджыка и чорыджыка кабыртіс сийөс вабергач да мөдіс бергөдлыны өдйөджык и өдйөджык. Быд кытшөн матыстчис шөрланьыс, көні шыаліс ыджыд воронка. Ещө здук, и керйыс воши, вабергачыс гулькнитіс-нылыштіс, сөмын качлөм помыс тыдовтчыліс.

А вылынджык, лыа көса помын, ыджыд курья. Кымын бур кыв шуөма татчөс олысьяслөн сы йылысь. И не сөмын сы ради, мый кыз ньылөма страда луньясө турун пуктысьяс ыркөдчөны да купайтчөны сәні. Тайө курьяыс вердө да удө йөзөс свежөй чериөн. И оз сөмын найөс, кодьяс нималөны чери кыйны сямьсьясөн, а быдөнөс, коді көсийө чөсмасьыштны свежөй юкваөн. Чукөстас суседка пөдругасө тывьясьыштны. Вуджаласны курьяө кокньыдик пипу пыжөн, босьтасны өктысьны тшөтш челядьөс. Чөвтласны некымын төня, вом көртө вежанторйыд дась, оз ков мужичөй ки ни сям. Дерт, эз вөвны пайтөм Макарьясөн и мужик рөд — зонпоснияс, верстьөяс и пөрысьяс, кодьяс радейтлісны коллявны рытсөрсө, водз асывсө, а то и сьөд войсө гажа курья дорын. Кымын бипур адзывлан татысь, кодьяс рытьяснас да войяснас кодзувьяс моз разөдөны ва веркөс весьтас өшйөм сьөд ной кодь пемыдсө.

Тайө лыа көса вылас гырысь бадьяс костас быдмө небыд да кузь турун. Шыбитчан муас, быттьө гөн вольпасьө вөян. Ыркыд. Жар шондысь сайөдөны бадьяс. И төла дырйи лөнь. Бадь пуяс асланыс морөсөн стен моз кутөны төвсө, кылө сөмын веж корьяслөн кыпыд да тэрыб сөрниыс. Тайө лыа көсаыс сиктса уна олысьлөн лоис радейтана да мелі кывьясөн казгылан местаөн. И не сөмын чери кыйысьяслөн. Вермыліс өмөй коркө да көнкө лоны тыр гаж, кыптыліс өмөй морөсад помтөм долыдлун, эз вө кывлыны матігөгөрын нывьяслөн асья кыа кодь сөдз гөлөсьяс.

Со татшөм гажаөсь да мусаөсь местаясыс менам чужанінлөн. Да сөмын өмөй менамлөн? Абу өмөй кыпыд да гажа сөдз ваа юясө видзөдчысь быд коми сиктын?

ВЕТЛОЙ ВИДЗОДЛОЙ

Мый сөмын да кодос сөмын эз аддзывны тайо местаясы! А ставсыс мыжа сылөн мичлуныс, кыпыдлуныс, сөстөм да пөжөм сир дука, а гожомнас и дзоридзьяслөн, веж турунлөн, лыа көса вылын гыалысь веж бадьяслөн неуна быттьо юмов көра сынөдыс, коді киссьо тэ пытшкө выль вынъяс да эбос сетысь улльөв моз жө. Нимкодълун, долыдлун да збодерлун тайо местаясыс өткодя сетöны төлын көть гожөмын, тулысын көть арын. Найо бурдөдоны сьөлөм дой, лөнөдөны места вылө инасьтөм лов, такөдоны ышмысь оласног, нө сэк жө и ышөдоны вöчны кутшөмкө бур да коланатор, сетöны та вылө содтөд көсийөм, зильөм да эскөм.

Со мыйла тайо местаясас радейтлісны воливлыны да зильлісны веськавны йөзыс не сөмын Коми му пасьталысь, но и орчча областьясысь. Татысь позис аддзыны любөй арлыда, любөй профессияа мортос. И на пиысь эз вөв сэтшөм, коді эськө мөвпнас эз аттьөавлы татчөс вөр-васө, ывла вывсө, сөстөм горнича кодь гулыд пожөм ягсө, паськыд лыасө, берег пөлөн лышкыда шевкнитчөм видзьяссө.

Өні тані лөнь. Пөшти эз на вөрзъыв лым эшкынлөн кызтаыс, сөмын тай сійө лоис топыдджык, чорыдджык. Видзөдлан веркөсас да синтө доймымөн ёрыштöны кодзыд дзирдъяс, быттьо кодкө еджыд веркөсас шыблалөма посниа нырөм хрусталь да клянича торъяс. Татшөм жө дзирдалысь еджыд шапкаясөн вевттысьсөмаөсь сись кодь веськыд пожөмъяс. Сулалöны чөла, оз вөрзъыштны весиг төв пөльыштлөм бөрын. Быттьокө налы абу окота кивыль керны. Мөд делө лым сылөм бөрын. Сэки найо варовөсь да збодерөсь. То кутчысьлөны шоньд тувсов төвкөд, то мысьсөны зэр улын, то вензьöны улө өшйөм кымөръяскөд. Весиг гожся шондіа лунө, кор оз тыдав кымөр чир, оз пөльышт төвру, сувтлыштлөй да кывзысьыштөй. Сэки кылас пожөмъяслөн шөпкөдчөмыс. Өти сутш оз овны чөв, ышмылөны, вунөдлөны асланыс төвся оласног йывсыс. Сэтшөмөсь кө пуяс, мый и сөрнитнысө йөз йылысь. На пиысь унаөн, кызди казтыштлім нин, воливлөны татчө колявны прөст кад, шойччыштны. Эн сералөй, ми эг ылалөй, буретш дурыштны да ышмыштны, тешитыштны асьыныс окоталунсө, иславны

лыжион, вуграсьны, вотчины, купайтчины, прѣсто гу-
лайтыштны.

Татчѣ воѣм да недыр олыштѣм бѣрын и серьезной
да гырысь йѣз пѣрлѣны челядь руаѣ.

Кыр горувса курьяѣд, кодѣс нимтѣны чери амба-
рѣн, катѣ юсь кодѣ еджыд катер. Ещѣ неуна, и воас
чача кодѣ мича да кыпыд керка, кодѣ ѣдва тыдалѣ
пожѣмьяс да кустьяс сайысь. Сы весьтѣ и колѣ чеч-
чыны катерѣн воысьяслы. Но друг... Туйсѣ вомѣналіс
курья вомѣн нюжѣдѣм ѣти рада керьясысь вѣчѣм
бона. Моторист надзмѣдіс ѣдсѣ, тыдалѣ, эз тѣд мый
вѣчны. Сѣки чеччыштѣс местасыс палуба вылын пу-
калысь ыджыд морт да горѣдіс:

— Давай бона вомѣныс!

Со ѣд кызди овлѣ. И сыысь мортсѣ мыжавны оз
позь, дай оз ков. Эг весьшѣрѣ казътыштлиѣй, мый тайѣ
местаясас веськалѣм, сѣтчѣс сынѣдѣн лолалыштѣм
мысти морт дзикѣдз вежсьѣ. Бур, мый моторист эз
кывзысь пожѣм ягѣ тѣрмасысь мортлысь, а то эськѣ
вермис жугѣдны машинасѣ.

Со либѣ ещѣ ѣти серпас. Паськыда нималысь да
пыдди пуктана морт вуджавліс и мѣдлапѣлѣ, ыджыд
тыысь петысь вис дорѣ. И сѣки кыркѣтш улын ылыс
кодзув моз войбыд ломалѣс бипур. Сійѣ спасайтлис
свежѣй чери радейтысьѣс номйысь да ѣвадысь. А ас-
ывнас ошйысьліс кыйдѣсѣн, кѣть эськѣ некод эз ад-
дзыв сылысь чери вайѣм ни эз кывлы вежѣссыс све-
жѣй юква дук, ог нин сѣрнитѣй кѣр йылысь. Но зато
татшѣм войяс бѣрас сылысь позис кывзыны сѣлѣм-
тѣ вѣрзьѣдысь выль кывбурьяс. Со кутшѣма вежсьыв-
лѣ танѣ мортыд. Эн нюмьялѣй, воланныд кѣ сѣтчѣ и
тѣянкѣд вермас лоны тадзи жѣ.

Да, мыйыс сѣмын танѣ эз овлы, кутшѣм йѣзѣс сѣ-
мын эз аддзывны крут кыркѣтша татчѣс берегьяс,
изумруд ковѣр кодѣ видзьяс, небыд нитш вольѣса
ягьяс. И на пиысь быдѣн нуисны памятѣс уна казъ-
тылѣмьяс. Ѵдвакѣ ми ѣшыбитчим. Сѣмын ключыс
мый сулалѣ. Сійѣ нималѣ республика пасьята — рай-
оньясын, посѣлокьясын, сиктѣясын. Ѵдвакѣ татчѣ во-
лысьяс пиысь сюрас морт, кодѣ эз юлы сѣтысь сѣдз,
сѣстѣм да пиньтѣ доймытѣдз кынтысь чѣскыд васѣ.
Татчѣ воѣм мысти медводз мунѣны чолѣмасыны
ключкѣд, кодѣ петѣ кыркѣтш пѣтшваысь, ягсѣ кык
пельѣ юковтысь шорысь неуна улысьджык. А гортѣ
мѣдѣдчѣм бѣрын бара жѣ воѣны татчѣ, прѣщайтчѣны,

юоны, ыркөдчөны-мыссыоны. Сэсся өд өдвакө кыськө сюрлас татшөм чөскыд да пөтөса ваыс. Оз вөд весьшөрө ключса васө ваявны татчөс быд керкаө. И не сөмын керкаө. Сийө больскөдчө вотчысыяслөн флягасын, руалө чери кыйысыяслөн бипурвесьтса пөртъасын, оз лэдз косьмыны видз вылысь вайөм да дозъясө пуктөм дзоридзьяяслы. И тайө абу на ставыс. Торйөн нин коланаөн, донаөн да весиг мусаөн кажитчө ключыс жар луно доналөм лыа вылын гожьялигөн, парма-ягті собалигөн.

Эг висьтав тайө местаясылысь нимсө, асьныд ветлөй видзөдлөй, кутшөм мичаөсь найө. Сэсся небось мөдлаө шойчынытө он нин муной.

ТӨВСЯ МОЙД

Коми крайын веж морозъяс. Прилузскөй районса Волосница юсянь да Печорскөй мореөдз, дзор Уралсянь да Вашка юөдз плавгысьөма-усьөма кыз лым эшкын. Еджыд көч гөн шапкаөн вевттьысьөмаөсь грездъясса керкаяс. Асывъяснас трубаясысь лөз енэжө сюръяясөн кайө тшын. Быттьокө грездыс өшиөма на вылө. А кодкө кө ородас тшын гезъяссө, то грездыс, кажитчө, бускысьө-вөйө лымъяс.

Чөв-лөнь пармаын. Кыз гыөр пась да сьөкыд тукта шапкаяс видзөны сийөс көдзыдысь. Шыч ни рач. Но мый тайө? Көнкө кылө лямбаөн шалсийөм шы. Первойсө өдва воө пельөдзыд, а сэсся пыр матысмө и матысмө. Тайө кыйсысь петө вөрысь гортас. Со и помаис пармалөн стен, нөбөдөм эрд вылын часөвөйяс моз сулалөны өтка пожөмъяс, козъяс, кыздыяс. А сэні, вель ылын, тыдалөны нин чужан сиктса керкаяс. Нимкодъ исковтны пармаын вөралөм бөрын южмөм лямба туйөд гортлань, көні тэнө виччысьө шоныд керка, дзужгысь самөвар, небыд вольпась. Көть и мудзыд и лаз нопъяд нин оз төр, но кокъясыд сымын өддзөны, кымын матынджык гортыд. А көдзыдыд вөр-ва радейтысыяслы веськодъ, весиг кивыв на: он нин, майбыр, көтась, пуяс вылысь гылалысь туктаяс сямунөны пельпом вывтйыд.

Но, пөжалуй, медся ёна велалөмаөсь көдзыдыяс да турөбъяс дорө көр видзысыяс. Гөжөмнас найө видзисны ассыныс стадаяссө пом ни дор шевкнитчөм ота Вой море дорын, а сэсся көръяслысь юръяс-

сö бергöдiсны пармалань, гортлань. Кузь арбыд кыс-
сисны аргыштъяс öти сулаланiнсянь мöдöдз. И со во-
часöн заводитчис парма. Первойсö öтка пуяс, быттö
дозорнöйяс; сэсся чукöра пожöмъяс, козъяс. Лунысь-
лун вөр сукмис, вöрсяммис, лунысь-лун стадаяс пись-
кöдчисны парма сьöлöмланы, кöни оз ков повны лёк
турöбъясысь ни бушковъясысь.

Нейджыд кушин. Чомйын яра ломтысьö кöрт пач.
Танi шойчöны пастукъяс. Но тасянь абу ылын и гор-
тöдз, Изьва, Печора да Уса юяс бокö паськöдчöм
сиктъясöдз. Көр видзысьяс прöст кадö вермöны вет-
лыны сэтчö, медым аддзысьлыны интернатын олысь
челядькöд, рöдвужкöд, тöдсаяскöд, варовитыштны на-
кöд чай юиг да айбарчасигмоз. Кадыс тэрмöдлö...
Нöшта вежон-мöд и ковмас сюртны чомъяс, лöсьöдны
аргыштъяс, вөрзьöдны стадаяс лөнъ пармаысь тунд-
раö. И бара аддзысьлытöдз, парма, аддзысьлытöдз,
чужан сикт, локтан воöдз!

ВОИС ГОЖÖМ

Гожöм. Кодлы абу муса тайö кадыс! Дерт, волөн
быд пöра, быд юкөн коланаöсь мортлы. Арын мöвпа-
лан льöм пу дзоридз кодъ тулысь йылысь, пельтö чиш-
калысь кöдзыд поводдяö частö усьлывлö дум вылад
гожся шондi улын доналöм лыа кöса, кытi öдва вер-
ман вуджны кöмтöм кокөн. Мыськöм горнича кодъ ту-
лысны син водзад частö сувтлöны гыалысь море кодъ
кисьмöм рудзöг му, кельдöдыштны заводитöм коръ-
яса расъясысь да гулыд ягъясысь зумыд кокъяс гобъ-
яс, вомтö чöсмöдлысь вотöс, гожöмын окота лолö сувт-
лыны лыжи вылö да тövзыштны-исковтны крут креж
йывсянь веськыда Эжвалөн лымъя веркöсö. Мый вö-
чан, сэтшöмöсь нин ми, волөн быд кад мянлы муса,
дона да колана, волөн быд тöлысь, вежон да лун ас-
лас местаас.

Со и таво воис гожöм. Дерт, сийö абу век мелi да
шоньд видзöдласа, но нинöмтор он кер. И татшöмыс
мянлы муса.

Видзöдлöй вөр стен вылö, сийö абу нин водз тулыс-
сын кодъ öткодъ нюдзвиж, лöма быттö югыдджык,
мичаджык, кöнсюрö тöдчöны кельдывиж рöмъяс,
быттö кодкö нимöдчылöма акварельнöй краскaөн.
Тайö паськöдöны ассыныс коръяснысö кызъяс, пи-
пуяс, пелысьяс, льöмъяс, быдсяма кустъяс.

Видзёдлөй өшинь улад мыччысьом вежөд вылө. Онi сийө оз нин нюжөдчы вывлань полiгтырйи, бытьө көдзыдлөн төдлытөг кучкөмысь видзчысигтырйи, а быдмө, сөвмө да быд час пөльтиө выль вынъясөн, кодъясөс шаньмөм мам-муыс сетө ньоти жалиттөг.

А петалөй паськыд ыбъяс вылө. Бура вынсь-өдөм да небзьөдөм муяс вылын пуритө-быдмө өзим. Местаясөн сийө веж, а көнсюрө гыалө рөмөн, татчө ёнджыка инмылөмаөсь удобрениеяс. Ышлолыштас төв, и ыбвывса помтөм-дортөм тайө саридзыс вевт-тысьлө еджговлөз да изумрудной гыясөн. Верман өмөй веськодя видзөдны татшөм серпас вылас, тор-йөн нин сэки, кор тайө саридзсө вөчин аслад киясөн, сямөн да зильлунөн, уджалін рудзпеттөдз во гөгөр чөж муяс да видзяс вылын, мастерскөйясын да складъясын. Долад татшөм кадас сьөлөм вылас сиктса олысьлөн, өд сийөс виччысьө мянөс вердысьыс да удысьыс — му... Сиктса войтыр нуөдисны и водзө вөчөны муывса уджъяс, пунктөны озыр урожайлы зумыд подув. Татшөм долад да зиль уджлы оз вермы мешайтны некутшөм лөк поводдя.

Сэсся өд быдөнлөн аслас урчитөм кад. Ывла выв, мянөс кытшалысь вөр-ва босьтасны жө ассьыныс пайнысө. Со нин төлыс бергөдчис, пөлыштіс рытив-лунладорсянь. Сийө, төдөмысь, ваяс лунвывлысь ловшысө. Разаласны уліті кыссьысь летөм вурун пластьяс кодь кымөръяс, и нимкодя нюмъөвтас ассьыс югөръяссө койысь шонді. Өд гожөмыс заводитчис нин.

Колис кадыс вижьюръяслөн, кодъяс войвылын дзоридзалөны пөшти медся водз. Прөйдитас неуна кад, и мича вежөдысь увтас местаясын, джуджыд да паськыд сөнъясын бияс моз ыпнитасны-өзъясны купальничаяслөн зарни юръясыс. Прөйдитан сәті, кокъясыд пидзөсөдзыд пудритчасны виж пызь кодьөн. А көрыс да дукуыс кутшөм сәтшөм местаясас, тайөс оз позь висьтавны кывйөн ни гижны перөөн. Медым гөгөрвоны урчитөм серпасыслысь мичлунсө, медым кывны сылысь сук чөскыд дуксө, колө волены татшөм купальничаинас да пөттөдзыд нимкодясьны, кодззытөдзыд тыр морөснад апавны сәтысь сынөдсө.

Эз өд весьшөрө важ йөз кылыны купальничаысь зарни венөк да мичмөдлыны сийөн аслас мусаыслысь юрсө, эз өд весьшөрө тайө дзоридзыс вөвлы нывъяслөн гадайтчанторйөн.

Воис гожём. Отарё югыдджыкось лооны войяс. Татшём кадас пемыдсё шоча и аддзывлан, не кō артавны кымōра букуш часъяс. Оз узъсы татшём войясас томъяслы ни пōрысьяслы. Қымын мича серпас, олōмысь шуда здук, некор вунōдлытōм час вайōны татшём югыд войясыс том йōзлы, радейтысь нывъяслы да зонъяслы... Қымын казтылōмъяс кыпōдōны найō олōма да пōрысьмōм нин паметъясын. Ок, ок, ок, дай шондібанōй, югыд войясōй.

А найō воисны нин. Сōмын тай корсюрō мешайтыштō кымōра да ыркыд поводдя празникōс моз колльōднысō найōс.

Видзōдлōй Эжва, Сыктыв, Емва либō Печора вылō. Гожём, а найō эз на пырны асланыс берегъясō, муткыртōны-нуōны ассыныс ваяснысō войыв саридзлань, кылōдōны мыш вылас пуръяс, теплоходъяс, катеръяс, отсалōны волысьны разнōй сиктъясын да грездъясын олысьяслы, отувтны найōс быттō ъти котырō, ъти семьяō, кодī олō аслас чужан му вōсна тōждлунōн, сылысь выниōрсō, эбōссō содтōм йылысь мōвпъясōн.

МЕДВОДДЗА ГОЖОМ

Шойччан луно таво первойысь кылім гымыштōм. Отчыд и муркнитліс. Дженъыдика. Быттōкō кōрт листысь вōчōм керка вевт вылō усины гырысь, но эз вывті чорыдторъяс. Шыалис эз пельтō чунōдана, горыс кыліс быттō кыськō пыдысь, му пытшкысь. Қодсюрō, дерт, эз и гōгōрволыны, мый тайō гым. Шензыны оз ков: карса уличаясын дугдывтōг сыркакылōны да йиркōны сьōкыд машинаяс.

Но тайō кыліс збылысь первойысь гымыштōм, кōть и кымōръясыс быттō ёнасō эз тыдавны. Қытсюрō вōлі шондīа. Весиг Максаковка дорсянь матыстчысь зэрлōн стенаыс Қōджпон сикт вуджōм бōрын зарниасис шондī югōръяс улын. Зэрис эз крута, ведра дорысь моз, а некутшōм зыктōг да шумтōг, ньōжйōник, небыдика, весиг гōпъясын эз тōдчыны ваболяс. Татшōмторсō рочъяс шуōны тшак быдтысь зэрōн, а коми сиктъясын — кулōмаяслы козинōн.

Оз отмоза мун гымалōм-чардалōм. Торйōн нин мича да повзьōдмōн вына сылōн серпасыс сэки, кор колян ывла вылыскōд кыкōн син на син.

Со серпастор. Асывсяньыс пѳжис. Енэжыс дон. Кымын содѳ жарыс, сымын ѳнджыка пѳдѳстѳм енэжыс воштѳ ассыс кельыдлѳз рѳмсѳ, вочасѳн лоѳ еджговѳн. Быттѳ небесаас кодкѳ кисьтыштѳс ѳѳвтор да гудралѳс.

Сэсса лун шѳр гѳгѳрын рытив-лунвивсянь тыдовтчисны быттѳ места вылас кымѳм еджыд кымѳрѳяс. Вочасѳн лыдыс содѳс, найѳ паськалісны пыр водзѳ и водзѳ. Со нин босьтѳсны енэжлысь ставнас рытив-вой пельѳссѳ.

А сэсса и юра кымѳрѳяс мыччисысны. Шонділадо-рыс налѳн еджыд, сѳстѳм вата кодѳ. А кытчѳ оз инмыны югѳрѳясыс — рѳмыдруд рѳмаѳсь. Найѳ нѳѳжѳѳникѳн пемдѳсны и пемдѳсны, а сэсса лѳзовтѳсны, кытсюрѳ весиг фиолетѳвѳѳѳн лоисны. Кымѳрѳяс вевттисны нин енэж джынсѳ, локтѳсны кыз лѳдзьясѳн. Кыпѳдчыштѳс тѳв. Негораа шыасисны верѳтявивса расѳяс, ыджыда ышловзис вель ылын сулалысь яг да мѳдѳс шенасыны-ѳвтчыны лыс лапѳяснас.

И друг кѳнкѳ муркнитѳс, быттѳ векныдык пу пос вомѳн телега гурѳбтѳс. И кыскѳ нетшыштчис тѳв ныр, руз-разкерис сѳмын на вѳчѳм да пуксьытѳм турун юрѳяс, ылѳдз синѳс увтас местаясын быдмысь бадѳяс, кыпѳдѳс ыджыд зык раскын, нем жалиттѳг мовкѳѳдліс верѳтяяс вылын быдмысь пашкыр пожѳмѳяслысь вына вожѳяссѳ.

Ывлаын рѳмдѳс. Енэжсѳ юковтѳс лѳзов биа чард. И пыр жѳ резѳѳбтѳс, мый вынсьыс гымыштѳс, быттѳ кымѳрѳясыс гургысисны видз вылас. Усисны чорыд зѳр войтѳяс. И пыр жѳ ыджыд горѳн ызѳбтѳс зѳр, валѳн руд стеныс сайѳдѳс яг, расѳяс, торѳя пуяс. Син лапнитѳгкостѳ кѳтасис паськѳм, кокѳяс лоисны ваын. А зѳрыс кѳссис и кѳссис. Дугдывтѳг востымасис енэжыс орѳявлытѳм чардалѳмысь, сыркакыліс муыс гымысь.

И со зѳр лѳнис.

Кымѳрѳяс быттѳ абу и вѳвлѳмаѳсь. На ѳылысь казьтылісны кѳтасѳѳм видз, войтваѳн мыссьысь пуяс, кустьяс, дзоридзьяс. Лѳнисны рас и яг. Ывлаыс кыпыда да джуджыда лолалѳс сѳстѳма мыськѳм морѳснас, код вылѳ долыда видзѳдѳс нюмсѳрмунѳм гожся шондѳ.

ГЫЛАЛӨНҮ КОРЪЯС

И со бара гылалөны коръяс — кельдвигжось, югдвигжось, гөрдось, пемыдгөрдось. А кодсюрө абу на удитөмаось вежны гажся рөмсө. Вольсассьоны кок улад джодждөра моз, и көть эськө оз на сисьмыны, наысь быттьө өвтө нин небыдик уль дукөн. Прөйдитас вежон-мөд, и коръя пуяслөн куш вожъясыс кутасны мыджны енэжсө. Восьлалан аллеястї, видзөдан вочасөн бырысь гожся мичлун вылө, и сьөлөмад кыптө норлун. Норлун сыысь. мый сад регыд тыртөммас.

Қарса садыс тайө абу на пөрысь: топольяс да кызьяс том ичмоньяс кодь статяось да веськыдось. Қөть сылөн арлыдыс абу ыджыд, но аддзыліс унатор.

Со видзөдлы этийө гырысь топольяс вылас, кодьяслөн кырсьыс быттьө броня. А паськыда шевкнитчөм вожъясыс дасьөсь крукавны төвзысь кымөръяссө. Найөс садитлөмаось важөн нин. Вермисны кө сёрнитны, висьталісны политссылнөяс йылысь, кодьяс шонді лэччандор частө волевлісны тайө мича кыр йылас, медем нимкодьясны мөдлапөвса вөр-ваён, нюдзвиг видзьясөн, ылын тыдалысь ягөн, медем тыр морөсөн лолалыштны васөд сынөдөн. И татшөм здукьясас налы, дерт жө, усьлісны дум выланыс местаяс, карьяс, заводьяс да фабрикаяс, көні важ мозыс нуөдісны революционнөй удж вөля вылө кольөм налөн ёртъясыс. И, дерт жө, на пиысь уналөн сьөлөмъясыс тырлісны выль ыджыд надеяөн, найө аддзисны мөвпнас тайө крут кыр йывсянныс асыввылын кыпөдчысь югыд кыасө.

Тайө пөрысь топольясыс аддзылісны и царлы паныд гижөм листовкаяслысь собор көлөкөльня вывсянь йөз пөвстө лэбзьөмсө, кывлісны горөдөвөйяслысь тюрзөмсө, налысь сьөкыд да гора кок шыяссө...

Тополь корьяслысь кышөдчөмсө эз өтчыд кывлы и Нёбдинса Виктор, кор, мөвпъясө вөйтчөмөн, дыр пукавліс на улын, лөсьөдліс юрас выль поэмаяслысь, кывбурьяслысь панасьяс, сьыланкывъясысь мыла горсө. Сы вежөрын сувтлісны талунъя Сыктывкарлөн мича олөм йылысь серпасьяс — гораа грымгысь поездыас, сөвмысь да паськалысь промышленность, совхозьяслөн паськыд муяс вылын гыалысь нянь, веж пөскөтинаясын йирсьысь, уна йөла стадаяс. А өні миянөс татшөм серпасьяснад он нин шензьөд, найө быд лунъятор. Ми сэтшөма велалім көрт туй вокзал-

лөн джуджыд шпиль, аэровокзаллөн югыд залъяс, Эжвинской ТЭЦ-лөн тшынасьысь трубаяс, телевизионной ажурной башня либõ элеваторлөн стрõг руд стенъяс дорõ, мый чайтсьõ: найõ быттьõкõ нэмсõ сулавлисны тани.

А вот ичмонь кодъ статья этайõ кызъяссыс помнитõны комынõд воясья комсомолецъяслысь уджалõмысла чорзьõм киясõн мелиа инмõдчылõмсõ. Од найõ асьныс быдтасъяс том йõзлõн, кодъяс мырсисны паркын уджалан лун помасьõм бõрын, садитисны пуяс да кустъяс, вõчисны дзоридзьяслысь клумбаяс. И кымын морт õни аттьõалõ найõс, комынõд воясья комсомолецъясõс, кодъяс лõсьõдисны карын татшõм мича шойччан пельõс.

Аддзылисны тайõ кызъяссыс да топольяссыс и кызди том плõтникъяслõн кужысь киясыс кыпõдисны первой кинотеатр. Кывлисны мыла шыяс кинотеатрлõн фойеысь, кõни рытьяснас ворслис народной инструментъяслõн оркестр.

Уна-унатор йылысь вермас висътавны Сыктыв ю берегын нюждõчõм сад. Вõлины сы олõмын и нимкодъ, и шог, и пуысь скõрлунõн тырõм лунъяс. Кызд нõ мõд ногыс? Од сийõ бура гõгõрволис аллеясса скамьяяс вылын пукалысьяслысь мõвпъяссõ, кõсийõмтъяссõ. Позьõ õмõй вунõдны, кор колхозъяс котыртчан кадõ, карса уличаяс вылысь посныдик керкаяс сырмõдигтыр, кайисны Сыктыв вождõ первой тракторъяс — шуда выль олõмлõн первой чикышьяс.

Неуна сёрõнджык, кор мян чужан му вылõ зырõдис би да кõрт шерõн лолалысь вõрõг, паркбердса улича дорын сулалысь том кыздъяс да топольяс дорті зумыда восьлалисны том зонъяс да верстьõ мужичõйяс, весиг нывъяс. На пõвстын вõлины и найõ, кодъяс садитлисны да дõзьõритлисны тайõ садсõ, мичмõдисны сийõс.

Сьõлõм топалõмõн видзõдисны найõ пароход вывсьянь джуджыд кыр йылысь бõрлань котõртысь веж кудриа пуяс вылõ, мõвпалисны-гадайтисны, сюрлас оз нин коркõ ньõжийõник восьлавны сьлõн ыркыд аллеястї, пукалыштны скамьяяс вылын.

Но мед кõть кутшõм кымõра лунъяс эз вõвлы, ывла выв вõчис асьсыс удж, олõм мунис аслас законъяс серти. Любõй кадõ, вой кõть лун, тõв кõть ар, сацийсь век позис аддзывны õта-мõдсõ радейтысьяс.

сӱс. И пуяс век зильлісны саймовтны татшӱмъяссӱ
вӱйпысь синъясысь.

Талун кӱдзыд. Чизыр тӱв нӱбӱдӱ гылалӱм коръяс,
кодъяс, гораа шарӱдчиг, лӱбзьӱны кыр горув. Кор-
сюрӱ койыштлӱ чужӱмад посныдик кӱдзыд зӱр. Но
вермас ӱмӱй сӱйӱ кӱдзӱдны со эсӱйӱ ныла-зонмаыс-
лысь радейтӱчӱмсӱ?

Мед йирмӱг, мед кынмӱны вӱснъыдик капрон чул-
киа да носкиа кокъяс. Куткыртчӱм да ӱта-мӱд дорӱ
топӱдчӱм том йӱзлы шоньд. На весьтын абуӱсь скӱра
вензъысь пуяс, яра тӱвзъысь кымӱръяс. На весьтын
шондӱа июньскӱй енӱж, веж кудриа кыдзьяс да то-
польяс, син водзас уна рӱмӱн пӱртмасъысь клумбаяс.
Мый вӱчан? Татшӱм нин радейтӱчӱмыс. Со видзӱд,
кутшӱм виччысьмӱн чегӱ зонка косъмӱм иддза дзо-
ридз да мелӱа мыччӱ сӱйӱс мусаыслы. И нывка видз-
чысьмӱн жӱ босьтӱ сӱйӱс. А кыдзи нӱ? ӱд мусаыс
сылы сетӱс мичаысь-мича дзоридз — налӱн югыд ра-
дейтӱчӱмлысь пас.

И со бара ар. Шарӱдчӱны-гылалӱны коръяс. Му-
нан арся парктӱ и радлан, мый регыд пуксяс тӱв,
и сӱйӱ бара тырӱ танӱ шойчысьяслӱн да сылысь мич-
лунсӱ радейтысьяслӱн нимкодъ гӱлӱсъясӱн.

МЕ АЛИ МИТИПЕР

(Вина гаглӱн висътасъм)

Куысь петтӱдз скӱрми! Мый пиньтӱ жерӱӱдлан-
ныд? Лун шӱр лунӱ кӱ нимтасны «вина гагӱӱн», не-
бось, вомтӱ пельӱдзыд он паськӱд.

Збодера восьлала вӱлӱ магазинлань, а няйт гу-
ран дорын ворсысь зырымедь и шуӱ:

— Мӱдӱма пӱкмелитчыны...

Ок, кутшӱма пузис вирӱй! Но он ӱд кут сюра-
тошка мужик вензъыны челядькӱд. Тайӱ бипурӱӱ ка-
расин коялӱм кодъ жӱ. Со и лои йӱжгыльтчӱмӱн
уйкнитны татшӱм кальӱг вомаяс дортӱыс. Збыльысь
кӱ шуны, ӱртъяс, ме ӱмӱй вина гаг? Нырӱй абу лӱз
ни гӱрд, синмӱй абу жӱ сувтса ни няйт ва рӱма, киӱй
оз сырмы ни. **Кӱтъ ӱнӱ ва тыра стӱкан босьта.** И
уджӱӱз некодлы абу.

Дерт, удждон либӱ бокысь сюрӱм нажӱтка бӱрын,

кыдзи шуоны, «тыртчывлам». Пасйывлам и рөдвуж-
лысь, другъяслысь, төдсаяслысь чужан лунъяс. Но
өд тайо овло шоча. Вежоннас гоз-модысь. А мый
вочны шойччан луно? Киноо ни стадион выло оз ков
мунны: гортын телевизор. Сомын лунтырнад дөзман
жө дзоргыны сы выло. Со и лоо котөртлыны ловтө
шонтанторла. Либө муна чери кыйны. Кутшөм нө
юква курыдтортөг? Сэсся воас ар. Келалан вөрөд,
ваөд. Воан гортад, быть лоо мудзтө веськөдыштны.
А пывсян? Ачыс на пө шулома (дерт, ме ог төд стө-
часө код-а): лысьом небзьөдыштөм ради пө и улыс
гачтө абу грек вузавны...

Дерт, висьтала гусьон, мукөддырйиис юр вывти
лоло. А код-а таысь мыжаыс? Другъяс. Он көсйи, да
зептад кисьтөны. Он пө уважайт мянөс, вышитчан
пө. Жаль өд, лоо кузь туисад инавны. Пөльзуйтчөны
небыд оласногөн. Ме өд со нюдз бадь кодь: кодарө
синасны — сылань и кусыньтча.

Төрыт со бара пасйыштим удж бөрын... Ёртлөн
пөчыс кувсьылөма тайо луннас. Быть уважитны лоис:
быдтылөма да пестуйтлөма сийөс. А талун удж выв-
сянь лоис котөртлыны, ёрт жө ыстис. Но ме өд ас
кокөн ветли, эг грузовикөн либө тракторөн кыдзи му-
көдъяс. Лишнөй бензин ни маслө эг видз.

Ок, бокө тай шыбөлитис. Мый выло сувтли? Да,
төрыт даръясим, талун пасйысим. А войдөрлун... Се-
рамөй весиг петө. Удж бөрын ёрткөд, Митипер Про-
копьевичкөд, кежалим лавкаө. Но и пуксим нимко-
дьясьны тувсов вөр-ванас, неуна бокөджык йөзсьыс.
Эг и казялөй, кыдзи синмысь вылөджык тырим.

Но и сконъялис жө менө горш Митиперыд! Лоис
көшельөдны: тувсов му вылад куйлигөн вермас чоры-
да висьмыны. Кыска. Воськовта, а сийө, лешакыд,
кык шаг кыскө бөрө. Но, чайта, тадзтө сомын ылыст-
чан Митипер керкасьыд. Бергөдчи мышкөн Митипер
гортлань. Делөыс мөдис пузыны. Воськовта водзө, а
верзьөмөн пукалысь другөй кыскас менө гортланьыс
быдса кык либө куим воськов. Колөкө, эськө и ста-
выс бур лоис, да менам балябөжын синъясөй эз
вөвны. Веськавсьөма ва тыра няит бөрөздаө. Бур,
мый няитысла сэки эз позь төдны мянөс. А то коть
йөз син водзас эн петкөдчы. А гортын мый вөли?! Со
син улын пөнарыс — картофель ныран мутөйлөн
туйыс.

Гөгөрвоанныд, код-а вина гагйыс: ме али Митипер?

Онiсянь... шабаш. Шабаш другасьны сы коддьомъ-
яскод. Пöлинö, аски од субöта. Миянöс Певруг тьöt
корис керка вевтсö лöсьодыштны. А оз кö кöтöдышт
кытсюрö, асьныд гөгөрвоанныд, выль керка вевтыс
зэртö одвакö мөдас кутны...

РЕЦЕНЗЕНТ

Никофор Алексеевич Лапкинöс, кодi частö йöзöд-
ливлис том авторъяслөн висетьяс да очеркъяс йылысь
рецензияяс, корисны редактор кабинетö. Сийöс код-
сюрö, дерт, тöдисны. Торйөн нин гижны босьтчысьяс.
Налы мөдöдливлис та мында письмөяс: «Первой
стих тiян абу на туяна. Уна лыддысьöй. Велöдчöй
поэтической мастерствоö. Эн усьö сьölöмнад...» ли-
бö: «Техника боксянь тiян висьтныд слаб. Медым
лоны писательён, другö, колö ёна лыддысьны. Велöд-
чыны классикъяслысь. Ми надейтчам, мый тiянлысь,
онö кö усьöй сьölöмнаныд...»

«Да ме некор эг зильыв уськөдны сьölöмнас том
гижысьясöс»,— нимкодясис Лапкин. Редактор ордын
вöлины нин ставөн. Тыдалö, виччысисны главнöй ре-
цензентöс — Лапкинöс.

— Первой видлалам Александр Кызродевлысь
рассказ.— Редактор Иван Иванович Иванов видзöд-
лис автор вылö, кодi листалис журнал, быттö тайö
кывъясыс эз и инмыны сылы.

— Кодi кöсйö сёрнитны?

Ставлөн чужомъясыс вöлины зэв серьёзнöйöсь, сö-
мын öтнас Лапкин корсюрö слабиника нюмдывлис,
быттö извиняйтчис редактор водзын сысысь, мый
некод оз кöсйы шыасьны первой.

— Никифор Алексеевич, тэ медводз лыддин,—
шуис Иванов.— Висьтав.

Лапкинлөн чужомыс рудöдис, синъясыс кутисны
тэрыба-тэрыба лапъявны, вомыс калькалис быттö
пыж пыдöсö шыбитом черилөн.

Госсялём кынöмыс кутис тэрыба лыбавлыны, а мо-
рöсас мыйкö шутьлявны. «Первойөн сёрнитны?— вет-
лисны юрас тэрыб мөвпъяс.— Рискöваннö... Дерт эсь-
кö, Александр Михайлович Кызродев и авторитет...
Но мыйыс оз вермы лоны. Ме шуа тадз, а найö кö
этадз...»

— Ме лыдди... мем кажитчис...— Неуна мыкта-

ліг заводитіс Никифор Алексеевич да видзодліс редактор вылө, казяліс быттьö дөзмөм.

— А стөчджыка кө — эз кажитчы...

Лапкин казяліс, кызди чукуртчыліс Кызродевлөн чужөмыс, да зіліс мөдлаө бергөдны сёрнисө.

— Сійө, мый автор вывтi нин ёна төдчөдө производство... Ммм... **Мөдарө кө, ме ног, тайөторйыс** ас местаас. Шуам, шыбитан кө сійө рассказысь, то... Мм... рассказы лоө блед. Оз кут тыдавын геройяс-лөн озыр мирыс.

Мм... Э-э... артмө сідзи: өтар боксянь Александр Михайлович прав, мый подробнөя петкөдлө производство. Но мөд боксянь, дерт, тайө абу нин сэтшөм бур. Автор ылалөма производствоө.

— Никифор Алексеевич,— эз вермы терпитны редактор,— висьтав: туйө оз печатайтны рассказсө.

— А кызди нө, кызди нө,— паськыда нюмдіс Лапкин, кор казяліс редакторлысь неуна гажмыштөм чужөмсө,— **ме жө индылі, мый рассказ абу шыбитана**, весиг... Но... позьө и нөрөвитыштны... **Ме ногөн**, висьтала ог сөмын ассым мөвпөс...

— Сідзкө и менсьым?— ышловзис редактор, а пукалысьяс гажая нюммунісны.

— Дерт жө,— серөктіс, кинас вомсө тупкиг, Лапкин.— Висьтыс туяна, но...

Кыв корис Василий Иванович Оньков, ёсь кывъя морт:

— Александр Михайловичлөн висьтыс «бур»...

Лапкин кокниа ышловзис, шыбитчис креслөө да кунис синъяссө: «Оньков кө тадзи шуө, сідзкө лады. Правильной позиция вылын менам сулавсьөма...»

Тшапа видзөдліс Кызродев вылө, быттьө көсийс шуны:

«Аттьө висьтав, не кө ме, гашкө и рассказтө бракуйтисны».

... Шедевр,— водзө нуөдіс ёсь кывъя Оньков,— мөдар боксянь. Кызродевос ми төдам кызди бур гижысьөс. Сылысь өткымын произведение вуджөдөма весиг роч кыв вылө. Ме кө эськө вөлі тиян местаын, Александр Михайлович, эг вай татшөмтортө газетө.

Лапкин дор сувтысьяс эз сюрны. Медбөрын и авторыс сөгласитчис редколлегияса членъяскөд да босьтис висьтсө лөсьөдыштны.

А Лапкин пукаліс вөрзывтөг да, ботинки нырыс кындзи, немтор эз аддзы.

— Редакцияё воис и том автор Владимир Юркин-лөн первой произведение,— кыпöдчис местасьыс редактор.

Лапкинос быттьо резыштисны вежа ваон. Со мый отсалас сылы бөр кыптыны йоз син водзын. Корис кыв. Оні сылөн вомыс веськыда печласис, кывъясыс жуглисны-пасыйисны коньөр авторлысь первой гижöдсö.

— Композицияыс рыхлöй! Позьö шыбитны рассказьыс быдса кусökъяс. Таысь весиг произведениеыс лöб бурджык. Ме ог нин сёрнит кыв йылысь, код вылын колö уджавны вывти ёна.

Том автор, коді пукаліс тані жö, первойсö кельдöдіс, кутіс педзны места вылас, сэсся мыйлакö тешкодя нюммуніс. Но Лапкин тайöс эз казьяв.

— Тайö нинöм на,— главнöй рецензент мудера мигнатіс редакторлы,— мем кажитчö... Ммм... Мем кажитчö, мый та модаа рассказсö кыськö лыддьылі нин.

— Мый йылысь тэ сёрнитан, Никифор Алексеевич?— синсö сувтöдіс Иван Иванович,— Владимир Юркин гижис öти акта пьеса...

Лапкинлы кажитчис, мый редакциялөн стенъясыс киссисны тані пукалысьяслөн серамысь. Сöмын кильчö помас нин уси дум вылас, мый эз лыддьыв Юркинлысь некутшöм рассказ ни пьеса.

МЫЙ ГУДЙЫШТА, СІЙÖС И КОКЫШТА

Томдырся другъяс пиын вöвлі Тшапов Петя. Овыс ок кутшöма ладмыліс сылы! А мый и не тшапитны? Туша-рожанас, загреки, рöдителясыс абу кедзовтлöмаöсь, мывкыдсö йöзлысь эз жö удждывлы. Пасьтасьліс да кöмасьліс сямön, мода серти. Век кывліс сы дорысь дона духи да бур табак көр. Öти кывйön кö, аскöд тшötшьяяслы вежалантор.

Азыма видзöдісны Тшапов вылö нывъяс, том ичмоньяс, ань ним новлöдлысьясыд веськыда лемасисны сы дорö. Но мян друным бөрйысис вöv базар вылын чиган моз.

— Гötрасьны?— частö шульвліс сійö.— Водз на. Мем öд сöмын кызь кökъямыс. Онісянь ачымöс кöртавны нывбаба бöждорö, öткажитчыны вöляысь? Бур нöшта, тölка юра кö веськалас... А сюран кö кутшöмкö чижик коклябөр улö, пропадитан. Найö öд,

асьныд төданныд, кутшөмөсь тиян гөтыръясныд. Тайос ньоб, этайос козьнав, сийөтөрсө корсь. Рөскодыс куим пөвста. А өні ме, мый гудыйшта, кыз шуасны, сийос и кокышта. Некодлы некутшөм делө...

Но өтчюд другным прөступитчис. Вөлөмкө, корсьө сэтшөмөс, кодысь артмас көпейка видзны кужысь көзяйка.

Ми отсасим, кызди вермим. Лыддьөдліс посёлок пасьта став нывъяссө, том дөваяссө, но некод эз шогмы: найос Тшапов төдмалөма нин аслас бакенбардысь сияссө моз жө.

— Вот эськө аддзыны дзик төдмөс, бокусь воөмөс... Сэки гашкө и...— ышлолаліс Тшапов.

Ог төд, мыйөн помасис корсьысьөмныд, не кө татшөмтор. Өтчюд төвзя удж вылысь гортө. И друг пельөдз воисны кык шань ныв сёрниись кывъяс:

— ... Нель шайт! Позис өд ньобны донтөмджыкөс, он куж тэ экономитнытө...

Татшөм мортлысь, көть мед мый, колө вөлі төдмавны адрессө. И удайтчис вөчны тайос, көть эськө лоис пөртлыны выль Шерлок Холмсө. Висьтавны регыд, а делөыс, дерт, эз сэтшөм өдийө пусьы. Зато крепыда... Некумын лун мысти паныдасим Тшаповкөд. Эдва эз пөдты дона духиөн да чөскыд табакөн өвтысь морөс бердас. Муртса мездиси, юала:

— А гашкө, өшибитчин? Қадыс өд этша на визувтис...

— Мый тэ, другө. Прөвериті медся надёжнөй ногөн. Нуөді кафеө. Став донаторъяс тшөкта ваявны, а син пөлөн кыйкъяла сы вылө. И мый чайтан? Чужөмыс мөдіс көрласьны, быттьө шоматор вомас веськалі. Сэсса и шуө:

— Тэ нө сэтшөм озыр, Петя? Весь денгятө коялан.

Менсьым сьөлөмөс быттьө мөс вяя бордийөн мавтыштисны. Мукөдъяс сы местаын эз жалитлыны көшельөс, асьныс тшөктывлісны вайны меддонаторъяс, пуксьөдлісны пызан сайө төдсаяссө... Быттьө эг кыв сьөлөмшөрлысь кывъяссө да вылысь юалі. И кылі важ кодыс жө воча кыв. А сэсса босьтис сойбордийөд дай петкодис кафесыс, магазиньысь кө пө босьтам, донтөмджык сувтас. И нуөдіс гортас. Ме весиг чепөльтлі ачымөс, абу-ө тайө вөт.

Ми Петякөд чиктылім посни челядь моз, кодъяслы скуп тьоткаыс ньөбис пломбир либө вафли...

Другөс гөтралөм бөрын эг аддзысьлы ськөд матө во. И со төрыт, ас посёлоко воөмөн тшөтш, зураси, кьдзи ми заводитім ьдждөдлыны Тшаповөс көлысь бөрас, Петр Петровичкөд. Пөжалуй эг и төд сийөс, эз кө шыась. Джөмді шыльыдинө, муртса эг усь. Ме водзын сулаліс дзик мөд морт. Кытчө вошөма миян Петролөн статьис, мичлуныс, медбөрын тшаплуныс? Весиг чужөмыс ропмунөма. Эз кыв сысь ни дона духи, ни бур табак көр.

— Мый нө шензян,— нурбыльтыштіс сийө.— Тэ өд, другө, гөтралін... Вывтіджык төлкаөс аддзөмыд, Ветлігкостыд гарнитур лөсьөдім. Гараж места босьтім. Öні со машина ньөбны өчередьө гижсим...

МИЯН КАДСЯ РОМАН

Чужис сийө тадзи. Öльөксандра телеграфисткаалө связьлөн неьджьд отделениеын. Синмө шыбитчанаыс немтор абу. Талунся акселерат — морөссө да чушканзі кодь коссө зэвтөма моднөй куртка, кокъясас — джинсы, көмалөма кроссовка, оз нин төдчы кутшөм рөма, кьтсюрө кодкө йирыштөма.

Сөстөм чужөма, еджговруд юрсиа да синкыма, неьджьд лөзов синъяса. Öти кывйөн кө, ныв ныв и эм, кутшөмөс аддзылам быд воськолын.

Но Саня, кьдзи шуисны сийөс пөдругаясыс, эскис — ставыс на водзын: и аслас принц, и мусукасьөм, и шуда олөм-вылөм. Дерт, корсюрө овлыліс и сідз, мый чужөм вывтыс шочиника котөртльывліс кокни кымөр кодь вуджөр, но сийө регыд лэбзьывліс водзө. И бара ьпнитліс синъясас ичөтик асья кыа, кокниа ветліс лов.

И уджыс сьөлөм сертиыс. Мый йылысь сөмын эз юөртлыны карса олысьяс бокө веськалөм рөдвужлы, другъяслы, ёртъяслы, төдсаяслы: морт чужөм и кулөм, радейтөм и веськодьлун, төждлун и кодзыдлун йылысь. Верман өмөй лыддьөдлыны, кутшөм телеграммаяс ковмыліс сетны либө примитны Öльөксандралы!

Со и талун пукалө аппаратнөйын, праздникяс колисны, позьө личөдчыштлыны, видзөдны ьджьд өшиньө. И кьтчө сөмын тэрмасьөны йөзыс, оз пукавсьы налөн гортас... Öльөксандра эськө эз вошты

прөст кадсö на моз, а босьтис радейтана поэтлысь кывбур чукөр да пуксис небыд диван пельöсö, кытчöдз тьоткаыс, код ордын олö, эз кесйöд мыйкö вöчны. Сы дорын небось лишнöй часыд оз чöжсьы, абу мам борд улад. Муса сиктсьыс гортсаяссö дум вылас уськөдöм бöрын ныв чужöмти бара котöртис быттьö вуджөр. Но дыр жуглясьны Öльöксандра эз вермы: ныр улас водисны телеграмма бланокъяс. Долыда ыркмуни сьөлöмыс; сылөн тьозкалы — Öльöксанлы-бара вöли перевод. Көть и неуна, а сгöдитчас салдатлы. Век нин нимкодьтор. Ёна пö песöны салдатъястö, висьтавлис батыс. Дөрöмыд пö совсьыс потласьö... А мамыс ёна тöждысьö Санялөн тьозка вöсна: частö ыстö сьöмторсö. Век нин тырмас кино да мороженöй вылад, налөн öд нывъяс абуöсь-а. Со тай тані ветлöны шойччан лунъясад гарнизонса салдатъяс да некодлысь пöдруга он аддзыв. Сидзи и тьозкаыс сылөн, терпитны вермытöг виччысьö, көнкö, вöскресенньötö, медым вöльнöя лолыштны. Молодеч мамыс тьозкалөн. Телеграфён пöльзуйтчö, мед сьöмыс öдийджык воис. Нывлөн предокъясыс небось оз лышкыдасьны! Корöмөн корас да сöмын укөрба и сюрлö — тшыксян пö карад уна деньганад. Да, он небось лышкыдась, кроссовкаыс со регыд мöдас пирөг корны и.

Сэки вирдыштис мөвп — тайö переводыс, гашкö, медбөръя, регыд салдатъясöс лэдзасны гортас: тулыс. А тьозкаыс сылөн скужитö мөдöд во жö. Регыд нин аддзысясны, көть эськö Öльöксан дорö мамыс ветлис виль вося праздник дырйи на.

Кызди ныв тöдмасис тьозкаыскöд? Телеграммаяс жö отсалисны. Саняскöд орчча керкаса зон служитис Уралын жö. Тьозкаыслөн овыс суседыслөн кодь. Öльöксанён шуöны дай! Со и шыбитчис синмö. А эсся велалис, эз вермы веськодя видзöдны телеграммаяс вылö, найö кö дырджык эз вöвны, майшасис.

Да, туналöма лоис: немтор эз кут воны тьозка-салдатлы. И быттьö мыйкö орис Саня-Öльöксандраын, весиг шоча босьтлис радейтана кывбуръяс. Такöдис асьсö, мый тьозкаыслөн сьökыд служба помасис, шойччыштас мам борд улас да мöдас уджавны. Армияд служитигад ставыс вунис, вузад он пыр. Со тай Öльöксандра ачыс университетö эз веськав да лоис телеграфисткаö велöдчыны-а. А кутшöм окота вöли пырны экономической факультетö, бöрдмөн окота, но он тай небось кватит.

Татшөм мөвпъяссыыс Саня-Ольöksандра лигыш-мунлывліс, весиг удж вылас казялісны.

— Лыа мешөкөн дөжныштісны али мый? Гашкө, жөник корсьны? — зільліс төрмөшитны нылөс старшөй телеграфистка, но энөвтчис, кор казяліс, мый Саня весиг кивыль оз кер.

Кад да удж — медбур лекарство. Том кад босьтө ассьыс, сэки шогсьыны-гөрүйтны грек, кокъясыд он көсйы да йөктыштасны. Сэтчө жө заводитчис гождөм, Ольöksандра эз төдлы, кызди лэбовтіс сійө. Қазытланторйөн колис сөмын некымынысь кульсьылөм ичөтик кызкодь нырыс, код вылысь өні сьөкыд вөлі казьявны берин чутьяссө.

Августын бара торксис лөнь олөмыс, быттьө тыө бултыкнитісны-шыбитісны ыджыд из. Аппарат вайис Ленинградсянь Ольöksандра төдса адресө телеграмма. Тьөзкаыс юөртіс, мый сдایتөма физика да математика. Тайө висьталіс нывлы унатор: армия бөрын зон мунөма технической вузө. Сідзкө, абу полысь рөдысь дай веждөра. На классын вөвлі жө өти зонка, кодөс нимтылісны главнөй физикөн. Төлка да суюсь, ыджыд төвтөг юрсис оз вөрзьяы. Өні политехнической институтын. Саня эз падьяв, мый сылөн тьөзкаыс пырас жө институтас. Сідзи и лоис. Ленинградсянь юөртісны: «Экзаменьяс сдایتі, босьтісны технической кибернетика факультетө».

Ольöksандралөн весиг лолыс мытшасьліс, вот тайө да! Саня син водзө сувтіс сьөлөмнас, веждөрнас да көсйөмнас зонлөн лөсьөдөм образыс — тыр-бур, шань да авья. Гөгөрвоис, мый сьөлөмыс нөрпалө Ольöksан вөсна нимкодь висьөмөн... Эськө лэбыштлыны сутки, сөмын өти сутки кежлө, көть син пөвнас видзөдлыны тьөзка-принц вылас. И сэки жө повзьяліс: аддзөдчывнытө, дерт, позьө, но мый мөвпыштас сэки Ольöksан сы йылысь?

И медся донаыс — чужис надея, кодлы көсйыссис, но эз на лысьт эскынысө.

ЮРИНДАЛЫСЬ

«Кодлы война, а кодлы и...» *Повесть* . . . 3

Висьтъяс

Часі	110
Фото	112
Югьд мѡвпъяс	114
Вунѡдлытѡм вой	116
Эштѡдѡм удж	119
Сійѡс оз вунѡд Молдавия	123
Аттѡ тїанлы	126
Кѡть книга гиж	129
Салдатлѡн мам	135
Настя	138
Друглы письмѡ	145
Видза олан, Ягвыв!	149
Толя пожѡмъяс	151
Прокѡ шор	152
Лыадорса куръя	154
Ветлѡй видзѡдлѡй	156
Тѡвся мойд	158
Воис гождѡм	159
Медводдза сым	161
Гылалѡны коръяс	163
Ме али Митипер (<i>Вина гаглѡн висьтасьѡм</i>)	165
Рецензент	167
Мый гудйышта, сійѡс и кокышта	169
Миян кадся роман	171

Лыюров А. А.

Л 88 Аттьö тiянылы: Повесть, висътъяс — Сыктывкар:
Коми книжнöй издательство, 1991.— 176 л. б.

ISBN 5-7555-0326-5

А. Лыюровлөн (1923—1990) «Аттьö тiянылы» боръя книгаö пырисны повесть да висътъяс. Гижöдъясын сёрниыс мунö войнаса сьöкыд вояс да фронтвывса салдатскöй ёртасьöм йылысь.

Авторыс сiдзжö петкöдлö геройяслысь аслыспöлöс олан туй, сьöкылдунъяссö венöм да и куслытöм радейтчöм. Серам сорён гижö и миян олöмын тырмытöмторъяс йылысь.

Чайтам, мый тайö книгаыс воас сьöлöм вылö коми лыддысьысьлы.

84 Ко-4

Л 4803310100 — 019 23 — 91 м
М 128(03) — 91

Литературно-художественное издание

ДЛЯ ДЕТЕЙ СТАРШЕГО И СРЕДНЕГО
ШКОЛЬНОГО ВОЗРАСТА

Александр Алексеевич Льюров

СПАСИБО ВАМ

Повесть и рассказы
На коми языке

Редактор А. В. Тентюков
Художник О. П. Велегжанинов
Художественный редактор В. Б. Осипов
Технический редактор А. Н. Вишнева
Корректор М. М. Лужикова

ИБ № 1619

Сдано в набор 10.04.91. Подписано к печати 22.05.91.
Формат 84×108/32. Бумага № 2. Гарнитура «Литературная». Печать высокая. Усл. печ. л. 9,24. Усл. кр.-отт. 9,56. Уч.-изд. л. 9,44. Тираж 3000. Заказ № 4293. Цена 1 р. 40 коп. Коми книжное издательство, 167610, Сыктывкар, ул. Карла Маркса, 229.

Головное предприятие Коми республиканского полиграфического производственного объединения, 167610, Сыктывкар, ул. Первомайская, 70.

1 p. 40 k.